

中医古籍珍稀抄本精选

王乐亭指要

清·王乐亭 撰

陈守鹏 查 炜 点校

王大妹 审订

中医古籍珍稀抄本精选

主 审 段逸山 吉文辉

副主审 (按姓氏笔画为序)

王大妹 宋立人

张如青 陈 熠

审 订 李其忠 李 飞

吴九伟 招萼华

金芷君 潘朝曦

前 言

中医药抄本是中国传统文化中颇有价值的遗产，蕴含着历代医家诸多精辟的学术理论与丰富的临证经验，是中医药古籍整理研究的一个重要方面。尤其是其中的临床各科与医案部分，每每具有独到的理论启迪与临床见解，有助于拓展治疗的思路，丰富治疗的方法，具有深入整理研究的价值。

《中医图书联合目录》收录全国 113 个图书馆截至 1980 年底为止的馆藏中医药图书，其中中华人民共和国成立前出版的中文中医药图书，共计 12 124 种。内有中医药抄本 5 083 种。其中未刻抄本 3 924 种，已属孤本的有 3 623 部；清末前抄本 1 288 种，其中未刻抄本 923 种，已属孤本的有 818 部。内容涉及医经、医案、诊法、方药、综合与临床各科类。其中临证各科的抄本多达 2 118 种，其次为方书、医案类抄本。从馆藏抄本品种的数量来说，中国中医研究院图书馆与上海中医药大学图书馆收藏量最多，分别为 1 229 种与 1 045 种，合计为 2 274 种，占总量的 45%。

对抄本进行系统整理研究,是一项巨大的工程,摆在研究者面前的困难重重。具体表现为:目前没有一部书目能完整全面地反映现存抄本的情况;抄本数量庞大,分散各处,难于收集整理;从几千种抄本中进行筛选,既费时耗力,又须具有识别能力;抄本为手写体文字,字体多不规范,异体字、俗体字、讹误字甚多,再加抄写时日既久,字体有的磨灭,难以辨识,因而要求研究者不仅具有中医药等方面知识,还要善于辨识各种字体,并须依据上下文意与相关著作加以酌定;提要的一个重要内容是介绍作者,而很多作者因无传世著作,其生平难以了解,须借助相关工具书查寻。唯其如此,对于中医药抄本这一部分遗产,尤其是世上目前仅存一部的珍贵抄本,长期以来乏人问津,未见有人加以系统整理,因而至今仍是迷雾一团,不知底细。随着时间的迁移,因人为与自然的原因,中医药抄本损失惨重,从现存清末前未刻抄本的数量已远少于清末后未刻抄本的状况,便可见一斑。因此,对中医药抄本进行整理研究,不仅具有保存中医古籍精华、弘扬中医学学术、促进临床发展的作用,而且具有抢救祖国文化遗产的特殊意义。

据我们对抄本的初步研究,其内容体式大致可归纳为三类:第一类是类辑抄本,即按内容分类抄录前人的资料,如清代张璐《医通祖方》、朱时进《一见能

医》等即是。此类抄本虽然属于编辑性质,但其有两方面可取之处:一是将相关资料辑辑一处,给后人阅读使用提供了方便。二是所抄录的前代资料有的业已亡佚,凭此抄录而得以留传。第二类是评述抄本,即在抄录前人资料的基础上,加上个人的分析评述,如清代杨和《幼科折衷秘传真本》、方谟重订《薛氏济阴万金书》等即是。此类抄本汇集前代医家重要论述,间附作者的临证心得,分析评述往往一言中的,寓有真知灼见,有助于读者把握前代资料的精髓。第三类是心得抄本,即在医学理论上有着独到的见解,或在临证实践上有丰富的经验,如清代徐养恬《徐养恬方案》、江泽之《江泽之医案》等即是。此类抄本最具学术价值,是我们整理研究的主要对象,本套丛书所收录大多为此类抄本。

本套丛书共收录抄本五十余种,绝大多数为清代抄本,以临床各科类、医案类为主。入选的标准主要有三条:一是具有较高的学术价值与实用价值,在理论与实践上有独特的见解和经验;二是古代既无刻本,现代又无排印本、影印本;三是内容完整、版式清楚的善本。

上海中医药大学图书馆、南京中医药大学图书馆为本套丛书提供底本,谨致谢忱!上海科学技术出版社为传承发扬中国传统文化,编辑出版本套丛书,其眼力之非凡,气魄之恢弘,殊实令人感佩!

本套丛书的出版,旨在将沉埋多年的中医瑰宝呈现给广大读者,以引起人们对中医古籍抄本的重视,并开展更为深入的研究。本套丛书主要为中医药专业工作者、中医药院校学生、古代文献与传统文化工作者及其爱好者阅读研究,也可供各地图书馆与相关专业图书馆收藏。

段逸山

二〇〇三年六月

凡 例

一、字体。统一使用简化字,不出现繁体字与异体字。

二、提要。置于正文之前。介绍作者与全书内容,注重其在理论与临床上的特点。

三、正文。按内容分段,并加标点符号。为便于分辨,属于眉批、夹注以及药物剂量、炮制方法用小号字排印。

四、校注。置于同页下方,按照正文所加序号依次分行排列。凡内容重要,且校勘有据者,选择采用本校、他校、理校等校勘方法。注释对象有二:一是注音。凡冷僻的难读字,采用拼音加直音的方法注音。二是释义。凡疑难词句,加以注释。校语与释文力求科学规范,简明扼要。凡明显错字或重复的内容,一律直接予以改正或删除,不再出注。

五、目录。为读者检阅方便起见,抄本原有目录的照录,补上序号;原目录与正文不一致者,则依照正文改正;原无目录的,依据正文补上序号与目录。

六、案序。为醒目易检,凡医案类抄本,每一病证所录医案,均用阿拉伯数字编排序次。

七、禁用药物。抄本中有些药物现属国家禁止使用的动、植、矿物药材,为保持古籍抄本原貌,本书对此均不作删改,仅供参考。

【提要】

本书为黄乐亭临证病案，录于清光绪元年（公元1875年）春。黄氏生平已不可考，正史无传，地方志不载，疑为清代中后叶江苏苏南一带人氏。书中以病为纲，分为时邪、咳血、吐血、淋浊等53门，计录病案972则。每病下先列所治病案，其末大多附医论。内容以内科杂病为主，间有妇人科与外科治案。每案先列病情，后载方药。书中病案，颇多连续治疗，有利于读者领会病情及治疗的变迁。此外，本书还附薛应嵩“胎产保命方”、“警醒产后落胎打胎保命格言”及“忌补寒涩要略”。薛氏为清同治年间锡山（今属江苏无锡）人氏，具体生平亦不可考。

原书为抄本，线装四卷，现藏南京中医药大学，他处未见，解放后未见排印。此次校点出版，对该书进行了全面整理，在文字上进行了仔细校核，增加新式标点；对部分内容进行了调整，删去重复及无关内容。使本书具有了较大的实用价值和文献价值，是临床医生不可多得的重要参考书。原书处方中有些常用药，如姜、大枣等，多处省却剂量或计量单位，为保持原貌，未作揣测和增补，留与读者体会。

目 录

卷一	1
时邪	1
咳血	56
吐血	75
淋浊	87
卷二	96
非风	96
肝风	98
虚证	107
怔忡	131
癫狂	133
痉厥	139
咳嗽	142
上下血	162

遗精	169
大疰	174
便血	181
癃闭	189
二便	194
卷三	196
疝	196
湿	201
脚气	204
痹	205
泄泻	214
肿胀	217
衄血	255
失音	257
肺痿	265
哮喘	269
气	273
脾胃	277
卷四	285
呕吐	285

霍乱·····	291
作酸·····	293
暖气·····	294
木乘土·····	295
噎膈·····	299
痢疾·····	306
腕痛·····	320
癖块·····	330
痿症·····	340
痰饮 ^① ·····	345
头痛·····	347
腹痛·····	348
胁痛·····	350
喉症·····	351
妇人科·····	352
八脉·····	363
内外兼症·····	365
瘰疬·····	367
疔·····	368
骨疽·····	368

① 痰饮：原本缺，据正文补。

附 薛应嵩医论 ^①	370
胎产保命方	370
警醒产后落胎打胎保命格言	371
忌补寒涩要略	372

^① 原本无,据正文补。

卷一^①

王
乐
亭
指
要

时 邪

蒋左 初愈之体，气血未充，冲风践寒，焉得不乘虚而入？近见夜间发热，得汗则减，而太阳连颊作痛。纯是客邪见症，且先略为疏解。

玉竹炒，三钱 前胡八分 川贝一钱 北参三钱
荆芥六分 川芎五分 防风五分 丹皮八分
山药四钱 生熟谷芽四钱 连须葱头一枚

苏右 风温上受于少阳阳明，口内牙龈碎烂，连及左畔咽喉，外而头面胸膈浮肿色红。此乃大头瘟之属，为症不轻，且清少阳阳明之邪。

① 原本卷首有“霍乱……”诸文字，与卷四正文重复，删之。

柴胡五分 葛根一钱 川连四分 黑栀一钱
薄荷二钱 元参三钱 鲜石斛三钱 甘草一钱 射
干一钱 银花八分 牛蒡一钱 马勃五分 荆芥二
钱 防风一钱 竹叶二十片 灯心五寸 芦根八钱

杨左 无汗而见寒热，面赤咽红喉痛，脉至浮数而尺无力，症属虚体挟邪。至于遍体痰疔，此系旧恙。兹且缓图，先为清理客邪。

柴胡四分 黑栀一钱五分 薄荷一钱 牛蒡三钱
泽泻一钱 归身三钱 元参三钱 连翘二钱
甘草一钱 黄芩一钱 赤芍一钱 大贝三钱 生地五钱
石决六钱 防风一钱 夏枯草一钱 竹叶二十
十 灯心五寸

吴左 邪陷心营，神昏似睡，六脉细微欲绝。已现脱象，势在朝不保暮，不忍坐视。勉商竹叶黄芪汤加减，取其托透兼施，尽人事以待天。

黄芪一两 洋参一两 熟地二两 怀药三两
大豆卷三钱 车前子四钱 远志炒，一钱 虎珀一钱
生地一两

另，用鹤珠五分，犀黄一分，研细末冲服。

枣仁一两 茯神三钱 川芎八分 神曲炒，一钱
甘草五分 犀尖冲，一钱 菖蒲五分 竹心一钱

又诊 原方，加白芍六钱，五味一钱，芡实一两，钩钩一两，石决一两，龙齿煨，五钱，两头尖二钱，金箔五张，肉桂三分，羚羊一钱，去川芎、甘草、虎珀、犀角、竹心。

又诊 神识有时模糊，有时清楚，大便亦减，苔带黑色，六脉渐起，生机已转。

黄芪一两 党参一两 生熟地各二两 怀药三
两 大豆卷三钱 车前子炒，三钱 远志七分 枣
仁一两 茯神二钱 白芍炒，四钱 五味子五分
芡实一两 大麦冬三钱 黑栀一钱 川连五分 洋
参一两 牡蛎五钱 北沙参三钱 生熟草一钱 陈
皮二钱 元参一钱 丹皮一钱五分 灯心五寸 竹
心一钱

凡疟非必尽属少阳，十二经俱能令人疟。今寒从足起，脉见细数，舌尖弥红，苔色带黄。此肝肾之阴素亏，伏邪乘虚内恋，法当育阴透解。

生地五钱 丹皮一钱五分 泽泻一钱五分 怀
药四钱 茯苓二钱 柴胡三分 当归三钱 陈皮一
钱五分 怀膝二钱 洋参一钱五分 生鳖甲三钱

赤首乌四钱 生熟谷芽六钱

形寒饮冷则伤肺，寒能涩血，邪闭皮毛，肺居上脘，为此胸膈作痛，气急无汗。舌色边紫，苔白，脉见浮弦而紧。理当温散，得汗便有转机，否则难治。

麻黄七分 官桂八分 当归三钱 白芥子炒，一钱五分 莱菔子炒，一钱五分 苏子炒，一钱 荆芥炒，一钱五分 茅术炒，一钱 通草五分 葱头二 姜三

寒束于表，为发热头疼，骨节烦疼无汗，而时见怯寒，热伏于里，为舌燥干而舌心欲黑，神情似醉，热邪不得外达，有内陷之象，须防昏厥痉变。且商凉透一法，以冀邪从外达，方有转机。

薄荷一钱五分 黑栀一钱 川连三分 黄芩一钱 丹皮一钱五分 麦冬二钱 知母一钱 犀角一钱 灯心一尺 竹叶一钱 姜皮六分

钱左 脉至右寸关浮滑而大，此为痰火蒙闭清窍，神识模糊，言语不清，痰壅络脉，仰卧如尸，不能转侧，左脉见数。症属温邪内恋，以正气不足，无力散邪外达，留于中焦，势成棘手。

勉商凉透解托之法，以冀百一。

竹心一钱 茅根六钱 芦根一两 鲜菊叶三钱
 银花三钱 花粉一钱 黄芩一钱 犀角冲，一钱
 洋参四钱 六一散三钱 生熟谷芽二钱 北沙参
 六钱 加珠子一钱 犀黄一分

上药研末，和竹油半杯，冲于药内。另，将紫雪一钱，用竹心、灯心、菖蒲泡汤，于未服之前缓缓与服。

又诊 投凉透解托，转则自如，知饥进谷，津津有汗，遍体俱到，邪能外达，此生机也。但虚人善变，调理不可不慎。

原方，加朱砂拌茯神一钱五分。

钱左 咳吐红痰，左肋下痛不可忍，气急不能下卧，脉数甚于左寸关，舌红苔黄，昼夜不宁，反周日矣。此系暑风感于厥阴少阴，重险症也。

川连六分 羚羊一钱 连翘壳三钱 石决六钱
 荆芥一钱 前胡一钱 洋参二钱 防风一钱 苏子
 一钱五分 六一散三钱 夏枯草二钱 竹叶一钱
 灯心五十

此方，一剂热退，脉平纳谷，红痰亦可不吐。

钱右 舌黄，微寒壮热，右三部脉至无力而细，左三部略大于右，按之亦空。此体虚气不足，更受暑邪，气愈伤矣。急急固症清暑，勿施破散。

洋参五钱 大冬二钱 青蒿梗一钱 川贝二钱
六一散三钱 扁豆三钱 通草五分 竹心五分 灯
心五寸 芦根五钱 荷梗一尺

又诊 脉来两手较昨略为有神，病势大减。
原方，加洋参三钱，生熟谷芽四钱。

某 素有目疾，肝阳独炽，犯胃则常常呕吐酸苦。今又寒热，更挟暑风湿热。拟与小柴胡、吴萸汤、四苓散三合，宗古法。

柴胡四分 黄芩一钱 洋参三钱 猪苓一钱
泽泻一钱 吴萸三分 赤苓三钱 车前二钱 通草
一钱 陈皮一钱 砂仁八分 六一散三钱 川连二
分 生姜一

王 脉至右大于左，骨节时时疼痛，舌红起点。此暑风挟湿，湿郁化火之象，祛风清热分泄。

香薷一钱 防风一钱 秦艽二钱 木瓜一钱

赤苓三钱 六一散三钱 黄芩一钱 苡米四钱 桑
枝叶

陈 脉至左关独弦，胸胁痛，寒热咳嗽。表
有风寒，里有木郁。

柴胡四分 陈皮一钱 青蒿一钱 半夏一钱
茅术炒，一钱 杏仁一钱五分 防风一钱 当归三钱
炙草四分 白芍炒，一钱 降香五分

许左 久咳形瘦之躯，脾肺两经已伤，再行
劳倦，时令之邪乘虚袭入，发热不已，脉至浮数
而甚左寸，厥厥动摇，舌苔隐隐黑色。有走心胞
之势，须防化燥神昏之剧，险甚险甚。拟与凉透
泄势法，留候明眼定裁。

豆卷三钱 连翘一钱 山栀一钱 元参四钱
丹皮一钱五分 川贝一钱五分 玉竹五钱 竹叶一钱
灯心五寸 茅根去心三钱

钱左 冬温犯于肺胃，气急咳嗽，舌黄满布
而带干苦，口渴喜饮，胸膈不宽，须防加重化燥。

荆芥一钱 当归三钱 葛根一钱 贝母三钱
玉竹六钱 白薇一钱 香附五分 竹叶二十片

又诊 据述病势昨减轻,然有汗而脉数不退,门齿干燥,舌尖红起刺,指掌手腕厥冷。此系邪陷营阴,热弥厥亦弥,惟恐正不敌邪,至有痉厥之变。扶正凉透,急急进之,三日内齿润津回,脉数能减,还可有望,加重则危。

玉竹八钱 白薇一钱 川贝二钱 洋参五钱
 麦冬二钱 丹皮一钱五分 连翘一钱 黑栀一钱
 生地一两 谷芽二钱 竹叶一钱 灯心五寸 姜皮
 八分 葱一

又 温邪内陷,劫液伤阴,齿燥唇干,舌焦起刺,脉至左关尺弦细而数,右寸关浮大,按之无力。此所谓少阴不足,阳明有余也。论脉症玉女煎似属相宜,但渴不引饮,而脉不实,未敢擅投。勉商扶正育阴之中,兼凉透甘寒一法,希图津回液转。

原方,加甘草四分,元参三钱,知母二钱,豆卷三钱,犀角一钱,花粉一钱,扁豆二钱,芦根一两,茅根八钱,菖蒲四分,去玉竹、白薇、姜皮、葱。

又 汗虽未遍,热势减去五六,脉数略为有神,声音不扬,气弱也,大便溏泄。然一虚至此,而不肯服药者,有何可恃乎?

洋参一两 生地一两五钱 怀药八钱 陈皮二

钱 扁豆六钱 生熟草六分 车前子二钱 白芍炒,三钱 黑梔五分 元参二钱 麦冬二钱 生熟砂仁六分 生熟谷芽三钱 竹心一钱 灯心五寸

又 热势稍退,脉数略为平和,然左三部微细欲无,尺脉更甚,肝肾之阴大亏,水不上承,所以舌干而津难回也。未可恃以无恐,方仍扶正育阴凉透之法。得托邪外达,可望转机。如羈于内,变症不测。

生地一两六钱 洋参一两二钱 生怀药一两 扁豆六钱 麦冬一钱五分 丹皮一钱五分 甘草四分 豆卷四钱 谷芽三钱 北沙参三钱 白芍二钱 车前二钱 陈皮二钱 桔梗四分 元参三钱 神曲炒,四钱 菖蒲三分 灯心五寸 竹心一钱 建莲去心,五粒

又诊 津回液转,热势未能全退,脉还未能和平,仍要极其小心。倘人事稍有失宜,极易生变,不可不慎,方不外前法。

前方,加泽泻一钱,前胡一钱,蝉衣四分。

又 祖二十四味流气饮方法。

洋参一两五钱 生地一两八钱 麦冬一钱 丹皮炒,五分 甘草四分 扁豆一两二钱 元参一钱五分 怀药一两八钱 车前一钱五分 北参四钱 白

芍炒,二钱五分 桔梗五分 陈皮二钱 神曲炒,一钱
 萸肉炒,一钱五分 泽泻一钱 茯苓一钱 枣仁炒,二
 钱 地骨皮一钱 浮小麦二钱 建莲炒,三钱 生
 熟谷芽六钱 桑叶二 灯心五十

上方二十余剂而减轻分两,又服二十余剂而痊。

林左 风温挟湿,漫布三焦,上为耳聋,中为呕恶,下为溏泄,脉至模糊,须防化燥神昏之变。

制半夏一钱 茅术根四钱 陈皮一钱五分 赤
 苓三钱 薄荷一钱五分 滑石三钱 砂仁八分 竹
 茹一钱 泽泻一钱

胡左 大疟已久,近日似有减轻之意,忽然初一日寒热加重,隐隐透痧未能周遍,六昼夜来热还不止,气逆喘嗽,便溏不止,胸膈痞闷。显系肺胃风温之邪不清,所嫌脉数大而无伦,舌尖之上现出红如指一点,此邪欲走入心胞之势,倘若化燥昏迷,为害即难言者。刻下偏寒偏热,偏补偏温,均非所宜,且以透泄内蕴之邪一法。

竹叶一钱 梔子一钱 翘心一钱 丹皮一钱

车前子一钱五分 麦冬一钱 北沙参三钱 桔梗八分 芦根五钱 灯心五寸 甘草三分

又 昨投透泄内蕴之邪一法，今早舌尖之红色退淡，而右脉数大之形略减，清晨便溏一次，似乎稍有应效。舌根苔黄垢腻，门齿干燥。胃家湿浊未清，肝肾之阴受灼，恐其液涸，仍宗前法再投。

原方，加通草三分，赤苓二钱，西湖柳二钱，晚间加南沙参五钱。

又 热势已退七八，脉数减去五六。但虚人善变，寒暖饮食，不可不小心。

南北沙参一两 麦冬一钱 丹皮一钱 栀子一钱 甘草三分 谷芽一钱 车前二钱 桔梗五分 赤苓二钱 通草三分 扁豆一钱五分 芦根六钱 竹叶十片 灯心五寸 西湖柳二钱

许右 暑伤气分，神情倦怠，邪走心包，昏迷似睡，脉至左寸独大，其余少力少神，起病即见目盲者，肝肾之阴伤也。今按脐震动如梭，龙相之火不能潜藏，窟宅飞越乎上，恐有厥脱之虞，势在危险，无从下手。然坐视不救，亦非仁者之心。勉商壮水育阴，以制肝肾之虚阳妄动，

轻灵护托,以泄心胞之暑邪蒙闭。倘得神情清爽,乃是转机。

甘菊二钱 钩钩八钱 石决一两 生地一两
白芍一钱 黑栀一钱 洋参五钱 枣仁五钱 川贝
二钱 茯神三钱 远志七分 麦冬二钱 羚羊一钱
薄荷梗一尺 朱砂一分 犀尖一分

研细末,用竹油十匙,前药冲服。

苏左 病起寒热,由来月余,近日但热不寒,舌底红而苔黄,口渴喜饮而不多,胸膈拒按,小溲短数,大便经旬不解,邪从少阳已入阳明之经,渐次感及于脐,恐有化燥神昏之变。然其病已久,实属阴虚,今当清透。

葛根一钱五分 黄芩一钱 黑栀一钱 知母二钱
陈皮一钱五分 花粉一钱五分 瓜蒌仁二钱
川贝一两 洋参二钱 芦根一两 竹茹一钱 灯心
五寸 竹心一钱

惠右 有汗而热不退,邪不在表,大便溏泄,头目不清,中脘不适。温邪弥漫三焦,走入心胞,须防神昏发厥之剧。

洋参二钱 元参三钱 甘菊一钱 山栀一钱

黄芩一钱 甘草三分 芦根八钱 灯心五寸 竹心一钱

戈左 舌尖微红，白苔满布，口渴不喜饮冷，小溲短而热，此系风温挟湿弥漫三焦。可虑者，有汗而热不解，脉来洪大搏指，病势方张，非但不能退，还恐增重。拟用分清，稍佐凉透一法。

通草一钱 滑石三钱 赤苓二钱 陈皮一钱
猪苓一钱 泽泻一钱 连翘一钱 薄荷一钱 黄芩一钱五分 青蒿梗一钱 茅根六钱 竹心

又 昨晚渴而饮多，今脉象虽不歇止，而右三部仍还数大，舌苔垢腻不化，渐见微黄，小溲略长而赤。弥漫之湿热，仍然急切不退，渐渐蒸及阳明之经，惟恐变端峰起。拟竹叶石膏汤合四苓加减，一以清脾胃之热邪，一以祛蒙闭之湿浊。

黄芩一钱五分 连翘三钱 滑石三钱 通草一钱 泽泻一钱 枳实四分 薄荷一钱 竹叶一钱 麦冬一钱五分 洋参三钱 石膏四钱 陈皮二钱 半夏一钱 赤苓三钱 生熟砂仁八分 竹茹八分 灯心五寸 姜渣四分 香粳米一撮

王

乐

亭

指

要

又 昨午战汗后,神情稍清,渴亦略减,但舌苔腻仍然,脉至右关数大如前,邪恋于中,未能尽彻,难保不有更变,未可恃以无虞,恐湿浊如此弥漫,非四苓不可,右寸关洪大有力,且面油渴饮,非肺胃蕴热而何? 竹叶石膏亦在所必用。

前方,加辰砂、六一散三钱,车前子一钱五分,去滑石。

王右 温邪内闭,症见痞满燥实,势在不得不下,但勉下之后,热势虽然稍解,未能尽退,而脉还见数,舌仍干黑,邪犹不清,难恃无虞,况在高年,此时只有扶正育阴,甘寒除热一法,倘得身热渐退,舌润津回,乃是转机。如热日增,舌加短缩,便难挽矣。

洋参六钱 麦冬三钱 元参二钱 连翘一钱
山栀一钱 豆卷三钱 车前子二钱 生地一两五钱
丹皮一钱五分 川郁金一钱五分 银花三钱 玫瑰
三朵 青梅一个 粳米一撮 竹心一钱 灯心五十
竹油十匕 甘蔗汁半杯

徐左 两尺脉日加数大,舌上白苔忽有忽

无，渐见干苦之象，小水频数而少，昨日三次大解，粪坚水多，至于气血之亏，不言可知。惟恐闭因于火，泄因于势。

洋参五钱 生地一两 丹皮一钱 茯苓二钱
 秫米三钱 银花三钱 菊花根须四钱 车前根须
 二钱 篇蓄草二钱 竹茹六分 香粳米一撮

又 原方加麦冬二钱，扁豆五钱，怀药三钱。

陈左 中宫痞满拒按，由贪凉寒积交阻，上下之气不能通调，为此头痛有汗而热不除，足膝畏冷而麻木。无非清气不升，浊气不降。中焦得通，则上下自和矣。

槟榔一钱五分 草果煨，八分 陈皮一钱 小
 朴八分 通草一钱 半夏一钱五分 枳壳炒，一钱
 蔓荆子二钱 赤苓三钱 木香三分 姜一

何左 热重寒轻，往来如疟，半月未已。今诊脉左浮洪豁大，右略略稍减，头重欲眩，口渴引饮，由乎暑风挟湿。然暑必伤气，议清热分，消之中必佐扶正。

甘菊 青蒿 连翘 洋参 麦冬 赤苓
 川贝 钩钩 首乌 甘草 桑叶 荷叶 谷芽

又病经半月有余，疏解清泄之品，所服亦不少矣。今仍头痛而眩，脉至浮洪豁大，唇齿干，口渴引饮。经曰：下虚者必上实。一切见症，虽因暑风不清，已萌气弱阴亏之象。清泄和解之中，必兼扶正育阴。

麦冬三钱 丹皮一钱五分 花粉一钱五分 川贝一钱 葛根一钱 知母一钱 甘草三分 薄荷一钱 青蒿一钱五分 洋参四钱 生地六钱 薏仁二粒 赤苓二钱 天麻一钱 谷芽二钱 芦根一两 竹叶十 姜皮八分

又大势已退，饮食寒暖，还当格外小心。前方，加鲜荷叶一钱，去葛根、花粉。

吴童 风火上炽，先从太阳脑后肿，邪火逼血妄行孔窍，继及肺肾，气逆咳嗽，两眼胞浮肿如桃，此即大头温症。本应砭血，俾邪毒有路而出，免不肯从，亦不勉强。脉至洪弦博数，已属重险，更兼气喘，又为危险。俟能过无变，方可无虞。

桑皮二钱 地骨二钱 甘菊四钱 黄芩二钱 黑栀一钱五分 荆芥一钱 北沙参六钱 花粉二钱 连翘二钱 桔梗八分 甘草一钱 马勃一钱 银花

五钱 元参二钱 竹心一钱 顺治钱三文

又 大势已退，惟右寸关仍见弦滑而大，余邪未尽也。

某左 六脉数疾，无论目赤唇焦，神昏谵语。邪已内陷心胞，肝风掀动，手痉而搐，乃热弥厥症，属百分凶险。

犀角一钱五分 羚羊一钱五分 丹皮三钱 鲜地五钱 知母一钱 钩钩一两 石决明一两 胆星一钱 麦冬三钱 沙参八分 黑栀一钱 川贝三钱 豆卷三钱 川黄连一钱 车前二钱 菖蒲四分 茅根五钱 竹心一钱 灯心一钱 芦根一两

另用犀黄一分，朱砂一钱，金箔三张，研细冲服。

胡左 六脉数大，甚于左寸关，热来口渴喜饮，热甚自觉模糊，且舌色无苔而红，小溲短少。此夏秋伏暑切发，渐犯营分，阴气恐伤。理当扶正护阴，兼以凉透泄热。

洋参二钱 甘菊二钱 甘草三分 川贝二钱 花粉一钱 山栀一钱 竹心一钱 灯心五寸 麦冬二钱 茯神一钱五分 丹皮一钱 青蒿一钱 知母

一钱 连翘一钱

王右 暑伤气分，汗多而身热不退，几及两旬。今舌色赤而唇红，六脉数大，邪渐干及营分，失托正虚者，每多变局。商静以制动，甘寒除热一法。

南北沙参各五钱 麦冬二钱 元参三钱 银花二钱 生地八钱 川金七分 桑叶二张 竹茹一钱 绿豆一两 芦根八钱

又 视物不明，神识模糊，六脉滑数，耳聋无闻。肝肾之阴大伤，邪得干及心胞，势在危险，理当扶正育阴，兼以泄热清解。

洋参三钱 麦冬三钱 生地一两五钱 丹皮二钱 淡芩一钱 知母二钱 石膏三钱 茶菊二钱 川连四分 羚羊一钱五分 菖蒲一分 西瓜翠五钱

王左 夏暑秋风感而成热症，因多劳虑，以致屡经反复，两日来寒热未已。今脉至左三部微弱如丝，经曰微弱为血枯，大便所以艰涩。右三部虚软纳少而不知饥，正胃气俱衰。凭脉论症，宜急急扶正养营，兼以脾胃为化生之本，不可不理。

人参一钱 生赤首乌四钱 当归一钱五分 陈皮一钱 麦冬一钱 姜二片 枣二 生熟谷芽二钱

目赤颧红，舌无苔而中心起刺，神昏似睡，言语不清，脉至数而右大于左。邪由表而入营，犯及肝络，内风动而手搐，渐入心营，将有内闭外脱之剧。势属危险，用拟导赤散合泻心法。

犀角一钱 羚羊一钱 钩钩八钱 麦冬二钱 橘红一钱五分 芦根一两 豆卷三钱 大生地一两 鲜地一两 洋参四钱 丹皮二钱 薄荷二钱 知母二钱 茯苓三钱 竹心一钱 灯心五寸

吴 六旬以外，风温挟暑，舌卷短，壮热神昏，脉来浮大而数，宜从凉透。

葛根三钱 丹皮二钱 淡芩二钱 薄荷二钱 知母一钱五分 麦冬三钱 元参三钱 六一散三钱 连翘一钱五分 川贝三钱 茅根一两 芦根一两 灯心五寸

此方一日两剂，汗解身凉。

徐左 温邪内陷，神识昏迷，脉来左软弱而右空大，筋惕肉瞤，齿燥舌干。议与竹叶黄芪汤加减，体虚邪实，疏托兼行。今人挽不肯用古贤

一成法。

洋参六钱 大生地一两 丹皮三钱 绵芪八钱
 麦冬三钱 犀角一钱 石膏五钱 陈皮二钱 钩钩
 五钱 车前二钱 木香五分 川连三分 生姜五分
 芦根五钱 竹心一钱 姜皮一钱 菖蒲五分

此方出入加减,二十余剂得生。

王右 得病五日,诊脉无力而无汗,神情昏昏,面油舌黄。正虚邪实,不托无以挽回。

洋参一两五钱 生地三两 麦冬辰砂拌,三钱
 柴胡六分 薄荷二钱 葛根二钱 丹皮二钱 犀角
 一钱 知母三钱 甘草五分 陈皮二钱 川贝二钱
 竹心一钱 芦根一两 茅根一两 姜皮八分

上方五六剂,得汗而解,兼饮西瓜汁一日二三次而愈。

吴左 新婚之后,房帙过度,暑风乘虚而入,为寒热不已,已五日矣。今下泄无度,而舌黑干短起刺,脉至厥厥动摇,右尺更甚,左三部数而无力,真阴告竭,水不上承,且吸吸短气,乃元海无根,虚阳无制,恐有离脱之变。正虚如此,邪势炽胀,确有方法,鞭长不及,不忍坐视。

勉商生脉六味加减，壮水制阳，扶正透托^①，冀幸于万一。

又泄不止，舌干短，阴竭矣。阳无附，脉虚数，按无根，邪内陷，难外达，势危险。挽莫及，欲不怨，尽吾力，勉拟方待天相。

北沙参三钱 元参四钱 丹皮二钱 生地三两
 洋参一两 青蒿一钱 豆卷三钱 大麦冬辰砂拌，三钱
 翘心一钱 车前二钱 川连二分 犀角一钱
 扁豆五钱 怀药生，五钱 竹心一钱 竹茹八分
 灯心五寸 蜜梅二 莲子六分 芦根六钱

又虽未有应效，喜其不至加重，今当药病相持之际，病胜药则变生顷刻，药胜病或有转机。

原方，加生甘草五分，陈皮二钱，生熟谷芽三钱。此方服三剂。

又燥虽未润，而舌底红色渐退，脉至左三部稍和，右三部仍然滑数。阳明之热邪未解，上焦津液未回，仍以育阴疏托。

北参八钱 元参三钱 洋参一两五钱 生熟地各一两 扁豆一两五钱 豆卷三钱 陈皮一钱五分

① 扶正透托：原本作“附正透托”，据文意改。

葛根一钱 丹皮二钱 钩钩六钱 生熟芽一两 车前三钱 竹心一钱 灯心五寸 芦根一两 蜜梅梅怀药一两五钱 砂仁五分

又 原方,加泽泻一钱五分,白芍一钱五分,芡实五钱,山梔五分,去钩钩、葛根。此方服三剂。

又 舌尖犹红黑色渐退,脉虽数而根脚渐固,微咳嗽。盖因邪从表入,仍由表而出也。

扁豆一两五钱 丹皮一钱 豆卷三钱 南沙参三钱 元参一钱 怀药二两五钱 泽泻一钱五分 洋参一两五钱 陈皮一钱五分 砂仁八分 青蒿一钱五分 车前子三钱 玉竹五钱 神曲一钱 生熟地各一两五钱 生熟甘草六分 芡实五钱 白芍二钱 生熟芽一两 竹心五分 灯心五尺

此方,服二剂。

又 脉虽有根而未和,舌苔转白微有黑色,大便时患见溏泄,培加固气分之品。

制洋参一两五钱 怀药一两 生地炙一两五钱 豆卷三钱 扁豆一两五钱 熟地炙一两五钱 绵芪六钱 生熟草六分 党参六钱 枣仁三钱 苏子一钱 荷蒂五个 车前炒,三钱 陈皮一钱五分 神曲一钱五分 青蒿梗一钱五分 生熟谷芽一两 姜一枣二

又 诸恙减轻,渐入佳境,前方减轻分两,再服三十余剂而痊。

顾左 伏暑瘧症,愈而反复,初非余治,延及两旬。招诊,目睡露精,口闭不合,舌黑耳聋,唇焦齿衄,筋惕肉瞤,腹如仰瓦,大小便遗,俱不自主,神识昏迷,呼不能答应,脉至无力而数,甚于左关,着指即空。此大虚极凶之恙,邪已陷入心胞,气血两亏,不能鼓邪出表,势有脱绝之虞,药非寻常可挽,入手工夫,还宜循序渐进,拟方备候^①明眼定裁。

洋参三钱 丹皮炒,一钱 淡芩一钱 粉葛一钱
建曲二钱 车前子炒,一钱 砂仁六分 生草四分
青蒿一钱 翘心一钱五分 滑石二钱 灯心五寸
竹心五分

又 顷投药后,热不减,泄不止。泄多则阴愈伤,正气亦从而益损矣。今晚加重洋参一剂。

神曲炒,二钱 车前炒,二钱 砂仁生六分 生草五分
洋参六钱 丹皮一钱 怀药五钱 扁豆五钱
白芍一钱五分 生熟谷芽二钱

① 原书字迹不清,无法辨认,据文义改。

又 清早诊脉,热势稍减,泄仍不止,托药还宜加重。

洋参六钱 神曲炒,二钱 葛根一钱 车前子一钱 淡芩一钱 丹皮一钱 滑石二钱 甘草四分 扁豆五钱 砂仁五分 怀药五钱 竹叶五分 灯心五寸 赤芍一钱 生熟谷芽四钱

又 前方不敢用生地者,为其便泄,恐有积滞,故先调理脾胃,病势看来未能遽退,清疏分泄之中,已为扶正,不可不兼育阴。

前方加生地一两,大冬一钱五分,泽泻一钱,陈皮一钱五分,茯神二钱,青蒿一钱,茅根四钱,芦根八钱,姜皮三分,去砂仁、赤芍。

又 病不退,正日虚,惟有加重扶正育阴以御邪。

洋参一两五钱 生地一两五钱 丹皮二钱 怀药八钱 麦冬三钱 粉葛一钱五分 滑石二钱 扁豆五钱 陈皮二钱 神曲炒,三钱 淡芩一钱 元参三钱 钩钩五钱 生熟芽六钱 茅根四钱 芦根一两 竹心一钱 灯心五寸 姜皮三分

又 早晨诊视,六脉骤见细弱无根而数,面青鼻冷,滑泄不止而损及中阳,方宜改用甘温从治。

人参一钱 黄芪六钱 熟地八钱 豆卷三钱
生熟草六分 陈皮一钱 范志曲炒,二钱 车前二
钱 生姜一

又 病之不退,皆由不气充,血不足,邪不能外达,而得气旺血充,自然汗至,极宜耐心静养。

洋参一两二钱 生熟地各一两 绵芪六钱 怀
药一两 扁豆四钱 麦冬三钱 丹皮一钱五分 茯
神辰砂拌,二钱 建泽泻一钱 车前三钱 陈皮二钱
元参三钱 葛根一钱 神曲一钱五分 竹心五分
芦根四钱 生熟芽六钱 茅根二钱 姜皮三分 青
蒿一钱五分 牡蛎煨,四钱 生熟砂仁四分

上方,做二十四味流气饮法。按,流气饮即此义也。

又 病属下虚上实,实其下,清其上,固其后,防邪内陷,利其前,引邪出路,体虚邪实,一定治法。时俗见之以为谬,余亦不敢自逞。思东垣补中益汤以劳力感邪,明明示曰,有一二剂而得汗者,有十余剂而汗解者,有二十余剂而汗解者。切不可投方不效者,轻易更换,重训如此,非所妄也。况数十年来,治经不少,兹议虽多,不从俗附和。

洋参一两五钱 生熟地各一两 怀药一两 绵
 芪八钱 扁豆八钱 茯神辰砂拌,三钱 麦冬辰砂拌,
 一钱五分 丹皮一钱五分 泽泻一钱 车前二钱 元
 参三钱 青蒿一钱五分 生熟砂仁四分 陈皮一钱
 五分 牡蛎五钱 神曲二钱 粉葛一钱 姜皮三分
 茅根三钱 竹心一钱 灯心五寸 芡实五钱 五味
 三分 菖蒲四分

又 症属阳邪陷里,脉虽无力,护托之中,
 先宜凉透,当祖竹叶黄芪汤法。

前方,加犀角一钱,川连二分,芦根五钱,豆卷
 三钱,去五味、姜皮,用生熟谷芽一两煎代。

又 便泄已能渐止,汗还未得,仍在险途。
 可喜者,能受重剂。四五日来,立得住脚,但人
 事宜于格外小心。

洋参一两五钱 生地一两五钱 怀药一两五钱
 扁豆一两 芡实五钱 有芪^①八钱 大麦冬辰砂拌,
 二钱 茯神辰砂拌,二钱 葛根一钱 青蒿一钱五分
 丹皮一钱五分 泽泻一钱五分 车前二钱 生熟砂
 仁一钱 元参二钱 陈皮二钱 神曲二钱 豆卷三
 钱 牡蛎煅,五钱 菖蒲五分 生熟芽五钱 竹心

① 有芪:疑即为黄芪,下同,不再出注。

一钱 灯心五寸 茅根三钱 萸肉二钱 缸豆五钱
熟地一两

又 大剂日进,今时见烦躁,非加病也,乃邪正相持,欲达不达之象。

前方,加枣仁三钱,黑栀一钱,知母一钱,去熟地、萸肉、缸豆。

又 夜半神清躁烦,起坐不安之象,于旁人关切视之,似欲加重,难怪其着急。如欲加重,三四日来,大便反能完固乎?余所以无恐者,恃此耳,况脉至无力而渐见有力,细微而逐浮大,内陷之邪得托解,有外达之机。邪正交战于中,欲达未达之象,因势利导,此其时矣。亦又可先生先补后散之法。凡属虚症宜用,非余之杜撰也。

柴胡五分 川芎八分 枳壳一钱 石决一具
钩钩一两 通草一钱 羚羊一钱 黑栀一钱 川贝
二钱 车前二钱 金器一具

又 昨投利导一剂,果得疹子一身,层层密密,无空隙处。虽为佳兆,惜其不满二时而隐,汗虽得,未及遍体,究由气血虚弱,不能鼓送尽彻,余邪未尽,未免还有风波。接用清解透达一法,此亦先补后清之议。

柴胡三分 牛蒡一钱 山梔一钱 犀角一钱
豆卷三钱 丹皮一钱五分 鲜地一两 羚羊一钱
钩钩五钱 灯心五寸 竹心五分

前方投后，病者神情颓困，不宜再用。

洋参一两五钱 生熟地各一两 黄芪四钱 怀
药一两 远志七分 菖蒲四分

上方所以简者，透疹之后，邪有出路，未便
夹杂以致有碍。看其动静，再酌可也。

又 身热仍然不退，究属末邪未尽达，肺阴
肾液更枯涸矣。扶正育阴，兼佐酸甘。

洋参五钱 生地一两二钱 丹皮一钱五分 怀
药一两 萸肉二钱 扁豆一两 陈皮二钱 泽泻一
钱五分 有芪六钱 麦冬二钱 元参二钱 豆卷二
钱 牡蛎生五钱 蜜梅一个 石榴五钱 灯心五寸
竹心二十片 莲心五钱 茯苓二钱 车前一钱五分
北沙参一钱五分 川贝一钱五分 芦根五钱 生熟
芽三钱

又 热仍然不退，唇舌仍见干枯，内恋之邪
依然劫液伤阴。滋填扶正之药未免轻减，还宜
加重。

前方，加熟地一两五钱，砂仁一钱，芡实五钱，神
曲炒，二钱，远志七分，去沙参、茯神、车前、川贝、

芦根。

又 晚间汤饮。

竹心五分 麦冬三钱 元参三钱 灯心五寸
石榴一两 沙参四钱 玉竹四钱 莲心一两

又 病后变幻，脉无一定，此所谓虚人多变也。再用参、芪、术、地，以立其命，候其变出如何境象，用施何药。

熟地一两五钱 绵芪一两 党参一两五钱 冬
术五钱 玉竹四钱 怀药一两 扁豆一两 枣仁五
钱 生熟芽一两 石榴子一两

又 神情颓困，自透诊之后，解表之药不敢再用。扶正却邪，不失万全。

熟地一两六钱 党参二两 黄芪八钱 陈皮一
钱五分 砂仁炒，一钱 龙齿煨，三钱 麦冬辰砂拌，二
钱 冬术三钱 玉竹四钱 黑栀一钱 牡蛎煨，五钱
莲心三钱 蜜梅一个 石榴二两 朱砂一钱 珠子
三分

另用人参一钱，麦冬二钱，五味子六分，玉竹二钱，枣仁六钱，香粳米一撮。

上药代汤饮之。

又 舌色时而更变，病情忽阴忽阳。

熟地八钱 黄芪一两 陈皮一钱五分 龙齿

煨，四钱 茯神三钱 党参一两 谷芽六钱 怀药一
两 砂仁一钱 生地一两六钱 杞子二钱 炙草六
分 川斛二钱 血珀一钱

又 夜卧安适，清晨脉亦和平，交午复热，脉又加数。究属气血未充，伏邪未能透尽，虚至如此。清散之药，不可再投。

党参一两 黄芪一两 生地一两一钱 怀药一
两五钱 茯神三钱 萸肉二钱 炙草六钱 陈皮一
钱五分 枣仁一两 龙齿煨，四钱 谷芽生炒，一两
白芍炒，一钱五分 杞子一钱 砂仁炒，一钱 川斛一
钱五分

又 二三日内稍得药力，渐有转机。不料肛门之后，脊骨之下偏左，又生外疡，此因质弱，内外挟攻，可畏可畏。

前方，加银花三钱，草节一钱，生赤乌首^①四钱，丹皮一钱五分，青蒿根一钱，去白芍、炙草、杞子、砂仁、石斛。

另用人参二钱，麦冬一钱，玉竹二钱，茯苓三钱，代茶饮。

又 下午又见躁烦，至夜半大汗遍身，上中

① 疑为“生赤首乌”之误。

二焦之邪从此可以渐渐清楚，得汗后，夜卧安适，清晨胃口知饥，都是佳兆。惟下体外痒，难卜就痊为虑也。

洋参一两 党参一两 黄芪一两五钱 生熟地各一两二钱 大冬二钱 萸肉 怀药二钱 玉竹四钱 丹皮一钱 生首乌五钱 茯苓三钱 枣仁一两 龙齿三钱 甘草一钱 砂仁一钱 谷芽一两 银花四钱 扁豆五钱

又 景岳云，补药助我之正气，敌彼之邪气。参、芪、术、地，愈早愈好，愈多愈妙，正旺一分，邪退一分。时下皆曰补药补住邪气，用清散攻消，十人之中五六人得愈，并必不可用之药，但可以医轻症实症，欲挟虚纯虚之症，忱以清散攻消，无不立弊，良可叹也。自起病之至今，余未经手时，未尝不服清攻消散，何以渐渐加重？自余经手至今，每日清晨服人参麦冬汤饮，饮中人参多服，总计一斤有余。党参、熟地、洋参、黄芪、冬术之药，已有余斤矣。今得透疹发汗，便固知饥，热轻邪解，岂非补药之功乎？先前透疹，今又得汗，从此小心，可以渐入佳境。方不外乎补神安神，耐心多服。

洋参一两 党参二两 黄芪一两六钱 生地一

两二钱 萸肉二钱 茯苓三钱 陈皮二钱 怀药一
 两二钱 玉竹四钱 甘草一钱 枣仁一两 扁豆炒，
 一两 龙齿四钱 砂仁一钱 银花三钱 首乌三钱
 谷芽生炒，三钱 白芍炒，二钱 沙参四钱 牡蛎五钱
 血珀一钱 神曲炒，一钱五分

又 论病后遗泄，有饮水多而不及传化发肿者，有饮食不节发肿者，有气复而阴未复，气无所附而肿者。饮水多而肿者，小便不利，宜通其小便。食多运化不及而肿者，胸满恶食，消食健脾则愈。气复而阴未复肿者，顺气则愈。考之，《瘟疫论》而述之也。今面目手足肿浮，身体转侧轻便，顺其气不久自愈。

党参一两 绵芪炙，一两六钱 杞子三钱 白芍炒，四钱 芡实炒，一两 怀药炒，五钱 冬术一两 杜仲四钱 枣仁八钱 砂仁炒，一钱 陈皮二钱 神曲炒，一钱 萸肉炒，三钱 肉果一钱 牡蛎六钱 谷芽生炒，一两 苓皮炒，四钱 龙齿五钱 苏梗二钱 半夏一钱五分 车前炒，八钱 五味炒，一钱五分 姜二片 枣一枚

又 党参一两 绵芪一两二钱 熟地一两六钱 杞子三钱 白芍炒，三钱 芡实炒，一两 怀药炒，二两 冬术炒，二钱 杜仲五钱 枣仁炒，八钱 砂仁

一钱 陈皮二钱 神曲炒，一钱 肉果一钱 牡蛎五钱
 钱 萸肉炒，三钱 茯苓三钱 龙齿三钱 炙草三钱
 扁豆五钱 建莲炒，一两 生熟芽一两

又 微微发热，脉稍见数。

加玉竹四钱，丹皮一钱，北沙参四钱，首乌三钱。

又 言语犹有不清处。

党参一两 冬术六钱 熟地一两五钱 杞子三钱
 钱 怀药一两 芡实炒，一两 黄芪一两二钱 白芍三钱
 五分 砂仁一钱 杜仲四钱 枣仁八钱 半夏一钱
 炒，六钱 陈皮二钱 炙草一钱 茯神三钱 龙齿三钱
 扁豆五钱 玉竹三钱 丹皮一钱五分 姜一

前方加肉果炒，一钱，五味二十粒，菟丝三钱，枣二个，去扁豆、炙草、丹皮。

又 党参一两五钱 熟地一两八钱 茯神三钱
 怀药一两 芡实炒，一两 杞子三钱 白芍炒，三钱
 杜仲四钱 炙草一钱 半夏二钱 枣仁八钱 黄芪一两五钱
 冬术八钱 萸肉三钱 陈皮二钱 牡蛎煨，六钱
 玉竹四钱 谷芽生炒，六钱 扁豆六钱 丹皮二钱
 建莲三钱 益智三钱 炮姜一钱 生首乌五钱

又 前方，加川斛、肉果、神曲、龙齿、五味、

车前子，去首乌、玉竹、丹皮、益智、姜。

以上十数日，稍温则见热象，稍凉则见寒象，此虚体初愈一定之理，药亦随时变通。

又 脉来渐渐和平，时而数，时而浮，时而大小，所谓虚人之脉，来无定形也。今胃口日起，大便完固，可以望痊。自九月二十八日至十一月初五日，计六十余日矣。服至明年二月，未曾脱离煎药，今已发胖脉固矣。

顾左 病经二十余日，今神色昏迷，舌干无津，脉至软弱且细且空，气血俱伤矣。邪难外达，势必转趋于内，危险之至。邪不在表，断无散理。无火症火脉，断无清理。大便已解，断无下理。况脉弱无神，不虑重虚其虚乎？昔贤曰，无实症可据，即是虚症。今但有虚象，舍托一法，别无妙策。

黄芪六钱 洋参三钱 熟地一两 当归一钱五分
枣仁炒，一钱 麦冬一钱 豆卷四钱 生地五钱
柴胡三分 钩尖五钱 谷芽四钱 竹心十张 甘蔗汁十匕

又 病情脉色俱属重险，然人事不可不尽。宗古法，清上实下。

黄芪一两五钱 洋参一两二钱 熟地二两 当归二钱 枣仁炒，二钱 大冬辰砂拌，一钱 豆卷四钱 犀角五分 菖蒲五分 川连四分 制附子一钱 银花露半杯

蒋左 先伤于阴，后触暑热，清之不效，散之不应，得汗不解，得便亦不解，脉至左三部微细，右三部浮大而空，舌有卷缩之象。邪陷于内，势有渐蹈外险之危途。本难下药，不忍坐视，勉为图治。吴又可先生《瘟疫论》中有云，清散攻消不应，上见液涸，下见阴失者，只有生脉、六味合投，兹采其意立方。

洋参一两 炒丹皮一钱 茯苓二钱 陈皮二钱 萸肉三钱 大冬三钱 五味三分 生地一两五钱 豆卷四钱 秫米四钱 怀药三钱 竹心一钱 灯心五寸

窈右 六脉无力而数，神识似昏非昏。此正虚不能敌邪，邪已入心胞，吉少凶多。论治当大方托解，但恐药力不及耳。

洋参一两 当归三钱 黄芪六钱 谷芽生炒，五钱 紫苏一钱五分 枣仁炒，二钱 钩钩五钱 远

志五分 柴胡六分 豆卷三钱 生熟甘草四分 姜三

又 投大剂托解，脉来稍觉有神，惟右尺似有欲无，便溏足冷，舌心干红，小溲时赤时淡，乃元阳衰惫于下，阴液不能上承。方，不外乎大补大托之中，少佐温养下元一法。

洋参一两五钱 当归三钱 黄芪一两二钱 枣仁四钱 远志炒，七分 扁豆一两 生熟地炒，一两六钱 怀药炒，五钱 玉竹炒，四钱 陈皮一钱五分 茯神一钱五分 甘草四分 谷芽三钱 杞子三钱 姜一

许 面赤舌焦，口渴引饮，脉来右寸关洪大有力，但热不寒，二便艰涩，议清降法。

鲜斛一两 芦根一两 黄芩二钱 山栀二钱 花粉三钱 连翘二钱 薄荷二钱 元参三钱 知母三钱 甘草五分 竹叶一钱 元明粉二钱

上，一二剂，诸恙退去大半，原方再服。

凡用寒凉，有火症火脉俱见者方可用，有火症而无火脉者不可用，有火脉而无火症者亦不可用，此等处可不细心参究哉？

又 前投开泄清解，而大便通利，身热稍

退，而舌苔干黄如故。急宜纯甘清润，以救上津液。

鲜地四钱 麦冬四钱 丹皮二钱 豆卷四钱
川贝二钱 元参三钱 川连三分 知母二钱 花粉
一钱 薄荷一钱 灯心一钱 连翘一钱 甘草五分
山栀八分 鲜斛五钱 芦根二两 竹心一钱 雪梨
二两 银花露一杯

另用蔗汁，代汤饮之。

侯左 身热无汗，便溏，舌心干黄，表邪未透，已有内走之势，况兼耳聋气短，亦属虚象，症非轻视。

葛根一钱五分 姜皮六分 薄荷二钱 丹皮二钱
扁豆皮一钱 知母一钱 茅根六钱 竹心一钱
灯心五寸 鲜藿香一钱

又 邪热不散，内阻机窍，耳聋，舌黄，胸闷便泄，最虑内闭。

原方，加连翘一钱，郁金一钱，桔梗五分，牛蒡三钱，六一散三钱，通草七分，竹茹炒，七分。

又 脉至右关无力，时见呕恶，胃气伤矣。

鲜藿香一钱 扁豆三钱 丹皮二钱 葛根一钱
知母一钱 陈皮一钱 益元散一钱 洋参一钱五分

前胡一钱 荷叶一钱 姜皮六分 灯心五寸 生谷芽二钱

又 无形暑湿,阻遏清气,以致升降失职,频频呃逆,舌苔两傍黄,中心绛而干,脉至右寸关虚软。肺液胃津两伤,最虑内陷变幻。

丹皮一钱 橘红盐水炒,一钱 竹茹姜汁炒,七分
洋参一钱五分 柿霜蒂三个 桔梗五分 益元散五分
通草七分 郁金一钱 姜渣七分 灯心一丈
枇杷叶一张 苡米炒,一钱 沉香汁三匕

又 病经两旬,有昏沉之象,已有内陷厥脱之虑,脉至右寸关无力,呃逆频频,无真寒可据,又无实火可凭,所有见症无非虚象。宜宗益纳法,兼和胃清暑立方。

洋参八钱 半夏炒,一钱 通草七分 橘红一钱五分
丹皮三钱 知母一钱 扁豆二钱 连翘一钱
竹茹姜汁炒,八钱 郁金四分 麦冬辰砂拌,一钱
生地四钱 姜渣八分 益元散二钱 沉香汁三匕
木香汁三匕 石菖蒲三分 灯心五寸 枇杷叶一钱
莲子心十粒

又 洋参 川连 山梔 豆卷 谷芽 新会皮 车前盐水炒 元参 神曲 翘心 竹茹 扁豆 大生地 木香磨冲 秫米 浮麦 菖蒲

灯心 枇杷叶

徐左 年逾六旬，气血两亏，劳则心神暗耗，烦则肝阳妄动，湿疫居于中焦，暑风袭于脉络，乃为眩晕，为左手不用，舌白腕痞，发热便溏，病如履冰，理之不易，急先醒胃理肝，如得大便渐固，方为转机，否则难为力矣。

钩钩一两 桑叶一钱 半夏曲一钱五分 扁豆炒，五钱 建曲炒，三钱 赤苓二钱 苡米三钱 荷叶二钱 橘红一钱 生熟芽六钱

某 久热伤阴，舌赤无苔，饮食不思，胃液枯涸，温燥难投，清疏不合，苦寒恐碍正气，滋补又虑助邪，拟芳香悦脾，酸甘化阴之法。

银花露一杯 香梗穗二支 鲜佛手二钱 真川贝三钱 丹皮二钱 白芍一钱 鲜青蒿梗三钱 生甘草三钱

另用鲜藕一两，绿豆一两，煎汤代茶。

周右 病后劳碌不慎，风寒以致发热，头痛呕恶，便溏，谷食不纳，正气极虚，邪难外达，脉来浮大无力，面白舌淡。此亏在气分，拟补中益

气汤主治。乃东垣治劳倦感冒之第一妙方。然症甚剧，极要小心。

柴胡三分 升麻三分 洋参五钱 黄芪六钱
冬术炒，三钱 陈皮一钱 炙草六分 当归炒，三钱
姜皮三分 川芎三分 茯苓二钱 蔓荆子三分 荷
叶五钱 焦芽三钱

陈 得汗得便而邪不能解，脉数不减，口渴喜饮，热邪陷入营分，恐有劫液昏之厥变。寒之不寒，水之亏也；透之不透，正之虚也。清开之中，佐以育阴扶正。

生地一两 丹皮二钱 川金二钱 元参二钱
麦冬三钱 连翘二钱 知母炒，一钱五分 车前炒，三
钱 犀角冲，一钱 陈皮盐水炒，二钱 豆卷三钱 洋
参三钱 川贝三钱 木香三分 竹茹一钱 灯心一
丈 刀豆子切，炒，二钱

万氏牛清心黄丸，药汁化服。

某 脉至沉分带数，口渴便溏，邪伏于内，拟轻可去实法。

姜皮一钱 丹皮一钱五分 六神曲二钱 粉葛
一钱

某 头晕脉数,恶寒发热。纯乎外感,以柴陈煎疏解。

柴胡三分 陈皮一钱 赤苓一钱 炙草三分
半夏一钱 薄荷一钱 荆芥一钱 麦芽一钱 香菇
七分 姜一片 鲜藿香二钱

姚左 热多寒少,脉来数大,法宜清上。

知母一钱五分 葛梗二钱 元参一钱五分 六
一散二钱 薄荷五分 竹叶一

欧左 寒热日来,以柴胡饮和解之。

柴胡三分 防风一钱 陈皮一钱 苏叶七分
半夏一钱 炙草三分 姜一 枣一

许左 夏暑汗不出者,秋成风疟,寒热无定,更兼劳役,所以腰痛。法宜疏解,以柴陈煎加味。

柴胡四分 广皮一钱 炙草二分 生熟砂仁
六分 半夏一钱 荆芥一钱 杜仲四钱

章左 暑风挟湿,寒热日至,长短不齐,由年高正气不足,脉至右关滑大,左关弦硬,曾经

呕吐。刻当疏泄少阳阳明，宗小柴胡法，兼以扶正，留方候正。

青蒿梗一钱 川贝一钱五分 陈皮一钱 半夏一钱 生熟砂仁八分 洋参一钱五分 前胡八分 薄荷梗一尺 竹茹炒，三分 姜一

徐左 温邪疟疾久延，热蒸不已，龈糜舌白，腹满，脉数，恐其内陷成胀。

葛根一钱 赤苓二钱 神曲炒，一钱 大腹皮炒，一钱 车前子一钱 陈皮二钱 苏梗一钱五分 焦谷芽三钱

吴左 风温劫液，由卫入营，上下痛无定所，口渴喜饮，舌无苔而干红起刺，即欲从黑咳逆不已，痰不易出，脉至右寸与两尺滑大而数。此不特肺阴受灼，津枯不能滋润，而肾水亦涸矣，无以上承。倘不汲汲救阴津肺，惟恐炎烈之火，不至燎原不已也。

生地一两 麦冬二钱 丹皮二钱 薄荷一钱 知母二钱 瓜蒌皮二钱 川贝三钱 郁金一钱 甘菊一钱 竹心二十片 灯心五寸 枇杷叶蜜炙，一钱

何右 寒热呕吐，邪在少阳阳明，得汗不解，今见舌黑齿干，邪热不但不能外达，业已干及营阴，症属重险，况身怀六甲，热逼阴伤，难保无胎动之虞。纳谷甚少，日虚一日，恐有正不敌邪之变。脉滑而数，口渴喜饮，似可寒凉，第胃气如此，恐非尽善。醒胃理脾，无不香燥，又非液涸所宜。勉商护阴泄热，扶正凉透一法，以质高明。

柴胡四分 麦冬一钱五分 生地八钱 陈皮四分
洋参二钱 黄芩八分 苏梗一钱 芦根六钱
竹茹一钱 生熟谷芽一钱 姜一

又 气虚则脉无力，阴虚则脉数，胃弱则纳少而呕，火旺则口干舌黑，种种见症，无非邪甚正虚。前投护阴泄热，扶正凉透，呕吐得止，大便十余日不解，今得一次，虽然带血，并不溏薄，不算忌欸，方不外乎前法加重再投。

柴胡四分 黄芩一钱 知母炒，一钱 麦冬二钱
甘草四分 生地一两 元参二钱 陈皮一钱五分
苏梗一钱 黄柏五分 谷芽生炒，二钱 芦根八钱
竹叶五片 竹茹一钱 姜

又 两投育阴泄热扶正之剂，呕吐虽止而正气不足，未能托邪外出，其势仍然，但热甚则

气火上升，君主为之震动，此因水不足以制相火，心火受热灼，所以舌干而焦也。昨方去黄柏、川连，宗泻南补北之旨。

苏左 发热头晕，腹痛泻泄。脉见浮数，左寸关尤甚，而左半舌色干红起刺。此风热从口鼻而入，漫布三焦，劫液烁津，有舌短神昏之变。急为清透，毋犯温燥，忌抑遏。

薄荷一钱 生草四分 丹皮一钱 山梔一钱
连翘一钱 元参一钱五分 茅根五钱 竹叶五张
灯心一丈

此方，朝夜两剂。

昨投两剂清透，稍见微汗，头昏少减，舌上红刺更甚。

原方，加川连、赤芍、车前。

王右 感冒时令风热之邪，为头晕痛发热，脉来浮数有力而大，可清可散。

前胡一钱 薄荷一钱五分 荆芥一钱 黄芩一钱
知母一钱五分 连翘二钱 甘草五分 竹叶十
茅根一两

昨日清散，热势稍轻，脉象稍和，仍前法

治之。

原方加元参一钱五分，山栀七分，葛根一钱，芦根八钱。

荣 发热口渴，恶心腰痛如折，脉至浮数，左寸关右甚。此挟虚感冒。宜与清解之中，兼以护阴一法。

花粉一钱 生地八钱 知母炒，一钱 陈皮一钱
生杜仲二钱 前胡一钱 茅根六钱 竹叶五张
竹茹一钱 生熟砂仁六分 姜一

强左 病经两旬之外，愈而复发，今微寒热甚，暮重朝轻，得汗而解，止发有时。脉至左三部软弱无力，右寸关红滑而大，沉分按之愈甚。热来口渴喜饮，自胸及腹胀满不堪，为呕恶泄泻。显系风温转疟，邪居肺胃两经。温症门中，原有热泄热呕之症，论脉症及是少阴不足，阳明有余，景岳新方玉女煎最为切当。但久病泄泻之躯，石药未敢擅投，胸腹免然胀闷，熟地未敢据进。然多泄者阴必伤，热极者液易涸，恐其有化燥之虑，酌以玉女煎之法，甘寒可以治热，存津而不伤胃，庶乎稳当。

元参三钱 芦根一两 青蒿一钱 北沙参四钱
 黄芩一钱 陈皮一钱 粉葛一钱 藿香一钱 竹茹
 一钱 灯心一丈

又 投甘寒治热存津，脉仍然，胸满按之而中空，久热久泄，真阴涸竭，势有化燥之虞。今所急者在泄，但止泄之药无不伤阴，培土之药无不温燥，俱非阴虚火甚者所宜。经曰肾司二阴，肾真不固则二便不禁，阴亏则水不上承而口渴舌红无苔，惟生料六味一方，补阴即可制阳，固肾即可止泄。赵养癸用此治阳明实火之症，吴有性^①用此救焚存阴，往一取效，今有汗而势不退，便泄而热不解，非阴虚而何？先贤免于煎，兹遵其旨矣。

生地一两 丹皮二钱 怀药六钱 茯苓三钱
 萸肉一钱 泽泻一钱 广皮一钱 青蒿一钱 元参
 二钱 芦根六钱 车前生炒，二钱 灯心一丈 竹心
 五分

又 初投甘寒清肺胃之药，诸恙似属仍然，继复投生料六味固肾止泄，佐以清胃之剂，胃口稍苏，两日来为进谷味则胸腹胀，胸满如前，得

① 吴有性：原本作“吴有”，据文意补。

泄则宽,其为胃口之虚,脾象之弱不待言矣。今唇红口碎舌赤,右寸关之脉仍然洪大,显系上焦温邪未楚,致投和胃理脾,仍以甘寒泄邪,冀其热退加谷,方为转机。

扁豆八钱 谷芽生炒,二钱 枳壳炒,三分 茯苓二钱 通草八分 广皮炒,一钱 砂仁生炒,四钱 洋参一钱 车前生炒,二钱 竹茹一钱 香粳米一撮 姜一

又 久泄肝肾两伤,脉象左软弱而右洪大,舌苔干黄。脉症合参,下焦属于虚寒,上焦因乎邪热。管先生投温固实下,便泄虽止而上焦热炽更甚。余昨投平补之方,上焦热炽虽退而舌色稍润,下焦仍见溏泄而诸象毕现。细参之,下焦宜乎温补,上焦宜乎清养,先贤本有清上实下之法,遵其旨而治之。

党参 冬术 茯苓 炙草 桂心 神曲
熟附子 木香煨 肉果煨 粟壳 车前 川连
麦冬 五味子 怀药 白芍 姜

某右 头痛发热无汗,时而怯寒,大便溏泄,脉来细数模糊,胸膈烦闷,症属挟虚时邪,防其昏厥之变。

元参一钱五分 洋参三钱 甘草五分 神曲二钱
前胡一钱 荆芥一钱 薄荷一钱 桔梗一钱
橘红一钱 郁金一钱 蝉脱一钱 姜皮七分 茅根一钱
竹叶十 灯心一丈

又 上不得汗,下泄不止,疹透而隐,邪恋于中不能外达,神识不清,脉左细数而模糊。显系体虚邪甚,宗透托之法。

山梔一钱 车前一钱五分 元参一钱五分 洋参三钱
粉葛一钱五分 薄荷一钱 黄芩一钱 连翘二钱
桔梗一钱 丹皮一钱五分 甘草四分 福皮一钱
芦根五钱 灯心一丈 竹心一钱

又 温邪未有不伤阴者,况兼下泄不止,今热不退而舌赤无苔,脉至左弦数,右脉中空。急急护阴扶正,兼以凉透泄邪。

生地五钱 元参二钱 桔梗一钱 洋参三钱
薄荷一钱五分 粉葛一钱五分 丹皮一钱五分 山梔一钱
黄芩一钱 车前一钱五分 福皮炒,一钱 甘草五分
郁金八分 芦根五钱 茅根五钱 竹心一钱 灯心五寸

后方,加重生地一两,芦根一两,广皮盐水炒,一钱。

又 温邪内恋,干及乎心营,神识模糊,舌

无苔而起刺，脉至无力而数。邪盛正虚，无力外达，药不外乎凉透托解，能逐向外则吉。

豆卷三钱 生地一两 元参二钱 桔梗一钱
洋参四钱 丹皮三钱 花粉一钱 连翘一钱五分
山梔一钱 甘草四分 车前炒，一钱五分 广皮一钱
甘菊一钱 川连二分 菖蒲四分 茅根六钱 灯心
一钱 竹心五寸

又 原方，加扁豆炒，三钱，谷芽二钱，钩钩四钱，黄菊花。

又 邪因正虚不达，气因抑郁不舒。前法之中，佐逍遥散以疏肝木。

柴胡四分 赤芍炒，一钱 当归一钱 茯苓二钱
甘草四分 川贝二钱 丹皮三钱 山梔一钱
前胡一钱 生地一两二钱 郁金一钱 洋参五钱
怀药三钱 谷芽炒，二钱 广皮一钱五分 通草七分
神曲炒，二钱 菖蒲五分 茅根五钱 灯心五寸
竹心五钱

又 舌色渐淡，神识稍清。

原方，加远志五分，生绵芪三钱。

又 脉至无力而渐有力，大汗将至之兆。

柴胡四分 粉葛一钱 赤芍一钱 滑石二钱
怀药四钱 生地一两二钱 洋参八钱 绵芪六钱

玉金一钱 陈皮一钱 当归一钱 茯神二钱 甘草
 四分 川贝二钱 山梔一钱 丹皮三钱 通草八分
 谷芽二钱 神曲二钱 远志五分 菖蒲五分 茅根
 三钱 灯心一丈 竹心一钱

又 热退脉平，其起坐不宁，语言无论次者，并无邪热为患。半由神不守舍，半由心事不适。

洋参八钱 麦冬一钱 茯苓二钱 远志去心，
 七分 枣仁四分 龙齿三钱 丹皮一钱五分 生地
 一两二钱 郁金一钱 胆星五分 竹黄一钱 山梔
 一钱 菖蒲五分 竹心五分 砂仁冲，一钱

强右 扬手掷足，揭去衣被，多言妄语，纯乎阳邪见症，所嫌右脉细微欲绝，左脉亦细微无根。病势极险，勉商一方，以冀万一。

洋参一两二钱 生地三两 丹皮二钱 川连四
 分 犀角尖一钱 灯心五寸 豆卷三钱 谷芽生
 炒，二钱 菖蒲五分 竹心一钱

另用朱砂一钱，犀黄一分，研极细末，和匀冲服。

又 昨投大剂托透清解之方，大便两次连得，秽浊异常。今神情稍安，然不足为喜，尚在

险途。不外前法，能日夜酣饮，以冀药力到时，可望转机。

洋参一两二钱 生地三两 丹皮三钱 川连四分
犀尖一钱 山梔一钱 连翘心一钱五分 豆卷三钱
谷芽生，二钱 远志四分 胆星五分 茯神三钱
菖蒲五分 竹心一钱 灯心五寸 车前盐水炒，二钱 银花二钱

另用辰砂一钱，西黄一分，研，冲服。

强左 面垢唇红，舌将化燥，有汗而热不退，脉数无力，语声不扬。气虚阴伤极矣，而温邪内恋，转为神昏，便棘手矣。

洋参五钱 生地一两 川贝三钱 知母二钱
广皮一钱 扁豆炒，三钱 葛根一钱 楂炭二钱
芦根一两二钱 竹心一钱

又 连投大剂，诸恙虽减而脉神未得，未可恃也。

洋参一两二钱 生地三两 丹皮三钱 麦冬一钱五分
山梔一钱五分 茯神二钱 连翘心一钱 枣仁炒，三钱
志肉五分 扁豆炒，三钱 豆卷三钱 广皮一钱五分
车前盐水炒，二钱 银花二钱 竹黄一钱 川连一分
菖蒲五分 朱砂冲服，一钱 灯心

一丈 竹心一钱

又 吸吸短气，乃元海无根，虚烦似狂，乃神不自主，尽是阴尽阳尽之兆，症属危险。温邪而致液涸津枯，总不外乎生脉六味两方。吴又可《瘟疫论》中惯用此法，能日夜酣饮，往往有得生者。又考之如狂，似白虎汤症而用当归补血汤，此症近似，亦兼用之。不识以为然否，兹采取三方之意合成一方。

洋参一两五钱 麦冬五钱 五味二钱 生地三钱
丹皮三钱 怀药四钱 扁豆三钱 元参三钱
花粉二钱 当归三钱 青硃五分 辰砂五分 菖蒲五分
竹心一钱 竹油半杯 竹茹一钱 灯心一丈
莲子心五分

此方，日夜酣饮。

又 昨投三合方法，一以扶正，一以育阴，一以清神透解，气喘略平，舌不加燥。但右三部脉至究嫌细弱，所谓暑则伤气，热则伤营，不外乎前法，原方加重。

洋参三钱 怀药二钱 车前炒，二钱 绵芪五钱 去当归

又 屡次扶正育阴，清解之品，气喘渐平，脉亦有神，兹搜少腹胀。因阳药频多，中无去路

之故，良由膀胱气化无权，肾真不司开合，小肠传导失职，虚人往往有此。小溲便不通爽，且先见症治症，候其小溲通长，再商大剂。

洋参一两五钱 麦冬五钱 生地三两 丹皮一钱五分 元参三钱 银花三钱 山梔炒，一钱 枳壳炒，四分 谷芽生，二钱 通草一钱 木香冲，一分 福曲一钱五分 荷梗一尺 竹心一钱 鲜车前根须五钱 鲜菊花根汁四钱 细菖蒲五分 辰砂冲服，五钱 血珀冲服，五分

又 小便通调，又可进大剂，然真汗未得，真阴未复，邪热未清，未可恃以无恐。

洋参一两五钱 元参三钱 丹皮二钱 银花四钱 通草一钱 花粉二钱 麦冬六钱 谷芽生炒，三钱 福曲一钱五分 扁豆炒，四钱 生地三两 知母三钱 川连三分 木香二分 灯心一丈 芦根五钱 荷梗一尺 菖蒲五分 鲜车前连根须五钱 菊花根须四钱 鲜篇蓄三钱

又 精气神为人身之宝，今诸患虽为转机，而精气神无不亏剧。凡寒暖饮食恼怒，稍有不遵戒守，极易生变，慎之慎之。原方俱为减轻。

又 热退身凉，风恬浪静，但舌光如镜，津液未回，脉细如丝，气血大亏，宜事小心，稍失其

宜,即有变端之患。

原方,加萸肉、粳米,去山梔、知母、通草、花粉、银花。

李左 头痛发热无汗,脉至浮数,厥厥动摇,咽喉疼痛。此属新凉束缚于表里,热不能外达,拟与凉散。

薄荷一钱五分 荆芥一钱 粉葛一钱 桔梗一钱
元参三钱 淡芩一钱 川连五分 牛蒡二钱
山梔一钱 甘草四分 连翘一钱五分 知母一钱五分
竹叶二十张 灯心三十寸

潘 渐渐恶寒,翕翕发热,为日颇多,咳痰纳少,舌白微黄,溲热便结,热来气机上升,神识昏迷,脉至右大于左,此属暑风袭于肺卫。肺主皮毛而形寒,风为阳邪而发热,肺主诸气而上升,肺主脏主咳逆。肺属金,水出高源而溲热。肺与大肠为表里而便结。肺乃相传之官,与心君密迩,此以神模也。 此方失去。

某左 神昏似笑,脉数无力,发热无汗。温邪内陷心胞,刻欲传入心营则险。

竹心二钱 茅根尖六钱 芦根二两 麦冬三钱
 山梔五分 川连五分 翹心一钱 丹皮一钱 犀角
 一钱 洋参三钱 大生地一两 茯神三钱 远志七
 分 车前一钱五分 天竺黄一钱

某左 上腭碎烂，痛连咽喉。此虽时邪素
 来，气体薄弱，清解之中，兼以育阴。

甘草一钱 银花三钱 马勃五分 荆芥一钱
 山梔一钱 黄芩一钱 生地四钱 元参二钱 灯心
 五尺 竹叶二十 沙参三钱 麦冬一钱 桔梗一钱
 射干一钱五分 薄荷一钱

屈 头痛发热，脘痛恶心，口渴脉数，纯乎
 时邪挟积。

柴胡四分 薄荷一钱 炙草三分 砂仁炒，八
 分 广皮一钱 粉葛一钱 黄芩一钱 花粉一钱
 竹叶十 焦谷麦芽各三钱

六淫者，风寒暑湿燥火也。暑风燥火，上先
 受之；湿寒浊气，下先受之。《内经》所谓清邪中
 上，浊邪中下是也。夫六淫之中，惟风为百病之
 长，善行而数变。景岳有言曰，风送寒来，寒来风
 入。由此观之，非惟寒从于风，而暑湿火三者皆

由乎风也。而燥独不居焉，此统言其外来之邪，再言其时令之感。《内经》冬伤于寒者，春必病温；夏伤于暑者，秋为痲疟，春伤于风者，夏为飧泄；秋伤于湿者，冬生咳嗽。此言其伏邪也。凡邪之中人，必乘隙而侵耳。惟所虚之处，即受邪之地。《内经》谓邪之所凑，其气必虚也。盖表受邪则畏寒头痛，肺受邪则鼻塞咳逆，脾受邪则便泄恶食，肝受邪则搐搦痉厥，心受邪则舌短神昏，肾受邪则腰痛耳聋，胆受邪则寒热不止，胃受邪则壮热呕吐，小肠膀胱受邪则溺赤短缩，大肠受邪则便难而燥。至于虚实寒热之别，当察其形症脉色可洞。然于心目之间，揣先生用意。邪在表者散之，在里者泄之，生冷伤脏者温而通之，实火炽甚者折之。气虚邪陷者，竹叶黄芪汤托透。兼阴虚邪甚者，生脉六味，扶正为主。虚极危剧者，二十四味流气饮大剂用之。无不应手而愈。回养之力，活人已无计矣。后学得而习之。

咳 血

宗左 咳吐见红，时作时止，由来已久，脉

至左关独见弦数，面色带青。纯乎肝阳亢逆，缘水亏无以涵木也。

大红山茶花三朵 生地炒，八钱 丹皮炒，一钱
怀药炒，三钱 茯苓一钱五分 泽泻盐水炒，一钱五分
白芍一钱 石决明四钱 川金五分 川贝一钱 稽
衣皮一钱

张右 清晨咳逆已久，必出酸水而止，此由胃有停饮，而肺气不降也。近系风热感肺，咳而见红，咽喉肿痛，肺络受伤。先为清理时邪。

川贝三钱 桔梗一钱 橘红盐水炒，一钱 红花三分 山茶花三朵 竹茹八分

王左 久咳见红，脉至无力，声音怯弱。宜培脾肺肾三脏。

黄芪五钱 熟地六钱 款冬花三钱 荆芥炒，一钱 冬术三钱 诃子四分 百合三钱 蝉衣一钱

殷左 咳血腰痛，足膝无力，脉见软弱，由来已久，更兼盗汗，肺肾两伤。

熟地炭六钱 炙草炭四分 当归炭一钱五分
川断一钱五分 萸肉一钱 荆芥炒，一钱 牛膝炭一

钱 杜仲四钱 红花三分 百草霜一钱

沈左 阴虚之质，又兼时令之邪，咳血胸痞，牙龈碎烂，脉至浮而带数。拟清上实下之法。

川贝三钱 枳壳八分 丹皮一钱 知母一钱
生地五钱 橘红一钱 荆芥炒，一钱 茅根二钱
竹茹八分

某左 年高久咳，痰中见红，脉至左关弦数，右寸关细弱。脾肺气伤，肝肾阴亏。

党参四钱 冬术三钱 玉竹四钱 熟地一两
白芍炒，一钱 山药四钱 苡米四钱 冬花三钱
五味十四 百合三钱 藕节一个

某左 脉数无力，咳嗽见红，肌肉消瘦，纳谷不旺。凡纯阳之药有益于肺胃，不利乎脾土，以脉症合参，方以补土生金，能守养节欲，缓缓图痊。

四君子汤，加白及、苡米、黄芪。

蒋左 脉至右大于左，咳嗽见红，内热。宜

调和营卫。

玉竹 怀药 炙草 北沙参 熟地 川斛
川贝 百合

吴左 久咳络伤而见血。但清肺凉血之药，施于土衰便溏者不宜，须以培土生金为治。

四君子汤，加山药、砂仁、大麦仁、玉竹、冬花。

某 咳血而见腰痛，指足节骱亦见红肿而痛。不特肺金有邪，肝肾无不有邪矣。

红花三分 川牛膝二钱 桑白皮一钱 桑枝
一两 苡米一钱 荆芥炭一钱 生地一两 秦艽一
钱 南沙参四钱 川贝二钱

邵左 病起咳嗽见红，失治于初，今形瘦食减音雌，左脉细数而右细弱。金裹盗起于母，脾土亦伤。水无所生，肾阴亦损，阴亏夜热。所谓虚而不复即是损，损而不复即是劳。法当温益，大忌见血见热而用耗散寒凉，以伤生生之气。

黄芪炙，六钱 怀药炒，四钱 萸肉炒，三钱 丹
皮炒，一钱 川贝一钱五分 玉竹炒，四钱 炙草

冬花三钱 熟地炙,八钱 砂仁盐水炒,三分 陈皮一钱
 百合三钱
 元米煎汤代水。

某右 清晨心荡如饥,近又见红,平日素有咳嗽呕吐之恙。营卫无不伤矣。

生熟砂仁八分 丹参三钱 川贝一钱 洋参一钱
 香附一钱五分 玫瑰一朵 红花 生熟枣仁二钱

某 久咳见红,络伤血溢。静养勿劳,为嘱。

川贝三钱 生地炭一两 红花三分 荆芥炒,一钱
 藕节一枚 丝瓜络三分 莲须二钱 参三七一钱
 竹茹三分

曹左 阴虚发热,咽喉肿痛。此属虚阳上浮,上则咳嗽见红,下则梦遗精滑。肺肾两亏,法当壮水制阳,清金保肺。拟四阴甘桔二方合投。

生甘草一钱 桔梗一钱 北沙参五钱 生地八钱
 甘菊一钱 元参一钱 山药四钱 川贝母一

钱五分 灯心一丈 青果一枚 建莲心一钱,肉五钱

某左 咳嗽见红之后,不时寒热,近因负重远行以致腰膝作痛,咳逆更甚。此内伤而兼外感,外感而兼不内外因。

川芎一钱 当归三钱 熟地六钱 白芍一钱
 党参三钱 冬术三钱 茯苓一钱 炙草六分 杏仁
 二钱 杜仲六钱 续断三钱 牛膝二钱 红花三钱
 前胡七分

赵左 肺有伏寒,久咳不已,近见痰中见血,而纳谷减,腰痛。损及脾肾,图痊甚难。

党参四钱 冬术三钱 茯苓二钱 炙草八分
 陈皮一钱五分 杜仲四钱 款冬花三钱 百部三钱
 苏子二钱 杏仁二钱 白及二钱 五味三分 炮姜
 三分,二味合捣

杨左 咳血形瘦,痰多胸痞。脾肺两伤,为症重险。

砂仁炒,六分 陈皮八分 焦白术一钱五分
 茯苓一钱五分 当归一钱 谷芽炒,三钱

杨左 失血，咳嗽气短，六脉无力。不特脾肺两亏，肾真固纳失司，急急三脏并培，不可轻视此症。

黄芪元米炒，六钱 当归醋炒，二钱 冬术二钱
炙草三分 枣仁三钱 茯神三钱 木香四分 党参
三钱 丹皮一钱 苡米四钱 五味三分 白及一钱
五分 麦冬一钱 荆芥炭一钱 生地炭一两

又 洋参二钱 麦冬一钱 沙参四钱 生地
一两 丹皮一钱 陈皮一钱 山药炒，三钱 砂仁盐
水炒，一钱 萸肉二钱 五味三分 川贝三钱 泽泻
一钱 玉竹四钱 茯苓一钱五分 薏豆衣三钱 藕
一两 青蒿一钱

鲁左 脾胃素有湿热，为此眼弦赤烂，湿热熏蒸，肺络受灼，以致咳而见红，舌苔白滑，未便滋腻。

苡米五钱 玉竹四钱 川贝一钱五分 黄芪三
钱 青桑枝皮二钱 薏豆衣二钱 藕节一钱 红
枣三

三剂后，加丹参二钱，洋参一钱五分。

陈左 失血后，咳未止而腰痛，脉至弦滑，

有时一促。恐有宿瘀未尽。

当归三钱 杜仲盐水炒，四钱 川断酒炒，三钱
焦白术三钱 熟地八钱 金毛脊炙，四钱 藕节一
两

又 原方加川贝一钱五分，陈皮一钱，冬花三
钱，百合三钱，桃肉三钱

某左 咳嗽时而见红，寒热久而不已，脉见
浮数。究由表邪不尽。

桑白皮一钱五分 地骨皮一钱五分 苡米四钱
玉竹四钱 青蒿一钱 杏仁二钱 稽豆皮一钱 枇
杷叶去毛，蜜炙，二钱

黄左 去年五月，先见干咳，至八月血于溢
上，从口鼻冲出，因咳伤肺，脉弦细而数，左关尺
更甚，舌光无苔，肾阴亏者也。时而身体微寒，
阳虚生外寒也。时而五心烦热，阴虚生内热也。
面黄痰多，土衰而饮食不化津液，化为痰也。两
胁作痛，水亏木横也。腰脊痠疼，肾亏不能上荣
督脉也。病在脾肺肾三经，治宜阴阳并补，兼顾
脾胃。庶几土旺生金，金旺生水，木得水涵，虚
阳不致上浮，肺得清肃，而气平嗽止也。但须静

养耐心，服药为妙，非比外邪之迅速也。

黄芪 熟地 川贝 五味 北参 冬花
 陈皮 党参 炙草 茯神 丹皮 怀药 白芍
 苡米 麦冬 百合 藕节

秦左 内热本属阴虚，咳嗽良由外感，络伤则见红，血虚则肉润。议保清金主治。

玉竹炒，四钱 陈皮一钱 杜仲三钱 川贝一钱五分
 茯苓一钱 红花五分 川斛三钱 大红山茶花二朵

又 熟地五钱 北沙参五钱 百合三钱 玉竹四钱
 杜仲二钱 陈皮一钱 款冬花二钱 川斛三钱
 鲁豆衣二钱 川金一钱

邵左 六脉虚数，咳嗽见红，发热。此虚阳无制，由水之亏也。议二冬六味，以壮水养金。

生地一两 丹皮一钱五分 萸肉一钱 泽泻一钱五分
 茯苓二钱 山药二钱 天麦冬各一钱 女贞一钱五分
 旱莲草一钱五分 竹茹八分

某 久咳失血，多年屡发屡止，今脉右三部细弱无神，脾肺气虚。议归脾汤，使血归经。

党参三钱 黄芪三钱 冬术二钱 当归二钱
炙草四分 茯神一钱五分 远志七分 枣仁二钱
木香三分 五味三分

汪左 久咳，痰中见血，脉数，下午发热。至于梦遗气短，无非肾肺两亏。宜与八仙长寿饮加味治之。

生熟地八钱 丹皮一钱五分 山药四钱 萸肉二钱
茯苓一钱五分 泽泻一钱 麦冬一钱 五味子三分
牡蛎煨，四钱 莲须二钱

某左 始于咳嗽，近见寒热，今又见血，右乳下作痛。此肺络有伤，兼感时邪。法当清降。

北沙参四钱 麦冬一钱 川贝一钱五分 红花三分
陈皮一钱 广玉金一钱 玉竹二钱 荆芥炭参七一钱
竹茹一钱 藕一两 茅根三钱

蒋左 阴虚于下，火炽于上，血随咳溢，脉至数而甚于右寸。宜育阴，以潜阳逆。

生地八钱 北沙参三钱 丹皮一钱五分 山药三钱
茯神一钱五分 泽泻一钱 天冬一钱 竹茹五分
旱莲草一钱 百合三钱 藕节三钱 女贞子

一钱

张左 先于右肋乳下作痛，继见咳嗽吐血。因伤损络居多。

元胡索一钱 川郁金七分 荆芥炭一钱 参三七一钱 陈皮一钱 白及一钱五分

某左 络伤血溢。

当归炒，三钱 红花三分 川贝一钱 白及二钱 杜仲三钱 川断一钱五分 山茶花三朵 百草霜二钱

盛右 失血后，身热脉数，咳嗽痰多，脾胃不醒，攻撑作呕。脾肺两伤。

炙熟地四钱 玉竹炒，一钱 陈皮一钱 川贝一钱五分 款冬花三钱 生熟砂仁八分 山茶花二朵 百合三钱

许右 脉至滑数而大，症后咳嗽见血，又胁肋作痛。此系木火刑金。

北沙参三钱 川贝二钱 麦冬二钱 赤白芍一钱 荆芥炭一钱 竹叶五张 前胡 大生地六钱

丹皮一钱 玉金七分 元胡一钱

黄左 久咳见红,肌肉消瘦,更兼便溏,脉至细弱。上损及下,气血两亏,难以图痊,勉作肺胃肾兼补。

黄芪三钱 冬术三钱 山药三钱 桑皮一钱
熟地五钱 甘草三分 苡米三钱 款冬花三钱 百合三钱

王左 右寸关洪弦搏大,咳嗽见血。此胃火刑金,金宜清降。

熟石膏三钱 黄芩一钱五分 天冬一钱 丹皮一钱五分 桑皮一钱五分 元参三钱 川贝二钱 雪梨一两 桑叶一钱五分

刘左 失血后,脉数不减,咳嗽不已。症属阴虚阳旺,理当育阴以补阳。

六味丸,加天麦冬、石斛、穉豆衣。

秦左 久咳见红,脉至左关浮大。此肝阳灼肺,方不外乎育阴以制阳,清金以保肺。

北沙参三钱 芍药炒,一钱五分 生地一两

丹皮炒，一钱五分 天冬一钱 川贝二钱 郁金七分
藕节二 薏豆衣三钱 荆芥炒，一钱五分

惠左 病后不避风寒，不慎劳碌，咳伤血络，宜乎发热失血等症迭出，速速安养，勿事操劳为嘱。

北沙参 元参 生地 丹皮 天冬 荆芥
茜草 竹茹 薏衣 藕节

过左 嗜饮，不贪冷暖，湿热蕴于胃而蒸灼肺，焉得不咳而见血？

苡米二两 百合一两 鸡巨子一两 葛花一钱
白及二钱 藕节二 绿豆一撮

过左 火酒之性热而毒，加温燥之药浸之，以火济火，火上添油。积热于胃，熏蒸灼肺，咳嗽吐血所由来也。脉至右寸关独见有力而大。理当清热保肺，但见饮食骤减，大便溏薄，又因饮食不节。此病中加病，且先为见病治病。

楂肉炒，二钱 神曲炒，一钱 焦谷芽一钱五分
陈皮一钱五分 麦芽炒，一钱五分

接方 竹茹炒，五分 藕节二 绿豆三钱 葛

花一钱 天冬一钱 香稻根须三钱 鲜百合根须一钱

又 不能多言者气弱，大便燥结者血枯。多食胸脘不宽者，胃虽强而脾气不足。脉似有力，自述身静心定之时则细小。种种见象，纯乎虚症见端，急宜培补其本，无徒从事其标。

洋参三钱 生地一两 红枣五 芝麻二钱

毕左 久咳曾经见血，近加喉痛音雌。半由肝肾阴虚火旺，半由时令风热之邪。

生地一两 丹皮一钱五分 茯苓二钱 山药三钱
 莼肉二钱 泽泻一钱五分 元参二钱 川贝一钱五分
 薄荷六分 甘草一钱 射干一钱 北参四钱
 蝉衣一钱 灯心一丈 百合五钱

黄 久咳久热，近加咽碎音雌，脉至两关尺细数。此属阴亏阳旺，稍挟客邪。拟与清上实下之法。

六味丸，加桔梗、甘草、元参、北参、芡实、射干、薄荷、灯心。

某左 咳嗽痰多带血，声音不扬，据述受寒

起见。理当温散。

叭杏仁二钱 苏子二钱 百部三钱 款冬花
三钱 陈皮一钱 荆芥炒,八分 细辛一分 炮姜二
分,此二味三帖后不用

杨左 秉质阴亏,兼以课读耗气劳神,两头
份结块,有时见红。脉至左三部细数,寸尤甚,
右三部细软。显系气分有亏,肝肾阴虚,厥阳上
炽。

生地一两 山药三钱 白芍一钱五分 丹皮一
钱 茯苓一钱五分 元参二钱 草节一钱 川贝一
钱 黄芪三钱 牡蛎煨,五钱 青莲心十

张左 失血咳嗽,便溏纳减,脉至细数,寸
关浮大,出于右部。显系水亏于下,阳浮于上,
致烁肺经,恙非轻痰,阴亏之热,非六淫之火可
比,岂芩、莲、知、柏可退? 无怪乎脾土日亏,至
成棘手。经曰寒之不寒责其无水,又曰劳者温
之,宗此二义,朝用都气以壮水制阳,晚用百合
固金以培土补肺。

熟地炙,八钱 怀药炒,一两二钱 萸肉去核,炒,
一钱五分 丹皮一钱五分 茯苓一钱五分 泽泻盐水

炒，一钱 五味三分

某左 屡屡吐血，干咳不已，脉见弦数。肺肾两亏，拟二地二冬汤，以清金保肺，壮水制阳。前云课读伤气，气属肺，肺为肾母，肾为肺子，未有母伤而子不伤者也。

生地五钱 熟地一两 天麦冬各一钱五分 北参一钱五分 玉竹六钱 川贝二钱 白薇一钱 山药三钱 扁豆二钱 百合三钱 炙草四分 元稻根须二钱

许右 血虽止而嗽不除，六脉无力，气血两伤。前方之中，参入补土生金。

熟地炙，一两 当归二钱 党参四钱 冬术二钱 广皮一钱 百合二钱 冬花蜜炙，三钱 元稻根须二钱

某 咳吐臭痰，胸膈不宽，二便不爽。此胃气逆行，冲犯肺经，应降不降也。胃气不降则二便不爽，胃气不运则胸膈不宽矣。

苏子炒，一钱五分 北沙参四钱 天冬一钱 玉竹五钱 川贝二钱 桔梗一钱 桑皮一钱 茯苓

二钱 苡米八钱 生熟砂仁六分 广皮一钱五分
枳壳五分 竹茹五分 降香五分

王右 咳吐秽浊痰涎，脉至右关无力，左关弦大，形瘦便溏。乃木旺无制，土衰受克。法当抑木以培土，培土则生金，金则可以制木矣。

北参三钱 炙草四分 苡米六钱 绵芪三钱
白芍炒，一钱五分 扁豆四钱 山药四钱 玉竹三钱
冬术一钱五分 降香五分 檀香五分
元米汤代水。

边左 咳血如涌泉，脉至细弱，面无华色。法当益气，以防血脱。

绵芪一两 当归醋炒，二钱 芦根一两 竹茹一钱
参七一钱 大麦冬二钱 藕节三

又 脉虽虚弱，较前有神，血虽未止，大势已退。兹当气血并培。

绵芪元米炒，一两 熟地一两 当归醋炒，二钱
扁豆炒，二钱 荆芥炒，一钱 藕节一 陈棕炭一钱

又 凡病调理，两得其宜，重亦可医，如不遵戒守，服药难救。况血症，更当调养为先。奔走于风热之中，外受客邪，内伤筋骨，若仍前冲

呕,虽妙丹亦莫能止,何况柳皮草根乎?

北沙参三钱 熟地一两 当归炭一钱五分 绵
芪盐水炒,六钱 扁豆炒,四钱 川玉金七分 炙草
炭五分 荆芥炭一钱五分 茅针花一钱 陈棕炭一
钱

又 真阴未复,虚阳未能潜藏。宜乎壮水
为主,以制阳光。

生地一两 怀药炒,四钱 萸肉六分 丹皮炒,
一钱五分 茯神二钱 泽泻一钱五分 麦冬炒,一钱
扁豆炒,一钱 茅针花一钱 陈棕炭一钱

又 右关脉见软弱,便溏后见红而腹痛,改
投理脾益气。此血家善养之事。

大有芪元米炒,六钱 冬术炒,三钱 炙草六分
云苓一钱五分 熟地八钱 当归盐水炒,二钱 荆芥
炭一钱 白芍药一钱

姚左 自四月失血之后,至今三月,咳仍不
减。今脉至右关滑大,舌苔淡黄带白而腻。据
述未见血前,两胁先行胀满。脉症合参,乃胃有
湿火,肝阳上亢,娇脏受灼^①,理当先为清理湿

① 娇脏受灼:原作“娇藏受灼”,据文意改。

热,兼清肝火。

苡米炒,五钱 赤苓三钱 滑石二钱 丹皮炒,
一钱 白芍炒,一钱 玉金七分 扁豆炒,三钱 兜
铃一钱五分 竹茹八分 鸡巨子炒,三钱 藕节一枚

又 舌苔垢腻渐退,右关脉亦稍平,胃家湿
火已衰其半,咳嗽夜半转甚,左关尤带数象,厥
阴之阳依然亢逆。法当清金以生水,壮水以涵
木。

北参三钱 麦冬一钱五分 生地四钱 丹皮
赤苓二钱 扁豆炒,三钱 兜铃炙,一钱 白芍一钱
苡米三钱 生熟甘草三分 枇杷叶蜜炙,二钱

顾左 夏秋之交,受暑风而致咳逆,带痰带
血,神情倦怠,形瘦纳减,脉细数无力。宜气血
并补,兼调肺胃之中少佐清泄之品。

北参三钱 麦冬二钱 扁豆炒,三钱 有芪元
米炒,三钱 当归炒,二钱 生地炙,一两 川贝母一
钱 荆芥炭一钱 牛膝炭一钱 参三七一钱

咳血者,由于肺气不宁,失于潜降之司,或
胃气逆行,上犯金肺,或肝阴不足厥阳上越,或
脾不统血游溢于上,或肾真不固而不司收摄纳
气,或君火内炽而脏阴不安其位,或房事不节而

相火煽其中，或风温内侵而逼血妄行，或寒郁于肺而久咳伤络，或饮酒过度酒热伤营，或暴怒斗殴而气郁血凝。然由内伤损者多，而外感者少，究其所以然，皆由营虚不足，气衰不固也。盖血随气行，气为血帅。凡血溢者必先补气，气固而血自止矣。拟用四君以治脾气，四阴以清金保肺，甘桔以楚上焦风热，八珍以培三阴，生脉以养金制木，六味以壮水濡木，归脾以补肺，八仙长寿以培肝肾，金水六君以植肺肾之虚，当归补血以固其气。种种治法，当玩熟而深思之。

吐 血

金左 失血成碗盈盆，脉来大而且数，更兼腰痛，又发热。无非肝肾阴不自立，而虚阳不能潜伏矣。

生地二两 荆芥炭一钱五分 丹皮一钱五分
牛膝三钱 杜仲三钱 象贝三钱 知母炒，一钱五分
竹茹一钱 参七二钱 竹叶十

许左 失血，左肋作痛，显系肝络有伤。右

眼气轮赤色，肺家现有客邪。先为清解，接服育阴，清金平木法。

桑白皮一钱 地骨皮一钱 沙参三钱 天冬一钱

又 生地五钱 萸肉一钱 茯苓一钱五分 丹皮一钱 怀药三钱 当归一钱五分 白芍一钱 天冬一钱 川贝一钱 红花三分

又 脉见和平，血亦大减。从此可以调理正气，自然渐愈矣。

生地八钱 怀药炒，一两 扁豆一两五钱 冬术二钱 洋参三钱 炙草四分 荆炭一钱五分 谷芽生炒，四钱 荷蒂炒，一枚

徐左 据述病情，先伤于脾，继及肝肾。盖肝不能藏血，脾能统血，肾能藏精，不统所以泛于上，或趋于下也。肝肾为子母之脏，子伤则盗气于母，精之所以不固也。今血已止，面色淡黄，脉来细弱，大便时溏。脉症合参，肝肾亏而脾阳尤弱矣。

芡实一钱 黄芪六钱 党参三钱 冬术二钱 当归一钱五分 茯神一钱五分 远志七分 枣仁二钱 炙草六分 熟地八钱 牡蛎煨，三钱 怀药炒，五钱

五味七 莢肉二钱 杜仲三钱 建莲三钱

龚左 药者，原为补偏救弊而设。经曰：毒药治病，中病即止；常药治病，衰其大半而止；猛品之药，过投谓诛伐无过之地矣。兹脉至洪浮而见革，非胃家积热积毒而何？肺为娇脏而属金，最畏者火，日受火炼，肺液焉有不伤？失血口咳之所由来也。

麦冬二钱 川贝四钱 北参八钱 天冬一钱五分 藕节三 竹叶十 竹茹一钱

某 见红而脉洪数，阴气大伤，虚阳上亢，难免血不复来。重症，急早静室安养，否则服药无功。

沙参四钱 生地五钱 川贝二钱 丹皮一钱五分 青蒿梗一钱 茜草八分 龟版六钱 秦艽一钱 黑栀三钱 鲜地骨皮二钱 元稻根须一钱 怀药一钱

某左 土受木侮，肋胀痛而食减，金受火灼，血出于口，或见于鼻。

北参三钱 麦冬一钱 扁豆五钱 川金七分

蒺藜二钱 白芍炒,一钱
元米汤代水。

蒋左 血后,先贤有云,宜用六味,久服以制阳光;然又云,当以胃药收功。平昔喜饮,中焦湿浊阻遏,因此痰多。从前见红,又因阴虚火炽而来。此二说不可偏废,宗此大旨。

洋参一钱五分 茯苓二钱 冬术炒,二钱 怀药三钱 陈皮一钱 苡米三钱 沙参二钱 川贝二钱 款花三钱 百合三钱

姚左 酒客胃口之上,未有不有瘀者。留于中焦,有成膨胀者。出于上焦,有血尽而愈者,有血尽而亡者。

生地一两 怀药炒,六钱 丹皮一钱 郁金七分 白芍一钱 鲁皮二钱 苡米炒,三钱 芡实三钱 参七一钱五分 荷蒂二 藕节二

四时百病,总有虚实。即是血症一门,犀角、黄连、石膏,非不可用,必有火症,火脉实据者可施。麻黄、桂枝、干姜、香附,先贤有治血症者,必有风寒束缚可施。舍此有血脱益气者,黄芪、人参开手可用。有壮水制阳者,有填精益髓

者，熟地、杞子、当归、鹿茸、龟胶诸类，何常非血症所宜？有以胃药救功者，有固涩急止者。要之，有是症必有此药，不可热，亦不可湿也。

朱左 据述此症瘀凝，温郁无疑。今诸恙况能逐轻，已有可愈之机，药辄不必过于着重，只要寒暖小心，不动气恼，勿多劳碌，远房事，节饮食，自然痊矣。

连节藕一两 连蒂青荷叶三枚 丹参三钱
马料豆四钱 磨三七五分，冲服

张左 平素胃有湿热，又挟夏秋暑热之邪，熏蒸灼肺，痰中似血非血，无非湿热所化。鼻窍气热，饮食减半。都属肺胃，肺喜清肃，胃喜清降。

沙参四钱 麦冬三钱 苡米三钱 扁豆五钱
赤苓一钱五分 砂仁五分 藕节一两 麦冬五钱
大麦仁五钱 香稻穗二支 鲜莲子十 茉莉花二朵

黄左 形瘦脉弱，痰中见红。切勿用寒凉以求血止，而伤脾胃生生之气。

黄芪六钱 当归一钱五分 熟地八钱 桑皮一钱
茜草六分 荆芥炒，一钱 荷蒂一 藕节一

王右 失血盈碗，更兼发热，今虽血止而热未退，脉数而甚于右寸关，舌红无苔，此阴亏之质。口鼻吸受炎暑，干于肺胃两经，热逼而血行于上，兹汗出已多。法当清养肺胃，兼育阴。拟四饮煎加减治之。

沙参四钱 麦冬二钱 川贝一钱五分 生地八钱
荆芥炭一钱 扁豆三钱 穆皮三钱 竹茹一钱
藕节一两

盛左 失血腰痛，虽以劳力有伤，半由肾经不足之故。

生地一两 荆芥炭一钱 杜仲三钱 川贝一钱五分
参七一钱 红花三分 藕节二

王右 失血经久，六脉细弱如丝，时常内热，饮食减少，气血两亏。拟营卫并补。

八珍汤，加杞子、陈皮、杜仲、谷芽、炮姜炭。

程右 血止脉细如丝，拟用仪煎以培气血。

党参四钱 熟地八钱 山药三钱 扁豆三钱
生熟砂仁四分

王左 失血，胃脉弦洪搏大，慎防大发，宜静为要。姑用犀角地黄汤，暂清之。

鲜生地八钱 犀角一钱 丹皮一钱五分 知母二钱 竹茹炒，二钱 芦根一两

陈左 阳络伤，则血溢于上。

荆芥炭一钱 当归炒，三钱 续断炒，三钱 生地炙，一两 杜仲五钱 金毛脊三钱 参七冲，一钱 陈棕炭一钱 地鳖虫二钱

沈左 络损见红，脉静无妨。拟用双荷散，取其行中有止。

鲜荷蒂三 鲜藕节三 陈棕炭一钱 或加三七一钱

杨左 质本阴亏，痧属阳邪，亦伤阴分，为此腰痛无力。今痰中带血，由来两月不止，肺络亦伤。宜金水同调。

洋参炒，二钱 麦冬炒，一钱 生熟地炙，四钱

川斛二钱 萸肉一钱五分 茯苓茯神一钱 山药炒，四钱 丹皮炒，一钱 扁豆炒，三钱 沙参二钱
川贝母一钱 莲须三钱 藕节一两

刘左 屡经失血，今血虽止，而气不能下纳，为此不可偃卧。拟贞元饮治之。

熟地一两 炙草五分 当归醋炒，二钱 巴戟炒，三钱 天冬一钱 青铅一两 紫石英二钱
如见血，加荆芥炭一钱，三七一钱五分，冲服。

吴左 屡经失血，面色淡黄，脉至细弱，右寸关更见无力。即不可见血，即用寒凉。先贤云，血后宜与胃药收功，今宗其法。

黄芪六钱 当归一钱五分 玉竹炒，三钱 扁豆炒，三钱 炙草六分 红枣三 藕皮二钱
元米汤代水。十剂后加洋参、熟地、冬术。

朱左 失血虽止，而津液耗伤矣。

北参三钱 玉竹三钱 扁豆炒，三钱 天冬一钱 生地六钱 当归一钱 藕一两
元米汤代水。

陆左 自二月至八月,两次见红,今左寸尺独见细涩,此心肾两亏之故也。

早服六味丸四五钱,盐汤下。晚服天王补心丹四五钱;红枣十个,稽皮二钱,此二味煎汤下。晨,红枣作点心。

华左 失血身热不已,脉至细数无论,左手有时歇止。气血大伤,极重险症,人事稍有不慎,防意外之变。

玉竹炒,四钱 谷芽炒,二钱 熟地炙,三钱 扁豆炒,二钱 炙草四分 红枣三

王右 心生血,肝藏血。今失血成碗,心胸不适。法养心营、和肝阳之剂。

当归醋炒,二钱 白芍炒,一钱 丹参二钱 川郁金七分 川贝一钱 洋参一钱 红枣五 藕节一

吴左 血见于上,精遗于下。心肾两亏之症。

生地炭四钱 熟地八钱 当归炭一钱五分 炙草六分 莲须三钱 芡实四钱 洋参一钱 红枣五 大红山茶花一朵 藕节三

某左 血止，腰痛头晕。肝肾两亏。

熟地四钱 丹皮一钱五分 荆芥炭一钱五分
当归二钱 白芍一钱 麦冬一钱 杜仲四钱

某左 血后，脉见和平，可以渐愈。然炎威之盛，不可贪凉，受风受寒为要。

洋参一钱 麦冬一钱 冬木一钱 炙草五分
茯苓一钱 白芍一钱 当归一钱 稽皮一钱

某左 血失于上，精走于下，宜乎头痛腰痛也。

熟地一两 荆芥炭一钱 川贝二钱 丹皮一钱
杜仲一钱 菊花炒，一钱五分 牡蛎炒，四钱

何左 失血后，手足无力，脉至关尺见数。养其脾肾之阴，则热自退。

生地四钱 丹皮炒，一钱 川斛三钱 沙苑二钱
沙参三钱 炙草四分 稽豆衣一钱五分

宋左 见红心痛，宜养心营。

洋参一钱五分 丹参一钱五分 红枣五 淮麦
百粒 莲心二钱

又 种种见症，亦属水亏于下，阳越于上，幸而脉不见数弦。诸凡小心，可以无虞。

熟地炙，八钱 川贝一钱五分 怀药三钱 甘菊一钱 北参三钱 扁豆炒，三钱 建莲三钱

吴 失血后气逆，以都气丸纳之。

熟地一两 萸肉二钱 怀药四钱 茯苓一钱五分 丹皮一钱五分 五味四分 怀膝炒，一钱五分 青铅一两

边左 近又失血，左脉细弱，右脉细数，舌苔微黄。先为清理上焦湿邪，续投平补可也。

川贝一钱五分 北沙参二钱 元参一钱五分 赤苓二钱 苡米炒，三钱 红花三分 参三七一钱 藕节二 竹茹六分

宋左 清晨痰内见红，或出于鼻，或出于喉。此上焦浮热耳。

沙参四钱 麦冬一钱 元参三钱 生地五钱 竹茹三分

章右 腰痛如折，咳逆见红，伤于肾也。

熟地一两 当归二钱 怀药三钱 杏仁一钱
杜仲三钱 杞子三钱 桃肉二 红枣三

程右 呕吐屡发屡止，咳嗽气急，骨节烦痛，肺胃两伤，脉见细数，尤血症之急所忌。

北沙参三钱 扁豆炒，五钱 炙生地八钱 怀药炒，四钱 荆芥炭一钱 广皮一钱 竹茹八分
鲜车前草根一棵 茅针花二钱

汪右 劳心劳力，伤气伤络，吐血成盆。今血虽止，过午发热，咳嗽不除，面无华色，左脉细数中空。气血两亏，劳怯之症。调治不易，急急自养，还可渐渐应效。

六味丸，加天冬、竹茹、枇杷叶。

陆左 失血多年，虚里震动。此水亏无以制阳，龙相之火不安其位。拟八仙长寿饮以摄纳。

八仙长寿饮，加煨牡蛎五钱，煎服。

王右 心生血，肝藏血。今失血成盆，心胸不适。法当养心营，和肝之阳。

当归酒炒，二钱 白芍炒，一钱 丹参一钱 川
郁金七分 红枣五 洋参二钱 川贝一钱 藕节一

张左 频年吐血不除，肛疡成漏不敛，一身
之气奚堪延此剥削而不为伤损乎？但诵读耗气
劳神，非有病所宜，而房事不可不绝，慎之慎之。

六味丸，加天冬、麦冬。

又 绵芪炙，六两 当归炒，三两 生甘草节二
两 龟版四两 银花二钱 血余炭三两 芽屑三两
猪脚壳炙存性，十个 陈棕炭一两

某左 脉来三五不调，失血后所忌。神情
倦怠，食后胸腹不宽。脾肺气分有伤，当此夏
令，乃伤气之时，偏不善守静养，须防再见吐血，
致多变幻。

洋参二钱 熟地五钱 天冬一钱 怀药炒，三
钱 冬术一钱 红枣三枚

淋 浊

潘左 淋浊虽久，而脉左关尺数而有力，舌

苔灰黄，两乳肿块，溲难而痛。纯乎湿热不清，见症木郁不主疏泄之恙。未便补涩，拟与疏通。

猪苓一钱 泽泻一钱 赤苓三钱 草梢六分
车前子一钱五分 山栀一钱 萆薢三钱 黄柏一钱
通草七分 乌药一钱 莲子青心十粒

又 前投清疏渗泄之品，已获小效。而脉见左寸关弦数，较之他部有力，舌根灰黄，究属肝家火旺，而兼湿热不清。还宜直折，以清肝胆。

龙胆草七分 川连四分 甘草梢五分 当归三钱
赤苓三钱 滑石三钱 丹皮一钱五分 郁金七分
车前子三钱 木香四分 灯心百寸

次服 细生地五钱 赤芍一钱 通草七分
赤苓三钱 黑知母一钱 黑栀一钱 甘草梢七分
黄柏七分 青皮七分 灯心五寸

后服 中生地五钱 丹皮一钱 泽泻一钱五分
赤苓三钱 怀药三钱 黑栀八分 车前一钱五分
萆薢三钱 川楝子二钱 草梢五分 莲子青心七粒

又 黄柏四两，淡盐汤拌炒黄色，研细。猪脊髓十条，置于碗内饭上蒸热，去膜。将髓和黄柏末捣如膏，作丸，晒干。每日清晨，用淡盐汤送下二三钱。

王左 下浊色黄，而龟头肿胀，虽湿火下流，亦由人事不慎。邪甚，未便固补。且用萆薢分清饮，通因通用。

川萆薢三钱 甘草梢一钱 乌药一钱 泽泻一钱五分 滑石块三钱 通草一钱 黄柏一钱 车前子一钱五分 莲子青心十

王右 湿郁化火，小溲如膏。

黄柏实炒，八钱 山药炒，五钱 猪苓一钱五分 泽泻一钱 丹皮一钱 赤苓三钱 黑栀一钱 莲子青心十 白果肉一个

丁左 证^①，有从症不从脉，有从脉不从症。今脉细弱，而淋浊之起，马口如刀割，舌色白滑，无非湿泻下注，况神色并无顿委情形，而病不过半月，未便涩固。当从症治。

白朮炒，三钱 泽泻炒，一钱五分 萆薢三钱 赤苓三钱 车前子三钱 乌药七分 甘草梢五分 芡实炒，三钱 杜仲三钱 白果肉三钱

① 证：原本作“症”，据文意改。

华左 白淫时滑,始而宜通,久则宜固。

洋参一钱 莲须三钱 牡蛎煨,五钱

每日,煎汤送六味丸五钱。

范左 肾司二便,艰涩虽因湿热下注,亦系气不司化。不禁虽因分泄太过,亦由气不固摄。宗与补中有通,通则中有补,莫妙于六味方法。

生地五钱 茯苓三钱 泽泻一钱 丹皮一钱
 萸肉一钱五分 山药四钱 苡米三钱 建莲带心三钱
 生熟芽^①二钱

又 中下二焦,湿热不清,舌赤,脘痛作胀而兼淋浊。先与二妙丸作汤,加味治之。

苍术土炒,二钱 黄柏盐水炒,三钱 黑山栀一钱
 姜一

周右 小溲艰涩而痛。

萆薢三钱 赤苓三钱 泽泻一钱五分 通草五分
 甘草梢五分 滑石三钱 灯心三十寸

周左 膏淋如浊,溲痛而艰,六脉细涩,面

① 生熟芽:疑为生熟谷芽。

色少神。此肾真虚，开合无权，膀胱气弱，司化失职，湿泻阻塞水道，所以不宣。始而可以分消，继则疏补并行，然后必当大补，乃此症调治一定方法。

洋参五钱 当归三钱 山药三钱 赤苓三钱
 乌药七分 砂仁七分 广皮一钱 苏梗一钱五分
 川膝炒，一钱 鲜篇蓄三钱 鲜菊根三钱 鲜车前
 子三钱 白果连壳，五粒

马 浊精阻窍。

通草五分 萆薢二钱 泽泻一钱五分 甘草梢
 一钱 黑山栀一钱 牛膝二钱 滑石二钱 荆芥二
 钱 灯心五寸

杨左 湿热下注，小溲混浊。

赤苓三钱 牛膝一钱五分 海金沙三钱 萆薢
 三钱 泽泻一钱五分 乌药一钱 草梢四分 滑石
 三钱

又 所投分利，虽然有效，总之究属肾真无纳摄之权，改商生料六味进之。

生地五钱 怀药三钱 萸肉二钱 泽泻一钱五
 分 茯苓二钱 丹皮一钱 莲须一钱 萆薢二钱

任左 精关不固,湿浊未清,宜通涩兼行。

五倍子^炙,三两,茯苓^{三两},为末,炼蜜为丸。
每日清晨淡盐汤送下三四钱。

邹左 湿浊阻闭,溲数舌黄。拟泽术汤,培土分消。

冬术^{三钱} 泽泻^{盐水炒,一钱} 葫芦巴^{炒,一钱}
车前根须^{洗净,打,三钱}

孙左 溲后沥精。

六味汤,加莲须^{三钱}、芡实^{炒,三钱}。

华左 每大便时,用力努挣则廷孔随出,精浊一两点,已历有年矣。询知素有胃寒,吞酸得腥腻则骤作。舌苔白滑,脉至左关弦而带数。肌肉日瘦。想由积劳伤脾,气不充足无疑,统摄阴精,便时气益下注,故精出也。

补中益气汤,加猪脊筋^炙、五倍子、茯苓,转方加熟地。

刘左 湿火归于膀胱,小溲艰涩而痛。

赤苓^{三钱} 滑石^{二钱} 泽泻^{一钱五分} 草梢^一

钱 银花四钱 萆薢二钱 细生地三钱

陈左 左尺脉数，阴精日夜滑泄，此由君相之火交炽。宜固宜清。

黄柏 盐水炒，五分 煅龙骨 三钱 生地 八钱
白芍 炒，一钱五分 茯苓 二钱 萸肉 二钱 芡实 炒，四钱
莲须 三钱 炒山药 五钱 金樱子 三钱

沈左 见色侧戈，望门流涕。虽由肾真之不固，亦由心气之不足。

党参 炒，六钱 熟地 一两 杞子 三钱 萸肉 三钱
锁阳 酒炒，四钱 巴戟 炒，五钱 杜仲 盐水炒，五钱
山药 五钱 菟丝子 酒炒，三钱 益智仁 煨，一钱 远志 炒，七分 五味 五分 旧笔头 一 桃肉 一

某左 血淋已久，拟与加味逍遥。

柴胡 四分 白术 一钱五分 赤芍 丹皮 一钱五分
黑山栀 一钱五分 当归 三钱 草梢 五分 赤苓 三钱
泽泻 一钱五分 乌药 一钱 车前子 五钱

吴童 腹痛几及两旬，按之无块，且骤按之则痛，重按深按反不觉痛，似非生痛伤之症。凡

痲症，轻按则痛轻，重按则痛愈不能忍，此言理也。大凡轻按重按无二，初按之而似痛，久按重按而反不觉痛，即得手按之，阳气气血，因之宣通，所以痛亦暂止。经曰通则不痛，余于幼科一门，未经暗练，本不敢参赘。然医者，意也。色脉见症，部位大小，理则一也。愚见似属湿热阻于小肠，小溲因之淋痛。盖小溲虽由小肠而出，非膀胱气化则不通，能令形瘦如削，脉数无力，饮食减少，舌赤无苔，不但气虚，血亦伤矣。凡分利之药，伤阴者多。清热之药，伤胃者众。均宜择用，愚见如斯。用拟一方，质之高明，裁酌可也。

生洋参一钱 升麻三分 麦冬一钱 刘寄奴一钱
 洋参、升麻，能升清降浊。麦冬，养金生水，通调水道。寄奴，专治肠中之病，又能治小溲淋闭。此虚中挟邪之治法。

川通草八分 桃仁一钱 当归一两 血珀五分 黑
 栀五分 怀膝三钱 乌药七分 鲜车前草连根须
 叶五钱 没药四分 蟋蟀三只 杉木梢三 鲜菊
 花根须三钱 鲜韭菜根须二钱 鲜橘叶一钱

沈 肝用失藏，肾真失固，时而小溲不禁。

熟地四钱 丹皮一钱 山萸 怀药二钱 白
 芍二钱 当归一钱五分 桑螵蛸一钱 杜仲三钱

洋参一钱 牡蛎煨,三钱

陈左 湿热下注,为淋为浊,先为通利,续商固补。

滑石二钱 赤苓三钱 川通一钱 生草五分
 萆薢三钱 泽泻一钱五分 莲须三钱 鲜车前草连
 根须叶五钱

陶左 些小湿热下注,何必大攻大伐,以致气血有伤,若不急停猛药,非惟无益,适足以有害也。

生地 甘草 云苓 银花 当归 加姜一
 枣三

高右 带下频频,时时内热,六脉软弱,气血两亏。用拟八珍以补营卫。

八珍汤,加焦神曲、原杜仲、焦谷芽、姜、枣。①

① 加姜一……高右带下频频……八珍汤……:原本位于卷二首,据上下文移至此。

卷二

中医古籍珍抄本精选（五）

非 风

汪右 曲运操劳，心脾受损，土衰木旺，火动风生，有形之痰挟无形风火入肝之络，蒙闭心胞，手足不用，言语不出，眼闭口开，痰声漉漉。脉至软弱，二便通利，症非中风，即景岳谓非风第伤络者易愈，伤腑者效迟，伤脏者危险。今脉症合参，病伤于脏，恐吉少凶多。议熄风汤，兼培气血，佐以豁痰，备质高明。

钩钩一两 石决明一具 甘菊二钱 远志七分
橘红一钱 胆星一钱 半夏曲一钱 杞子三钱 生
炙草六分 人参一钱 辰砂冬一钱 竹油半怀 姜
汁二匕 石菖蒲二钱 金器一具

强右 平素操劳，前年血败之后，失于调养。

三四日前,晨起卒然而仆,即左手足不用。呵吹频频,脉见弦滑,舌苔色正而膩。以脉症合参,乃肝血有亏,内风频发,兼之劳倦伤脾,土衰则湿痰凝聚,肝木乘虚来侮。此景岳所谓非风,当培养肝脾气血,兼以利湿豁痰。至于驱风之药,无不伤表损气,非虚症所宜。况外无三阳表症,内无便溺阻隔,切莫以中风实症门中方法治之。

当归四钱 杞子三钱 杜仲三钱 钩尖五钱
石决明一具 半夏二钱 橘红一钱 焦茅术一钱
桑枝五钱

非风症,即古所谓中风症也。景岳恐后人误认外风,故易去中风二字,而拟名类风厉风,仍与风字相近,疑是不解,竟以非风名之。又谓之类中,类中者,似属风之中人,而其实非也,究其以然者,缘乎七情内伤,或因酒色过度,或因劳动太过,或系年高衰颓,盖先伤五脏之真阴,继而阴伤及阳,身中真阳无以制伏内风,鸱张陡然掀旋鼓舞,是以有卒然仆倒,舌短神昏,语言不出,遗尿失禁,鼻煽口开,手撒汗多,口眼歪斜,耳聋直视,四肢瘫痪,偏痿反张症等。总之皆系气血之亏,脏腑之衰可知也。舌短神昏者,

心脏气绝也。语言不出者，痰阻于络也。鼻煽者，肺脏气绝也。口开者，脾胃气绝也。手足反张，口眼歪斜者，肝脏气绝也。耳聋直视者，肾与膀胱气绝也。四肢软瘫者，肝脾之气绝也。偏痿者，气血偏枯也，即半身不遂之症也。汗滑如油者，卫气脱也。此乃中脏之极重险者也。至于类中轻重症，或由内风兼召外风，或由外风而引动内风，或不由外风而中络中腑。宜参诸中门中，预为之备而早治之，庶免于履冰临渊之患。《内经》所谓不治已病而治未病者，其为上工也哉^①。

中医古籍珍稀抄本精选（五）

肝 风

宋左 头目苦眩，耳为重听，步履不能轻便，皆因气不充。幸脉象不弦不硬，耐心调养，自然见功。

杜仲四钱 杞子三钱 萸肉二钱 熟地八钱
天麻一钱 怀牛膝二钱 洋参二钱 远志六分 冬

^① 上工：原本作“上功”，据文意改。

术三钱 首乌三钱 砂仁四分 煨磁石四钱

宋左 气郁不舒，肝阳上亢，犯及心胞，睡卧不宁而怔忡如跃。上及两目，时而颊赤，右眼神色淡，为偏伤，致视物不明。其失于早治，今左眼又见模糊。急急养营为主，兼以解郁扶正。

柴胡三分 白芍炒，一钱 当归三钱 茯苓一钱五分 白术炒，一钱五分 玉金七分 石决明四钱 洋参一钱五分 生地三钱 丹皮四分 稽豆衣一钱 枣仁二钱 香附六分 远志四分 黑栀三分 桑叶二片 夏枯草八分 甘菊一钱

杨右 诸风掉眩，皆属肝木。四肢属脾，少腹属肝。时而痰时而疼，风淫未疾也。养血去风为主，培土抑木为佐。

川芎八分 当归三钱 白芍一钱五分 熟地六钱 天麻一钱 杜仲四钱 杞子三钱 洋参二钱 石决明五钱 茯苓二钱 冬术三钱 炙草六分 川断二钱 木瓜一钱 怀膝三钱 虎胫骨四钱 加桑枝五钱 松毛一钱 香附一钱

史右 苦温养血祛风，水不涵木，风阳

上焮。

当归二钱 白芍一钱 熟地五钱 枣仁三钱
茯苓神二钱 天麻一钱 洋参五钱 半夏一钱五分
制首乌四钱 陈皮一钱 山药三钱 杞子三钱 杜
仲三钱 冬桑叶一钱 砂仁四分

右^① 内风兼召外风，良由血虚所致。

川芎一钱 当归二钱 熟地五钱 白芍一钱
天麻一钱 杞子三钱 制首乌四钱 桑叶一钱 半
夏一钱五分 陈皮一钱

史右 脾气不充，肝血不足，内风掀动，兼召外风。

八珍汤，加半夏、天麻、桑叶、秦艽、白芷、鬼箭羽、雍正钱。

王右 心阳妄动，良由肝木旺而风不息。

洋参一钱五分 丹参三钱 元参一钱五分 茯
神二钱 枣仁四钱 白芍一钱 生地六钱 麦冬一钱
石决明五钱 紫石英三钱 当归一钱 淮麦百粒

① 原稿缺姓氏。

某 诸风眩掉，厥阴转筋，无非肝木乘脾。

归须三钱 全虫尾两条 防风一钱五分 苍术
一钱 黄柏一钱 秦艽二钱 苡米一两 川膝三钱
木瓜三钱 槟榔二钱 钩钩一两 红花四分

华左 脉至左弦右弱，厥阳上炽为眩，犯及脾胃为纳少，大便不固。法当培土抑木。

冬术二钱 怀药三钱 白芍炒，一钱五分 砂
仁八分 陈皮一钱 炙草二分 谷芽二钱 建莲四
钱

四五剂后，加党参三钱。

安右 肝为刚脏，体阴用阳，风从火扰，为眩为晕。逆犯于胃，为口喝为酸理。宜清金以平之，壮水以涵之。则刚动之质，遂其条和之性，阳不亢而风熄也。但情志之恙，非比外感六淫可以急效，必须缓缓图治。

北沙参三钱 白芍一钱 川石斛三钱 麦冬
一钱 甘菊一钱 牡蛎生，四钱 川贝一钱 茯神二
钱 橘红八分 生地四钱 谷芽二钱 秫米三钱
乌梅半个 竹茹八分

吴右 百脉牵引，时时上下流行，痛无定在，甚至不能转侧。丹溪云，上升之气多属于肝。又曰，自觉冷者，非真冷也。气从厥阴而来，亦自觉冷。气有余，即是火，甚则风生，风动则痰生。六淫之中，惟风火之性，游行无定。惟气聚散无定。脉见弦滑而大，似气火有余。与见症合参，是肝火入络。

鲜橘叶二钱 丝瓜筋络二钱 青桑枝二钱
银花三钱 青松毛二钱 钩尖一两 杉木梢一两
柏子仁一钱 南沙参三钱 川贝一钱 黑山栀一钱
归须一钱

沈左 木失水涵，风阳上浮。此宜上病治下，壮水涵木也。

六味，加甘菊一钱五分，麦冬一钱五分，元参一钱五分，石斛三钱。

龚左 下虚者，上必眩。宜壮水潜阳，即补阴以制阳也。

熟地八钱 萸肉二钱 山药四钱 天麻一钱
洋参一钱 甘菊一钱 石决明三钱 钩钩四钱

陈右 经来血多，肝无所养，内风掀动，手足为之牵引振掉，有时麻木。血伤而气亦伤，治当营卫兼调，佐以熄风通络。经云，气虚则麻，血虚则木，麻木则气血两虚。

当归酒炒，六钱 黄芪炒，三钱 钩钩五钱 石决明五钱 杞子二钱 杜仲三钱 木瓜一钱 桑枝尖三钱 茯苓中木一钱 青松毛 顺治钱四个

童左 风阳上炽，头目苦眩，宜泄风阳。

甘菊炒，一钱 当归三钱 桑枝一钱 天麻一钱 半夏一钱五分 钩钩五钱 制首乌炒，四钱 石决明六钱

项左 脉至弦滑，风阳上扰挟痰，头为苦眩。

北沙参三钱 钩钩五钱 制半夏一钱五分 甘菊炒，一钱 石决明八钱 杞子炒，一钱五分 制首乌四钱 青桑叶一张

接方 洋参一钱五分 生地八钱 当归一钱五分 白芍炒，一钱 甘菊一钱 半夏炒，一钱五分 决明生打，八钱 广皮盐水炒，八分 桑叶一片

殷左 脉至浮数而空，两足无力，得解后起立则眩。经云下虚则上盛，当焮风涵木，壮水制阳。

六味地黄丸，加天麻、当归、白芍、川石斛。

孙右 肝风走络，心神不安，寤不成寐，筋惕肉瞤。法当静以制阳。

鲜百合一两 鲜首乌藤三钱 麦冬一钱 黑山梔八钱 红帽帋五分 知母一钱 鸡子白衣五个
加灯心辰砂拌，五寸

汪左 风阳旋扰，头目眩晕，肩背痠痛。调和气血之中，加以熄风平木。此乃走络之征兆也。

大有芪蜜炙，六钱 当归三钱 制首乌四钱
天麻一钱 冬桑叶一钱 海桐皮一钱 桑枝三钱
红枣三个

章右 八脉亏，任脉尤损，凶门不合，按之虚软，内风掀动，头目苦眩。当宗奇督治。

鹿角胶二钱 鹿角霜三钱 虎胫骨三钱 当归二钱 熟地五钱 杞子三钱 制首乌四钱 党参三钱 天麻一钱 白果肉五粒

周右 六脉虚细，搐搦频发，良由血不营筋。经曰风淫末疾，此宜是也。

甘杞子三钱 当归三钱 洋参一钱 白薇一钱
炙草六分 钩尖四钱 加桑枝四钱 杜仲三钱 甜
冬术三钱

马右 脉至左弦，中阳上升，头目因之眩晕。法当壮水制阳，熄风平木。

熟地八钱 白芍一钱五分 当归三钱 决明五
钱 钩钩一钱 天麻一钱 炙草六分 杞子三钱
桑叶二片

肝风者，肝阳动而风不宁也。《内经》曰：肝属刚脏，有相火内寄，体阴用阳，喜柔恶燥，为将军之官，而为春生之长，其味酸，其类木，其属风，其应春。又云：东方生风，风生木，木生酸，酸生筋，筋生心，肝主木，病名肝风者非六淫外来之风，乃因脏阴亏损，木少滋荣，风阳旋扰，是内风动摇，不可误认外感者也^①。盖肝性急，全赖肾水以涵之，肺金以平之，中土以培之，血液以濡之。一有所失，则刚动之质，失其柔和之

① 不可误认：原本作“不可悞忍”，据文意改。

体，无以制伏风阳，绕动不息，所谓大风卒来莫御矣。其致病之由有四：一由肾水不足，木失水涵，而肝邪独旺，内风沸起，致有搐搦痰厥，头目苦眩，惊痾痰鸣，多泪，喉痹等症；一由肺气之亏，失其清肃下降之令，金不制木，木反侮金，肝阳上逆，金愈虚，而木愈横，致有咳逆痰多，喉痹，舌碎，口渴喜饮，鼻痔鼻衄诸症；一由思虑烦劳，身心过动，失其畅茂条达之性，致有风阳痲痉癩狂痴呆，易怒忘诞，逾垣上屋，撒^①去衣被，或木火游行，为足肿面赤，囊肿成痈，鱼口便毒，齿痛腐肿之症；一由风木过动，必犯中土脾脏受戕，致有暖酸腹胀，呕^②杂易饥，土败便泄，吐呕诸症。种种见端，无非营液枯槁，肝阴不足，内风掀动耳。然根萌准据如此，因于时邪触发者亦有之。先生治法者：气血两亏者，补之以八珍；营虚木郁者，养营以疏肝；肝脾两虚者，扶土以养肝；肝肾两亏者，壮水以濡木；血虚风动者，养血以泄风；风木煽动心阳者，养血祛风，而佐静以宁心，培土以抑木；木火游行入络者，祛风

① 撒：疑为“撕”之误。

② 呕：疑为“嘈”之误。

以宣络；水不涵木者，补母以生子；下虚上实者，补阴以制阳；木火上逆者，以泄其风阳；奇虚风动者，峻补其八脉。总之不外乎四者物多，若有兼见则随症施治，庶不失先生源流也哉。

虚 证

李左 虚损而至音哑咽痛，怯冷便溏，面色青中带白。不特肺肾阴亏，脾肝之气亦有衰极矣。清凉发散固非所宜，即纯阴滋润之品于阴亏者非不合，若兼脾气不运而见便溏者，亦宜慎用。勉商保元生脉加减，以取培植中土，即是生金水之议。茅症非轻渺，诸凡自知调摄。

人参一钱 炙草五分 山药炒，五两 五味三分
黄芩三钱 炒芡实五钱

复诊 下损及上，音雌咽痛，大便见溏，脾肺肾三脏俱亏，脉至细数而数弦，按之无力。法不外乎培补脾肺气分，滋填肾阴，须自保养为嘱。

原方加鸡子白皮三个，竹膜三分，燕窝三钱，香百合三钱，青果一个，元米一撮。

李 龙雷上升，冲及于胸，心为震荡，犯及巅顶，汗出淋漓。法当温纳，导火归原，纳气归肾之意。

熟地一两 丹皮三钱 萸肉四钱 怀药炒，四钱 茯苓三钱 泽泻三钱 怀膝三钱 车前子三钱 当归三钱 枣仁三钱 沉香六分 肉桂五分 熟附子一钱 小茴三钱 五味一钱 白芍三钱 砂仁炒，一钱

复诊 气自少腹上冲，当镇肝摄肾。

熟地一两 川楝子盐水炒，一钱五分 茯苓三钱 当归二钱 肉桂三分 白芍炒，一钱五分 砂仁炒，八分 南沙参三钱 五味七粒

蒋左 质本阴亏，阴亏者阳旺，素有便血，易犯喉症，时常内热，皆确据也。拟用育阴制阳，耐心久服。

北沙参三钱 洋参三钱 麦冬一钱 川石斛二钱 怀药五钱 陈皮一钱 生首乌四钱 生熟草二分

杨左 舌无苔而有裂纹，操心过度，四肢无力而纳谷减，劳倦伤脾也，内热肺虚。须当气血

兼培，然燥裂宜忌。

洋参一钱五分 熟地五钱 杞子二钱 丹参二钱
怀药四钱 炙草二分 枣仁二钱 红枣二个

徐右 左颧色赤，下午尤甚，脉至左关独见弦数，腹胁攻撑无定，两腋结块，大小不一。脉症合参，无非肝阴亏阳旺，火燥痰凝，气机执滞。法当壮水之主，以制阳光，以涵肝木，兼疏肝之用，以理气豁痰。

炙生地八钱 白芍炒，一钱五分 丹皮一钱五分
山药炒，三钱 泽泻二钱 川贝三钱 香附二钱 元参盐水炒，二钱 银胡八分 石决明四钱 茯苓二钱

许右 汗多而身热不退，脉至细数无根，咳嗽纳少，便溏。损怯重症也。

党参五钱 熟地八钱 冬术六钱 山药一两
白术三钱 神曲一钱 炙草五分 五味一钱 地骨皮二钱 青蒿一钱 牡蛎五钱 沙参三钱 生熟谷芽七钱

陆左 脉数，舌赤无苔，不常发热，腕闷不舒。此营阴亏损，而肝阳横逆。

当归二钱 丹皮三钱 洋参一钱五分 川贝二钱
川连吴萸炒,二分 加石菖蒲三分 生姜一片

史右 肝肾两亏,气不潜藏。

当归二钱 白芍炒,一钱五分 熟地四钱 杞子三钱
砂仁八分 元胡一钱 木瓜一钱五分 川楝子四钱
刺蒺藜二钱

孙右 损症而至上下交损,难为力矣。

熟地六钱 萸肉炒,二钱 怀药一两 白芍炒,一钱五分
炙草五分 肉果一钱 五味一钱 有芪四钱
党参五钱 芡实三钱 莲肉三钱 粟壳一钱

某 尿白身肥,脉弱右甚。此系气分偏亏,用补中益气汤送威喜丸三四。

黄左 馆课劳神,吟读伤气,思索伤脾,不饥少纳,幸大便未溏。虽损无伤,然宜节养。方不外理脾醒胃。

冬术三钱 怀药三钱 扁豆三钱 茯苓一钱五分
大麦仁三钱 生熟砂仁六钱 炙草三分 神曲七分
党参三钱 炒谷芽三钱

单左 周身节骱烦疼，发热舌光，脉数无力。此血不营筋。

熟地八钱 当归三钱 秦艽二钱 杜仲一两
川断三钱 木瓜一钱 苡米一钱 怀药三钱 炙虎
撑骨五钱 末药五分 红枣五个 桑枝五钱 松节
五钱

黄 形瘦脉弱，纳减神疲，五脏气血俱亏，肝脾尤甚。四脏无不禀乎脾土而生，先从补土一法，胃口醒后再商。

益智仁八分 远志七分 冬术三钱 兔丝子
一钱五分 山药八钱 杞子二钱 神曲炒，四分 生
熟谷芽六钱 煨姜一钱 枣三枚

潘左 六脉细涩，胸胁撑胀，甚于脐下，不特阴亏，阳亦衰矣。当水中补火，以求阳阴长之义。

熟地六钱 当归二钱 吴萸十粒 杞子二钱
制川附子六分 砂仁四分

复诊 脉至微细如无，通身胀痛，大便见溏，阳衰极矣。此见端，防其水泛膨胀之虞。

又诊 阴阳两亏之症，气血并弱之躯，前用

大温大补而得效，静养尤恐难于复原，喻山跨岭，带此重病，虽勉强跋涉，病能不加重乎？再返克伐，何以支持？

前方加炙草炭四钱，杜仲四钱，炒山药四钱，杞子三钱，去冬术。

某 五脏皆亏，心脾尤甚，胸虽痞满。勿得以燥烈攻破之药再伤中气，致劫阴精。七福加味为主治。

党参三钱 当归一钱五分 熟地四钱 冬术一钱
炙草三分 远志七分 砂仁六分 广皮一钱
谷芽三钱 神曲炒，六分 枣仁一钱

汤左 频见梦遗，因精损气，行即振掉，骨将备矣，非下虚乎？脑为不满，头为苦倾，非上虚乎？脉断无伦，如油尽灯残则火愈炽，非真阴告竭，阳不潜藏之确据乎？伤之至，损之极矣，且用大补元煎，取其甘温二字，不失为虚之正治。但恐马到临崖，收缰已晚。

党参炒，三钱 熟地一两二钱 萸肉炒，八钱
杞子三钱 山药炒，一两 当归三钱 杜仲三钱
炙草五分 白芍三钱 煅牡蛎四钱 建莲炒，三钱

王右 久热食减,面黄脉弱。宜气血并补。

冬术三钱 陈皮一钱 生熟砂仁八分 丹参二钱 生熟谷芽六钱 山药三钱 杞子二钱 建莲炒,三钱 神曲炒,一钱

王右 上下交损,肺肾两亏,虚劳未传已见,药力难以图痊。都气丸作汤。

熟地一两 丹皮一钱五分 萸肉二钱 山药四钱 茯苓二钱 泽泻一钱五分 五味三分 元参二钱 引灯心百寸

某 心肾两亏,不待言矣,但上气不足,而厥阳亢盛,方宜兼治。在不明者观之,未免夹杂,殊不知前辈本有此法。

有芪五钱 枣仁三钱 熟地八钱 洋参二钱 丹参二钱 白芍炒,一钱 柴胡盐水炒,三分 木香三分 川连三分 肉桂三分 甘草三分 吴萸三分 菖蒲五分 灵磁石煨,五分

宗左 如此险症,得以渐渐向愈,已出万幸。正当加意调养,以得气血未复,至少百日,乃可无变。当下以脉论症,而于九仞之山,所亏

一菴，惜乎以久。初愈未复原之軀，路途往返，受此酷暑，焉能无变？况治病因在明症，殊不知全在药之真伪。倘有不善，方虽好，非惟无功，适足以受害。苦于世人，不知此者多。今之饮食减少，连次遗泄，小溲忽不通利，脉至失神，多因调理不善所致。功败垂成，良可叹也。

党参一两 冬术六钱 怀药五钱 大麦冬一钱
五分 熟地八钱 茯苓三钱 砂仁一钱 白芍一钱
五分 萸肉三钱 莲须三钱 山梔四分 灯心百寸
荷梗一尺

某右 脾开窍于口，而唇属胃。自觉唇干，胃阴枯也。

川石斛三钱 麦冬一钱五分 洋参一钱五分
薄荷三分 桑叶一钱 甘蔗皮一钱

五剂后，去薄荷，加丹参三钱。可以多服。外用白蜜、芦根汁等分，和匀搽之。

施左 六脉细软，气血两亏，一切之症，无非虚象。用拟人参养营汤，调和营卫，兼补心神。

制洋参二钱 茯神一钱五分 远志七分 陈皮

一钱 熟地五钱 当归炒,一钱五分 枣仁炒,三钱
冬术三钱 炙草四分 丹参三钱 谷芽炒,三钱
红枣三个 白芍一钱 桂元三个

殷左 过午发热,舌赤无苔,此阴虚也。厥阴无制,乘脾则动气于脐,筑筑不宁,犯胃则不思纳谷。以脉症合参,似当培土。但培土之药,辛香燥烈者多,施于阴虚而阳动不潜者,均非所宜。以育阴制阳,介类潜阳一法。

北沙参四钱 大冬一钱 白芍炒,三钱 扁豆
二钱 甘草三分 大生地八分 萸肉一钱 牡蛎
煨,五钱 五味三分 乌梅炭一个

管右 但热不寒,而甚于夜,脉见细数,此肝肾之阴亏。面色淡黄无神,纳谷渐减,脾肺气分亦衰矣。据述自热以来,从未有汗,此乃血不足,气不充,所谓蒸而不化,显然虚象,若是风寒束缚之无汗,则当头痛怯寒,百节烦痛,脉来浮紧,毫无此等见象,不可作客寒为用。商八珍益母汤加味,以调和营卫。

川芎一钱 当归三钱 白芍一钱 熟地五钱
党参三钱 冬术一钱五分 茯苓一钱五分 炙草六分

丹皮一钱 陈皮一钱 楂炭一钱五分 青蒿一钱
 生熟谷芽四钱 姜皮六分 银柴胡一钱 一母花
 一钱

吴右 据述起病之因与脉症合参，昨而先伤脾肺气分，今则肝肾之阴竭矣，胃又衰而纳少，脾又败而便泄不止。症属吉少凶多，树皮草根焉能挽回元气于无何有之乡？勉为阴为阳守，阳为阴护法。

洋参一两 麦冬一钱 有芪六钱 熟地一两
 怀药二两 白芍八钱 远志七分 生熟甘草六分
 巴戟三钱 龙骨煨，二钱 牡蛎煨，六分 川连一分
 肉桂一分 建莲炒，五钱 香粳米一撮

徐左 时当风木之令，人身内应乎肝，体弱用强，金衰不能制木，水亏无以涵木。横无制则升愈升，肺主降而失降，肾司纳而不纳。左胁刺痛，鼻孔煽张，呛咳，不能右卧，身面为浮肿之形，胸口虚黑，部位振跃如梭，脉见浮洪数大，无非气不归根，且木旺土衰受克，脾不健运，则食减便溏。症属险重，脉症合参，纯乎虚象。商以生脉散合六味加减，取其清金平木，壮水涵木之议。

洋参三钱 麦冬三钱 五味三分 生地一两二钱
 怀药一两 丹皮一钱五分 茯苓二钱 白芍三钱
 玉竹炒,六钱 沙参三钱 牡蛎煨,六钱 莲肉六钱
 桑叶五钱

蒋左 内热者,无不由于阴亏。今脉来弦数,舌心光赤,共为内热显然。急当清阴制阳。

生地六钱 萸肉一钱五分 怀药四钱 丹皮一钱五分
 泽泻一钱 天冬一钱 元参一钱 稽豆衣二钱
 莲子青心十粒 甘蔗皮四钱 石榴子五钱

强左 脉数大浮,宜壮水以制阳光之动。六味,加莲子青心七粒,沙苑子二钱,桑叶二片。

尹左 气逆耳聋,填阴摄纳。六味,加炒远志一钱,醋煨磁石四钱。

倪左 久咳便溏,脉来数而无力。肝脾肾俱损,劳症之重者。

晨,服陈皮六君子汤加谷芽四钱,冬花二钱,丹皮一钱。

晚,服六味丸加五子三分,麦冬一钱,白芍炒,

一钱。

杜左 质本阴亏，脉来带数，并为遗泻。

生熟地六钱 丹皮一钱 茯苓一钱五分 怀药
四钱 萸肉二钱 芡实五钱 莲须三钱

程左 过午发热，朝清暮浊，脉至数甚于左。此属阴虚内热，形体日削，为症非轻。

六味丸，加地骨皮一钱，石斛三钱。

董左 亏在阴分，脉见细数。阳陷于阴，五心烦热。

生六味，加北沙参五钱。

虞左 阳之浮越，阴之亏也。制阳莫外乎壮水。

生地八钱 丹皮一钱 北沙参四钱 生赤首
乌一两 元参二钱 花粉一钱 川贝一钱 加灯心
五钱 薄荷梗一钱 柿霜一钱

杨右 肝肾亏损而生内热，理宜壮水以制阳。

生地六钱 丹皮一钱 石斛四钱 白芍炒，一钱
沙苑三钱 女贞二钱 加鲜地骨皮一钱五分

吕左 脉至带数，此阴亏阳旺之质。六味加減，壮水以制阳。

生地八钱 丹皮一钱 怀药炒，二钱 白芍炒，一钱
萸肉炒，二钱 芡实炒，四钱 茯苓二钱 沙苑三钱
川贝一钱五分 莲须三钱 莲肉炒，三钱

许左 肝肾阴亏，夜热力少。

熟地八钱 丹皮炒，一钱 怀药炒，三钱 萸肉二钱
泽泻一钱 赤苓二钱 杜仲四钱 川斛三钱

强左 脉至左三部搏指，此阴亏阳亢。法当壮水以制阳光，然须安养，否则交春防见血。

生地八钱 丹皮一钱五分 萸肉二钱 怀药三钱
茯苓一钱五分 泽泻一钱 白芍一钱 沙苑四钱
女贞三钱 青蒿二钱

复诊 原方，加生地二钱。

华左 脉至细数，便溏。阴阳两亏无疑。

党参炒，四钱 炙草一钱 怀药八钱 白芍炒，

一钱五分 芡实炒,六钱 神曲炒,一钱 谷芽炒,六钱
建莲炒,三钱

周左 诵读吟咏,劳神伤气。宜调养心脾为主,兼固肾真。缘心阳过动,亦能吸肾阴也。

党参三钱 怀药三钱 建莲炒,三钱 红枣五个 熟地八钱

陈左 脉来无力,质本不足。总宜平补,不可偏胜。

冬术生,二钱 扁豆炒,三钱 芡实三钱 莲须三钱 丹参三钱 生熟砂仁四分

唐左 恙后津液未复,脉见浮数。拟育阴法。

中生地三钱 北沙参一钱 麦冬一钱 川斛一钱 生熟甘草盐水炒,四分 沙苑三钱 扁豆炒,五钱 鲁豆衣二钱

又诊 脉数渐见,急宜调养脾胃。

扁豆炒,三钱 鲁豆衣一钱 冬术炒,三钱 焦谷芽二钱 会皮一钱五分 生熟砂仁四分 鲜莲子二钱

蒋左 邪陷于阴分，足膝热甚。当凉护肝肾。

生地八钱 丹皮二钱 川石斛三钱 白芍三钱
夏枯草一钱 甘菊一钱 青蒿梗一钱

何左 骨蒸发热，本于阴虚。

生地八钱 地骨皮二钱 川斛一钱五分 白芍炒，二钱 炙草二钱 怀药炒，四钱 鲜青蒿一钱五分

王左 脉软无力，舌苔白滑。当补心脾气分。

党参三钱 怀药三钱 芡实三钱 莲须三钱
枣仁三钱 建莲三钱

程左 操持劳形，思虑伤脾，心脾两损，形瘦纳减。

党参三钱 远志一钱 当归二钱 炙草六分
冬术三钱 杜仲四钱 加桂圆五个 荷叶一张，包米一合，饭上蒸熟，去米，用荷叶二钱为引

潘左 五脏俱亏，心脾尤甚。

冬术六两 党参五两 建莲六两 芡实四两

怀药五两 枣仁四两 熟地八两 远志二两 当归一两 杞子四两 炙草一两 莲须四两

落桑为末,用金樱子五两,大枣四个煮汁,为丸。

邵左 气血两亏,心脾尤甚。七福加减。

党参二钱 当归一钱五分 冬术炒,三钱 熟地五钱 炙草八分 枣仁二钱 远志八分 杜仲一钱

王左 经曰:身寒汗多,阴气胜也,厚衣不能温,髓空而寒在骨也。然不能冻慄者,一水不胜二火也,左胁下形如覆盆,名曰肥气,脾之积也。积之结成,由脾气不运,肾阴不旺,寒凝食滞,阻闭血也。脐之左,脐之上,筑筑然振跳,动气发也。动之微,止在腹。动之甚,则冲胸膈。犯及上焦咽喉,为吞吐不适,或恼怒,或如狂。气下则止,止发均不由己。无非肝肾真阴失守,阳气失藏,龙雷之火,时上时下也。见症似乎夹杂,其实一也。喜食姜附者,脏寒可知也。喜食甜物者,土虚欲得甘以煦之也。今之立方,阳宜扶,阴宜护,土宜培,木宜平;惟消坚攻积,不宜

太过，恐伤正气。昔贤云，养正则块自除，此不消之消，正此以消也。

白芍炒，三钱 当归炒，三钱 茯苓三钱 党参
六钱 神曲一钱五分 冬术四钱 五味子五分 熟
附子一钱 芡实一两 肉桂五分 牡蛎八钱 熟地
一两 炙草五分 楂肉二钱 羚羊四钱

范左 金衰不能生水，子固母虚，两尺浮露
发热，甚于夜。宜填补肾真。

六味汤，加五味子三分。

何左 质本阴亏，今脉浮大而弦，左关尤
甚。水不足以涵木，咳嗽内热之由来也。

六味地黄汤，加沙苑子二钱，川贝母一钱五分。

周左 阳虚生外寒，阴虚生内热，更兼纳少
便溏，胸腹胀痛，脾胃两衰，失于健运。先为培
补气分，继商调治营阴。

有芪元米炒，三钱 甘杞二钱 远志去心，炒，七
分 谷芽炒，三钱 广皮一钱 建莲三钱 炙草一钱
茯苓一钱五分 当归土炒，一钱

接方 六味，加苏梗二钱，银柴胡八分，杜仲

三钱，陈皮一钱五分。

颜左 久热不已而甚于夜，足膝无力，脉至左三部带弦。阴分亏矣。

六味，加冬桑叶一钱。

秦左 多事劳神，百忧感其心，动作伤其力，郁怒生其气。昔贤曰，劳者温之，损者益之。

远志甘草汁炒，一钱 柏子仁去油，一钱 当归二钱 党参炒，二钱 冬术二钱 益智去壳，八分 杜仲三钱 甘杞二钱 枣仁一钱五分 加红枣三个

张左 肝肾阴亏，口渴舌光，过午发热，稍为动作咳不已而气短似喘。宜育阴为主，兼以化痰。

熟地八钱 当归一钱五分 炙草六分 橘红一钱 川贝一钱 玉竹三钱 大麦冬一钱 百合三钱 前胡一钱

周左 操劳则热，所谓动则阳生，阴不敛也。宜于静养。

炙生地四钱 川斛二钱 丹参一钱五分 白芍

炒，一钱 生熟草六分 生熟谷芽一钱 香附一钱

杨左 肝阳不藏而生内热，脾气有亏而纳谷减。

四物，加冬术、甘杞、杜仲、炙草、香附、谷芽、玫瑰花。

冯左 六脉虚软，面色淡黄无神，暮夜微微发热。脉症合参，议与五福饮，气血兼培。

党参砂仁拌炒，三钱 冬术去心，二钱 当归炒，二钱 熟地四钱 炙草四分 加姜 枣

封左 动作烦劳，即见内热而食减。当滋养肾脉之阴，培补脾肺之气。

洋参一钱五分 冬术二钱 炙草五分 当归一钱五分 熟地炙，四钱 川斛二钱 生熟谷芽二钱 加姜一 枣三

高右 带下频频，时时内热，六脉软弱，气血两亏。用拟八珍以补营卫。

八珍汤，加焦神曲、厚杜仲、焦谷芽、姜、枣。

颜左 病经二十日，神识昏迷，舌干无津，脉至软弱且细且空。气血俱亏，伤极矣。邪难外达，势必转趋于内，所谓陷也。邪不在表，断无散理。大便已通，断无攻下之理。况脉弱如此，不虑其虚乎？昔贤治无实症可据，即是虚症。今但见虚象，舍托透一法，别无良策。信则可投，有疑有怨，切勿轻服。

黄芪六钱 当归一钱五分 生地■^① 远志六分
 枣仁一钱 大冬一钱 洋参一钱 柴胡三分
 熟地一两 竹叶十片 钩钩四钱 大豆卷四钱 甘蔗汁十七

沈右 麻为气虚。

上芪六钱 当归酒炒，一钱五分 党参炒，三钱
 茯苓神一钱 冬术三钱 炙草三钱 桑枝酒炒，三钱

侯左 气虚麻木。

上绵芪六两

陈左 脉至左关尺弦大而洪，内热咳嗽。

① ■：原书模糊不清，无法辨认。

责在肝肾阴亏。

六味地黄汤,加大冬。

金左 六脉沉细,发热食减,精神倦怠,大便溏薄,乃劳力受寒,夫虚症也。以脉而论,症属极重。

党参六钱 广皮一钱 生熟谷芽四钱 姜一
生熟砂仁六分

何左 自投补中益气法,右脉稍为有神,胃口亦醒。今左三部不但无力,而兼细涩。细为血少,涩主精虚,急宜加重肝肾填补之药。体实脉实者,截疟之药未尝不可投。体虚脉虚者,虽截疟亦不效。况截疟之药,非敛即攻,无不伤正。正气一伤,非但不能轻减,往往有因此重者,不可不虑也。欲托透兼施者,莫善补中益气加减。气血两虚而偏于寒者,莫外乎十全大补加减。昔贤医案,有服至数十剂而愈者,有至百余剂而效者,是非药之不灵而不应。凡气体之虚,或操心过度以伤神气,或酒色过度以伤真阴,其由日渐月深而来,受邪致病,最不易退,必候元气充足,不求愈而自愈矣。今以脉症合参,

精气神三者俱虚，亦不可不兼固。然耐心，切勿欲速，并宜守养，不可忽略。

党参炒，六钱 冬术去心，八钱 当归炒，三钱
半夏制，一钱 柴胡四分 炙草五分 蔻仁一钱
谷芽一两 广皮一钱 首乌六钱 熟地砂仁拌炒，一
两 绵芪一两 苏叶五分 枣二 姜二

贾左 六脉软弱，右三部更甚，面无华色，形体消瘦，乃气血两亏之质。向因胃有温痰，多食姜通阳，络受燥，而血溢。从此即贪凉畏热，多服麦冬，阴经著寒而疟起。热如姜，寒如大冬，尤不能胜其任，其脏腑之薄弱可知^①。如必欲攻截破散，吾恐益未受而害先至矣。据恙见新方休疟饮，乃气血兼调，庶无偏胜之累。

党参三钱 首乌五钱 炙草四分 冬术炒，三钱
当归三钱 玉竹三钱 生熟谷芽四钱 广皮一钱
柴胡三分 蔻仁二粒

丁 阴阳两伤，气血俱败，虽有参芪，亦难有效。而欲以苦寒退之，破气宽中，其可得乎？

① 脏腑：原本作“藏腑”，据文意改。

焦麦芽三钱 扁豆子三钱 茯苓二钱 香稻
叶二钱

吴 热自晚来，清晨无汗而退，唇红溲热。
显属阴亏，而阳陷于下。^①

某 产后失调，恐成损症。

熟地炙炭，五钱 地骨皮一钱 怀药炒三钱
川贝二钱 沙参四钱 砂仁炒，六分 茯苓二钱
广皮一钱 竹茹六分 炒浮麦三钱

某左 日暮微微内热，似当育阴，但胸口
痞闷，脉见软弱。先理中宫，续商扶正养阴可
也。

焦冬术三钱 砂仁六分 制半夏一钱 广皮
一钱 六神曲八分 洋参一钱五分 姜一 旋覆花
一钱 大麦冬五钱 焦枳壳三分

某右 始由悒郁，继又产后失调，肝脾两
伤，咳逆发热，胸闷便溏。虚损成矣，药不见效。

① 其下似缺方药，原书中无。

怀药二钱 焦神曲一钱 广皮一钱 川郁金七分
 砂仁炒,八分 香附一钱五分 丹参三钱 木香三分
 桔梗六分 降香五分

某左 劳倦伤脾。

焦白术三钱 川断三钱 当归三钱 怀膝二钱
 杜仲四钱 冬花三钱 骨碎补一两

虚症之由,其因不一,五脏之损,病各不同,六腑之亏,多由乎脏,奇经之意,亦由乎脏也。或缘先天稟薄,或因后天不固,或系内劳其神,或因虚致病。然所视之殊,难以缕析。考之越人,上损从阳,下损从阴之论。上损者,因于操持劳神,心脾偏多。下损者,系乎房欲伤精,肝肾为多。心脾损则神色败,仲景有建中汤,立中气而复其真元之不足。肝肾伤则形体坏,景岳有左右归饮^①,填补下焦,而培其精髓之空隙。《金匱》有脉大为劳,为气分泄越;脉虚亦为劳,为精血内夺。亦即越人上损下损之义。大抵上损者,补之以气;下损者,补之以味。气因精而损者,补精以化气;精因气而损者,补气以生精。

① 左右归饮:原本作“左右归阴饮”,据文意改。

所谓治病必求其本也^①，总之不越乎阴阳者也。盖阳化气，阴成形，阳虚则阴无以生，阴虚则阳无以化，所以精赖气化而成，气藉精化而生。故阴阳不得相离，气精不得相失也。经曰：阴在内阳之守也，阳在外阴之使也。又云：阳胜则阴病，阴胜则阳病。阳胜者非阳之胜也，实由阴之不足，宜补阳以配阴，不治阴，而阴自化，故阴阳不得相失也。参先生之治道：气血亏者，补之以甘温；津液虚者，培之以甘寒；阴虚阳亢者，酸甘以化阴；阳虚阴胜者，辛甘以理阳。种种之治法，皆不出乎前贤经旨。先生之精义，后学之津梁也。

怔 忡

章左 思虑太过，心神不安，时而震动，譬之鱼失水即跃。心无血养，焉得宁静，此即怔忡惊悸之渐也。

桂圆制洋参三钱 枣仁炒，八钱 茯神辰砂拌，

① 所谓：原作“所为”，据文意改。

三钱 丹参二钱 柏子仁去油，一钱 紫石英三钱
 红枣五个 淮小麦一撮 猪心一个，煮烂一碗去油煎药

强右 心生血，肝藏血。心少血养则怔忡^①。肝血不足，则视物不明。至于饮食减少，大小便不爽，无非虚象。

柏子仁六分 枣仁二钱 茯神一钱 怀药炒，
 五钱 当归一钱五分 杞子二钱 远志五分 熟地
 四钱 石决明四钱 紫石英二钱 黑脂麻^②二钱
 桑叶一片 红枣三枚

怔忡之症，心跳振动，惊恐怵惕者是也。缘乎营阴不足，心阳不藏，神不守舍，以致心神不宁而怔忡不安，渐至心悸不寐之所由来也。然怔忡心悸，其病虽异，而其源实由乎一也。或因思虑郁结者，逍遥饮与益营汤；喜乐太过者，养心汤或宁志丸；惊恐神怯者，宁志膏或达志丸；志恋伤神者，朱砂安神丸；痰火■^③杂者，温胆汤或朱砂消痰饮；痰饮侵心者，七福饮或二陈

- ① 心少血养：原本作“必少血养”，据文意改。
 ② 黑脂麻：原本为“黑椴麻”，迳改。
 ③ ■：原稿字迹不清。

汤；木火凌心者，龙荟丸；肾阴不交者，左归饮；肺失清肃者，生脉散；病后营亏者，尽释病根；六淫外来者，随症施治。总之，无非营血之耗而心不藏神者也。盖心为一身之君主，凡七情六欲无不由于心，五脏六腑无不系于心，一有所伤则宁静之质反为暴烈之性，怔忡心悸由此而起矣。景岳血症论曰，心生血，肝藏血，脾统血，夫心为生血之脏，最不可伤也，心有所伤，非惟君主不宁，而脏腑皆受其累，譬之桀纣暴虐，而民无安日矣。全赖汤放武伐而天下治，上下逸乐，皆受尔福，怔忡心悸之病亦犹是也。

癲 狂

查左 风火挟痰，为痼厥。

羚羊片八分 钩尖六钱 石决明一具 天麻一钱
橘红一钱 陈胆星六钱 生地四钱 甘菊一钱
金器一件 同煎

吴左 六脉洪数搏大，按之有力。纯乎痰火弥漫，以致神识模糊。

胆星一钱 半夏二钱 瓜蒌仁三钱 橘红一钱
五分 黄芩一钱 玉枢丹磨冲，一钱

陆左 肝风痰火炽甚，语言不论，脉至左关弦滑。防逾垣上屋，不避亲疏。

羚羊角一钱 钩藤一两 石决明一具 半夏二钱 胆星二钱 广金一钱 茯神二钱 广红一钱五分 生熟枣仁六钱 黑栀一钱 乳香六分 竹油半杯 石菖蒲三分 铁屑一两

脉滑而大，不数不洪，痰则有之，并无火据。经云重阴者则癲，此其是也。但痰甚如此，必欲从温补治，亦非善策。太乙紫金加犀黄，名大还丹，专治一切痰症之变怪多端者，今且试服四五朝，再商别治。

太乙紫金丹一钱 犀黄一分

另用生矾少许，泡汤磨化，冲竹油、连姜汁各十匙。

上，服十剂而吐出清水，继以稠痰。

又 前用大还丹，吐去痰涎，约有数杯而脉未能全退，然补药治病可退，攻利治病不可过。先贤云衰其大半而止，此亦谨慎之道，不可不宗。

制半夏一钱五分 茯苓一钱 橘红一钱 枳实
八分 胆星一钱 石决明一具 茯神二钱 黄芩一
钱 竹油半杯 竹茹一钱

邵左 酒之为物，酷饮者，大则可以丧国，小则可以亡身。怯弱者，可以使强旺，强旺者可以更暴戾。或饮之而可以消忧，可以免悲哀。并于阳则狂而妄，并于阴则癫而呆。总之随人之气强弱，入于何脏何经，变出之病，岂止一哉？如仍然多饮，不能即戒，虽服药无益。

葛花三钱 鸡巨子五钱 远志七分 半夏一钱
竹黄一钱 绿豆一两

又 此症阳狂，可以速愈。况酒不戒，而欲疾廖，岂不难乎。

原方加党参炒，四钱，炒神曲一钱，石菖蒲三分。

再诊 加茅术一钱。

过左 脉至左关沉弦，右关洪滑沉弦，为气郁于肝而木旺，洪滑为痰火居胃而发狂。但本虚标实，纯用攻痰直折，恐邪遏正气难支，每多不测之变。骤加补益气之剂，未免助火，愈增其

焰。商用加味逍遥合六味，一以疏肝，一以壮水制阳，庶乎无偏胜之害。

柴胡三分 白芍六分 丹皮二钱 黑栀一钱五分
 生地一两 茯苓三钱 泽泻一钱五分 怀药三钱
 甘草六分 甘菊二钱 枣仁八钱 当归三钱
 钩钩一两 决明一两 元参一钱 川贝二钱 大冬
 辰砂拌，二钱 铁屑代水，一两

项左 六脉沉闷，乃气郁不宣之象。人身之阳气，宜于畅达，欲有折挫，或有疑难^①，则气不伸，久郁则上逆而为怒狂。经以生铁落饮为治。铁哦，淘净泥土，煮汤一缸盆，时时与饮，粥亦用此汤煮，药亦以此代水。

石决明一具 远志一钱 茯神三钱 枣仁五钱
 乳香五分 半夏一钱

又 玉枢丹化，五分 西黄一分，研冲

又诊 原方加蒲黄五分，竹油三匕，姜汁一匙。

程右 暑风内袭，走入少阳为寒热，走入肝络为搐痉，走入心包则有昏厥之变矣。症非轻

① 疑难：原作“凝难”，据文意改。

浅，拟和少阳，熄肝风，清暑热，护心营一法。

柴胡四分 黑梔一钱五分 钩钩一两 决明一
两 玉金七分 翘心一钱 川贝三钱 羚羊一钱
大冬辰砂拌，一钱 元参五钱 枣仁三钱 川连三分
金器一件 竹心一钱 菖蒲三分 竹油十七 西瓜
青八分

又诊 外受暑风，与身中痰火相合，为痉为
狂为厥。本应泄肝之用，清心之阳，惟天癸适
止，寒药不宜。然虑其热入血室，不得不少用寒
凉。拟龙胆泄肝，意备采。

柴胡四分 胆汁四分 当归三钱 橘红一钱
黑梔一钱 钩钩一两 决明一钱 玉金一钱 川贝
三钱 丹皮炒，二钱 胆星八分 茯神辰砂拌，二钱
菖蒲三分 竹油十七 铁哦一两

又 无形之火挟有形之痰，或入变怪多端，
今舌色见黑象伸缩不常，邪渐犯入心君，不可不
清矣。

川连六分 犀角冲，一钱 羚羊一钱 钩钩一
两 胆心一钱 玉金一钱 枣仁炒，一钱 远志炒，
七分 生地八钱 知母二钱 菖蒲三分 香附三钱
薄荷一钱 连翘二钱 丹皮一钱 龙齿煨，三钱
桑枝三钱 朱砂一钱 犀黄一分，研极细末冲服 清

心丸五分

又 川连四分 羚羊一钱 钩钩一两 胆星七分 玉金一钱 枣仁炒,五钱 远志五分 黑梔一钱 生地一两 香附三钱 薄荷一钱 丹皮一钱 龙齿煨,三钱 菖蒲三分 铁屑汤煎药 太乙紫金丹磨,一钱

邹右 新产感受春温,先发痧疹,继以咳嗽内热。风温痧火蒸变生痰,弥漫心胞,阻遏会厌之所,咽中似有物阻,吐之不出,咽之不下。心胞主营,新产后阴亏营损,邪热直入,致神识模糊,言语错乱,脉至弦滑。用拟清豁痰火,开泄心胞。

犀角七分 丹皮一钱五分 玉金一钱五分 天竺黄一钱五分 胆星四分 元参三钱 象贝二钱 连翘一钱五分 橘红七分 竹茹炒,一钱

又诊 痰因火动,火来风威,走入厥阴,为痉厥;走入心胞,为昏迷;走入阳明,为狂妄。种种变端,无非痰火有余,乃因水之不足。熄风清火豁痰,在所必用。苟不壮水,何以复肺肾之阴?

羚羊角一钱 犀角一钱 丹皮一钱五分 橘红

一钱 黑梔一钱 石决明一具 麦冬_{辰砂拌},二钱
 川贝二钱 胆星六分 钩尖一两 生地一两 茯神
 二钱 知母一钱 竹油十匙 芦根八钱 金器一具

又诊 起则如狂,啼笑无常,痰火在厥阴阳
 明居多。再议涤痰清火法。

羚羊角一钱 丹皮一钱 橘红一钱 黑山梔
 一钱 石决明一具 大麦冬二钱 真川贝二钱 胆
 星四分 钩钩五钱 茯神_{辰砂拌},二钱 竹油二十七
 金器一件

痉 厥

劭右 肝阳亢逆,左丝弦数之象大减,厥亦
 渐轻。仍宗清金平木,壮水制阳为治。

羚羊角一钱 南沙参五钱 丹皮一钱五分 石
 决明一两 川金一钱 白芍二钱 钩钩一两 生地
 一两 天麻一钱 贝母一钱 荸荠四个 陈关蛰
 淡,一两 金器一件

复诊 肝阳亢逆,屡投清金熄风育阴之剂,
 虽获小效,不能不发,药力不及耳。

羚羊一钱五分 石决明一两 天麻一钱五分

丹皮一钱五分 钩钩六钱 细地四钱 甘菊一钱五分
赤芍一钱 山梔一钱 川连三分 蒺藜三钱 茯神
三钱 川斛三钱 铁花四钱

抱龙丸，每服一丸，先服三朝。再服当归龙
会丸^①，每服二钱，服三朝。此方服十余剂而
痊。

荆溪县陈公 风入太阳，传入厥络，挟火挟
痰而为痉厥，反张口噤昏迷，汤水不纳。经曰厥
逆连脏不治，用拟清开豁痰，熄风养血一法。投
后语言得出，方可许医。

甘菊一钱五分 黑山梔一钱 胆星一钱 钩钩
一两 石决明一两 当归八钱 麦冬二钱 菖蒲四
分 竹油十一匕 姜汁三匕 灯心五寸 金器一件
接服 玉枢丹五分，石菖蒲汤送下。

第二剂 加羚羊角一钱，北沙参五钱。

另用鹤珠三分，犀黄三分，血珀五分，研细，冲
服。三剂，神有时而清，语亦稍出矣。

又 神语清出，但痉厥或作或辍，昼夜多至
十有余次。论症尚在险途，方中佐以扶正育阴。

① 即“当归龙荟丸”。

洋参二钱 生地一两 丹皮二钱 钩钩一两
 石决明一具 川贝一钱五分 竹黄一钱 黑栀一钱
 五分 羚羊一钱 大麦冬二钱 灯心五寸 菖蒲三
 分

肝为将军之官，风木之脏，有相火内寄，体阴用阳，其性刚，或有邪郁不舒，烦劳过度，诸恙作矣。当其口噤昏迷，痰涎雍塞，汤水不下，胸膈阻闭，大便未通之时，不得不用清开豁痰顺气之药，及其势定，又不可久投。经曰衰其大半而止，原为喜用攻伐者而言。又曰不知治虚，焉问其余。此指不顾根本之医而言。今为日已久，耗散无不伤气，苦寒无不伤胃，燥烈无不劫阴伤液。况痉厥之由，总因血燥生热，热极生风，风动则痰助为疰。为今之计，全赖乎壮水以涵木，滋血液以濡木，清肃之令以平木，益敦阜脾土之气以培木，则刚劲之质，庶得遂其柔和之体，管见如斯，未识当否。

清晨，用官燕三钱，煎汤淡服。另，用荸荠四个，海蜇一两，洗淡，煮汤服。

洋参三钱 扁豆三钱 茯神三钱 谷芽三钱
 阿胶二钱 川贝二钱 麦冬二钱 生地一两 丹皮
 二钱 白芍二钱 钩钩一两 石决一具 甘菊一钱

炙草三分

此方五剂而瘥厥平。

咳 嗽

单左 金为水母，肾为肺子。金衰则水无所生，以致夜热不退，良由久咳伤肺所致。今六脉数而弦，左关尺尤甚。法宜清金壮水，不治热而治热也。

生地五钱 玉竹三钱 北沙参二钱 丹参一钱
五分 茯苓一钱 怀药三钱 萸肉二钱 泽泻一钱
鲁豆衣一钱五分

潘左 肺主布气，肾主纳气。稍为劳动，则气逆喘嗽，其为失布失纳显然。当培补肺肾，兼以理脾，取其土能生金也。

绵芪三钱 当归一钱五分 熟地炙，六钱 炙
草四分 怀药四钱 冬术一钱五分 砂仁盐水炒，四
分 叭杏二钱 生姜一片 橘饼二钱 桃肉二枚

吴左 据述病起怨哀，咳嗽发热，自去年秋

季，迄今六月有余。近增音雌咽痛，大便溏薄。盖怨哀则伤肺，肺伤则咳，而水失所生，水亏则火炎，而肺金受灼，故诸症所由来也。症非轻浅，小心为嘱。

生熟甘草一钱 桔梗六钱 山药炒，五钱 芡实炒，五钱 玉竹炒，三钱 元参炒，一钱五分 蝉衣四个 北沙参三钱 炙生地 青果一个 灯心一丈

苏左 久咳眼胞浮肿，两足无力而见虚浮，痰出味甜，左胁作痛，面色淡黄。此属劳倦伤脾，形寒伤肺。

冬术炒，二钱 苡米炒，六钱 炙草八分 款冬花三钱 杏仁五钱 玉竹炒，三钱 白薇二钱 杜仲三钱 百部二钱 桃肉三 姜二

吴左 金衰则取供于母，脾土因此亦伤，水无所生，肾阴由此日涸，木失所涵，虚阳从此上亢，咳嗽便溏，音雌咽痛。用拟培土生金，清金生水，壮水涵木，以冀虚阳潜而脾土旺，乃是转机，否则难效。

洋参二钱 麦冬一钱 五味三分 熟地八钱 丹皮一钱 萸肉炒，一钱 山药炒，六钱 茯苓一钱

炙草六分 白芍炒,二钱 泽泻一钱

史左 六脉沉细,左见微弦,舌赤无苔而津液颇多,咳嗽气短。伤在肝肾之阴,宜养营摄纳。

熟地八钱 当归三钱 炙草四分 山药三钱
五味子三分 款冬花二钱 橘饼三钱 百合三钱

沈左 久嗽,六脉微弦,入夜身热,口渴而不多饮,气血两亏矣。用拟人参养营汤加减。

党参三钱 熟地八钱 冬术三钱 当归三钱
黄芪五钱 白芍一钱 茯苓一钱五分 陈皮一钱
炙草三分 冬花三钱 五味子四分

高左 久嗽伤肺,盗气于母则土衰不运,所以母无华色,大便见溏。肾为肺子,金伤水无所生,故见腰痛,脚弱无力。法当培补脾肺气分,并益肾真。

党参四钱 冬术三钱 山药五钱 白芍炒,一钱五分 炙草五分 黄芪六钱 五味子五分 杜仲四钱 半夏一钱 冬花三钱 御米壳一钱 熟地一两 桃肉一个 姜一

查左 久咳伤脾，盗气于母，胃土衰则呕吐，脾土衰则便溏，多泄则阴伤，阴伤则内热。

四君子汤，加五味、白芍、怀药、砂仁。

朱右 咳嗽寒热，咳吐红痰秽浊，便溏纳减，脉弱无力。当培土生金。

党参三钱 茯苓一钱五分 冬术二钱 黄芪四钱
白皮一钱 山药二钱 炙草六分 川芎四分
白芍一钱五分 苡米炒，一钱 熟地 丹皮一钱五分
檀香五分 降香五分 百合三钱

又 诸恙轻减，惟咳出痰红，秽气未除。

前方去川芎，加白及、生姜。

张 脉至右寸关细弱，脾肺气分偏亏，咳逆所以不止，纳谷所以少也。左关尺见弦数，脾肾之阴伤。阴亏则阳旺，过午所以热也。法当上午补土生金，以培脾肺。晚间育阴制阳，以滋肝肾。早，服四君子汤合白花膏，加黄芪、当归；晚，服八仙长寿丸。

此方，十六剂大效。

又 原方，加山药、扁豆、白芍、沙苑。

王左 久咳，脉玉沉细而迟。宗虚寒治。

炮姜五分 熟地一两 叭杏二钱 五味子三分
冬花三钱 鹿角霜一钱 桃肉三枚

苏左 脉数甚于右，发热甚于夜，咳嗽痰多，舌光而红，肺胃之阴伤矣。拟用固本，金水同治。

生熟地各一两 天麦冬各一钱 洋参一钱五分
川贝二钱 罌粟壳炙，一钱 冬花三钱 百合四钱
元米代水

某 气逆咳嗽痰多，中脘作痛而胀，肺有寒而气不顺，胃有滞而气失降。

苏子一钱五分 白芥子一钱 莱菔子一钱五分
麦芽二钱 姜一

又 砂仁 半夏 枳壳 焦术 焦曲 杏仁 木香 姜

宋左 肺受寒邪，犯在心胃，咳甚则呕而心痛。今见脉细模糊，唇舌紫暗。禀质素亏，气血亦弱。拟补肺汤，兼温中。

党参三钱 熟地六钱 黄芪三钱 叭杏二钱

半夏一钱 砂仁姜汁炒，八分 细辛三分 五味子三分
干姜三分

某左 脉左细右大，俱见无力，发热咳嗽，面黄无神。此劳损之根，调养兼以疏解。

党参炒，三钱 白芥子炒，三钱 苏子炒，一钱
炙草六分 陈皮一钱 半夏炒，一钱 冬花三钱
茯苓二钱 当归三钱 熟地四钱 杜仲二钱 百合
三钱 前胡八分 姜一 大枣一

许左 咳嗽发热，虽因风寒起见，脉数过于六至。纯乎温散，似乎不可，但寒凉亦非所宜。

玉竹四钱 荆芥一钱 前胡一钱 陈皮一钱五分
北沙参三钱 象贝一钱五分 桑皮二钱 地骨
一钱 砂仁炒，一钱 竹茹一钱 枇杷叶去毛，二钱

李左 咳因寒起，由来已久。今加发热，咳甚则呕。宜培土金，甘温除热。

生熟砂仁 陈皮 半夏 丹参 香附 冬
花 姜 枣

陈 脉至右大于左，咳嗽不已，两足无力，

纳谷减少。此操持着寒,当培脾肺之本。

党参三钱 冬术三钱 黄芪三钱 当归二钱
 陈皮一钱 炙草六分 桔梗八分 叭杏二钱 五味
 子七粒 半夏一钱 麦冬一钱 姜一

某左 肺气不能下降,胸窒而咳。肾气不自摄,纳气短而促。脾气不主运行,谷减而泄。急宜培固三脏,况脉见左细弱右无力,其余不待言矣,而可知矣。

党参四钱 冬术三钱 山药三钱 熟地一两
 杜仲一两 桃肉二个 五味三分

吴左 久咳,呕吐酸水,痰浊腥臭,频频梦泄,此子母两伤。肾为肺子,母虚则子亦虚矣;脾为肺母,肺虚则告竭其母,而中土亦因之而虚也。法当培脾肺肾,三脏同培。

党参四钱 茯苓一钱五分 冬术三钱 陈皮一
 钱五分 炙草三分 芡实四钱 薏仁二粒 建莲三
 钱 苡米四钱 降香五分

陈左 形寒饮冷则伤肺,肺为水母,久咳则子无生而肾亏内热不已。而土为肺母,肺伤则

取供于母，则脾亦衰，形瘦纳减，便溏之所由来也。法当脾肺肾兼补，佐以祛寒之品。但症已属险重。

党参四钱 冬术三钱 熟地八钱 怀药五钱
 黄芪六钱 芡实三钱 百部二钱 麻黄三分 五味
 三分 干姜三剂，三分 加苏子三剂，一钱 又加细
 辛三剂，一分 又加杏仁一钱

陆左 久咳者，土必伤。面黄痰多，显以土衰不运，饮食不化精气而化痰耳。拟陈年六君，以培土兼泄肺家伏邪为法。

陈年六君汤，加杏仁二钱，白芥子一钱，生姜一，大枣二。

周左 左尺脉弦，右寸带浮，足膝无力，咳嗽不已。拟都气饮，以调肾肺。

熟地一两 怀药炒，八钱 丹皮炒，一钱五分
 萸肉三钱 茯苓二钱 泽泻一钱 五味三分

宗左 久咳，痰气秽浊，脉来细数，肌肉消瘦。此脾肺两伤，胃家寒湿。宜培土生金，切忌滋腻清凉润肺之品。

干姜三分 冬花蜜炙,三钱 炙草六分 细辛二分 五味子三分

又 冬术四钱 冬花蜜炙,三钱 苡米五钱 百部二钱 杏仁三钱 生姜一 橘饼二分 炙草六分

邵左 咳吐痰血臭秽,足跗浮肿,左关脉弦数。此肝火与胃家湿热,熏蒸灼肺。胃湿宜渗,肺金宜清,肝火宜熄。

生冬术二钱 猪苓三钱 泽泻一钱 苡米一两 天冬一钱五分 玉竹八钱 桔梗一钱 白芍一钱 丝瓜子二钱 川贝二钱 石决一具 钩钩四钱 紫菀一钱 银花三钱

陆左 气升则咳,脉至左关尺浮露,右寸软弱,此肺肾不主纳降。似宜金水同调,拟生脉六味。

生熟地六钱 萸肉二钱 茯苓二钱 山药二钱 泽泻一钱 丹皮一钱五分 洋参二钱 麦冬一钱 五味子十粒 款冬花蜜炙 橘饼 煎汤代水

顾左 久咳腰痛,形脱食减,肺胃肾三脏俱

伤，况脉见细数。症属重险，图痊不易。

陈皮一钱 半夏一钱 茯苓一钱五分 炙草三分
生冬术 熟地六钱 当归炒，二钱 杜仲二钱
桃肉三枚

陈左 病后又感新邪，以致咳嗽。

款冬三钱 紫苏一钱 杏仁二钱 炙草四分
党参三钱 陈皮一钱 生姜一

孙左 感寒咳嗽，久而不已，拟温开法。

苏叶八分 半夏一钱 橘红一钱 茯苓一钱
荆芥一钱 杏仁一钱 炙草四分

朱左 久咳，面黄无神，脉来左寸关，似有似无，此脾肺气虚已剧。宜甘温培土益气为治，慎勿寒凉切嘱。

党参三钱 五味十粒 炮姜四分 炙草六分
冬术炒，三钱 冬花三钱 桃肉三枚

尤童 干咳无痰，时作时止，入夜盗汗沾濡，脉左关弦。金水并治。

熟地五钱 萸肉一钱五分 山药三钱 茯苓二

钱 泽泻一钱 玉竹炒，二钱 白芍炒，一钱 麦冬
元米炒，二钱 桑叶二片 浮麦三钱

唐左 肝肾精阴素亏，肺有风热闭寒。宜
开上实下。

桔梗一钱 细辛二分 枳壳炒，八分 熟地一
两 杏仁三钱 炙草六分 紫苏一钱五分 冬花三
钱 生姜一

萝卜一两，白糖五钱，橘饼一两，煎汤代水。猪
肺一个，苡米一两，入管内煮烂作菜食。杏仁、桃
肉，细细嚼碎。姜，糖。日服二次。

强右 久咳而难于出声。拟金水六君，以
滋其燥。

熟地八钱 当归一钱五分 半夏炒，一钱 茯
苓一钱五分 陈皮一钱五分 炙草四分 冬花三钱
生姜二片

又 咳伤肺络，近见痰中带红。

原方加川贝一钱五分，红花三分，百合三钱，藕
节三节，去生姜、半夏。

周右 脾肺气衰，为咳为泄。法宜补火生

土,培土以生金。

益智仁炒,八分 煨肉果一钱 远志炒,七分
五味三分 山药四钱 冬术炒,五钱 炙草六分
车前子炒,二钱 诃子生炒,五钱

顾左 咳嗽咽干腰痛,乃肺肾二亏而邪不
彻。金水六君汤,少佐透解。

熟地八钱 当归一钱五分 半夏一钱 杏仁二
钱 炙草六钱 橘红一钱

高左 久咳者,肺气必虚。法当补土母以
安其子,治脾即治肺也。

冬术三钱 玉竹三钱 砂仁炒,六分 半夏一
钱 陈皮一钱 茯苓一钱五分 杏仁一钱五分 苏
子炒,一钱五分 冬花三钱 生姜二片

王右 咳嗽气急,肺虚感寒。食后作胀,脾
虚不运。法当补土生金,温中理气。

党参炒,三钱 茯苓一钱五分 半夏一钱 冬
术三钱 陈皮二钱 木香三分 五味子三分 炮姜
三分 同捣

管左 胸膈稍宽,咳嗽不减,声音未清。

苏子炒,一钱 生熟诃子一钱 川贝二钱 瓜
 蒌仁二钱 苡米炒,八钱 红花三分 蝉衣四分
 韭菜根四钱 薤白一钱五分 香椿芽二钱

邹左 久咳伤肺。

黄芪炒,六钱 玉竹炒,四钱 炙草四分 冬花
 三钱 百合三钱 橘饼二钱
 元米煎汤代水。

曹左 面黄无力,气逆咳嗽,脉至软弱。此
 劳倦伤脾,风寒入肺。宜培土为主,佐以温开。

冬术炒,三钱 当归炒,一钱 炙草四分 杜仲
 五钱 苏子炒,一钱 冬花二钱 川断二钱 半夏
 炒,一钱五分 生姜二

姚左 经云:五脏六腑,皆能令人咳。今脉
 来左关弦滑,似属肝火刑金。清金壮水,一以平
 木涵木。

北沙参八钱 生白芍二钱 大生地六钱 川
 贝三钱 白菊花一钱五分 生决明五钱 沙苑二钱
 郁金汁二匕 钩钩五钱 竹叶一钱

庄右 病经半载，寒热不已，脉至右寸浮大，左尺数而无力，余俱细数无力。此阴亏于下，厥阳上炽，戕及肺经，以致咳嗽，颧赤见于右半。法宜壮水制阳，清金保肺。

玉竹四钱 麦冬一钱 沙参三钱 洋参三钱
丹皮一钱五分 生熟地一两 五味子三分 怀药炒，三钱
川贝一钱五分 鲜地骨皮一钱五分 绵芪三钱 百合三钱

某右 咽喉时而作痒，时而咳逆，遍体时而似疹，时而发丹。皆由肺有伏邪，肝阳暗旋所致。脉虽平和，然恼怒宜忌。

鲜桑皮一钱五分 地骨皮 苡米三钱 玉竹二钱
赤苓三钱 元参一钱 生草四分 川贝一钱五分
砂仁四分 百合三钱 枇杷叶一钱

强左 咳之为病，固属于肺，久咳则肺气虚，盗及于母则土虚肾无所生，则水虚阳虚，则无寒生寒。水虚则无热发热，土虚则纳少便溏。症当脾肺肾同调，然病不轻，图痊不易。

党参三钱 白芍炒，一钱五分 怀药一钱五分
沙参三钱 冬术炒，三钱 黄芪六钱 炙草六分

熟地八钱 建曲一钱 杜仲炒,二钱 冬花三钱
五味三分 白薇一钱 丹皮炒,一钱 罌粟壳一钱

龚左 寒入肺底。

麻黄蜜炙,四分 杏仁二钱 生甘草六分
又 原方,加生石膏三钱,炙甘草三分。

龚右 咳嗽月余,呕血三次,痰气秽浊,中脘作痛,脉至右弱左弦。此肺胃两伤,肝阳独旺,浊气熏蒸,肺气不降,咳无时矣。

北沙参三钱 玉竹四钱 川贝二钱 天冬一钱
红花四分 白芍一钱 香附五分 苡米五钱 扁豆
二钱 绵芪三钱 陈皮一钱 竹茹四分 降香五分
炒粳米一撮

管左 脉至左弦右弱,咳吐黄痰,气腥秽更兼鼻衄。此系肝火炼金。

北沙参三钱 玉竹四钱 桔梗八分 白芍三钱
生苡米三钱 天冬一钱 扁豆三钱 丹皮一钱 元
参一钱 川贝一钱 竹茹四分

陈左 脉至左三部弦洪而大,曾吐血。今

血虽止，咳逆不除，身热不退，小溲短涩，所服疏解寒凉，未见其效。经曰：寒之止不寒，责其无水。

六味丸，加白芍炒，一钱五分，北沙参三钱，川贝一钱，稽豆衣二钱，白术炒，三钱，冬花蜜炙，三钱，五味三分，罌粟壳一钱。

宋右 久咳身热无汗，脉见浮数。肺分之邪不清，气亦不顺。还宜疏解。

苏叶一钱 杏仁二钱 广皮一钱 香附一钱
当归一钱五分 茯苓一钱 炙草四分 前胡一钱
荆芥一钱 生姜一

又 投疏解之药，汗已得，嗽稍减，而气还不顺，痰不易出。拟金水六君加减，以培肺胃之阴，兼降其气。

熟地六钱 当归二钱 茯苓一钱五分 陈皮一钱五分
炙草四分 芥子一钱 杏仁一钱五分 川贝一钱
玉竹三钱 前胡八分 香附一钱 姜一

叶左 肺为娇脏而属金，外主皮毛，最畏者火，又畏风寒。肺经有恙，风热之中最忌行路为囑。

玉竹四钱 苡米五钱 广皮一钱 扁豆炒，三钱
 炙草四分 白芍炒，一钱 川贝去心，一钱五分
 麦冬三钱 百合二钱 北沙参三钱

徐右 久咳痰咸，子母两伤矣。当金水同治。

北沙参三钱 川贝一钱五分 麦冬去心，二钱
 熟地八钱 海浮石四钱 百合三钱
 元米煎汤代水。

蒋左 肺有伏寒感邪，则喘嗽频发。

陈皮一钱 杏仁二钱 茯苓一钱五分 炙草四分
 半夏一钱 前胡一钱 香附一钱 苏子一钱
 生姜一 猪牙皂炙，一寸

丁左 咳嗽起于受寒，从未得汗，近加发热。议与疏解为主。

苏叶一钱五分 荆芥一钱 前胡一钱 杏仁二钱
 炙草四分 当归一钱五分

木 肺胃风热。

淡芩二钱 天花粉二钱 薄荷一钱 连翘一钱

五分 甘草一钱 元参二钱 桔梗一钱 银花三钱
大贝二钱

管左 咳嗽起于冬令,时发时止,脉至沉细迟。肺有伏寒也。

炮姜三分 五味三分 二味同捣 杏仁炒,二钱 橘饼二钱 冬花蜜炙,三钱

周左 六脉沉细而迟,形瘦色青而暗,咳经年不止,此虚寒也。

补骨脂炒,一钱 熟附子五分 生姜二 桃肉二

姚左 嗽甚于下午初交,脉至浮弦而数,左关尤甚。究属水亏阳旺。

六味汤,加麦冬、五味、川贝。

某右 久咳,形瘦纳减。上损及中,已成损怯。

党参三钱 当归二钱 炙草六分 熟地八钱
冬术三钱 款冬花三钱 怀药三钱 苡米三钱 建莲三钱 玉竹四钱

某左 肺气不降,肾气不纳,金水六君合六合兼加减之法。

香附一钱五分 熟地一两 当归二钱 炙草六分
苏子一钱五分 冬花三钱 半夏一钱五分 茯苓一钱五分 广皮一钱 磨沉香五匕

某左 嗽起于暴,咽喉作痒,此时邪之风寒也。温散为主。

苏梗叶一钱五分,一钱 荆芥一钱 炙草四分
杏仁二钱 桔梗八分 姜一 葱一个

胡

广皮盐水炒,二钱 制半夏二钱 芥子炒,一钱五分
苏子炒一钱五分 枇杷叶二钱 葶芥四 海蛰一两
竹叶十片 芦根一两 雪梨一两 浮石三钱

转方 洋参三钱 半夏二钱 覆花二钱 茯苓二钱 炙草二分 芥子炒,一钱 赭石四钱 葶芥四 海蛰一两 枇杷叶三钱

杜左 脉至左寸关滑数,右半结核不一。此肺胃痰火,为此咳而胸次不宽也。

煅牡蛎四钱 广皮一钱 枯草一钱五分 花粉

一钱五分 川贝一钱五分 淡芩一钱 元参三钱 牛蒡子二钱 芥子一钱 香附一钱 苏子一钱 葶芥
四 竹油十七

肺为相传之官，为宗气之海，为清虚之脏，全赖中土之所生，肾命之持，卫气之所以司。盖肺主毛皮而居上焦，主降主纳，一有所感则潜降之机失职，气逆上冲，咳逆之由，从此而起矣。当此之际，宜彻去其邪，肺得清肃之令，气机潜纳，而咳逆自平矣。若失治留邪，咳逆日甚，肺气日伤。盖肺与脾为子母之脏，子伤必告其母脾脏受损，便泄纳少之病，所由起也。夫肺与肾亦属子母相生之本，肺虚则金不能生水，肾经因此而日亏，遗精便浊之恙所由来，久则为劳为损，以致形瘦肌消，内热恶食诸症，无不毕备焉。此因外感而伤者也，有内因而致者，或由拂郁而木火刑金者，或由心绪不适而君火上逆者，或系房中欲事不节而相火妄动者，或因肾真不固而不主纳气者，或因脾衰而土不生金者，或本体津涸而金肺不宁者。总之皆由正气不固，不司藏纳，气逆上犯而致也。非惟五脏皆有咳症，而六腑亦能致之，凡六腑因多由乎脏也。而胃咳则呕逆，胆咳则口苦，大肠咳则遗尿，小肠咳则失

气，膀胱咳则遗溺，三焦咳则腹满。种种咳症，虽有脏腑之殊，总之其因则有二焉，非外感则内伤。然则为劳损，其至则一也。阅先生之治症，土虚者以四君，肾虚者以六味，肺虚者以生脉，气血亏者以养营，肺胃两虚者以固本，木火刑金者清金以平木，土不生金者培土以生金，心阳亢逆者益心以养金，金不生水者补气以生精，水不藏纳者补精以化气。当认其原委，随其机势而治之，观者勿谓其法不详而忽之也。

上 下 血

徐左 先吐血，又便血，今虽血止，咳嗽不已，肛旁患疡成漏，上下交损，能勿劳节欲，服药则效，否则无功。治下以六味丸，清晨服四五钱，淡盐汤送；治上以补中益气汤，晚间服，此立斋法。

升麻	三分	柴胡	醋炒，三分	党参	三钱	炙草	
五分	冬术	三钱	陈皮	一钱五分	黄芪	六钱	当归
三钱	槐角	三钱	麦冬	一钱五分	五味	十粒	血余
一钱	银花	炒，二钱	百合	二钱	苡米	四钱	

张左 血不归经，上溢下出，今虽止，须要小心。

六味汤，加麦冬一钱，女贞子一钱，旱莲草一钱，侧柏叶一钱五分，车前草根二钱。

张左 夏秋失血之后，体气未能复原。今又见红，脉至左关尺细弱，频见梦遗，此肝肾之阴亏也。右关见浮大，时而牙龈肿胀，便坚带红，此属肺胃有火。拟用四阴煎，以清上实下。

生熟地八钱 麦冬一钱五分 川槿三钱 甘草三分 沙参三钱 茯苓一钱 知母炒，五钱 鲁豆衣三钱 元参一钱 丹皮一钱 扁豆二钱 参三七一钱 加百合三钱 川贝一钱五分 侧柏叶一钱

陈左 咳血便血，因伤而致。今便血已愈，咳嗽未止，凡有伤起见，久而血不止者，必有停瘀，非比情志之血，只要培补。用拟行中带补法。

白及二钱 金毛脊四钱 续断二钱 杜仲四钱 骨碎补四钱 荆芥炭一钱 杏仁一钱五分 桃仁泥一钱五分 红花四分 藕节一个 陈棕炙，一钱

五剂后，去桃仁、杏仁、红花，加桃肉二个，苡

米炒,三钱。

孙左 阳络阴络两伤,血溢于上为呕吐,溢于下为便血。脉至右寸关软弱,左关尺细数。当气血兼调。

洋参一钱 黄芪六钱 当归二钱 生地一两
丹皮一钱五分 荆芥炭一钱 女贞子一钱五分 白芍炒,一钱 山药三钱 陈皮一钱 三七一钱 旱莲草一钱五分 加竹茹一钱 藕节三个

又 肺肾两伤,喘急不能下卧,更兼脉数无情,此血后所大忌,症属重险。用拟贞元以纳肾气,生脉以固肺气,早晚进之有效,可以许痊。

洋参三钱 黄芪六钱 沙参三钱 川贝一钱
麦冬二钱 五味五分

又 当归一钱五分 炙草五分 浮麦炒,二钱
牛膝炒,一钱五分 生地一两

边左 便血于前,咳血于后,继见成盆而冲。当清肺肾。

黄芩二钱 生地一两 荆芥炒,一钱 三七一钱 竹茹一钱 藕节二个

张左 体质虚寒，喜吃辛辣则适，未免太过，久而增气，胃有积热，以致失血便红，屡发屡止，多年不愈。今面色痿黄，脉至右三部细弱无力而带数，右关独见数大，血固亏矣。第阳明之积热不清，燥温辛烈之品，在所当禁，即如参、芪、归、术，虽属血症收功之药，而于气分有火者，未免有助阳之弊。至苦寒之药，又非久病阴亏所宜。商以育阴制阳，甘寒治大热一法，庶无虚虚实实之虑。

六味丸，去山萸，加鲜石斛、白芍、淡芩、竹茹、芦根、绿豆。

又 因积热而动血，去血过多则阴亏，阴亏则火旺，自投育阴制阳，甘寒治大热一法，血已止，而脉右关较前略小，惟数不减，此即阴亏火旺之据。至于便溏、晨泄、吐酸，亦有因郁不泄而致者。然久病之躯，全藉后天能纳能运，目下立方，只要育阴配阳，亦血症善治之一法。

六味丸，加炒白芍一钱，北沙参三钱，石斛三钱，稽豆衣二钱，银花炒，二钱，川贝二钱，广皮一钱，竹茹炒，八分，生谷芽二钱。

许童 呕血于上，便血于下，面色无神，脉

来虚软，微微发热，纳谷不多，虽有宿伤，而血已去，脉色两亏。宗先贤血症以胃药收功。切忌见血用凉，再伐其生生之气。

党参三钱 冬术二钱 茯苓一钱五分 炙草四分
当归二钱 参七冲，一钱 陈棕一钱

又 脾胃稍起，血后宜养。至于诵读，最易耗气动火，火动血溢，难免不发。复且静养百日，气血充足，用功未迟，否则非第无益，而有害。

炒党参三钱 炒冬术三钱 炒扁豆三钱 炒当归二钱
金毛脊二钱 谷芽炒，一钱五分 广皮五分 陈棕炙，一钱 竹茹四分 藕节一个

又 脾胃日醒，血亦止矣，从此小心调养，可以渐渐复原。

党参四两 冬术三两 扁豆三两 云苓三两
炙草一两 熟地四两 当归二两 丹皮二两 麦冬二两
川断一两五钱 广皮一两 楂肉二两

上药，共为细末，枣肉为丸。每服三四钱。

章左 病有因虚致痛者，其病在本。有因病致虚者，其病在标。此病因辛辣太过，胃家增气积热，邪火彻上彻下，血或见口，或见便，反觉

适意,乃积热为患无疑。此属因病之虚,前方非不应效,加减还可再投。

生地一两 丹皮二钱 茯苓二钱 泽泻一钱五分
沙参五钱 广皮一钱五分 银花三钱 谷芽二钱
竹茹一钱 芦根一两 绿豆五钱 怀药三钱

刘 呕血于上,便血于下,多至成碗盈盆。今发热不退,脉至浮弦数大,右关与尺更甚,舌苔满黑。症属肌躯过劳,受风受热,所谓内伤而兼外感。论症论脉,忌疑不一,险重症也。两三日內,脉静身凉,或有可望之机,否则难挽。

生地一两 荆芥炭二钱 参七冲,一钱 竹茹一钱 钩钩三钱

又方 生洋参五钱 炒丹皮一钱五分 元参一钱 晚服

又 脉至数大减去四五,身热亦去二三,血幸而止,但舌黑如昨。邪热犹恋于营分,未可恃以无恐。

生地二两 荆芥炭一钱 生洋参五钱 丹皮炒,二钱 连翘一钱五分 麦冬一钱五分 银花三钱 车前炒,一钱 竹茹一钱 竹心一钱 芦根一两 灯心一丈

又 左手脉象已见和平,惟右手未能全退,舌黑亦能稍减,前方略为增减再投。但人事须极宜小心,自得渐渐生机来复。

原方,加炒扁豆三钱、竹叶五分,减丹皮一钱,连翘一钱。

章左 脉至两关弦数,左细弱,吞酸作酸,无非肝脾二经之火。便血吐血,乃是阴阳两络俱伤。且清肝胃之火,续商填补可也。

竹茹炒,一钱 鲜车前根须二钱 川连三分
荷蒂炒,二枚 藕节二个 广皮八分 扁豆炒,二钱
荆芥炭一钱

又接服 生地一两 真怀药炒,八钱 丹皮炒,一钱 广皮炒,八分 荆芥炭一钱 竹茹一钱
地榆炭一钱 侧柏叶炒,一钱 糯稻根须三钱

如此方服之平稳,可加炙熟地五钱,砂仁一钱,活水芦根四钱。

又 肺胃总有积热,血虽止而咳嗽痰多。且清肺胃。

北沙参五钱 玉竹炒,八钱 知母炒,一钱 川贝二钱 广皮炒,一钱 苡米炒,一两 白及一钱 怀药炒,一两 白芍炒,一钱五分 竹茹炒,五分 淡

芩一钱

许左 血既呕于上,而又便血于下,全仗胃气无伤。今挽回真元,于极虚之体,岂不难哉?

党参炭四钱 醋炒当归二钱 炒怀药五钱
白芍炭一钱 冬术炭三钱 炙杜仲四钱 元米炒
绵芪六钱 竹茹六分 炙熟地一两 荆芥炭一钱
炙莲壳一钱 参七一钱五分

遗 精

钱左 去年重病未痊,今见频频梦遗,左肋下结瘕形坚,肝脾肾三脏无一不亏。拟五福饮加味,缓调之。

党参三钱 当归三钱 熟地六钱 冬术二钱
炙草三分 砂仁四分 水红花子三钱

章左 精关不固。

熟地八钱 萸肉三钱 怀药炒,四钱 杞子三
钱 茯苓二钱 洋参三钱 煅牡蛎五钱 建莲炒,
一两

又丸方 煅龙骨一两 莲须四两 芡实炒,四
两 金樱子四两 五味二两 炼蜜为丸。

又方 菟丝子一两 韭菜子一两 五味子一
两 五倍子一两 茯苓一两
上药,共研细末,炼蜜为丸。

赵左 精时自下,拟涩以固脱法。

党参五钱 熟地八钱 杜仲盐水炒,六钱 萸
肉二钱 莲须三钱 煅牡蛎三钱 龙骨煅,三钱
韭菜子三钱

陈左 湿热下注,致遗。

滑石块三钱 生草梢五分 通草一钱 萆薢
二钱 乌药七分 赤苓二钱 莲子清心二钱 五剂

又 接方中,生地四钱 山药三钱 茯苓二钱
泽泻一钱 莲须二钱

吴左 白浊数年不止,小溲时而不禁。固
涩肾真。

熟地一两 萸肉三钱 丹皮一钱 茯苓二钱
山药四钱 益智仁一钱 建莲一两 煅牡蛎五钱

某左 精滑于下，血溢于上，肩背怯寒，六脉细涩。此属阴阳两亏，理宜温补，但时交夏令，阳气发越，向来桂附多在禁例。商以甘平同撮一法。

马料豆四钱 藕节二 有芪六钱 当归二钱
熟地一两 党参五钱 山药五钱 白芍一钱五分
红枣三

秦左 遗泄见红，内腰痛，纳少面黄，脉至右寸关细弱，两尺更甚，左关带弦。症属脾肺气弱，肝肾阴亏。

党参 冬术 山药 芡实 熟地 萸肉
杜仲 炙草 白芍 荆芥

某左 吐血兼以梦遗，精血两亏。拟与五福饮加减为治。

洋参二钱 冬术二钱 山药二钱 熟地六钱
丹皮一钱 丹参二钱 煅牡蛎五钱 莲须二钱

某左 因精损气。

潞党四钱 山药五钱 芡实五钱 枣仁三钱
冬术炒，三钱 炙草五分 杜仲五钱 牡蛎煅，五钱

莲须三钱 金樱子三钱

陆左 遗精于下，血咳于上。宜肺肾兼调。

炙熟地一两 荆芥炭一钱 玉竹炒，六钱 川
贝一钱五分 红花三分 白及二钱 参三七冲，一钱

毛左 血见于上，精遗于下。心肾两亏。

生熟地八钱，四钱 当归炭一钱五分 炙草八分
莲须三钱 芡实三钱 红枣五 大红山茶花一朵
洋参一钱 藕节三

岑左 阳络有伤，精关不固。六味，去泽
泻，加潜摄之品，可以久投。

六味丸，加莲须三钱、红帽帏一钱、煅牡蛎四
钱、建莲炒，三钱、稽豆衣二钱、大红山茶花一朵，去
泽泻。

王左 纳少，痰多，梦遗，便后带血。拟仲
纯脾肾双补法。

党参三钱 冬术三钱 茯苓二钱 炙草五分
半夏一钱 陈皮一钱五分 熟地五钱 归参三钱
炮姜炭五钱 川断一钱五分 建莲三钱 谷芽三钱

殷左 诵读伤气，遗泄伤精。用拟两仪，以培脾肾。

党参炒，五钱 熟地一两 白蜜三匕 煅牡蛎四钱 广皮一钱五分 生熟砂仁六分

宋左 赤色见于颧，右脉数甚于左关，无梦而遗。精关不固，肝阳无制，肾水有亏也。急急调理无误，还可有为。如再有因循，恐成棘手。

生熟地一两 沙苑子三钱 北沙参三钱 萸肉二钱 怀药二钱 茯苓一钱五分 炒白芍一钱 芡实四钱 煅牡蛎五钱 黑山栀仁二钱 丹皮炒，一钱 莲心带心，三钱

吴左 梦遗伤肾，力作伤脾，兼受时邪发热，舌光无苔，面色黎黑，纳谷不思，足膝无力。外内两伤，失于早治，重险亟矣。商育阴扶正，佐以轻疏泄邪。

玉竹四钱 北沙参三钱 麦冬一钱 白薇一钱 生地六钱 怀药四钱 丹皮一钱五分 川槿三钱 薄荷一钱 青桑叶二

又 热势稍减，脉亦略平，前方有效，加重再投。

玉竹四钱 生地八钱 怀药五钱 白芍一钱
扁豆五钱 炙草五分 广皮八分 神曲四分 竹茹
三分 桑叶一片

徐左 梦遗多年，近因精滑，而面色少华，便后见血，时发干咳，脉形左细而数，尺部尤虚，右关浮大，不任重按。阴阳两伤，精失固而血失统。拟扶元摄纳法。

熟地一两 丹皮炭一钱 萸肉三钱 怀药八钱
茯苓一钱五分 芡实四钱 甘草三分 麦冬三钱
煨牡蛎五钱 川断三钱 杜仲盐水炒，三钱 白芍一
钱五分 金樱子三钱 莲须三钱

大 疰

荣左 大疰伤脾，六脉细弱，胸腹满闷。法宜培土，兼以温中。

茅术炒，七分 当归三钱 茯苓皮四钱 桂枝皮一钱五分 薏仁二 生熟谷芽三钱 姜二 枣一

又 六脉空细无力，胸闷不宽，纳食作胀，大疰伤脾之阳，健运失职。此属虚痞，法当塞因

塞用。

升麻三分 柴胡三分 党参三钱 黄芪六钱
 当归四钱 冬术炒,三钱 陈皮一钱五分 炙草二分
 茯苓三钱 枳壳一钱 泽泻一钱 肉桂三分 怀膝
 炒,三钱 熟附三分 厚朴五分 生熟芽四钱 姜一
 枣一 半硫丸一两 每日清晨服二钱

又 大小便俱能通利,气化皆由温补得力。
 前方,加茯苓三钱,去桂、附。

顾左 大疰久咳,寒客肺中,脉至沉细。主
 以温疏。

叭杏仁 半夏 陈皮 蔻仁 冬术制 制
 首乌 当归 炙甘草 前胡 紫苏 姜 枣

史左 大疰晚来,气血两伤。

炙草六分 柴胡三分 升麻三分 川芎八分
 冬术炒,三钱 陈皮一钱 山药三钱 党参炒,三钱
 草果六分 知母一钱 神曲一钱 姜一 枣一

某左 大疰寒热俱重,质又薄弱。宜补托
 之中,兼以透解。

柴胡 当归 党参 半夏 冬术 神曲

川贝 草果 知母 陈皮 炙草 生熟谷芽
姜 枣

赵左 外疡之后,又患大疟。今疟虽止,稍为辛苦则发热,六脉软弱。用拟五福饮加减,以培气血。

熟地八钱 冬术三钱 炙草六分 姜 党参
四钱 当归二钱 杜仲五钱 枣

某 大疟晚来,邪在三阴营分,饮食不贪,脾胃亦伤矣。

柴胡四分 当归三钱 川芎一钱 茅术一钱
半夏一钱五分 茯苓三钱 炙草四分 草果四分
知母一钱 党参二钱 生姜一 大枣

徐左 大疟,胸次连背不适,太阴湿痰不清。

党参三钱 茯苓一钱五分 冬术二钱 炙草六分
制半夏一钱 陈皮一钱 姜一 枣一

王右 大疟,胸脘不适。当理脾土,六君、小柴胡饮。

党参三钱 茯苓一钱五分 冬术二钱 炙草三分
半夏一钱 陈皮一钱 当归二钱 草果煨，六分
知母一钱 柴胡四分 神曲炒，一钱 姜一 枣一

安左 大疟后失调，气血两伤，或眩晕腰痛，彻夜不寐。

洋参二钱 枣仁五钱 茯苓三钱 川芎一钱
当归三钱 熟地八钱 白芍一钱五分 天麻一钱
制首乌四钱 甘菊炒，一钱

钱右 大疟后，失血于上，经水不行。今血虽止，必得下行，庶不复发。

川芎五分 怀膝二钱 生熟川断三钱 红花三分
熟地六钱 冬术炒，三钱 当归炒，三钱 白芍一钱
香附一钱五分 丹参三钱 楂肉一钱五分
焦谷芽三钱

许左 大疟晚来，三日两至，纳谷甚少。此不但寒入三阴，脾胃气血，俱已亏损。法当补中兼疏。

升麻三分 柴胡三分 党参三钱 熟地六钱
冬术炒，二钱 当归三钱 半夏炒，一钱 知母姜汁

炒,一钱 草果五分 炙草五分 制首乌四钱 谷芽炒,二钱 生姜二 枣二

张左 症犯三阴,六脉细涩滞数,两尺尤甚,细为血少,涩主精伤,形瘦谷减,脾胃弱也。热来神识模糊,夜卧纷纭多梦,乃心气不足,肝血有亏,所谓神不守舍。频见梦遗,痰涎味盐,此属肾真不固,水气上泛。种种见症,无非虚象,即有客邪,焉敢攻击。况脉不浮弦,亦无散理,数而不大,亦无清理。寒轻热重,便坚溲短,面赤舌白而红,俱属阴亏见症。并无阳衰可据,桂附亦不可用。拟调气血之中,佐以醒胃理脾之品。

山药三钱 茯神一钱 枣仁三钱 川槿三钱
 芡实三钱 玉竹五钱 川贝一钱 扁豆炒,三钱
 冬术三钱 炙草五分 党参四钱 制首乌五钱 生熟芽三钱

此方,十剂后即获大效。

盛左 脾为四脏资生之本,水谷为后天养生之源,胃气不醒而纳少,脾气衰弱而湿踞,致成大症,呃逆之来,小溲短少,无非中阳式微,气

不顺行，司化失职。补火生土，乃一定方法。

党参三钱 冬术三钱 陈皮一钱 茯苓二钱
半夏一钱 黄芪六钱 炮姜八分 薏仁三 远志七
分 苏梗二钱

施右 胃有积饮，停痰营分，亦为停寒，致成大疟。

茅术炒，一钱 半夏一钱 枳壳炒，八分 广皮
一钱 槟榔一钱 秦艽二钱 白术二钱 当归二钱
炙草四分 谷芽炒，三钱 姜二 枣二

又 大疟晚来，营分之邪还未清彻。以扶正之中，加驱逐之品。

柴胡六分 半夏二钱 党参三钱 制首乌五钱
冬术炒，三钱 神曲炒，一钱 当归三钱 草果煨，一
钱 广皮一钱 炙草三分 姜二 枣二

华左 大疟痊而邪未尽，今寒热日来，此转重就轻。以正柴胡饮，加温通之品，以彻余邪。

柴胡 防风 陈皮 炙草 桂枝 草果仁
姜 枣

何左 大疟热甚于夜，邪在三阴，能转入阳分，可望其渐渐减轻。今见脉来无力而带数，议以调和气血之品，佐以醒脾醒胃，兼以透解为治。

党参四钱 冬术五钱 当归酒炒，三钱 广皮一钱五分 半夏一钱 柴胡四分 薏仁八分 谷芽五钱 绵芪六钱 炙草四分 制首乌一钱 姜二枣二

许右 久疟伤脾，面无华色，六脉软弱。用拟陈半六君，加味治之。

六君子汤，加柴胡三分，制首乌四钱，知母一钱，麦冬一钱，姜二，枣二。

某左 大疟多年，继又连年失血，且有梦遗之恙，精气血焉有不伤者，此发热神倦之所必致也。幸而胃口未坏，大便未溏，气未短促，果能保养，耐心调治，犹可挽回。

有芪六钱 冬术三钱 白芍一钱五分 丹皮一钱五分 茯神二钱 炙草四分 党参三钱 枣仁三钱 女珍一钱五分 熟地八钱 冬花三钱 牡蛎煨，四钱 百合二钱 地骨皮二钱 北沙参三钱 旱莲

草一钱五分

便 血

徐左 嗜饮积热，努力伤络，便血不已，脉至左三部细弱，右三部沉分，按之有力。阴分固伤，而肠胃之热毒究未清解，不独右脉有据，而小溲热痛，此其征也。用拟育阴清泄法。

生地一两 怀药八钱 扁豆一两一钱 丹皮一钱
参七一钱 荆芥炭一钱 洋参三钱 葛花一钱
竹茹一钱 藕二两 绿豆 荷叶一张

曹左 粪后见红，日夜八九次，或十余次，肛门气注下坠似胀。此肝脾不藏不运，气虚下陷也，须防腹满之变。下者举之，脱者固之。

升麻三分 柴胡三分 党参三钱 冬术三钱
山药三钱 熟地四钱 白芍炒，二钱 当归一钱五分
炙草六分 五味子三分 赤石脂三钱 煅牡蛎三钱
焦谷芽三钱

杨左 便血，脉至右大于左，肠胃湿不清。

荆芥炭一钱 侧柏叶二钱 苡米炒,一两 地榆炭二钱 条芩一钱 炒槐米三钱 茅术一钱 玉竹炒,四钱 防风一钱

史右 上升之气,多属于肝,良由病后失调,又经便血,肝木之横,水不足以涵之。

白芍炒,一钱 当归一钱五分 香附炒,一钱 石决明四钱 川玉金七分 川贝一钱五分 茯苓一钱五分 生地三钱 丹参三钱 降香三分

周左 便血便溏,肝脾肾亏矣。

茅术炒,一钱 熟地炙,六钱 白芍炒,一钱 炮姜炭六分 土艾叶炒,一钱五分 乌梅炭一个 五倍子炭一钱 荆芥炭一钱 山药炒,三钱

蒋左 便溏便血,脉弱面黄。脾失统,肝失藏。

白术炒,三钱 白芍炒,三钱 炙草一钱 山药一两 神曲炒,一钱 炮姜六分 熟地炭五钱 艾炭六分 五味炭五分 乌梅炭三 党参四钱

某 肝肾亏损,便血,腹痛,气逆,脉至细涩

沉迟。胃关煎，加味治之。

熟地一两 吴萸三分 冬术三钱 山药八钱
炙草五分 白芍炒，一钱 当归土炒，一钱五分 炮姜
一钱 杞子二钱 杜仲五钱 乌梅一个 芦巴炙，三
钱

周左 劳力受伤，步履不健，继见便血，色
带紫暗。不可再以劳动。

川断二钱 牛膝一钱 当归二钱 狗脊炒，二
钱 冬术二钱 杜仲三钱 棕炭三钱

许左 便血少腹痛，当从肝脾肾治之。

生熟地四钱 炮姜一个 榆炭一钱五分 乌梅
炭一个 白芍炒，一钱五分 炙草炭六分 当归炭二
钱 荆芥炭一钱 丹皮炭一钱 木耳炭一钱

吴左 见血便溏，脉至左细右大，时而身
热。黑归脾加减。

黄芪四钱 党参三钱 怀药三钱 炙草炭五分
冬术炒，二钱 白芍炒，一钱五分 荆芥炭一钱 建
莲炒，一两

章左 质本肝肾阴亏，大肠火燥，肛痔便红，时发时止，秋夏之变，又感暑风，为热重寒轻之症。皆因不能节养，屡发屡止，新邪触动旧恙，以至便血，成碗盈盆。今脉见细数而弦，右关更甚，大便血虽止，而见溏薄，肝用日强，脾体日弱矣。幸而胃气颇醒，乃是生机。用壮水清金，培土而木自平矣。

北参四钱 麦冬一钱 白芍炒，一钱五分 生地八钱 山药二钱 防风一钱 谷芽一钱五分 川贝一钱 薏豆衣一钱 丹皮一钱五分 神曲炒，一钱 竹茹八分

吴左 便血多年，血多则汗多，肠鸣谷减，脉至左弦数。肝肾之阴大亏，脾胃之气亦弱。

薏豆衣三钱 山茶花一朵 熟地一两 山药一两 丹皮一钱 萸肉二钱 泽泻一钱 炒白芍二钱 女贞子一钱五分 当归一钱五分

陆左 便血，手足生疮，浸淫湿烂。先以培土法祛风渗湿治之，续商补剂可也。

防风一钱 荆芥炒，一钱 苡仁八钱 银花三钱 当归炒，三钱 赤苓二钱 茅术一钱 黄芪三钱

红枣一个 桑枝三钱

周左 旬前便难见红，继发蒸热，脊背更甚，腰中大痛，纳谷不旺，脉至右弱左弦。此脾失统，肝失藏。拟木土并调。

黄芪六钱 熟地炙，八钱 川断二钱 炙草炭五分 潞党三钱 归身二钱 陈皮一钱 杜仲三钱 茯苓二钱 地榆炭一钱 乌梅一钱

某 血见便后，所为远血。当兼肺治。

鲜石榴子五钱 荷叶五钱 苡米炒，八钱 当归三钱 五味十 炙草六分 生地五钱 丹皮一钱 黄芩一钱 侧柏叶三钱

某 便后见血，脉至软弱，气血两亏。当营卫兼补为主。

洋参三钱 绵芪六钱 冬术三钱 熟地八钱 当归二钱 炙草三分 荷叶炒，三钱 五倍子一钱

汪 耳聋面黑，责在肾也。指甲青暗，责在肝也。大便色如猪肝，不思纳谷，土虚则水来侮之，肝旺则脾受克制，脉至细数无情，均属三阴

亏损。理阴加疏泄。

制熟地八钱 当归炒,二钱 怀药炒,四钱 炙
草炭五分 荆芥炭一钱 生熟谷芽三钱 独活六分

某 便血不止。

茅术炭一钱 当归炭二钱 地榆炭一钱 熟
地炭六钱 姜炭四分 槐米炭二钱 红曲炭一钱
炒苡米三钱 荷叶蒂炒,二个

钱左 素有便血,去秋又见咳嗽发热。三
月来,热不已,咳不减,亦脉弦数无神,力乏神倦
而畏寒。阴阳俱亏,脾肺两伤,乃下损及上之重
险症也。

黑归脾汤,加姜炭、元米、麦冬、五味、白芍、
山药,去远志、木香。

丁右 脉至细数便红,此血分有热。

丹参炒,三钱 熟地四钱 当归二钱 条苓五
分 扁豆炒,二钱 丹皮炒,一钱 川斛三钱 稽皮
炒,二钱 红曲炒,一钱 竹茹炒,五分

马右 头痛,时作时止,时常便红,脉至细

弱,此血虚所致。宜养营阴。

熟地四钱 川芎八分 白芍一钱 当归一钱五分
桑叶二 砂仁三分

王左 便红已久,脾胃纳谷不旺,当培中土。

扁豆炒,三分 山药炒,三钱 冬术炒,三钱 炙
熟地四钱 谷芽炒,三钱 荷叶炒,一钱

侯左 脉至重按无力,右手微弱弦,便溏见红,经年不愈。经云,血出于粪后者,属肝脾,名远血。

归脾汤,加枣仁、地榆、白芍、杜仲、棕炭、荷叶炒。

蒋 两胁胀痛,便时见红,肛门肿痛。此属肝脾失统失藏,兼有湿热。先为清邪,续投培固。

地榆炭二钱 槐米炒,一钱五分 银花三钱
神曲炒,一钱 荆芥炒,一钱五分 桔梗一钱 枳壳
炒,一钱 炙草五分 白芍炒,一钱五分 侧柏叶二钱
鲜艾二钱 荷叶二钱

毛左 便血两月，阴分已亏而肛门重坠，少腹作痛。气分不能调达。

桔梗一钱 荆芥一钱 枳壳一钱 白芍炒，一钱五分 炙草五分 当归二钱 中生地四钱 防风一钱 神曲炒，一钱 山药三钱 地榆一钱五分 银花三钱 洋参三钱 谷芽五钱 荷叶炒，一钱 椿根白皮炙，四钱

陈左 肛门重坠，大便带红。此气虚下陷，而不能摄血。陷者举之。

升麻三分 柴胡三分 党参五钱 当归炒，二钱 炙熟地八钱 冬术二钱 炙龟版四钱 茯苓二钱 五味三分 乌梅炭一个

宗左 便血多年，宜以摄固。

茅术一钱 当归炒，一钱 熟地炭六钱 五味炒，四分 炙草六分 炮姜八分 党参炒，三钱 椿根白皮炒焦，四钱

张左 劳力伤络，脾肾有亏，便血如注。

茅术炭一钱 熟地炭五钱 地榆炭一钱 槐米炭一钱 陈棕炭一钱 侧柏叶炭一钱

张右 便血月余，继以腹胀便溏，脐凸足肿，脉至细弱而数。此系肝体弱而用强，脾土受克，失运失健，水反来侮使然，险症也。用拟三合汤法。

八珍汤，加大腹皮一钱五分，川朴七分，广木香五分，香附二钱，焦曲二钱，苡米炒，五钱，车前子二钱，杜赤豆一两，椒目一钱。

章 大肠湿火不清，时常便红，脉至右寸关尺数大。亦属实邪，年轻体壮，不妨直折。

条芩一钱 槐米炒，三钱 桔梗五分 地榆炒，二钱 银花炒，三钱 丹皮炒，一钱 鲜地四钱 稽豆衣三钱 侧柏叶一钱

癃 闭

龚左 小溲不利，有因火闭，有因湿浊，有因于阻，有因肺气不能通调，有阳衰不能司化，有因升降失职，有因肾不司开合。今年过七旬，脾肺之气弱可知。而脉见左尺，似有若无，乃肾阳衰而不司开合之征。法当滋其化源，培其根

本，以补中益气汤煎好，送服金匱肾气丸，此立斋先生之法也。

黄芪六钱 冬术炒，一钱 陈皮一钱 洋参五钱
升麻三分 柴胡三分 当归一钱五分 炙草六分
送金匱肾气丸六钱

堵右 小溲不通一症，有气虚不达，有肾真不司开合，有湿热阻闭，有无阴则阳无化，有阳衰则气化无权，有肺气不能下行，有胎气下坠压于膀胱。今怀胎四五月，自觉胎元下压，小便中有如火灼，上见口渴。似属热结癃闭，肺气不能通调。宗此三门，立方。

升麻四分 洋参四钱 黄柏炒，一钱 知母一钱
麦冬四钱 黑梔二钱 车前子四钱 水牛沥尿毛一钱

许左 上窍不通则下窍不利，嗽甚则小水痛而艰。显系表邪客肺，气机窒塞则膀胱不能输化。

细苏梗二钱 乌药一钱 枣仁二钱 通草一钱
茯苓三钱 泽泻一钱五分 滑石三钱 桔梗一钱
炒苡米四钱 车前子二钱

又 苏梗一钱 乌药一钱 杏仁二钱 茯苓六钱
升麻八分 肉桂六分 党参六钱

周左 膀胱不利为癃。

草薢二钱 海金沙二钱 青莲十粒 条苓一钱
黑栀一钱 猪苓一钱五分 泽泻一钱 赤苓三钱
陈皮一钱 通草一钱 乌药一钱

某 痛则不通，且用通法。

怀牛膝六钱 甘草三分 鲜车前根四钱 蟋蟀三只
麝香冲，一分

又 柴胡三分 当归三钱 洋参三钱 泽泻一钱五分
陈皮一钱 篇蓄三钱 甘草四分 车前子三钱

华左 癃闭，有因于阳气不化，有因于湿热癃闭，有因于浊精阻窍，有因于正气衰弱。今小水欲出不出，少腹胀痛，脉至数大有力，似属湿热居多。且宗轻可去实一法。

黑栀一钱 通草二钱 赤苓五钱 泽泻二钱
甘草五分 滑石三分 菖蒲四分 鲜扁豆一两 菊花根须五钱

王

乐

亭

指

要

宗左 舌黄脉软，小水不利，此中二焦湿热所蕴。

川通草一钱 赤苓三两 半夏一钱 六一散三钱 黑栀三分

接方服 生冬术三两 杜仲三钱 赤苓三两 山药炒，三两 苦参一钱 猪肚一具

磨末，为丸。清晨开水送服四五钱。

陈右 癰闭而至呕恶，出汗，气逆不能下卧，已泛及中上二焦，棘手极矣。而脉至细弱，右尺如无，口思饮冷，胸腹胀闷，偏寒偏热不敢轻投，偏补偏攻亦未便擅用。勉商滑利，宣通气分一法。

北沙参三钱 麦冬三钱 通草一钱 赤苓三钱 滑石三钱 冬葵子三钱 苏梗磨冲，一钱 王不留行三钱 陈粟梗二钱 鲜车前草须五钱 鲜荷梗三只 水牛沥尿^①毛十根 鲜菊花根须五钱

又 小便虽能稍通，而大便闭结，四五日未更衣。今肛门下坠，肿胀不收，腹内攻撑失气，泄水秽浊而热，渴思冷饮，脉至交昨略为流利，

① 尿：原本为水，今据上文改。

右尺依然若无，惟右寸关稍为滑数。盖肺与大肠相为表里，以见症而论，究属火闭。经曰有从症不从脉之例，此其近似。然峻攻之药，亦不敢轻易擅投。先用更衣丸以通火腑，再商无阴则阳无以化之法以清膀胱。愚见如斯，未识当否。

黄柏一钱 知母一钱 桔梗一钱 川贝八钱
 麦冬三钱 黑栀一钱 滑石三钱 茯苓三钱 通草
 一钱 枳实八分 泽泻一钱五分 菱仁三钱 元明
 粉三钱 紫菀茸三钱 老苏梗四钱 鲜车前草根
 须五钱 鲜菊花根须三钱 鲜篇蓄三两

又 昨投更衣丸后，连得大便，始而干结，继下溏薄稀水，胸腹已宽，小溲已通。今脉象左三部流利，右尺仍若有若无。据述脉象向来如是，可以不必为虑。惟右尺缓大未平，此余焰还未清楚。方宜轻灵清泄。

北沙参三钱 麦冬三钱 茯苓四钱 通草一钱
 黑栀一钱 苏梗一钱 荷梗一尺 鲜车前草根须
 三钱 鲜菊花根须三钱 灯心五寸

又 二便通利，脉亦和平。今神情懒倦者，病后之景象也。能调理小心，自然日愈一日。

洋参一钱五分 茯神一钱五分 生熟砂仁六分
 香附一钱 通草一钱 麦冬三钱 丹参三钱 谷芽

生炒，二钱 山梔八分 车前子炒，一钱 荷梗五寸
灯心五寸

某右 湿热壅闭，小溲为之艰涩。

赤苓三钱 川通草一钱 车前子三钱 滑石
三钱 泽泻一钱五分 猪苓一钱五分 黑梔一钱 苏
梗三钱 广皮二钱 瞿麦三钱 灯心五寸

二 便

陈左 二便不禁，乃肾气不固。二便不爽，
由肾气不充。但由来已久，急切不易图痊。前
方获效，宗此改作丸剂。

熟地八两 萸肉四两 丹皮三两 山药四两
泽泻四两 茯苓一两 洋参三两 牛膝三两 车前
子三两 沉香八钱 韭菜三两 白果肉二两

上药，用猪脊髓二十条，饭上蒸，和药为丸。
每日清晨服四五钱。

某左 肾司二便，不爽乃神气不充。

熟地一两 萸肉二两 丹皮一钱 山药三钱

茯苓二钱 泽泻一钱五分 洋参一钱五分 车前子
一钱五分 韭菜二钱

章左 气弱则膀胱司化无权，肾虚则二便
开合无主。

洋参三钱 熟地六钱 当归三钱 茯苓二钱
车前二钱 通草三分 泽泻一钱 谷芽生炒，二钱

陆左 湿热下注，二便闭结。通之。

通草二钱 车前一钱 鲜篇蓄五钱 滑石三钱
瞿麦三钱 栀子一钱 大黄二钱 草梢五分 荷梗
一尺 灯心一团

宗左 阳衰阴涸，谷阻便结，脉迟细而微。
拟添薪续阳，溉水助润法。

党参炒，四钱 熟地八钱 熟附八分 制半夏
一钱五分 炮姜五分 薏仁五分

某 肾司二便，小水数而不禁。虽由伤阳
起见，未必非肾气无权。

熟地六钱 杜仲五钱 益智仁五分 骨碎补
一钱五分 党参三钱 红豆三钱

卷三

疝

周 卧则安，撑则痛，或在少腹，或攻胸肋，或连腰脊，或带小便难。不定者气也，炎上者火也。法当泻肝，佐清金肺。

生熟延胡二钱 川楝子二钱 南沙参四钱
杜仲三钱 泽泻一钱 焦茅术七分 细青皮八分
黑梔三分 木香三分

梅 疝。

南沙参二钱 木香四分 当归三钱 川楝子
三钱 延胡炒，二钱 小茴香炒，六分 荔枝核二钱
橘核炒，二钱

又洗方 艾一两 葱一两 紫苏一两 木香
一钱 官桂二钱

上药，煎浓。每日卧时熏洗，洗后随即小解一次。

陈 肾子右大于左，厥阴经之气分着寒。

荔枝连壳四十九个，每个中入盐少许，将黄泥裹置砗糠火内煨一宿，取出剖开，成炭者可用；再用煨木香八钱，大茴香一两。

上三味，共为末。将猪尿胞一个，煮烂，和药末，捣丸。每日清晨，姜汤下三钱。

某 寒邪归于厥阴，而成疝气。

当归四钱 小茴香煎汤炒，一两 大茴香二两
川楝子三两 木香五钱 官桂五钱 荔枝核二两

上，为末。用猪水胞二个，煮烂，为丸。姜汤下三钱。

某 腿内侧中行而艰伸，肾子红肿，呃逆频，舌黄口渴。此系厥阴犯胃，倘若攻心，变端不测。

旋覆花包，三钱 半夏一钱五分 陈皮一钱五分
吴茱萸三分 赤苓四钱 甘草五分 连翘五钱 赭石五钱 杉木梢一两 槟榔二钱 洋参二钱 竹茹

一钱 真橘叶二钱

吴 疝气本系寒邪入于厥络，近见攻冲作痛，呕吐泄泻者，乘脾犯胃也。

白芍炒，二钱 甘草炭四分 生熟砂仁一钱
制半夏一钱 陈皮一钱五分 白术炒，二钱 防风一钱
车前子二钱 乌药炒，一钱 焦神曲一钱 木香炒，四分

殷 辜丸肿胀，卧则入腹，行则下坠，所谓狐疝寒气，沁入厥阴。

川楝子炒，三两 小茴香炒，四两 煨木香一两
当归酒炒，五两 荔枝核一两 枸杞子三两 鹿角霜一两

蜜丸。每日清晨，陈皮汤下。

又洗方 蛇床子 艾 紫苏 小茴香各一两
官桂五钱

朱 湿疝。

川断三钱 川膝一钱五分 茅冬术炒，三钱
乌药一钱 木香五分 荔枝核炒，一钱

唐 寒入厥阴,气因而降。

当归四两,小茴香煎汤炒 木香煨,一两 杞子炒,四两 泡姜五钱 川楝子三两

上,为细末,蜜丸。开水下四五钱。

曹 厥阴之络,循绕阴器,疝气自篡际痛及少腹,犯胃便溏,舌白,脉来右关独见弦象。拟温通疏泄。

小茴香一钱 川楝子炒,二钱 茯苓一钱 青皮一钱 乌药一钱 吴茱萸四分 木香四分 沉香三分

张 寒入厥阴,而成狐疝。

小茴香炒,一钱 吴茱萸六分 乌药六分 青皮一钱五分 川楝子二钱 元胡索二钱 当归酒炒,五钱 皮桂八分 赤苓二钱

余 厥阴之络,环于阴器,偏于左者为昆仑,偏于右者为疝气。今两者都兼,左右者,阴阳之道路也,气血俱病,用药宜和,不可偏着。所最畏者,攻心之剧。幸脉象静而不动,还可无妨,而于恼怒寒凉,均宜戒慎。

当归四钱 枸杞子三钱 青皮五钱 吴茱萸
三分 苏梗三钱 元胡二钱 乌药二钱 桃仁一钱
木香四分 红帽帏一钱 降香四分

朱 寒入厥阴。

小茴香一钱五分 当归三钱 乌药一钱五分
川楝子一钱五分 元胡一钱五分 木香四分 吴茱
萸四分 荔枝核二钱

杨 少腹痛连睾丸，脉至沉迟细弱。此寒
邪犯于厥阴，冲犯中宫，作胀作呕。治以平肝养
胃。

吴萸三分 茯苓四钱 广木香四分 小茴香
炒，七分 荔枝核二钱 砂仁姜汁炒，六分 莱菔子
炒，三钱 谷芽三钱

又 丹溪云，上升之气多属于肝。至于大
便艰难，小便短赤，乃是营分不足。风木之横
逆，良由水不能涵木。以润以通，投其所喜。

淡苡蓉三钱 牛膝盐水炒，二钱 黑芝麻三钱
柏子仁一钱五分 归须二钱 川贝四钱 川楝子
炒，二钱 延胡索二钱

又 以润以通，宿垢得下，胀闷从此或可渐

退。今当培土平木为治。

党参炒 冬术炒 茯苓 炙草 广皮 焦
神曲 生熟砂仁

湿

僧 六淫之中，惟寒惟湿为最重，闭结中焦为痞，散于肌表，为骨节烦疼。拟用胃苓加减。

焦茅术一钱 泽泻一钱 赤苓二钱 桂枝皮
三分 陈皮一钱 川朴四分 神曲炒，一钱 防风一
钱

殷左 脉滑甚于右关，食后脘中似觉满闷，夜不能卧。究由湿浊停痰，注于阳明，胃不和则卧不安也。

洋参三钱 半夏一钱五分 白术炒，二钱 神
曲炒，一钱 茯苓二钱 陈皮一钱 砂仁八分 当
归三钱 大麦仁炒，四钱 秫米炒，三钱

某左 土衰湿胜，一切见症，亏在脾土。土衰则肝木来侮，土衰则湿之害迭出矣。

防风一钱 半夏炒,一钱 焦白术三钱 陈皮
一钱 赤苓二钱 柴胡三分 苡米三钱 砂仁 芡
实炒,三钱 生熟芽四钱

某 湿,有因脾不宣运者;有因肾气衰弱,阳不能化浊,阴泛滥者。一宜培土,一宜补肾。又,有寒湿外侵者,湿热内闭者。一宜温通,一宜凉泄。此当分消,又有五臟,至未传,俱变为水者,此属败症不治,亦要留心。此当脾胃合用。

党参六钱 莱菔子一钱 茯苓一两 肉桂一分
麦冬一钱 车前四钱 牛膝炒,二钱

另,用金匱肾气丸四钱^①,麦冬一钱,煎汤,晨服。

虞右 阅所服方药,散攻下得汗则解,俱不应手。今身热不退,脉来弦数,左寸关尤甚,而腕痛彻心,上支左肋,不可着手,然按之中空,舌边苍白,中心灰黑起刺。此属湿遏热伏,而兼木郁,邪阻中焦,气机无由升降,不通则痛也。内

① 金匱:原本作“金贵”,据文意改。

非实结，外非风寒，不得以伤寒六经论治。议与清泄疏利法。

川连七分 吴萸三分 黑梔一钱 赤苓四钱
川通草一钱 防风一钱 川金七分 元胡一钱 灯
心五尺 菖蒲三分

又 上方，一剂而左寸数象大减；二剂六脉弦数，不若前之盛矣，惟腕痛不除。改用宣络理气法。

桔梗一钱 桃仁一钱 广郁金一钱 青皮八分
木香三分 谷芽二钱 竹叶十张 灯心五寸 元胡
一钱五分

一剂而痛去，安睡一夜，清晨思食矣。

项左 湿郁化火，舌苔灰黄，骨节烦痛，足膝尤甚，步履少力。治湿当以健脾为主，理气为先。

四苓散，加广皮、牛膝、防风、茵陈、桑枝各五钱，桑节一两。

秦左 土不胜湿，纳谷减而不贪，兼感暑风，时而发热，腕痛。拟用培土分消，芳香解渴。

制半夏一钱 广皮一钱 砂仁一钱 小朴七分

焦茅术一钱 赤苓三钱 滑石二钱 熟谷芽二钱
香菇四分

又 原方,加扁豆三钱,蔻仁二,茉莉花十朵,
去滑石、小朴、香菇。

脚 气

某右 右足游火,内攻上逆,腿为壅肿,小
溲艰涩,舌上焦干,津液被灼。所嫌脉细模糊,
阳症而见阴脉,症之所忌,用药殊难。勉商从症
而不从脉之例立方,但脚气一门每有攻心之变,
不可不虑。

银花一两 黑栀一钱 翘心三钱 丹皮一钱五
分 怀膝一钱五分 元参五钱 灯心五寸 芦根一
两 绿豆一两

又 津液渐回,痛亦稍减。但腿肿如故,仍
难举动,未可恃以无恐。方宗前法。

川石斛五钱 牛蒡子三钱 灯心五寸 芦根
一两 绿豆一两 银花一两 黑栀一钱五分 连翘
五钱 丹皮一钱五分 牛膝一钱五分 元参五钱

又 身热减,津液回,大有转机。上中二焦

之邪火，已清七八。下焦之湿热未楚，肿胀为此不退。

银花一两 山梔炒，一钱五分 丹皮二钱 连翘四钱 牛膝一钱五分 川斛一钱五分 灯心五寸 芦根一两

又 原方，加黄柏 盐水炒，一钱，羚羊片一钱，独活一钱，秦艽三钱。

曹左 小腿漫肿，脚气也。须防上逆攻冲。

川萆薢三钱 汉防己二钱 滑石三钱 宣木瓜一钱 苡米一两 独活一钱 牛膝三钱 焦茅术一钱 杉木梢一两 防风一钱

痹

周左 血虚，寒湿入于节骱。

木瓜一钱五分 虎骨炙，四钱 没药一钱 松节一两 羌活一钱 独活一钱五分 防风一钱 白芷一钱 桐皮二钱 牛膝二钱 红花五分 当归八钱 秦艽三钱 杜仲四钱 桑枝酒炒，一两 威灵仙一钱

陈右 遍体作痛，脉来迟滞。风寒湿三气，合而成痺。

羌独活各一钱 当归五钱 川芎一钱 杜仲四钱
牛膝二钱 红花四分 灵仙一钱 海桐皮二钱
茅术炒，一钱 防风一钱 乳香一钱 桂枝四分
木香 桑枝酒炒，一两 陈松节一两

苏 风行无定，挟湿化热，遍体骨节烦疼，左关弦数。治风以养血为先，治湿以理气为先。

防风二钱 秦艽二钱 羌独活二钱 苡米五钱
木瓜一钱五分 当归六钱 羚羊一钱 杜仲五钱
没药一钱 灵仙五分 炙草四分 桑枝一两
松节一两

蒋左 风寒湿三气，乘虚入于肝肾而成痺。但湿化火，寒已化热，纯乎刚猛之药宜避。

熟地一两 防风一钱五分 苡米一两 秦艽二钱
独活二钱 川断三钱 杜仲八钱 丹参三钱
山药三钱 白术三钱 牛膝三钱 木瓜一钱五分
虎骨四钱 没药一钱 桑枝一两 松节一两

秦左 肾虚而风客之，下体骨节无处不肿，足跟亦肿。拟独活寄生加减，补中取散。

杜仲五钱 川断三钱 桑节五钱 竹根炙，一钱
独活一钱 防风一钱 当归三钱 熟地八钱
秦艽三钱 牛膝二钱 木瓜一钱五分 狗脊四钱

陈左 痢后余邪未清，流入关节，为肿为痛。还宜疏解。

柴胡一钱 羌独活各一钱 前胡一钱 防风一钱
荆芥一钱 川芎一钱 白芷一钱 红花四分
连翘四钱 当归三钱 牛膝二钱 木瓜一钱五分
羚羊一钱 神曲炒，一钱 桑枝一两 木香五分
没药五分

许左 风寒湿乘虚入于肝肾络脉，两腿痠疼，入夜尤甚。

熟地一两 川断三钱 当归四钱 党参五钱
萸肉三钱 杜仲一两 秦艽二钱 苡米一两 木瓜
一钱五分 独活一钱 防风一钱 肉桂五分 虎骨
四钱 山药五钱 芡实五钱 冬藤五钱 莲须一钱

周右 骨节虽痛，不肿，不热，不红。此血

不营筋，治不可作有邪论。况脉来细弱，此为血虚之据。

川芎七分 熟地四钱 白芍炒，一钱 当归炒，三钱 红花三分 杜仲三钱 泽泻一钱 杞子三钱 桑枝五钱

某右 痛而不定者，为行痹。左关独见弦大而浮，五行之中，风行无定，风热入肝，为此诸节骭，痛无定处也。

柴胡五分 当归五钱 白芍一钱 茯苓二钱 乳香一钱 丹皮一钱 黑梔一钱 防风一钱 木瓜一钱五分 白术炒，一钱五分 桑枝节各一两 生熟甘草六分

强左 风温湿入于络脉，气血不能宣行。

秦艽二钱 防风一钱 苡米三钱 木瓜一钱 川断二钱 杜仲三钱 红花三分 木香三分 桑枝三钱

朱右 风寒湿入于手足节骭，此厉节风也。调补气血之中，佐以祛逐之品。

冬术三钱 当归三钱 羌独活各一钱 杜仲八

钱 桐皮一钱五分 丹参三钱 防风一钱 牛膝二钱
 钱 木瓜一钱五分 桂枝四分 乳香一钱 桑枝节
 各一两

吴左 风寒乘虚袭于骨骱，肝脾肾虽虚，邪
 还未尽。拟补中兼疏法。

黄芪酒炒，四钱 当归五钱 秦艽二钱 桐皮
 一钱五分 川断二钱 独活八分 苡米一两 丹参
 三钱 熟地八钱 杜仲一两 防风一钱 木香三分
 红花三分 虎胫骨四钱 没药五分 冬术三钱 桑
 枝一两 笋鞭五钱 松节五钱

邵左 不乳，不肿不红热，六脉细软无力，
 而周身作痛。调和气血为主，稍佐温通络脉。

黄芪五钱 当归六钱 杜仲一两 茅术一钱
 虎骨四钱 金毛脊四钱 大小茴四钱 木香四分
 川膝二钱 桑枝一两 荔枝核三个

某 不肿不红，病不在肌肉。可屈可伸，病
 不在筋骨。今见咳嗽，腿外侧痛而定。盖肺为
 气之脏，咳则肺气不宣，则络脉不畅，腿外侧所
 以痛而牵引也。

白凤仙梗五钱 茯苓中术二钱 桑枝五钱
没药一钱 怀膝二钱 忍冬藤五钱

黄左 肝脾肾三经亏损，风寒湿乘虚袭入而成行痹，今归两膝肿痛，步履艰难，腰间亦痛，六脉细弱。法当补中兼疏。

黄芪八钱 当归四钱 冬术三钱 苡米一两
川断三钱 秦艽三钱 防风一钱 独活一钱 杜仲一两
木瓜一钱五分 芡实三钱 肉桂三分 陈皮一钱五分
没药一钱 桑节一钱 茯神中木三钱

王右 风客节骭，手足屈伸不能舒展，且兼肿痛。年高之人，不可纯用祛风，佐以气血兼培，庶乎稳当。

羌独活各五分 当归五钱 黄芪三钱 秦艽一钱五分
木瓜一钱五分 杜仲五钱 乳没药各一钱五分
虎骨四钱 松节五钱 桑枝五钱

王左 一身上下俱痛，风寒湿入于太阳。

羌活一钱 防风一钱 秦艽三钱 当归酒炒，五钱
黄芪酒炒，六钱 海桐皮二钱 苡米四钱 姜黄一钱
桂枝八分 没药五分 杜仲姜汁炒，五钱

桑枝一两 虎胫骨炙,四钱

又浸酒方 羌活 防风 秦艽 当归 黄
芪 海桐皮 苡米 姜黄 桂枝 虎掌骨炙
桑枝 杜仲 独活 川断 冬术 木瓜 桑节

何左 骨节肿痛,左关数有力,此湿火流于
营阴,宜用养营清泄。

当归八钱 木瓜二钱 秦艽三钱 苡米一两
杜仲一两 羚羊一钱 乳香一钱 防风一钱 桑枝
五钱 桑节五钱

宗左 寒湿下注,二足无力而痠疼。

独活一钱 杜仲炒,三钱 川断三钱 当归三
钱 白术炒,三钱 秦艽三钱 木瓜一钱五分 萆薢
二钱

朱 风入节骭,为肿为痛。

羌独活各一钱五分 杜仲炒,三钱 川断三钱
当归八钱 秦艽三钱 赤苓二钱 牛膝二钱 桑枝
一两 川石斛二钱 秦艽三钱 松节一两

钱左 肢节时浮,挛痛频作,倏忽流走无

定，足跟涌泉穴痛，面色青白，而舌色淡，左关浮弦，右关濡弱，两尺细涩。此内外肝肾两亏，外则风寒乘隙袭里，所为白虎厉节风也。宜培正却邪法。

党参四钱 赤苓二钱 冬术炒，四钱 炙草六分
川芎一钱 当归八钱 熟地一两 独活一钱
秦艽三钱 川断三钱 杜仲四钱 防风一钱五分
桂枝四分 细辛一分 桑枝节各一两 谷芽炒，二钱
又 肿痛俱减。

原方，加木瓜一钱五分，苡米五钱。

俞左 气血两亏，寒湿入络。以温通兼调营卫。

黄芪炙，八钱 冬术四钱 炙草 虎骨炙，四钱
没药五分 桐皮一钱五分 桂枝五分 桑枝一两
木瓜一钱 神木一钱 忍冬藤二钱

章左 暑风挟湿浸布三焦，袭于脉络，手足不能舒展，脉见浮数细弱。疏泄活络之中，宜参以培养气血。

苡米炒 杜仲 秦艽 防风 萆薢 木瓜
丹参 洋参 新绛 陈皮 桑枝 忍冬藤 马

料豆 青松毛

某左 风寒湿入于节骶,骨节烦疼,湿气注于下焦,为淋渴,为囊肿。今囊肿虽止,而邪未清,不可填补,还宜疏利。

独活 防风 萆薢 秦艽 木瓜 当归
赤苓 草梢 桑枝 海金沙

周左 痛无定处,在足跟尤甚,此为行痹。

羌活 萆薢 秦艽 木瓜 当归 赤熟地
川断 独活 杜仲 桑节

周 风湿热袭于肝胃,流于节骶。

羌独活 木瓜 牛膝 萆薢 羚羊 连翘
银花 当归 桑枝节

某右 风寒入于络,气血不宣。

秦艽 当归 红花 防风 木香 香附
生熟 元胡 没药 桑枝

某右 足跟痛,脉数甚于尺,湿热注于肾经也。

独活一钱 杜仲五钱 生地一两 黄柏一钱
 萆薢二钱 怀膝二钱 竹茹一

钱 肩臂痛,脉至沉迟,寒也,虚也。

绵芪 冬术 当归 杜仲 姜黄 海桐皮
 炙草 芸香 桑枝

泄 泻

李左 泄泻有年,脉来右寸关豁大而浮,大为气血,浮为阴亏。兹补火生土为治。

白术三钱 怀药炒,八分 肉果二钱 神曲炒,
 一钱 白芍炒,三钱 炙草六分 苍术炒,一钱 防
 风 五味五分 车前二钱 姜炭二钱 益智仁煨,
 一钱 菟丝子三钱

许右 先痢转泻,虽由重就轻,但身怀六甲,须防胎元不固。

冬术炒,三钱 砂仁炒,八分 茯苓一钱五分
 怀药炒,三钱 白芍炒,一钱 炙草四分 苏梗三钱
 木香三分

杨左 久病面青形瘦，寒热日至，脉至数而无情。近来泄泻，虽因伤食所致，而身体因此而愈亏，理姑先为培固。

怀药五钱 芡实炒，三分 冬术炒，二钱 楂肉炒，一钱 神曲炒，一钱 炙草六分 白芍炒，一钱五分 扁豆炒，三钱 建莲炒，三钱

邵右 脾泄久而伤阴。

冬术炒，三钱 白芍炒，一钱五分 炙草六分 五味子三分 建莲炒，三钱

马左 素蕴湿热，近伤暑食，以致腹满而纳少，泄泻不已。先拟疏导法。

生冬术三钱 小川朴姜汁炒，一钱 神曲炒，一钱 车前子炒，二钱 炒楂肉二钱 莱菔子炒，一钱五分 焦麦芽三钱 六一散二钱 茵陈三钱

刘左 挟积挟寒，腹痛泄泻。

冬术炒，二钱 麦芽炒，三钱 神曲炒，二钱 泽泻二钱 煨姜二 煨木香四分

李左 寒积停滞，脾气先伤，运化失职，清

浊不分，合污下降，而泄泻无度。

白术^{土炒，三钱} 神曲^{炒，二钱} 麦芽^{炒，三钱}
 山楂^{二钱} 泽泻^{一钱五分} 车前^{炒，一钱五分} 煨姜
 二 木香^{炒，三分}

童童 热泄。

葛根^{一钱} 黄芩^{一钱五分} 神曲^{炒，二钱} 楂
 肉^{炒，二钱} 六一散^{三钱}

周右 脾肺气衰，为咳为泄。法宜补火以生土，培土以生金。

益智仁^{炒，六分} 煨肉果^{一钱} 远志^{炒，七分}
 五味子^{三分} 怀药^{八钱} 冬术^{炒，五钱} 炙草^{六分}
 车前子^{二钱} 炒神曲^{一钱} 诃子肉^{炒，一钱}

许左 清晨溏泄，脉至软弱。脾失健运，而气亦不固。

土炒冬术^{三钱} 炒神曲^{一钱} 炒肉果^{一钱}
 煨木香^{四分} 防风^{一钱} 远志^{炒，七分} 炒车前子
 一钱五分

王 湿积交滞。以四苓散。

泽泻 白术 茯苓 猪苓

肿 胀

查左 久疴伤脾，今寒热虽减，两足至下午渐见浮肿。半由脾虚，半由饮食不节。急宜戒口，否则须防腹满。

党参三钱 茯苓皮三钱 冬术炒，三钱 炙草三分 神曲炒，八分 焦谷芽三钱 建莲炒，三钱

孙右 肺失清肃之令，脾乏健运之力，良由久疴正虚，不慎饮食，不避风寒，以致面浮腹满，咳嗽便溏，两足按之如泥，肿胀之由来也。

麦冬二钱 丹皮炒，一钱 桑皮一钱 苓皮四钱 腹皮三钱 车前子炒，一钱五分 制香附一钱 楂炭一钱五分 神曲八分 草果煨，三钱 生茅术五钱 姜皮七分 苏梗三钱 麦柴去节，一两

邵左 酒客中虚，土衰则损及于肺，阳衰则土不运行，寒水反来侮土，犯及中焦，腹为胀满，射及于肺而喘咳，注于下焦则足肿。法当温培

肺脾。

茅术炒，一钱五分 陈皮一钱 腹皮三钱 茄皮一钱五分 姜皮八分 苓皮四钱 苡米炒，四钱 车前一钱五分 楂炭一钱 桑皮一钱五分 泽泻一钱 椒目三分 桂枝皮，四分 鸡巨子三钱

金左 气虚中满，阳衰水泛，耗散破气，恐非所宜。勉商补火生土益气，以冀土胜湿。

党参一两 熟附子四分 炮姜五分 茯苓五钱 车前子四钱 当归一钱 腹皮三钱 葫芦巴三钱 杜赤豆八钱 其^①艾炒，四分

张右 痞散成臆，气滞作胀，中满由于脏寒，足肿因于湿滞。主以温中健脾。

焦茅术一钱五分 桂枝皮四分 川朴四分 莱菔子一钱 通草一钱 枳壳四分 苏子炒，一钱五分 白芥子一钱五分 车前子一钱五分 腹皮四钱 香附一钱 芦巴一钱 椒目四分 大麦柴一两 煎汤代水

① 其：当为“蕪”之误。

王左 肿胀先见眼泡，继见便溏，胸脘不适，饮食不节。脾胃有伤，运行失职。拟用平胃、五皮两方治之。

茅术炒，一钱 川朴五分 陈皮一钱 炙草二分
腹皮三钱 苓皮四分 砂仁炒，一钱 焦曲一钱

吴左 腹已肿胀，大便时溏，纳谷渐减，脉见细弱。培土运化之中，参以补火生土。但非他恙可比，家事不能撇开，药饵亦难于见功。

茅术炒，一钱 苓皮四钱 川朴五分 腹皮炒，三钱
陈皮一钱 神曲一钱 车前炒，二钱 远志炒，七分
姜皮五分 桂枝皮四分 葫芦巴炒，二钱
大麦柴一两 煎汤^①代水

又 腹虽少宽，而舌光无苔，必因泻伤阴分。温燥之药，又在禁例。滋补之药，亦非土衰者所宜。且商五皮饮加味，以理气机，庶无偏胜之虑。

苏梗三钱 焦曲五分 焦谷芽二钱 大腹皮三钱
苓皮四钱 陈皮一钱 姜皮六钱 白芍炒，一钱五分
藜豆皮二钱 大麦柴去节，一两 灯心六寸

① 汤：原本无，据文义加。

吴左 腹满板硬如石,两足肿胀,光亮而冷,脉来沉细带数,两尺更空,粥饮过多即作胀,稍冷食之即溏泄,上为恶心,舌见光红无苔,肌瘦如削,卧不成寐。其为命门无阳,脾不运化,寒水上泛,心阳不能下交于肾,无疑矣。阅近服之方,无非黄柏、川连、麦冬、知母,雪上加霜,气血凝滞,无怪乎食减而腹日满。商用济生肾气丸,炒焦作汤,清晨饮之,以补水中之火,肾气旺则膀胱之气自化而水得下行。用立斋法,以理中汤温培脾土,脾气旺则土能克水而水不上泛,亦清晨服之。与前方向日进,每日晚间,以泄水而不伤阴,理气而不伤正,疏其水道,耐心服之,或有愈者。济生肾气丸,炒焦,煎汤去渣,清晨服之。

焦冬术三钱 焦谷芽三钱 杜赤豆一两 苡米四钱 煎汤代茶

日间服 党参八钱 冬术一两 山药六钱
莱菔子一钱 车前子二钱 茯苓四钱 炒白芍五钱
炙草二分 当归一钱五分 广皮一钱 神曲八分
杏仁炒,三钱 炮姜炭三分 焦谷芽炒,一两

晚服方 桑枝皮一钱 姜皮三分 腹皮炒,二钱
苓皮炒,三钱 稽皮二钱 通草六分 车前子

三钱 苏梗一钱 蚕茧三个 椒目三分 灯心五寸
麦柴一两 上二味煎汤代水

尹左 面色淡黄无神，眼色浮肿。土衰湿胜之象，须防肿胀腹满之变。

茅术一钱五分 焦神曲一钱 焦麦芽三钱 赤苓三钱 泽泻一钱 防风一钱 苡米三钱 谷芽

杨左 肺受寒邪，脾有湿浊，久咳不已，面足虚浮。须防中满。

茅术二钱 防风一钱 赤苓三钱 神曲一钱
陈皮一钱五分 苏叶一钱 桑皮一钱 泽泻一钱
苡米炒，一两 姜皮四分

杨左 起于水泻，渐见遍身肿胀，不思纳谷。脾胃两伤，饮食不节，恐有腹满之患。

白术炒，三钱 神曲炒，一钱 陈皮炒，一钱 苓皮炒，一钱 车前子炒，一钱五分 党参三钱 藟子炒，五分 焦谷芽二钱 赤豆一两

管左 面目淡黄无神，膝盖痠疼，足踝肿胀。此系土衰湿胜，恐成疸臌。拟用茵陈五苓

加味,以培胜湿。

茅术一钱 赤猪苓四钱 泽泻一钱 茵陈皮
二钱 桂枝三分 防风一钱 独活一钱

邵右 滞下赤白愈后,而中脘痞闷。今逐渐胀满,暴露青筋,按之不坚,色无神而肉脱。肝脾两伤,药难见效。

当归三钱 白芍炒,一钱五分 苓皮四钱 神
曲炒,五分 党参四分 白术炒,一钱五分 莱菔子
炒,四分 砂仁壳三分 桂枝皮三分 大腹皮炒,一
钱五分

高左 肿先起于面目,并见溏泄,风也,湿也,脾土衰也。

茅术一钱 苓皮四钱 泽泻一钱五分 猪苓一
钱五分 苡米炒,一两 桂枝炒,四分 车前子四钱
神曲炒,一钱五分 通草二钱 防风二钱 赤小豆一
两 大麦柴一两

范左 胀于中脘,脉至右关有力,左手脉沉,乃是气滞木郁之症。

生熟香附三钱 姜皮生,四钱 砂仁壳三分

茅术炒，一钱 腹皮三钱 苓皮四钱 陈皮一钱
苏梗五钱

虞右 寒入三阴而大疰，更兼木郁气滞，土衰湿胜，以致遍身作胀，胸腹渐满，大便溏泄，腹满不减，此胀门之所最忌，况面色带青，天庭尤甚。凡病见此色道，吉少凶多，忝在亲情，岂忍坐视？但不能安静调养，不能节戒饮食，不能除烦消恼，不能耐心服药，恐劳无功。

茅术炭一钱 通草一钱 陈皮一钱 白术一钱
茯苓皮二钱 党参四钱 腹皮二钱 莱菔子三钱
半夏三钱 香附一钱 神曲一钱五分

王左 饮食不节，劳力过度。伤脾伐胃，恐成满。

茅术炒，一钱 泽泻一钱 车前子炒，一钱五分
广皮一钱五分 苓皮四钱 神曲一钱 麦芽三钱
防风一钱 杜仲四钱

庞左 痢未止而腹已满，青筋暴露。土败木贼，吉少凶多。

党参炒，五钱 神曲炒，二钱 枳壳一钱 莱菔

子炒,一钱 车前子炒,三钱 茯苓二钱 苏梗三钱
砂仁六分 肉桂一分 黄芩八分

王左 胀独起于中宫,虽因痢后饮食不节,实成于脾胃失于健运,险症也。慎之慎之。

川朴五分 茅术炒,八钱 莱菔子一钱 苓皮四钱 神曲六分 党参五钱 桂枝皮四分 腹皮一钱 车前三钱 蚕茧三枚

胡左 肿胀愈后复发,又加腹痛便泄无度,虽由脾土未旺,亦由饮食失宜。先拟五皮饮加味,以健运中土为治。

茅术 炒陈皮 五加皮 腹皮 苓皮 桂枝皮 山药 车前 神曲炒 楂炭 木香 桑皮炙

高右 咳嗽已久,更兼发热腹胀,脉数无情,先咳后满。先从肺家治之。

地骨皮二钱 桑白皮二钱 陈皮一钱五分 腹皮三钱 姜皮六分 黄芩一钱 香附一钱五分 苓皮四钱

王左 腹胀愈而肿者，数次矣。今脉细弱，腹热溲热。温补不合，且从降火治之。

黑梔一钱 黄柏一钱 知母炒，一钱 腹皮一钱
丹皮炒，一钱 苓皮三钱 通草三钱 车前炒，
一钱五分 肉桂一分 麦柴一两

宗左 水臌。

桑皮一钱五分 骨皮二钱 黑梔一钱 通草四钱
车前五钱 白术二钱 神曲炒，一钱五分 泽泻一钱
防风一钱 乌药一钱 椒目五分

此方，可以大小便下而腹宽矣。

边童 寒热癖块，由来已久，近又兼风寒积滞，以致面目遍身浮肿。

茅术炒一钱 防风一钱 白芷一钱 苓皮三钱
黄芩三钱 车前三钱 通草一钱 桑皮一钱 陈皮一钱
苡米四钱 麦芽三钱 泽泻一钱

何右 腹满已久，去年秋季脉尚有神，犹可挽回。今见细涩带数，青筋暴露，都是忌疑，症是血臌。勉商活络通行一法，有效再商。如不见功，再行斟酌。

宗左 去年胀势重险,投药效于八九,只要调理气血,饮食小心,可以望痊。功败垂成,虽属接手之不明,亦由病者之欲速误之也。今便溏澼短,脉细无神,皆由正气不足。勉商培土分消。倘得小溲通长,大便完固,再酌。否则难挽。

白术炭五钱 泽泻一钱五分 茯苓一两 车前炒,四钱 通草三钱 神曲炒,一钱 楂肉炒,一钱 陈皮五分 肉桂二分 赤豆一两

又 投培土分消,小水渐通而未长,大便以得成条,还能应效。但人事宜慎,饮食宜节,为嘱。

原方,加党参五钱,莱菔子六分为嘱。

钱右 色脉无亏,而见浮肿。此肺气窒塞,肝气亦滞而不宣。

青皮一钱 陈皮一钱 苓皮四钱 腹皮二钱 姜皮三分 苏梗二钱 砂仁壳三分

蒋右 腹满脐凸,脾不运行,气虚作肿。拟用补中益气加减,以滋化源。

升麻三分 柴胡三分 党参炒,四钱 车前炒,

二钱 冬术二钱 当归三钱 黄芪三钱 白芍一钱
 炙草二分 茯苓五钱 腹皮二钱 肉桂三分 川连
 三分 木香汁三七 葫芦巴二钱

周左 先痢后肿，显脾土未能健运。议姜桂理中治之。

党参炒，四钱 炙草二分 苓脾四钱 冬术三钱
 山药三钱 肉果煨，一钱 炮姜三分 桂枝皮一分
 车前一钱五分 神曲一钱 谷芽三钱

某 酒客中虚，胸满背胀，无非脾气不充，健运失职，得泄则适，虽是湿浊之去路，须防成膈、腹满之恙。

焦白术二钱 陈皮一钱 茯苓二钱 砂仁六分
 神曲炒，一钱 鸡巨子二钱 葛花一钱

莫左 大症便溏伤脾，腹满，面无华色，脉至少神，疏利之药虽效，究非虚症所宜，可暂可久。拟用补中益气，以滋化源，兼以分消。

升麻三分 柴胡三分 党参炒，四钱 黄芪五钱
 半夏一钱 车前炒，四钱 苏子六分 莱菔炒，五分
 草果煨，八分 腹皮炒，三钱 陈皮一钱五分

茅术炒，一钱五分 五味三分 肉桂三分 茯苓六分

和尚 本乎下者，寒湿居多，先见呕吐，继见足肿，浮及于上，须防腹满。

猪苓一钱五分 泽泻一钱五分 苓皮四钱 茅术炒，一钱五分 桂枝四分 车前二钱 通草一钱 陈皮一钱五分 桑皮二钱 苡米一两 赤豆一两

王左 大疟后，脾虚腹满。

腹皮三钱 草果六分 茅术炒，一钱五分 苓皮四钱 桂枝皮五分 车前四钱 通草二钱 苡米一两 陈皮一钱五分 姜皮三分 苏梗三钱 赤豆一两

高右 先喘后胀，从表入里，脾肺之寒湿沉痼。今腹大而不能左卧，脉至迟细，此胀门中所忌。主以温通脾肺，以观效否。

桂枝皮六分 焦茅术一钱五分 苏子炒，一钱 杏仁一钱 草果五分 莱菔一钱 桃仁一钱 生熟香附二钱 车前子一钱五分 泽泻一钱 茯苓皮四钱 腹皮二钱 党参三钱 延胡生炒，一钱 姜皮五分

郑左 腹满先从咳嗽，今虽下身为甚，理当开肺，兼以理脾，渗湿清热。拟用五子五皮合四苓治之。

杏仁去皮尖，一钱五分 苏子炒，一钱五分 菴子炒，一钱五分 车前子炒，四钱 苡米炒，四钱 腹皮炒，三钱 苓皮炒，四钱 陈皮一钱五分 姜皮六分 泽泻一钱五分 黑梔一钱五分 通草二钱 防风一钱 陈麦柴去节，一两 煎汤代水^①

周右 腹虽肿满，按之如棉，经水不行。良由气滞，气行则血自行矣。

苏梗四钱 苓皮四钱 腹皮三钱 陈皮一钱五分 丹皮一钱 山楂三钱 香附二钱 丹参三钱 木香三分

蒋左 久痢脾败，胃伤已成，瘕腹重险症也。

苓皮四钱 腹皮三钱 藿皮四钱 丹皮炒，一钱 冬瓜皮四钱 生熟砂仁一钱 藕一两

^① 原本为“煎代”，今据文义改。

杨左 虽因咳嗽而成肿胀，论症宜先开肺，但六脉无神，肿甚于下，面黄舌淡，纯乎寒水为殃。急宜温培脾土为主。

茯苓一两 苡米一两 茅术二钱 熟附一钱
桂枝皮八分 通草二钱 车前子三钱 防己二钱
椒目一钱 东壁土一两

尤左 右三部沉分数大有力，胸脘不舒，中宫满闷，上为呕吐，二便艰涩。症属木旺土衰，湿热内闭，有升无降，虚中挟实之恙。用拟清降一法，以效否再商。

半夏二钱 陈皮一钱五分 黄芩一钱 吴萸三分
枳壳一钱 苓皮四钱 腹皮二钱 莱菔二钱
车前一钱五分 苏梗三钱 竹茹一钱 姜一

又 胀有虚实之分，又有寒热之别。前言湿热内闭，用清降法，连投三四剂，腹满减去五六，右关数大亦减二三，小便已能通利。其为诸张腹大，皆属于热，并非脏寒生满病可知。舌泛纯红，此亦热逼阴伤之据。至于饮食不贪，亦由胃阴肺液之涸。兹且养胃投之。

鲜冬瓜皮五钱 藿皮二钱 腹皮二钱 鲜桑枝皮二钱
黄芩一钱 黑栀一钱 麦冬一钱五分

川贝三钱 郁金七分 麦仁四钱 细菖蒲五分 木香汁三匕 灯心五寸

又 腹胀已宽八九，大小便亦渐通利。惟口舌仍然碎烂，胃口未开，气有时上升，此系余火未清耳。

前方，加鲜石斛三钱，薄荷一钱，车前一钱，川连一分，去黄芩、桑皮。

又 腹胀已宽，舌红稍减，不思纳谷，脉数未能全退。余火未清，而神情倦怠，正气已虚，急宜扶正养胃。经曰：得谷则昌，有胃则生。宗此立方。

人参一钱 麦冬一钱 元参一钱 扁豆三钱
砂仁四分 藿皮一钱 丹参一钱 香粳米百粒 灯心五寸

黄右 清肃之令失职，膀胱之气不化宣，以致水气错行，两足渐肿及腹，泛及上中二焦，已见咳喘难卧，重险之症。勉商理气道水，清金肃化之法。

桑皮一钱 姜皮三分 腹皮二钱 苓皮四钱
陈皮八分 通草八分 车前二钱 麦冬一钱 椒目五分 麦柴一两 苏子一钱

又 病去六七,已有生机。

焦茅术二钱 当归三钱 神曲炒,一钱五分
谷芽三钱 苓皮三钱 陈皮一钱 通草一钱 车前
子一钱五分 麦冬一钱五分

灵左 肿胀一门,有因风客于表者,宜散;有因湿注于下者,宜分利;有因气虚中满者,宜培土;有命门无权火不生土者,宜补肾益阳;有脏寒生满者,宜助火;有诸胀腹大,皆属于火者,宜清理;有食填胸者,宜攻。今因久症,无不伤脾,土衰则不运,为此便溏,日夜无度,精液不能上归于肺,肺气不能通调下输,膀胱司化失职,水气逆行,肤腠肿胀,下身为甚,按脉弦数,甚于左关,此属湿郁而化火矣。当培土健脾,开泄肺气,通调水道,佐以清热利气。

大麦仁一两 连翘三钱 黑栀一钱 丹皮
神曲一钱五分 通草二钱 车前四钱 茯苓一两
大腹皮三钱 苏梗一钱 陈皮一钱五分 草果五分
黄芩一钱 茅术一钱 赤豆一两

王右 六脉沉细,胸腹作胀,大便时溏,气喘咳嗽,逆甚见血。此中阳大亏,肺失所生,而

肝木乘虚来侮，须防肿满之剧。

炮姜一钱 冬术四钱 苓皮四钱 葫芦巴二钱
五味子三分 怀药五分 陈皮八分 谷芽炒，三钱
神曲炒，一钱

又 原方，加苏子一钱，党参三钱，归身二钱，
香附一钱，去怀药、谷芽。

吴右 左弦右弱，症后渐见腹满攻撑，面色
淡黄无神。虽因症邪不清，究由脾土失运，湿浊
蕴于中焦，成疸臌之所由来也。治湿与培土，又
加理气分消。

茅术一钱 草果煨，一钱 车前一钱 苓皮四
钱 桑皮一钱 桂枝皮三分 陈皮一钱 腹皮三钱
茵陈二钱 通草七分 苏梗二分 姜皮五分

吴左 舌光如镜，六脉细数肿胀，倏忽无
定，大便溏泄不止。脉症合参，刚燥劫阴殆尽，
血虚则气无所附。且为育阴治阳。

生地四钱 萸肉一钱五分 丹皮一钱 苓皮三
钱 泽泻一钱 山药三钱 麦冬二钱 五味五分
薏皮二钱

又 前投制阳纳气法,而肿胀已平。今颈足渐渐复胀,乃元气未复,早行劳动所致。急急安养为要,非当健脾理气治之。

当归一钱五分 砂仁五分 神曲六分 白术炒,二钱 谷芽炒,二钱

吴 脾土素虚,去年虽患腹满之疾。今遍体生疮而腹又满,据述因疴而起,此暑湿之邪不清耳。

车前子一钱五分 泽泻一钱 陈皮一钱 苓皮一钱 腹皮一钱 苡米四钱 草果四钱 山栀五分 神曲一钱 僵蚕二钱 菖蒲三分 红枣五个

又 原方,加枳壳四分,银花三钱,姜皮四分,荆芥一钱,去泽泻、神曲、陈皮、红枣。

陈右 年过六旬,阳衰气弱,腹节结癥瘕,散而成臌。今纳谷少而脉细弱,培补脾土之中,兼补火之法,但症非轻,见功甚难。

焦茅术一钱 苓皮四钱 肉桂四分 当归三钱 木瓜一钱 熟附五分 腹皮二钱 陈皮一钱

丁左 受寒湿风,更加饮食不节,劳力伤

脾，遍身肿胀，胸腹更甚，咳逆音哑，六脉沉细。法当温通，以助阳抑阴。

麻黄三分 桂枝四分 熟附五分 川朴六分
苓皮三钱 茅术八分 泽泻一钱 腹皮二钱 生姜一

胡左 腹胀起于中脘，今见青筋暴露，脐凸，两足按之如泥，使见溏泄，右关沉弦而数。此木侮土衰，土不胜湿，培土制木，乃是正治。

汪右 木侮土衰，气逆腹胀。

苓皮四钱 腹皮二钱 香附二钱 陈皮一钱
乌药一钱五分 苏梗三钱 神曲炒，一钱 桑皮一钱
沉香三分 木香三分

周右 形瘦腹满，时胀时宽，更兼便坚溲短，六脉细弱。症属气血枯槁，木侮土衰，单腹胀之重者。

生冬术三钱 陈皮一钱 茯苓一钱五分 谷芽三钱
柏子仁炒，三钱 大麦仁炒，三钱 当归一钱
上药，煎送小温中丸。

朱右 六淫之中,惟风火之性最速。胀有风肿一门,其来自上而下;又有诸肿腹大一门,皆属于火。今胀起于面目而至足,且阴囊赤烂,可谓非风火乎。至于烂处流水,乃是肺气不能通调水道以输化,非关脾不克运之湿热症也。

桑皮一钱五分 地骨皮二钱 姜皮五分 苓皮三钱 腹皮三钱 苏子叶一钱 防风一钱 通草二钱 黄芩一钱 山梔一钱 大麦芒五钱 煎汤代水

穆右 右脉独大而甚于关尺,舌根苔黄,足肿按之如泥。宜宗湿过热伏法。

茵陈四钱 黑梔一钱 黄芩一钱 通草一钱 腹皮三钱 楂炭三钱 车前三钱 苏梗三钱 姜皮八分 神曲一钱五分 灯心一团 菖蒲四分 大麦柴一两

又 少腹略宽,脉数亦减,舌上黄厚之苔,已减其半。

原方,加苡米一两,大麦冬一钱,去楂、芩。

袁左 脉来迟滞,胸腹板硬。此中阳衰弱,脏寒生满。治以温通。

葫芦巴炒，一钱 草果仁煨，六分 苓皮炒，四钱
桂枝皮五分 川朴一钱 乌药一钱 熟附五分 苏
梗三钱 谷芽三钱 沉香汁三匕

蒋右 土衰木贼，阳衰水泛，肿胀之势，汨
汨而成。

党参砂仁拌炒，四钱 熟附五分 白芍炒，一钱
淡干姜四分 冬术炒，一钱五分 炙草炭一分

张童 遍身肿胀，按足如泥，脉来迟滞无
力。此中阳衰弱，水泛来侮，其致病之由，虽因
症伤，半由饮食不节。培土之中，宜兼补火，佐
以分消，但须节饮食为先。

生茅术一钱 草果煨，六分 苓皮炒，四钱 腹
皮炒，三钱 陈皮炒，二钱 防风一钱 桂枝皮五分
谷芽三钱 车前子二钱 姜皮六分 椒目五分
麦芽炒，三钱

方右 劳倦伤阳，脾虚发肿，六脉迟细而
涩。法当水中补火，即可以生土。但症已重，求
效甚难。

金匱肾气丸四两，每日服四钱，炒焦，煎汤

服之。

薛右 土败木贼，脾虚发肿，此系年深月久，积劳郁而成，乃肿胀之重症也。甚至喘而不能偃卧，肺胃两伤极矣。勉商金匱^①肾气丸，清晨服之，以补水中之火；再用生脉理中加减，合投以补土生金，勉间进之。有效再诊。

金匱^②肾气丸，每日清晨，四钱，炒焦，煎汤服。

党参三钱 冬术二钱 苓皮四钱 炮姜五分
砂仁盐炒，三分 五味子五分 炙草一分 苏子
莱菔子一钱 白芥子一钱 桂枝皮三分 晚服

王左 肺属金而畏火，酒性热质湿。素来嗜饮，湿热不攘而留于胃。热性上炎，肺受灼而先见音雌。湿热下注，气不化而继见腹满。今舌红口渴咽痛，二便不爽，脉见右关有力，经云诸胀腹大皆属于热，此病是也。

川连四分 黄芩一钱 大黄三钱 芒硝一钱五分
枳壳一钱 洋参三钱 当归三钱 车前一钱五

①② 金匱：原本作“金贵”，据文意改。

分 通草一钱 苓皮四钱 腹皮三钱 莱菔子一钱

杨左 命门无阳，火不生土，土不制水，寒邪射肺，足肿腹胀，气逆不能偃卧，所由来也。脉见屋漏、鱼翔、虾游、雀啄，此阴阳离散，真元将脱之忧。

金匱^①肾气丸四钱，炒焦，煎汤服去渣。

五加皮一钱 苓皮四钱 腹皮二钱 葫芦巴
三钱 炮姜六分 熟附四分 车前二钱 川七一钱
五分 通草四分 党参二钱 椒目八分 沉香汁三
匕

另用赤豆一两，冬术三钱，煎汤代水。

施右 先脘痛而腹满，后肿及于遍体，大便时溏，小溲艰涩，面目光亮，足按如泥，两手脉门肿胀亦甚。脉虽不可为凭，据症而论，乃是脾土失运，肺气失降，水道不得通调，水气逆行肤腠。拟用培土分消，以冀健运司化。

苓皮四钱 腹皮三钱 桑皮炒，一钱 陈皮一
钱 姜皮五分 车前子二钱 生茅术一钱五分 通

① 金匱：原本作“金贵”，据文意改。

草一钱 神曲炒,三钱 防风一钱 泽泻一钱 黑
 栀一钱五分 葶苈子一钱 椒目五分 大枣三 麦
 柴一两

朱右 右关沉实有力,大便坚如弹丸,腹满
 而硬。脉症合参,虚中挟实,下之,且以探之。

洋参三钱 当归二钱 大黄三钱 枳实一钱
 炙草一分 莱菔子二钱

蔡左 瘀凝脉络,满腹暴露青筋,脾土阳
 衰,肿胀而兼便溏,症还未已,正气大伤,症属重
 险。勉商通络行瘀,温中培土。

蒺藜炒,二钱 红花三分 肉桂三分 党参四
 钱 冬术炒,三钱 神曲炒,一钱 草果煨,三分 车
 前一钱五分 腹皮二钱 谷芽炒,三钱 桑枝一钱五
 分

过右 经停瘀积,腹胀成臌。

桃仁泥二钱 赤勺一钱 归尾二钱 牛膝二钱
 红花二钱 郁金冲,四分

顾左 先从头面胀起,而后及于腹,神色脉

象俱夺，症属险途。从先喘后胀者治之。

马兜铃一钱 黑梔四分 石菖蒲三分 通草一钱 桑皮一钱 车前子炒，三钱 杜赤豆四钱 百合一两

周右 单单腹胀，按之如绵，舌光无津，脉来细弱，神形消瘦，气血败坏，法宜培补。

熟地五钱 党参三钱 炮姜六分 炙草一分 白芍一钱 五味三分

王左 中土衰败，腹胀如臌，症属难挽，商培土抑木制水，以尽人事。

生冬术一两 茯苓一两 车前子炒，五钱 肉桂八分 瓜皮 即冬瓜皮代水

尤 膨胀。

党参一两二钱 生茅术二钱 生冬术二两 炙草炭一分 莱菔子炒，一钱 泽泻二钱 枳壳炒，三分 小茴香七分 黑山梔八分 煨草果六分 木瓜二钱 陈皮一钱 肉桂五分 苓皮一两 苏梗三钱 生熟砂仁四分 白芍炒，三钱 丹皮一钱 当归三钱

另用大麦柴一两，灯心一钱，赤豆二两，煎汤代水。

清晨服方 洋参二钱 通草三钱 车前子五钱 葫芦巴炒，二钱

另用向阳东壁土煎汤，去土煎药，送肾气丸三钱。

又 拟补火生土，以止泄。

党参一两 冬术炒，二两 炙草炭一分 肉桂三分 车前子二钱 白芍炒，三钱 远志炒，七分 益智仁八分 神曲炒，一钱 肉果煨，一钱 山药三钱 煨木香四分

又 拟酸甘化阴，涩以固脱之法。

白芍炒，三钱 赤石脂煨，三钱 龙骨煨，二钱 诃子肉煨，一钱 炙草三分 五味子六分 御米壳炙，二个

蒲左 腹满跗肿，左弦右弱，纳减便溏，中虚之象。舌白滑，湿淫之征。拟用四苓以培土分消，但症非轻，不能节养，恐其加重。

茅术三钱 猪苓一钱五分 泽泻一钱五分 赤苓三钱 焦神曲一钱

刘左 玫^①痢丸散，无不伤中，腹虽少宽，两足肿胀未减，难保无上泛之虞。姑用小温中丸，每日服四钱，十剂后再商。

王左 上有表邪，咳而见血，下有湿浊，两足肿胀，邪不能解，湿不能利，恐成风水。

生苡米一两五钱 连皮赤苓五钱 滑石五钱
防风一两 荆芥炒，一钱五分 青桑枝皮盐水炒，一钱五分
通草一钱五分 车前子三钱

又 原方，加竹茹一钱，茅针花一钱。

冯右 木侮土衰，气虚下陷，腹胀筋露，肌肉消瘦，脉细弦劲，症势重险。拟扶脾阳，兼以平木为治。

黄芪元米炒 冬术 陈皮炒 升麻 柴胡
洋参炒 白芍 炙草 腹皮 车前盐水炒 木香煨 草果仁 老苏梗

赵左 风水逆走肤腠，并夹面积，致成肿胀，惜乎日数已久，体虚难效耳。

① 玫：疑为“攻”之误。

通草三钱 车前炒，一钱 苏梗一钱 郁李仁
二钱 东壁土一两 煎汤代水

又方 生茅术一钱 莱菔子炒，一钱 川朴盐
水炒，一钱 苓皮六钱 陈皮二钱 腹皮酒炒，二钱
泽泻炒，一钱 神曲一钱 楂炭二钱 枳壳八分
防风一钱五分 紫苏一钱 姜皮六分

又 原方，加冬术三钱。

徐左 寒水侵脾，风邪入肺，以致喘咳为
肿。

生茅术二钱 赤苓八钱 泽泻一钱五分 猪苓
一钱五分 车前盐水炒，五钱 通草三钱 紫苏一钱
郁李仁一钱 防风一钱 加东壁土一两

杨左 能食不运，胀起中宫，便时腹痛。且
先健运脾土。

神曲一钱五分 麦芽三钱 枳壳炒，三钱 楂
肉炒，三钱 焦茅术七分

蔡左 中气不运，腹为肿胀，便溏不为稍
宽，六脉细涩，症属棘手。

生茅术一钱五分 生冬术二钱 川朴一钱 枳

壳六分 苓皮四钱 通草二钱 滑石三钱 陈皮一钱五分
草果五分 车前三钱 神曲一钱 腹皮一钱

又 甘遂二两 大戟二两 芫花二两 芦巴四两 为末醋调敷

邵左 膀胱无司化之权，小水不从水而出，渍于下而泛及中焦，腹为之渐满，脉至三五不调，细涩无神，阳气之衰，不待言矣。所投补中与八味，颇觉相宜，但水势横逆，惟恐后不济事，兹且开通膀胱之水，能得顺趋而下，急则治标之法，拟方候酌。

生茅术 茯苓 猪苓 泽泻 肉桂 陈皮 腹皮 苏梗 赤豆 麦芒 椒目

又 两投分水，小溲数而短赤，昨又发热恶寒。此是暑风外袭于表，宜兼疏解。

香薷一钱 通草三钱 滑石三钱 车前炒，五钱 王不留行三钱 东壁土一两

又 原方，加党参五钱。

又 生茅术二钱 茯苓一两 泽泻二钱 肉桂四分 熟附五分 冬术一两 滑石三钱 枳壳四分 桂枝五分 党参一两 赤豆六钱 磨沉香三分

又 属屡投分泄,而小水不去,不独膀胱不能化,而且肾气亦不开合。商滋肾法,以通关节。

黄柏炒,一钱 知母盐水炒,一钱 肉桂五分
茯苓一两 此方先服
晚,服济生肾气丸四钱。

夏左 风为六气之长,善行而数变,肤腠不密,着之则遍体浮肿。法当疏泄手太阳之经。

蝉蜕十只 地骨皮三钱 桑白皮二钱 苓皮五钱
姜皮六钱 陈皮二钱 防风一钱 荆芥一钱
加杨树嫩头五钱

蒋左 肝脾二伤,湿郁化热。拟中满分消法,但病势极重,不可轻视。

冬术炒,六钱 川朴姜炒,一钱 腹皮炒,三钱
神曲炒,一钱 陈皮二钱 玉金七分 麦冬一钱五分
泽泻一钱 干姜四分 川连三分 官桂七分 黄芩二钱
灯心一团

又 原方,加赤苓三钱。

倪左 土衰湿聚,外发痲疮,内为肿胀。拟

建中分导。

白术炒，六钱 茅术炒，一钱五分 赤苓三钱
 陈皮一钱 荆芥二钱 谷芽三钱 苏梗一钱 腹皮
 一钱 银花二钱 苡米二钱 车前三钱 川朴四分

蒋左 风湿郁于肤腠，遍身浮肿。宜先开泄肺气。

桑皮 防风 苓皮 陈皮 荆芥 姜皮
 腹皮 加皮^①

薛左 酒湿伤中，脾败成臌，医药难效。

冬术 腹皮 川朴 砂仁壳 陈皮 苓皮

杨左 肿从下起，浊湿居多。湿之所以为患者，由土衰不能胜湿，膀胱不能司化。

茯苓一两 肉桂三分 小茴香一钱 黑牵牛二钱
 车前子二钱 通草一钱 加绿色头鸭脚一双
 又 肿势渐减，药不外温通膀胱，培土胜湿。

原方，加防己一钱。

① 加皮：原本为茄皮，据文义改。

潘左 腹满中空，两足肿胀，便溏澹短。脾土大伤，症非轻视。

冬术五钱 腹皮炒，三钱 川朴一钱 枳壳五分
 陈皮一钱五分 苓皮四钱 车前子炒，三钱 香附一钱 滑石三钱 香菇八分 砂仁壳三分

虞左 中脘胀满，按之坚硬，舌底红而苔黄，口渴，脉至关，独见弦洪而大。经云：诸胀腹大皆属于火，又云：下则胀已，此其似乎。

川连四分 槟榔一钱 枳壳炒，一钱 瓜蒌仁三钱 腹皮炒，三钱 焦楂三钱 山栀六分 黄芩八钱 半夏二钱 干姜二分 礞石滚痰丸三钱 清晨服

又 投泄热下降之剂而有应效，仍宗前法，佐以扶正。

川连 陈皮 枳壳 神曲 腹皮 楂炭 猪苓 黄芩 半夏 干姜 川朴 冬术 泽泻 知母 赤苓 炙草 泽兰

小温中丸四钱，用洋参一钱，冬术二钱，煎汤送下。

某 六脉沉细如丝，阳衰极矣，火不生土，

土不生金，金寒水冷，脏无阴，司化失职，小水因而短少，水无去路，蓄于中而腹满，注于下而足肿，泛于上而喘急。除金匱^①肾气丸，其他皆非对症，惜乎晚矣。

肾气丸三钱，人参五分煎汤送下。

过左 大疰初愈，复受寒湿，以致足肿便溏。宜培土分利为主。

赤苓 猪苓 泽泻 茅术 神曲 苡米
陈皮 麦芽

杨左 脏寒生病，脘如抱瓮。议与助阳一法治之。

熟附一钱 生姜二 桂枝皮六分 焦白术二钱
广皮一钱 苓皮炒，二钱

周左 中虚发胀，便溏而不为少宽，身热脉来细数。症属棘手，药难见效。

六神散，去扁豆，加神曲炒、柴胡、白芍、山梔炒、腹皮炒、车前子。

① 金匱：原本作“金贵”，据文意改。

某 眼泡浮肿，两足亦胀，胸腹满闷。此饮食饥饱失宜，脾胃气滞不运。拟用胃苓汤主之。

川朴 腹皮 茅术 猪苓 泽泻 陈皮
炙草 苏梗 姜皮 苓皮 莱菔子

邱左 考之腹胀一门，便泄而腹胀不减者，重症也。今痛泄月余，而腹日肿胀，脉又见软弱，面带青色，此乃木侮土衰之象。

风党八钱 冬术五钱 连皮茯苓六钱 神曲炒，一钱 广皮一钱 炙草一分 菝子一钱五分 白芍三钱 肉桂五分 腹皮二钱 川朴去皮，五分 车前子一钱

宋左 脾肺气滞，遍身浮肿，时重时轻，以疏理气机，兼培土，能避风寒，节饮食，自然渐愈。

腹皮 苓皮 桑皮 广皮 姜皮 川通
焦苍术 焦麦芽

殷左 脉至弦数，左关尺沉分有力，睾丸阴茎微肿，胸腹不宽，去年曾患囊痈出脓，乃湿热闭结下焦而成。今脉象见症如此，湿热乘虚注

于中下二焦，不生外疡，恐有腹胀之虑。拟用淡渗分泄、理气法。

连翘 广皮 苏梗 灯心 广木香

管左 两足浮肿，按之如泥，面黄无神，脉软少力。乃脾土衰弱，寒水将有及中上之势。

茅术 赤苓 泽泻 香附 焦曲 谷芽

殷童 夹食夹风夹湿，面目胸腹肢体无处不肿。拟用胃苓合投。

苓皮 川朴 茅术 焦曲 山楂 防风
姜皮 灯心

吴左 脉来左弦右弱，中虚腹泻。此土衰木侮之象。

茅术_{土炒} 广皮_炒 腹皮_炒 炒丹皮 炒苓皮
炒车前子 炒姜皮 宣木瓜 焦麦芽 麦柴一两

宋 脾气运行失职，痰积交凝，脘右肋下，癥如拳大。本当培土温中，缓图自效，而误用攻伐，以致彻散成臑，诸症迭出，而成棘手。兹先

培中土治之。

冬术 焦谷芽 苓皮炒 腹皮炒 白芍炒
大麦柴 煎代水

蒋左 症后胸腹胀满，先从足起，自下而上，湿热居多。但汗出如雨，舌无苔而光，不独土衰，而卫外之阳，守中之阴，俱虚矣。用药宜乎和平为当。

苓皮 广皮 鲜地骨皮 鲜冬瓜皮 炒苡米
生熟砂仁 生熟车前 浮麦炒 白芍炒

张左 风湿热于肺胃，遍身肿胀，两足尤甚，色红而热。拟与疏表理气泄热。

香菇 防风 荆芥 桑皮 苓皮 广皮
腹皮 姜皮 楂炭 泽泻 黄芩 车前 炒焦曲
大麦柴 代水

又 原方，去黄芩、桑皮，加茅术。

周右 大小便不利，胸腹四肢肿胀，重症也。开之，泄之。

瓜蒌仁 焦枳实 杜苏子 杏仁 葶苈子
藜子 腹皮 苓皮 车前炒

又 通身肿胀退去八九,纳谷后胸腹攻撑,脾气未能健运。兼以培土。

茅术 焦曲 砂仁 谷芽炒 苓皮 白术炒 车前子

杨右 腹大而软,脉来滞细,面不浮,足不肿。此气郁成臌。

香附三钱 苓皮四钱 腹皮炒,三钱 陈香圆皮五分 砂仁壳三钱 旧鼓皮炙存性,二钱

又 腹能少宽,加味再进。

原方,加细青皮一钱,大麦柴五钱,煎代。

又 上不见咳,面不见浮,非风也。足不见肿,小溲通利,非湿也。腹大如箕,按之外软内实,便溏日来两次,脉不迟亦不数,亦非寒,亦非火。细细参之,似属气郁,前投理气,初若有效,既又不效。改投培土行瘀,再探之。

焦白术 楂炭 红花 丹参 丹皮 香附 焦曲 车前子 腹皮 桃仁 葫芦巴 以上分量均以三钱

又 投理气行瘀,俱不应效,改投锁补兼施。

党参炒，四钱 莱菔三钱 焦曲二钱 香附三钱
 钱 腹皮三钱 广皮二钱 木香四分 沉香五分
 降香一钱

又不喘不咳，病不在表，亦不在上。腹不痛，大便溏，亦非实结。开鬼门，洁净腑，俱用不着。脉不迟数，口不渴，不怯寒，大热大寒之品，亦不合。足不肿，小水长，分利去湿之品，亦不合。按之软，其为气滞，十有八九。余方不过如此，或欲速，再请明眼酌治之。

原方，加苓皮四钱，蜃壳三个。

此症起于产后，年久不愈，至小产后大投行瘀而愈。

张左 湿热蕴于中焦，面目见黄，胸腹为胀。茵陈五苓散主之。

茵陈八钱 生苡米三钱 生茅术三钱 赤苓六钱
 猪苓一钱五分 泽泻一钱五分 黑栀一钱 腹皮三钱
 广皮一钱五分 黄柏八分

某左 土衰湿胜，郁久防成中满，面色萎黄，纳食作胀，两足至晚浮肿，或呕或泻，都是脾胃两伤之据。

茅术炒 焦白术 焦曲 焦楂 远志 茯苓 泽泻 砂仁 广木香

潘右 腹满中空，两足浮肿，便溏澹短。脾土已伤，症非轻浅。

邵左 风热散走，遍身作痛。此外内两兼，先为分解。

洋参一钱 荆芥一钱 防风 茯苓一钱 甘草一钱 枳壳一钱 桔梗一钱 柴胡八分 川芎一钱 银花五钱 前胡 羌独活各一钱 牛蒡子二钱

孔左 六脉沉细，食后中脘胀闷不适，脾胃阳衰也。

炮姜一钱 远志五分 益智仁八分 焦白术二钱 党参三钱 制半夏二钱 官桂三分 五谷虫一钱 鸡金一钱

衄 血

邹左 脉大而数，左甚于右，鼻衄成碗而色

鲜。此炎暑熏蒸，肝阳上逼，肺金受灼，而血妄行也。

麦冬一钱五分 夏枯草一钱 元参二钱 丹皮一钱五分 鲜生地四钱 竹茹四分 茅针花一钱 京墨汁五匙

廉右 质本阴亏，内热鼻衄。拟四阴煎，肺肾同治。

北沙参三钱 生地四钱 山药炒，二钱 扁豆二钱 砂仁四分 丹皮炒，一钱 川斛三钱 焦谷芽二钱

李左 鼻衄，脉至右寸关独大，此火浮于肺。

黄芩二钱 白及一钱五分 麦冬一钱 竹茹炒，五分

钱童 鼻衄已久，宜清宜折。

猪苓二钱 白及一钱五分 茶叶子五分

某左 鼻衄头痛，风热上行。

猪苓二钱 白及一钱五分 川芎一钱 白芷八分

秦右 脉数,内热鼻衄,此阴虚火浮。

生地_{四钱} 丹皮_{炒,一钱} 元参_{一钱} 麦冬_{一钱}
北沙参_{三钱}

陈右 血不归经,逆行于上,而时见鼻衄,脉至弦数甚于左寸关。宜清养肝阴为先。

北沙参_{三钱} 麦冬_{一钱五分} 石斛_{二钱} 知母_{一钱}
牛膝_{一钱五分} 女贞子_{一钱五分} 地骨皮_{一钱}
又 原方,加大生地_{五钱},去元参、知母。

失 音

某左 色脉无力而音不扬,更兼咽喉不时而痛,喜吃甘温则适。此系风寒束缚,肺气窒塞。

叭杏,饭上蒸热,捣如胶。另用肉桂末_{二钱},以桂和匀,捣。将白蜜拌和匀如指面大。每用薄绵一层包药一粒含于口内,将汁咽之,日含二三次,夜亦可含卧。另用蜜陈皮_{二三},泡汤代水。

又 桔梗 生熟草 生熟诃子肉 蝉蜕
灯心 香椿豆_{如无,竹膜三分代之}

又 鸡子一枚,置碗中打如糊 白糖霜三钱
上,将滚豆腐浆一碗,清晨冲服。

某 寒束热伏,金实不鸣。

杏仁二钱 桔梗一钱 枳壳炒,六分 半夏一
钱 蝉衣七分 苏叶八分 陈皮一钱 姜一

沈左 六脉数大,甚于两关,肝阳胃火炽
甚,上灼肺金为咳而声音不扬,大便难涩者。肺
与大肠相为表里,清金制阳,必须育阴。

洋参 麦冬 川贝 蝉衣 生地 芦根
鲜百合 燕窝 枇杷叶 三味煎汤代水

又 火之旺者,水必亏,六脉数象不减。方
不外乎清金保肺,壮水制阳。

洋参八钱 麦冬三钱 川贝四钱 生地一两
丹皮一钱五分 扁豆五钱 通草一钱 沙苑三钱
甘蔗皮一两 枇杷叶三钱

吴左 气弱音雌。

升麻三分 柴胡三分 党参三钱 冬术炒,三
钱 当归二钱 陈皮一钱 黄芪三钱 通草一钱
半夏一钱 杏仁一钱五分 炙草四分 诃子肉一钱

香椿芽一钱 蝉衣四只

某右 久咳音雌，色脉无伤，金实不鸣也。

半夏一钱 叭杏连皮，二钱 蝉衣一钱 桔梗
一钱 诃子生炒，一钱 紫苏五分 薄荷五分 通草
一钱

某 脉至滑大，甚于右寸关，久咳见血，音
哑，肺伤极矣。

北沙参四钱 玉竹炒，三钱 麦冬一钱 紫菀
八分 扁豆三钱 苡米三钱 白及一钱五分 通草
六分 川贝一钱五分 百药煎炒，一钱 百合一两
蝉衣四 月石一钱 紫降香一钱 此三味加前方
中先服三剂

诸左 咽痛音雌，由咳而起，六脉沉迟。少
阴太阴同治。

熟地八钱 麻黄四分 杏仁二钱 生草一钱

王左 久咳声音不扬，而咽喉作痛，饮食不
贪，脉至细数，右寸关软大。人之声音，发乎肾
而出乎肺。肺肾两亏则音雌，水亏于下则阳越

于上为咽痛。肾为肺子，虚则盗气于母，脾土日亏，则饮食不化精血而化痰涎。脉症合参，无非脾肺肾损伤之象，幸而便犹未溏。但将交夏令，内有虚阳，外有炎蒸，已伤之金，欲其不燥，不外乎制阳壮水，保金醒胃，理脾为上。

熟地一两 山药炒，五钱 丹皮一钱五分 黄肉二钱 泽泻一钱五分 茯苓二钱 五味十粒 麦冬一钱

又 沙参五钱 扁豆一两 建莲一两 芡实炒，一两 通草四分 诃子生熟，一钱 川贝二钱 蝉衣四 竹膜五分

上方，培土生金无碍乎脾胃，发声而不耗气，消痰不至于涸液伤阴。间日服之，可也。

檀香百合一两 元米二两 官燕一钱

上三味，煮烂，清晨加冰糖食之，以代朝粥。又，滚豆腐浆一饭碗，另将鸡子一个调稠，加冰糖冲匀，食之代点心。猪肺一具洗净，苡米一两，入罐煮烂，作菜。

吴左 久咳音雌，咽痛纳减，不能仰卧，六脉细涩，面色萎黄。种种见症，都是损怯，气血就偏之象。拟大补元煎治之。

党参五钱 熟地八钱 杜仲三钱 山药一两
 萸肉三钱 当归二钱 杞子三钱 白芍一钱五分
 炙草七分 五味三分 青果一枚

王左 久咳失音，右脉细弱。拟六君以培土生金，失治于前，见功甚难。

六君子，加黄芪、当归、五味、诃子。

杨 咳嗽声音不扬，右寸关独浮大有力，邪未透达。此症忌用人参，屡屡告戒，何以即忘。

杏仁二钱 桔梗一钱 荆芥一钱 前胡一钱
 苏子一钱 玉竹四钱 白薇一钱 蝉衣四只

周左 金破不鸣，责在肺肾。

熟地八钱 当归二钱 半夏一钱 陈皮一钱
 茯苓一钱 炙草六分 桔梗一钱 元参一钱 薄荷四分
 紫苏五分 蝉衣四

蒋左 音雌咽痛，脉弱而尺浮露。此水亏火浮，肺金受灼，损症之萌也。芩、连、知、柏，切勿杂投，有伤生生之气，变症蜂起，不可不虑。

桔梗一钱 甘草一钱 元参三钱 川贝一钱

金银花一钱 灯心五尺

煎好去渣，将鸡子白一枚搅匀，服。

接方 生地一两 山药炒，三钱 丹皮炒，一钱
 萸肉二钱 茯苓一钱 元参二钱 麦冬一钱 甘草
 一钱 银花一钱 青果二

吴左 久咳失音，脉软无力，咳甚则吐。宜温培肺胃之气。

黄芪蜜炙，三钱 冬术炒，三钱 紫菀一钱 当
 归一钱五分 橘饼 元米煎代水

刘左 人之声音，发于肾而出于肺。今声音不扬，脉来细软，良由肺气不通，肾气衰弱耳。

熟地一两 党参三钱 冬术炒，三钱 生熟诃
 子一钱 炙草四分 桔梗一钱 百合一钱 蝉衣四
 个 香椿头二钱

每日清晨，鸡子冲豆腐浆，服。

吴左 音哑便溏，脉细脱形，药难应效。

黄芪元米炒，六钱 五味炒，八分 党参炒，三钱
 桔梗一钱 生熟诃子各一钱 冬术三钱 炙草七分
 冬花三分 百合四钱

杨左 金虚则声音不扬，土衰则纳谷日减。
议培土生金法。

黄芪蜜炙，六钱 生熟诃子一钱 冬花蜜炙，三钱
炙草六分 扁豆炒，二钱 蝉衣四只 猪肺清汤煎药

王右 音哑咽痛，右脉软弱，左细数，此水亏于下，火浮于上，肺金受烁，恐成损怯。

生熟地一两六钱 桔梗一钱 苡米四钱 生熟甘草一钱五分 大贝一钱五分 北参三钱 鸡子白一个，调稠冲服

又 薄荷一钱 百草霜一钱 桔梗一钱 霜梅炙，一钱 贝母三钱 灯心灰一钱 甘草一钱
上，为末，用白蜜二两调匀，不时食服。

沈左 当育阴以制阳。

桔梗二钱 甘草一钱 薄荷一钱 蝉衣四只
元参四钱 银花三钱 川贝三钱 射干一钱五分
黄芩一钱 川连三分 芦根三钱 灯心五尺

王左 脉至软弱，腿膝痠疼，久咳不已，声音不扬。此稟质不足，而寒湿浸里。

防己二钱 黄芪蜜炙,六钱 川七三钱 赤苓三钱
白术炒,三钱 苡米炒,一两 杜仲姜汁炒,八钱
冬花蜜炙,三钱 当归二钱 桑皮蜜炙,二钱

陈左 六脉浮数,左尺为甚,音雌咽痛。症属水亏于下,阳浮于上,肺金受灼。拟生脉六味,兼育肺肾之阴。

洋参三钱 蝉衣一钱 麦冬一钱 五味五分
生熟地各八钱 怀药一两 丹皮一钱五分 萸肉二钱
茯苓一钱五分 泽泻一钱 诃子一钱 元参一钱五分
凤凰衣五个 青果二 灯心五尺 竹膜四分
元稻根须三钱

蒋 金为水母,肾为肺子,久咳者无不伤乎子,则肾水因而亏矣。脉见浮数,喉舌干燥,岂非肾阴肺液两亏乎?且声音者,发乎肾而出乎肺。肺肾两亏,当此时令风热之际,未勉又触时邪,声音骤哑。此虚中夹邪之症,育阴清肺之中,稍兼疏解之品。

北沙参 麦冬 生地 薄荷叶 蝉衣 牛蒡子 竹膜 鸡子白衣四个

盛左 久咳而至咽哑，便溏，脉细数。上中下三焦俱损。

洋参三钱 黄芪三钱 熟地六钱 怀药三钱
丹皮一钱 冬术一钱五分 萸肉二钱 北沙参三钱
神曲一钱 白芍炒，一钱五分 诃子炒，一钱 五味三分

周 中气不足，肺肾两亏。先理中气。

柴胡 党参 当归 升麻 有芪 炙草
冬术 茯苓 蝉衣 香椿豆芽 生熟诃子肉

肺 痿

章右 脉来弦数，左甚于右，左肋下痛，继已咳吐，红浊痰涎，似脓非脓，似血非血。此肝郁化火，灼肺成痿，兼感时邪，为头痛发热，势非轻浅。

天冬三钱 川贝三钱 郁金四分 知母一钱五分
分 红花三分 瓜蒌皮一钱 骨皮二钱 香附二钱
桑枝皮盐水炒，一钱 紫菀一钱 扁豆三钱 橘红一钱
炒荆芥一钱

宿左 经云：五脏六腑皆能令人咳逆。今左关独大，独弦，独数，此肝阳有余。木旺则土衰，湿浊不化，蕴于胃底，鼻秽气升，随肝火上炎，肺金烁消，焉得不咳而为痿乎？

紫菀一钱 羚羊八分 檀香一钱 白芍炒，一钱 玉竹炒，一两 川贝一钱五分 桔梗一钱 苡米炒，八钱 天冬一钱 丹皮一钱 沙参八钱 玉金七分 百合六钱 紫降香一钱

复诊 原方，加生地六钱，去紫菀、羚羊。

潘左 左关弦数，右寸无力，咳吐秽痰，似脓似血，右乳肋骨隐隐疼痛，每咳汗必淋漓，木火上炎，肺金受灼。急宜壮水制阳，清金保肺为主。

沙参五钱 天冬一钱五分 白及三钱 白芍三钱 生地一两 苡米八钱 黄芪八钱 紫菀一钱 玉竹七分 元米一撮

某 痛为实而痿为虚，实症脉必数而大，面必红，气必粗，咳必重，痰必浓，痛必甚，可清可攻可消，日久亦必兼补托。今每^①色黎黑，唇舌

① 每：当为“面”之误。

刮白而滑，痰虽秽而清，胸虽痛而不甚，脉虽数而无力，此先伤脾土，土伤则湿郁，化热熏蒸，肝气亦伤，而成痿症。痿与痛，一虚一实，宜先辨确。治痿，当以培土补肺为主，兼治清理湿热为佐。

黄芪四钱 沙参三钱 苡米一两 冬术二钱
桑皮一钱 天冬一钱 川贝一钱五分 黄芩八分
百合三钱

许右 久咳见红，右乳之上，隐隐作痛，形瘦面黄，饮食渐渐减少。此系风寒伤肺，劳倦伤脾，将成肺痿。先以补土生金法。

黄芪六钱 当归炒炭，三钱 苡米炒，八钱 桔梗六分 冬术二钱 白及二钱 丝瓜子二钱 川贝一钱五分 百合五钱

某右 酒客中虚，胃家湿郁化火，秽浊之气，时时熏蒸，肺脏受灼，能不频频咳嗽，似乎肺痛，其实非也，乃肺胃两伤之重恙。清肺适足以碍胃，补土可以生金，胃开便固，方可转机。

洋参一钱 扁豆三钱 冬术三钱 玉竹四钱
桔梗一钱 白及二钱 神曲八分 茯苓二钱 冬花

三钱 檀降香各一钱 百合

黄左 脉至滑数,时歇止,咳甚则呕,有汗而热不退。此系风温感于肺胃,防成肺痿。

白薇一钱 川贝二钱 沙参四钱 天冬一钱
桔梗一钱 橘红一钱 冬花三钱 紫菀一钱 百合
五钱 玉竹四钱 枇杷叶刷去毛,二钱

徐左 咳吐臭痰,六脉细弱。当补气血,兼以芳香悦脾。勿徒事于寒凉攻伐。

洋参一钱 茯苓二钱 有芪六钱 冬术二钱
炙草五分 苡米炒,五钱 川贝二钱 当归炒,一钱
檀降香各五分

某左 脉迟无力,咳嗽啾恶阳痿,肺胃肾三经病也。

熟地八钱 制半夏一钱五分 砂仁炒,八分
甘杞子三钱 杜仲四钱 巴戟三钱 锁阳三钱 桃
肉三个

哮 喘

潘左 右寸浮紧,此肺经着寒。

制半夏一钱五分 猪牙皂一寸 炙草五分 姜

一

此方,发时可服二三剂。

丸方 杏仁四两 苏子二两 款冬花三两
炼蜜为丸

范右 开药非久服之品。

黄芪四钱 冬术二钱 陈皮一钱 党参三钱
升麻三分 柴胡三分 当归二钱 炙草 半夏一钱
生熟诃子一钱 姜三

又 麻黄蜜炙,三分 淡干姜三分 五味
姜、五味和捣,炒半夏一钱。 服补药三剂,
间服此方一剂。

吴左 久哮时发时止,甚则带血腕痛且呕。
不特肺有伏邪,且伤及胃矣。先理新感,续商搜
逐。

杏仁二钱 前胡一钱 荆芥炭一钱 生熟砂仁一钱 陈皮一钱 苏子炒，一钱 延胡炒，一钱 半夏炒，一钱 百部蜜炙，三钱 桃仁一钱

陈左 久哮，纳减气逆，肩臂作痛，六脉细弱。肺家虽有伏寒，然体虚已甚，燥烈温散之药，未便擅投。拟与气血兼培，以救其本。

黄芪四钱 甘草五分 半夏炒，一钱 冬术三钱 当归二钱 冬花三钱 杜仲二枚 核桃肉二钱
接方 党参三钱 茯苓一钱五分 陈皮一钱 冬术炒，三钱 炙草六分 百部三钱 冬花三钱 半夏炒，一钱 当归一钱五分 橘饼二钱

葛右 肺有伏寒，咳喘频发，肝家血滞，经行发热，乳腰并痛。

桃仁四两 叭杏蒸熟炒，四两 款冬花蜜炒，四两 杜仲五两 百合四两 苏子炒，三两 半夏三两 香附姜炒，四两 丹参四两

上药，为末，大枣、生姜同煮，取枣肉和药杵匀，作丸，如弹子大。每服五丸，橘饼汤下。

金左 寒邪伏肺，交春则喘嗽频发。宗先

贤调补脾肺，发时疏散逐邪。

党参炒，三钱 茯苓一钱 炙草三分 冬术炒，
一钱 半夏炒，一钱五分 陈皮一钱 姜一

又 苏子一钱五分 莱菔子炒，一钱 白芥子
炒，一钱 半夏一钱 杏仁二钱 香附一钱 荆芥一
钱 前胡一钱 党参二钱 姜一 桑叶二片 此方
发时服之

王左 寒痰入于肺络。

半夏炒，一钱 叭杏二钱 莱菔子炒，二钱 苏
子炒，一钱 芥子炒，一钱

姚右 元海气泛，入夜喘急，形寒畏冷，夏
袭重裘。

黄芪炙，三钱 熟地三钱 萸肉一钱五分 山
药二钱 磁石煨，三钱 合桃二 补骨脂一钱 巴
戟一钱

又 汗多畏寒，都是阳虚。

黄芪炙，六钱 桂枝三分 白芍一钱 炙草四
分 五味十 青盐三分

蒋左 胸痞气短，由遗泄伤肾，摄纳无权，

法当补塞，况六脉如此之虚而无神，断不可再以开泄。

党参五钱 熟地一两 五味五分 杞子三钱
补骨脂盐炒，一钱 当归二钱 桃肉三

某 右寸关滑大，左三部细软，行动数武则喘。细细合参，肺气之不降不肃，未必无邪，肾气之不摄不纳，总因痔血过多，损及肾真也。

熟地砂仁炙，一两 当归二钱 炙草四分 党参四钱 苏子一钱 远志七分 茯神二钱 杏仁三钱 怀膝三钱 补骨脂一钱 桃肉一

王左 风寒劳碌，外感内伤，无不兼温肺理气以治喘，纳气养营以治内伤。

杏仁二钱 半夏一钱 茯苓一钱五分 陈皮一钱 砂仁炒，八分 熟地一两 当归一钱 杜仲四钱 续断二钱 牛膝二钱 补骨脂炭，五分 马兜铃炙，一钱 桃肉一个

汪左 去年病后失调，今动则气喘，目视模糊，六脉细涩。精气俱亏，当摄纳为主，兼调营卫。

熟地八钱 当归一钱 炙草六分 党参三钱
 杞子三钱 五味七 桃肉连膈滕,三枚

气

王右 气火上升,挟痰阻咽喉为之吞吐不利,右关滑大。法宜清降。

苏子一钱五分 莱菔子一钱 白芥子一钱 茯苓
 川郁金七分 枇杷叶去毛,二钱 葶芥四 灯
 心一丈

侯左 脉至滑数而甚于左,舌苔白腻,胸膈满闷,气逆则咳。此系湿郁中焦,肝阳因此不能疏泄,宗气有余便是火。立方兼淡以渗湿。

黑山栀一钱 川郁金一钱 制半夏一钱五分
 陈皮一钱五分 苡米三钱 茯苓二钱 木香汁冲,五
 匕

许左 肺气窒塞,失其右降之令。

生熟砂仁八分 陈皮一钱五分 半夏一钱五分
 瓜蒌仁二钱 通草一钱 薤白二钱 苏子炒,一钱

某 腑气以通为补。

洋参三钱 枳实一钱 半夏二钱 陈皮一钱五分
生熟砂仁一钱 淡吴萸三分 川连三分 芦根六钱 竹茹一钱 生姜

蒋右 肝胃之气,有升无降。

苏梗三钱 香附炒,二钱 丹参三钱 茯苓二钱
山栀五分 青皮八分 大麦仁炒,五钱 降香五分

钮左 胃气逆行。

半夏二钱 全福花三钱 赭石五钱 茯苓三钱
炙草五分 党参三钱 补骨脂盐水炒,一钱 陈皮盐水炒,一钱 桃肉一个

某 肺气窒塞,清不升,浊不降。

升麻三分 柴胡三分 桔梗六分 枳壳炒,七分
党参三钱 黄芪三钱 冬术一钱五分 当归二钱
苡米二钱 炙草四分 紫苏五分 生姜

王右 肺气不降,胃气逆行,肝气郁而不宣,自中脘至咽喉痞塞,纳谷难阻。拟与嘉禾

法。

洋参三钱 枳壳一钱 川连四钱 干姜三分
半夏一钱五分 桔梗一钱 陈皮一钱五分 赭石四钱
覆花二钱 苏子一钱五分 砂仁一钱 沉香汁三分
枇杷叶去毛,三钱 姜二

蒋左 肺气室塞。

桔梗一钱 紫苏一钱 白芷一钱 生姜一

李左 气结于咽,失于宣降。

苏子炒,一钱五分 半夏一钱 茯苓一钱五分
前胡一钱 竹叶一钱 枇杷叶一钱

汪左 胸中气机室塞。

通草 薏仁 大麦仁 半夏 桔梗 枳壳
苏梗 陈皮

成左 水郁气滞,用二贤散主治。

陈皮盐水炒,四钱 炙草炭一两

上药,磨末一钱许。清晨,白滚水调服一钱。

吴左 清气不升，浊气不降，以致中脘窒塞。

砂仁壳三分 枳壳五分 升麻三分 牛膝炒，一钱 冬术三钱 半夏一钱 檀降香各一钱 荷梗五分

季左 痰气窒塞。

陈皮一钱 桔梗一钱 苏子一钱 木香三分 半夏炒，一钱 茯苓二钱 炙草六分 砂仁炒，六分

陈左 中脘之右，板硬气逆于上则咽如阻，气下则心口如塞。此肺气失宣，胃气失降。

通草炒，一钱 苏子炒，一钱五分 沉香汁三七 象贝一钱 瓜蒌仁炒，三钱 枳实六分 竹叶十片 莱菔子炒，六分 枇杷叶炒，一钱五分

复诊 原方，加全福花三钱， 洋参一钱五分。

张左 脘胀，大便三四日一行。肺气不降，即胃气之逆行也。

杏仁去皮，三钱 苏子一钱五分 陈皮一钱 茯苓一钱 砂仁八分 象贝一钱五分 大麦仁炒，四钱 檀降香各五分

又 杏仁二钱 苏子炒,一钱五分 陈皮二钱
 党参六钱 枳实一钱 莱菔子一钱五分 瓜蒌仁三
 钱 大麦仁炒,四钱 槟榔汁三匕 五谷虫二钱

杨左 脉至左三部细弱,右三部弦数,面黄无神,发热无言定,气短似喘,不能偃卧,右半天府云门痛连胁肋。经曰:肺主布气,脾主运气,肾主纳气。兹以脉症合参,脾肺肾三经俱伤,失布失运失纳,而又挟邪,以致气机升降,失其常道。法宜调补之中,稍兼疏理。

半夏一钱五分 茯苓二钱 广皮一钱 炙草四分
 洋参二钱 熟地砂仁拌炒,五钱 苏子一钱 前胡一钱
 郁金一钱 青木香八分

脾 胃

诸左 纳少便溏,胸腹作胀,六脉细涩。纯乎脾失健运,中无砥柱,气血有伤。当培土为主。

冬术三钱 陈皮一钱 茯苓二钱 神曲一钱
 麦芽炒,二钱 白芍一钱 砂仁炒,八分 谷芽三钱

车前一钱五分 葫芦巴一钱五分

周左 诊脉左弦右弱，腹满便溏，气逆不能下卧。一切见症，无非刚猛过投，以致伤脾伐胃，肝木乘虚来侮。偏寒偏热，偏补偏攻，皆非正治。议两和肝胃为治。

茯苓皮炒，四钱 大腹皮炒，三钱 白芍炒，一钱
焦谷芽三钱 苏梗磨冲

某左 朝食则适，晚食则腹不宽。脾肾之阳衰弱，火不生土也。

益智仁 泡姜 菟丝子 远志 焦谷芽
焦神曲

俞左 不任苦寒者，中阳衰也。不受燥烈者，肾阴亏也。饮食不化气而化痰者，脾之健运无力。用五福饮，气血兼培，少佐流行之品。

党参一钱五分 熟地三钱 冬术二钱 陈皮八分
半夏一钱 丹参一钱五分 建莲三钱 大枣二

邓右 木郁土衰。

冬术二钱 陈皮一钱 神曲炒，一钱 茯苓一

钱 生熟砂仁四分 香附一钱五分

周左 质本阴亏,宜培补肝肾。奈食稍多,胸腹撑胀作痛,胀得呕得暖则适。兹滋腻之药,未免碍脾,且先芳香健运之剂,继当滋填肝肾为要。

冬术四钱 扁豆三钱 神曲炒,一钱 谷芽五钱
砂仁炒,三分 会皮一钱

严 食不能运,脾不健也。

冬术三钱 当归一钱 续断三钱 杜仲四钱
焦谷芽二钱 炙草四分 神曲炒,一钱

吴左 足膝无力,面黄无神,脉来软弱,劳伤脾土。

焦茅术一钱 焦白术四钱 杜仲炒,八钱 当归二钱
赤苓三钱 焦谷芽三钱 姜一 枣一

赵左 右关沉细,脾阳暗暗渐亏,当补中土。

冬术三钱 枸杞子三钱 远志炒,一钱 谷芽四钱
姜二 枣二

又 入暮目视无光,不独脾阳衰也。

焦冬术四钱 枸杞子三钱 远志炒,一钱 谷芽四钱 石决明炒,五钱 桂圆五 杜仲三钱 萤火虫

许左 脾阳不旺,失于健运。

冬术二两 山药炒,三两 泽泻一两 芡实三
两 建莲四两 炙草一两 姜炭一两 焦锅巴半张
每日早晚,用黄糖调锅巴汤下。

胡右 脾阳衰弱,以致发黄,拟补火生土法。

冬术炒,四钱 陈皮一钱五分 远志炒,一钱
焦神曲三钱 谷芽二钱 姜二

张右 懒食嗜卧,脾气困乏。

白术炒,二钱 神曲炒,一钱 谷芽三钱 半夏炒,一钱 赤苓二钱 扁豆炒,二钱 会皮八分

徐左 饮食不运,食后作饱,脉沉细,不独脾气衰弱,水中之火亦衰。宜火生土。

远志一钱 冬术炒,三钱 姜炭五分 焦谷芽

三钱 清晨桂附八味丸三钱

夏左 脉虚浮，右三部更甚。宜养其气，修其脾胃健旺，再商真阴之议。

绵芪六钱 当归三钱 洋参一钱 茯苓一钱五分
杜仲盐炒，四钱 冬术炒，三钱 山药炒，五钱
炙草四分 陈皮一钱 谷芽三钱

蒋左 胸腹痞满，食入作胀，脾气失于健运故也。

冬术炒，三钱 枳壳炒，五分 神曲炒，一钱 谷芽炒，三钱 陈皮一钱 远志八分

邵左 至高之阳不振，痰浊阻于膈中，用离火照法，以消阴霾。

熟附四分 党参五钱 半夏一钱 桔梗六分
当归二钱 砂仁炒，四分 陈皮一钱 姜一

严左 中阳不旺，喜食面物，未免为滞。

党参炒，六钱 远志炒，一钱 楂肉炒，二钱 冬术土炒，一两 半夏炒，一钱 谷芽炒，三钱 陈皮炒，一钱 泡姜一钱

龚左 气分偏亏，脾土不健运。

黄芪一钱 当归炒，三钱 冬术炒，四钱 谷芽炒，五钱 神曲炒，一钱 陈皮一钱 姜二 枣二

吴右 痞结中宫，便溏脉弱。当以健运脾土为主。

焦白术三钱 焦神曲一钱 焦谷芽三钱 焦楂肉一钱 炙草四分 砂仁四分 官桂四分

杨右 气血两亏之疾，全仗水谷之海，能纳能运，能受重剂，补方希冀可以斡旋。今不思纳谷，食入恶心，大便见溏，前投熟地，而胸膈满闷，皆脾胃不醒不运见症。急培后天，能多进谷食，乃是转机，否则图痊非易。

枣仁炒，三钱 建莲二钱 砂仁炒，三分 冬术三钱 扁豆炒，三钱 谷芽炒，三钱 怀药炒，三钱 枸杞子三钱 丹参三钱 玉竹炒，三钱 牛膝炒，一钱五分 五味七粒

卫 久热脉不弦数，亏在气分。宜培土为主。

冬术一钱五分 炙草四分 怀药四钱 谷芽三钱 广皮五分 焦曲一钱五分 当归一钱五分 党

参三钱 姜一 枣一

许 面色淡黄无神，脉软而少力，痰之多者，良由脾不运化。主以培土，乃治痰之本也。

六君子汤，加生姜一。

刘右 脾虚挟湿，兼以操撈。

茅术一钱 白术炒，一钱五分 谷芽三钱 生
熟砂仁八分 广皮一钱 半夏一钱 香附一钱 赤
苓二钱 丹参三钱 玫瑰花二朵

何右 中脘结块，作胀作痛，良由气积交凝，补其脾土则块自除。不必过于攻消，恐未必有益，而反有碍于正气也。

甜冬术三钱 广皮一钱 生熟砂仁四分 枳
壳三分 香附一钱 当归二钱 苏梗二钱

边僧 木犯土位，土衰则运化失职，中宫所以痰多，大便所以时溏也。

小朴姜汁炒，一钱 广皮一钱五分 茅术一钱
半夏一钱 党参四钱 炙草三分 甘松一钱 赤苓
三钱 泽泻一钱

杨 饮食不节,致多胸腹疼痛。议与健脾消导。

焦芍二钱 焦壳五分 焦楂一钱五分 焦曲一钱
焦麦芽三钱 熟砂仁炒,六分 木香四分

袁左 形瘦便溏,腹胀脾气衰也,脉来细数无力,内热不已,肝肾阴亏也。经曰,治脾妨肾,治肾妨脾,此症是也。勉商一方。

冬术炒,五钱 焦谷芽一钱 焦曲一钱五分
苓皮四钱 大腹皮二钱 车前子一钱五分 鲜冬瓜皮四钱

又 六味丸,加白芍,晨服。

某左 久咳伤及于土,脾胃衰而纳减。

党参二钱 冬术二钱 茯苓一钱五分 炙草四分
广皮四分 制半夏一钱 姜一 枣二 黄瓜霜
霜治一切虚火咽喉诸疾或口舌碎烂吹之效 硼砂五十文
元明粉五十文 白矾五文 黄瓜二条,夏月将瓜扣空止
气藏瓜内结霜 冰片等分,与霜和匀吹^①

① 原本卷三末有呕吐……诸文字,与卷四文重复,删之。

卷四

呕 吐

王
乐
亭
指
要

某 胃为阳，土喜润而恶燥，宜降不宜升。今诊脉右关滑大，唇红口甜，纳谷辄吐无余，虽汤饮不纳，业已月余，大便两旬不解。脉症合参，系阳明实火，闭结胃气，有失下行之旨。法宜清降。

川贝五钱 活水芦根去节，五钱 竹茹一钱
淡姜渣二分

另，用上龙井茶叶一撮，生姜一片，泡汤饮；白扁豆煮烂如糊，食之，以代粥。呕止便解，用独参汤以扶正气。

吏左 朝日暮吐，脉来细软。当培火生土。
焦六曲一钱五分 焦谷芽三钱 淡干姜炒，三

分 茯苓一钱 冬术炒,三钱 炙草三分 益智仁
炒,一钱 远志炒,八分 蔻仁

陈左 胃气逆行,以致作呕。

半夏炒,三钱 党参一两 生熟砂仁一钱 蔻
仁三 丁香七粒 乌梅一枚 姜二

陈右 厥阳犯胃,气逆则呕,胃气下行为
顺,肝阳以清泄为宣,但由来已久,不可不兼扶
正。

半夏炒,一钱五分 陈皮一钱五分 砂仁一钱
枳壳炒,四分 洋参二钱 川连二分 吴茱萸一分
竹茹八分 芦根五钱 车前子三钱 姜一片 大
麦仁四钱

某 纳食辄呕,着寒则甚,胸脘作痛。

冬术三钱 党参三钱 炙草六分 蔻仁二粒
陈皮一钱 淡干姜二分 竹茹八分 木香汁三七
灶心土煎汤代水

王左 呕吐本胃病,而胃为肾之关,有因水
之不足而不能制胃火者,有因火之不足而不能

生胃土者，此两说之辩论最详。大凡食入即出者，属火之有余，必得肾水以济之，无过于六味作汤，资饮昨服，既能安适，不必日日更换，且服十济再商。

熟地一两二钱 萸肉三钱 丹皮炒，一钱五分
茯苓三钱 怀药三钱 泽泻一钱五分 怀膝

邵左 久咳，邪移于胃则呕，此胃失下行之司，而上逆也。拟六君合苏子降气法，肺胃同调。

党参 半夏 陈皮 茯苓 冬术 炙草
苏子 砂仁 生姜

某 胃气应降不降，浊气不泄而作呕。

半夏炒，三钱 陈皮二钱 砂仁一钱 柏子仁
一钱 莱菔子五分 苏子一钱 姜一 大麦仁炒，
一钱

陈右 诊脉左寸关独数，纳食辄呕，大便不通，肝阳犯胃，腑气有升无降。

川连二分 枳实五分 吴茱萸三分 槟榔一钱
五分 萸仁三钱 姜三 川楝子炒，三钱 青皮炒，

一钱 木香冲,四分 洋参二钱 黑栀一钱 元胡
索生炒,三钱 生熟砂仁一钱

吴 脉形两损,咳痰呕逆,身热汗濡,头晕
气升,症势甚剧。拟调中培土,冀其呕止纳谷。

冬术 怀药 白芍 陈皮 茯苓 谷芽

过左 面色淡白,口吐清涎,脉至关脉沉
细,寒湿停于胃脘,理中汤主之。

党参四钱 冬术炒,三钱 炙草炭三分 泡姜
八分 陈皮一钱 蔻仁三粒

孙左 胃气大伤,纳食则吐。药味偏劣者,
均非所宜。

竹茹姜汁炒,一钱 乌梅一个 伏龙肝一两
煎汤饮

又 龙井茶叶一撮 姜一

又 好醋十匕,生姜一钱,建莲煮烂作点心,
山药煮烂代饮,大鲫鱼煮热姜醋煮蘸食

陈 积饮停痰,作胀作呕。

半夏 陈皮 生熟砂仁 神曲炒 焦麦芽

茯苓 木香 生姜

华左 津液不足，气血虚弱，纳谷作呕，脘中作痛。宜与辛润腑气，以通为补。

制半夏二钱 韭白二钱 藜仁二钱 会皮三钱
姜二 大麦仁炒，三钱 黑芝麻四钱

又 原方，加生熟砂仁三分，川郁金七分。

马左 食入至饥，时作呕，完谷不化。脾阳式微，运化失职。

干姜炒，一分 党参三钱 熟附四分 生姜一
半夏一钱

许左 呕吐完谷，脘痛攻撑，六脉沉细。不特胃虚，脾阳亦衰。

党参砂仁拌炒，一两 半夏姜汁炒，二钱 干姜五
分 白蜜十匕 灶心土煎汤代水

叶左 脾不克运，胃气逆行，纳谷辄呕，脘痛作酸，右关略见滑数。不无痰火，而兼挟滞。拟和中法。

制半夏一钱五分 广皮一钱 茯苓一钱五分

生熟砂仁一钱 川朴五分 楂炭二钱 大麦仁四两
姜渣五分 竹茹五分

赵左 知饥能纳，食后一二时胸腹渐渐作痛，得水谷尽行吐出方适，显系脾气失健失运。

异功散，加川朴、枳壳炒、谷芽炒、神曲炒、槟榔、官桂、炮姜、木香。

管右 纳谷辄呕，胸次有块积滞踞于中宫，以至胃不容纳。

制半夏二钱 广皮一钱五分 槟榔一钱五分
枳壳五分 焦曲一钱五分 川朴姜汁炒，五分 木香五分
生熟砂仁五分 姜二 香附一钱五分

蒋左 中脘结块如拳，攻痛呕吐。

焦白术三钱 焦枳壳八分 生熟砂仁八分
焦神曲一钱五分 木香四分 焦谷芽二钱

史右 肝胃之气上逆，为吐酸，为嘴恶。

党参炒，二钱 枳实五分 青皮五分 吴茱萸川连汁炒，三分 炙草三分 覆花二钱 制半夏二钱
蔻仁二粒 代赭石三钱 麦芽三钱

接方 制半夏一两 茯苓一两 广皮炒,二两
香附炒,一两 蔻仁一两 革澄茄五钱
共研末,每用一钱,将木香汤送下。

严左 能食不运,胸胀痛呕吐。

焦冬术一两 焦曲一两 焦谷芽一两 焦麦
芽三钱 焦楂一钱 制半夏一钱 干姜五分 广皮
二钱 熟砂仁五分

霍 乱

胡左 泻泄呕吐,脉至数大,左手尤甚,舌干而黄,时令暑热干于脏腑,所谓热泄热呕是也。泻多伤阴,呕多伤液,恐有化燥舌短津枯转筋之剧,则险矣。

川连三分 竹茹一钱 广皮八分 姜渣三分
芦根一两

又 脉数大,较前减四五,吐泻亦渐少,有转机之兆。

又 吐泻虽止,今日脉象较昨数大稍增,右关更甚,舌苔根黄,阳明之热不清。议兼人参白

虎汤。

洋参二钱 麦冬二钱 生石膏五钱 滑石五钱
淡姜渣三分 川连五分 通草五分 竹叶十张 芦
根一两 香粳米五粒 广皮一钱

又 脉症俱退七八,余焰尤未尽减轻,重制
方可再投。

洋参二钱 麦冬三钱 生石膏一钱 滑石二钱
通草五分 川连三分 扁豆三钱 广皮一钱 淡姜
渣三分 竹茹一钱 芦根一两 香粳米五粒

胡右 泻泄呕吐,数日未已,脉情左数右
涩,身体左热右寒。此阴阳不和,升降失职,亦
是暑热起见,渐有转筋之意,须防加重。况身怀
六甲,吐泻动胎,为害非轻。宜凉不宜温,宜和
不宜散。

川连三分 竹茹一钱 淡姜渣三分 苏梗一钱
木瓜一钱 广皮八分

又 昨投泄热和胃,今诸恙稍灭,然总要胎
元不动则吉。

川连三分 生姜三分 竹茹一钱 老苏梗二钱
广皮八分 木瓜一钱 生熟砂仁六分

以冷水、滚水各半,煎药。

作 酸

某左 左关弦滑,食后作酸,得吐则适,似属肝阳犯胃。

党参四钱 川连三分 吴萸三分 半夏二钱
代赭石四钱 旋覆花二钱 陈皮一钱五分 砂仁一钱
木香四分 生姜二

钱左 曲直作酸,脉至左弦右弱,宜兼泄肝阳此方在后。

谈左 作酸一症,有因火旺者,有胃阳衰者。今色脉无力无神,当以胃阳衰治之。

蔻仁二粒 砂仁三粒 陈皮一钱 芡实炒,三钱
怀药炒,三钱 杜仲三钱 姜二

邵 湿停中脘,脾不运也,吐酸痞满闷。主以温开。

半夏一钱五分 陈皮一钱 枳壳炒,八分 小朴五分 生熟砂仁八分 赤苓二钱 姜一

钱左 曲直作酸,脉至左弦右弱。宜清泄肝阳。

半夏一钱五分 茯苓三钱 陈皮一钱 枳壳炒,七分 吴茱萸二分 川连一分 薏仁二粒 党参三钱 伏龙肝三钱 姜一

暖 气

吴 胃气逆行则暖,脾气不运则便溏。

党参三钱 茅术炒,一钱 陈皮一钱 半夏一钱 莱菔子五分 神曲炒,一钱 炙草一分 覆花三钱 茯苓三钱 大麦仁三钱 木香三分 炮姜四分

孙左 脉左弦,胸痞作酸而暖,肝气上升,而胃气不降。

党参三钱 枳实六分 赭石三钱 覆花三钱 当归一钱五分 半夏一钱 茯苓三钱 炙草二分 大麦仁三钱 降香五分

又 气逆稍平,宜当异功以培中土。

某 气逆作噎便溏,脾阳不运,胃气不降。

炮姜皮六分 益智仁五分 焦曲一钱 半夏
一钱 砂仁炒,六分 冬术三钱 广皮一钱 谷芽三
钱 大麦仁炒,三钱

木 乘 土

袁右 胸胁气撑作痛,上为呕恶,下为便溏,脉见左弦右弱。此肝木犯胃则呕,克脾则泄也。

焦茅术五分 白芍炒,一钱 半夏炒,一钱 陈
皮七分 蔻仁三粒 延胡七分 神曲七分 炙草三
分 姜一片

又 焦茅术一钱 白术炒,一钱 当归四钱
防风一钱 白芍炒,一钱 肉桂五分 良姜五分
神曲一钱

王左 六脉细弱,气血两亏,面青形瘦,肝木之旺,脾土之衰,显见矣,少腹之右,攻撑作痛,甚则呕,无非木乘土位,肝病治肝不应,急宜

培土以平木，发时不妨偏甚。今之咳嗽，又因寒邪客肺，即谓病中加病，亦宜兼治。

远志 叭杏 杞子 葫芦巴 南沙参 官桂 巴戟 党参 冬术

某 木侮胃土，不饥少纳。胃为阳明，喜于清降；肝为刚脏，宜疏和解。

柴胡三分 丹皮三钱 川郁金二钱 洋参三钱
枳实一钱 半夏一钱五分 茯苓三钱 石决明一具
大麦仁三钱 白蜜十匕

荣左 木郁侮土，土衰则不胜湿，胸满舌白，呕恶纳减，寤不成寐，诸症迭出也。

洋参三钱 当归二钱 茯神二钱 炙草二分
陈皮一钱 枣仁三钱 远志四分 冬术炒，二钱
木香四分 半夏一钱 秫米炒，三钱 砂仁四分
杜仲四钱 黑栀五分 菖蒲二分 柴胡六分 姜枣

俞左 脉至左弦右弱，大便时溇时艰。乃中阳衰弱，肝木来侮之恙。补火生土之中，少兼抑木之品。

益智仁六分 远志炒,六分 冬术炒,二钱 姜炭五分 白芍一钱 党参炒,三钱 谷芽炒,三钱 焦神曲五分 焦锅巴煎汤代水

赵 脉来左弦右弱,胸腹不宽。此系土衰木侮,和肝理脾为治。

冬茅术一钱五分 半夏一钱 草果四分 车前子一钱 当归一钱五分 谷芽一两 香附一钱 腹皮一钱五分 怀药三钱 陈皮炒,一钱五分 神曲木瓜一钱 茯苓一钱

何 木郁侮土,面黄乏力,胸闷不舒。当以调和肝胃。

冬术炒,三钱 当归三钱 远志炒,五分 陈皮一钱 茯苓一钱五分 杜仲三钱 砂仁八分 丹皮一钱 谷芽炒,三钱

张右 中脘时胀时宽,良由木郁侮土,脾气失运使然。

茅术炒,四分 神曲炒,八分 陈皮炒,一钱 砂仁炒,一钱 香附一钱 茯苓三钱 黑栀五分 郁金七分 麦仁炒,三钱 荷梗一尺

某左 关弦数，右三部无力，纳谷减少，时而攻撑，似属肝强脾弱。拟逍遥散以舒肝培土。

柴胡三分 当归三钱 白芍炒，一钱 茯苓二钱 炙草二分 焦茅术一钱 丹皮一钱 黑梔八分 陈皮一钱 生熟芽各四钱 芝麻三钱

高左 木郁侮土，阳旺阴虚，为厥逆，腕闷不舒，内热不已。拟与加味逍遥散，以和脾胃。气血宣畅，诸恙自瘳。

柴胡三分 当归一钱五分 白芍炒，一钱 云苓一钱五分 白术一钱五分 神曲八分 丹皮一钱 黑梔炒，五分 香附醋炒一钱 大生地四钱 薄荷炙草四分 姜

某右 脉至迟滞，左手尤甚时常吐酸，过午发热，经水先期。脉症合参，乃是木郁气滞，肝血有伤。但清滋不利于吐酸，填补不利于气郁。按肝心喜疏，惟铁瓮城申先生交加散，有调和气血之功，能气血调和，不治热而热自除矣。

鲜玫瑰二两 白残花二两 香附炒，四两 丹皮四两 云苓焙，四两

晒干，研末，水泛为丸。香附、云苓煎汤，送

下二三钱。

沈右 左关脉沉迟，右关脉弦洪，此木郁侮土之恙。用逍遥散以舒肝木，兼培脾土。

柴胡四分 当归一钱五分 白芍炒，一钱 茯苓三钱 茅术炒，八分 甘草二分 山栀炒，一钱 丹皮炒，一钱

某左 左肋下连中脘作痛，时而呕吐，完谷不化。据述三四年前曾经吐血，色晦脉迟。此肝木乘胃而阳衰者然也。

绞桂三分 炮姜六分 生熟延胡三钱 广皮一钱 吴萸三分 川朴六分 木香三分

噎 膈

俞左 阳微阴胜，液涸津枯，纳食不运，时时吐酸，完谷而出，大便坚燥如栗。不特胃气有失，下行为顺，元阳元阴两亏极矣。

党参八钱 制半夏二钱 白蜜十七 熟地一两 泡姜五分 肉桂四分 当归二钱 制附子四分

王右 左脉细弱,右脉按之沉分有力,而带弦数,呕吐酸水,大便干燥。脉症合参,血分固亏,气亦不足。然中焦不无痰火气郁,滋腻之品未便擅投;桂附虽能补火生土,于肝肾血不足又恐劫阴。且用人参吴萸汤,兼淡理气以探之。

党参炒,八钱 制半夏炒,二钱 白蜜七匕 陈皮一钱五分 砂仁炒,一钱 沉香汁三匕 吴萸四分

鲁左 脉滑见于右关,平素喜饮,近见纳食梗痛,膈之渐也。

党参五钱 制半夏二钱 苏子炒,二钱 莱菔子炒,一钱 枳实五分 陈皮一钱 姜汁三匕 竹茹八分

又 梗痛已愈八九,脉亦渐见和平,前方还可再投。

原方,加鸡巨子一钱,枇杷叶二钱。

叶左 左脉弦滑,见于关部,右关无力而软,脘痛纳食格拒,木乘土衰,恐成痰膈。

党参八钱 半夏炒,二钱 枳实炒,六分 代赭石四钱 炙草三分 陈皮一钱五分 覆花四钱 茯苓二钱

史左 气不弱，血不枯，不至于噎膈。今脉至沉迟细弱，纳食作呕，便不通调，无非气血枯槁，脾不运化为痰。拟用四物四君合二陈兼治。

党参四钱 冬术三钱 茯苓二钱 炙草五分
川芎八分 熟地八钱 白芍炒，一钱 当归三钱
陈皮一钱五分 半夏一钱五分 枳实五分 干姜四分
沉香冲，三匕 白蜜五匕

周左 脉来左弦右滑，且见歇止，舌苔白而带黄，纳食辄呕，平素喜饮，湿热蕴于中焦，酿成痰膈，气逆而滞。经曰：上格呕逆，食不得入，是有火也。此其似乎。

川连五分 淡干姜三分 洋参三钱 半夏一钱
覆花三钱 赭石五钱 赤苓三钱 葛花一钱

王左 酒性热而质寒，阳脏之人饮之，寒去而热留，下为便血，上为噎膈，痰涎之多，饮食之少，无非脾土失运，胃土失降。拟用大半夏汤，扶正和中，兼清降以解酒积。

人参一钱 半夏二钱 蔻仁二粒 砂仁三钱
枇杷叶二钱 荸荠四个 葛花二钱 大麦仁五钱
沉香汁三匕 鸡内金三钱 大铜锁匙一枚

姜 脉滑见于右寸关,食物辄呕。且从痰膈治之。

莱菔子 半夏 川连 吴萸 枳壳 陈皮
竹茹 芦根 姜

宗左 不能下咽,噎也。用进退黄连汤,加开肺顺气之品。

洋参三钱 川连三分 干姜 黄芩一钱 半
夏一钱五分 瓜蒌仁二钱 枳实炒,八分 竹茹八分
枇杷叶三钱

某 阴胜则阳病,清涎渥渥,纳食不能下咽,脉见迟滞,气血亦滞塞。拟用人参附子加味,取离照当空以消阴翳之意。

党参五钱 干姜四分 附子五分 半夏二钱
炙草六分 沉香汁三匕 木香汁三匕 姜汁 大
铜锁匙一枚

某 酒客中虚,此本之病,饥饱失时,冷热不均,以致凝瘀胃口,更兼怒气伤肝,胸脘痞痛而呕血。今血虽止,而痛不减,渐成噎膈,先为止痛行瘀,续商培补。

葛花一钱 郁金一钱 生熟延胡二钱 生熟
香附各一钱 桃仁一钱五分 韭菜根五钱 藕节二
个

沈左 酒客中虚，而湿郁化火，脾土伤而湿
失运，饮食不化精气而化痰，肺受灼而失降，气
逆咳嗽而吐，红膈症也，非肺痈也。

洋参八钱 茯苓二钱 冬术三钱 苡米一两
川连三分 枳实一钱 干姜三分 杷叶一 紫菀一
钱 砂仁八分 葛花二钱 降香一钱 荸荠四 竹
茹一钱 五谷虫一钱 藕连节，一两

某 年及四旬有五，纳谷辄呕，大便维艰，
肌肉消瘦，六脉迟软。此元阴元阳俱亏，噎膈之
症以重更兼三阴大症，亦属阴盛阳衰。先以急
要者治之。

党参一两 半夏二钱 干姜四分 附子五分
枳实炒，七分 姜汁三匕 白蜜五分

某 气血枯槁，而成关格。

制附子一钱 熟地一两 半夏二钱 柏子仁一
钱 苏子一钱 怀膝酒炒，三钱 姜二 淡苡蓉四钱

陆右 养育过多，气血两亏，肾阴肺液枯竭，譬之河水断流，舟楫难行。咽喉不利，胸口不宽，便坚如栗，非液涸津亏之微乎？噎膈之症将成，急宜宽怀静养，无虑无忧，乃是症之急要。破气燥烈，决不可投。即滋填，亦须后用。拟五仁加减，取其香而不燥，淫而不膩。

柏子仁二钱 松子仁二钱 叭杏仁二钱 枣仁四钱 大麦仁炒，五钱 红枣五 大胡麻三钱

另，用人参煎汤，冲人乳一杯，服之。

又 当归二两 猪油四两 蜜四两 炖热去渣置碗内，白滚汤冲服

胡右 气血枯槁，关格已成。

另，用竹茹炒，一钱，杷叶一张，煎一杯，合后汁同服。

人乳 牛乳 雪梨汁 姜汁 共隔汤炖温

杜左 湿郁痰滞，纳食维艰，噎膈成也。

半夏一钱 蔻仁三 丁香四粒 毕澄茄二分
鸡嗉一个，连壳袋炙

殷左 火酒之性，猛而烈，加以温热之药，

日日饮之，肺之津液，焉有不伤？噫膈之由，非无因也。

枇杷叶三钱 绿豆一钱 芦根三钱 荸荠四

胡左 湿痰化火，将成噎膈，脉来弦滑而大，右关更甚。且先和胃豁痰。

制半夏炒，三钱 广皮炒，一钱五分 麦仁四钱
生熟砂仁一钱 芦根一两 荸荠四 姜汁三七

张左 多思则气结，多郁则气滞，纳食则咽阻不下，此噎也。

炙鸡嗉三个 炙鹅毛尾五钱 杵头糠炒，一两
木香末三钱 沉香末三钱

共研末，和煎药同服。

远志炒，七分 当归三钱 桔梗六分 枳壳四分
制半夏一钱五分 苏子一钱五分 益智仁三分
牛涎吐五匕

唐 痰气凝滞，以成噎膈。

党参砂仁拌炒，五钱 半夏姜汁炒，二钱 白蜜五钱
同煎晚服

又 益智仁生炒，一两 元胡生炒，一两 共为

未另用

姜四两、砂糖四两，一处捣烂作饼二三枚，锅内汉焦，藏于瓦瓶中，置灶上烟拒内。每用三四钱，泡汤过前药少许，清晨食之。每日朝至晚时将药少许，置于手心中舔之。

又接方 自制五谷虫末二两，上沉香末二钱，共研末，均将枇杷叶一片，蜜炙生姜一片，白蜜三七，泡汤过前末药二钱，清晨服。

强右 气郁痰凝，噎膈已成。大半夏汤合养亲汤治之。

党参五钱 半夏一钱 白芥子炒，一钱 莱菔子炒，一钱 香附一钱五分 苏子炒，一钱 神曲五分 降香五分

痢 疾

僧 去秋先疟后痢，今疟虽止，而痢及半，色带纯红，逸则少而劳则多。此属疟邪不清，陷于营分，伤肝伤肾，失纳失藏，久而愈虚，故不克痊。

熟地六钱 白芍炒，一钱五分 炙草六分 洋参二钱 地榆炭一钱五分 荆芥炒，一钱 当归三钱 防风一钱 怀药一两 杜仲三钱 丹参二钱 川断二钱 乌梅炭三个 红曲炒，二钱 炮姜六分 建莲二钱

又 原方，加冬术炒，三钱，赤石脂三钱。

李左 去年夏秋之交，先泻后痢，迄今未痊，面黄无神，脉数无力，两足肿胀。脾气肾阴俱伤，急宜节饮食为嘱。

怀药一两 冬术三钱 炙草五分 白芍炒，一钱五分 大熟地五钱 神曲一钱 洋参三钱 炮姜六分 牡蛎三钱 建莲三钱 艾一钱

某右 久痢，脾肾两伤。

熟地八钱 当归三钱 怀药六钱 白芍一钱五分 炙草四分 车前子炒，一钱五分 洋参炒，三钱 扁豆炒，一两 阿胶一钱五分 桔梗一钱 神曲一钱 木香四分 乌梅一 艾三分 生熟谷芽六钱

许左 痢虽减而纳少，腹痛不止。

炙草五分 砂仁炒，一钱 乌药炒，一钱 神曲

一钱五分 山药三钱 煨木香三分 白芍桂枝炒，一钱 煨姜一片 生熟谷芽四钱

许左 痢渐止而见寒热，在痢症门自由里达表，转重就轻，然未始，非复感风寒也。

柴胡三分 陈皮一钱 冬术二钱 苏梗一钱 炙草四分 茯苓一钱 神曲一钱 白芍一钱 山药三钱 党参三钱 肉果生六分 木香三分 谷芽三钱 姜一

张左 平素既有痔疮，大肠湿热不清，去年患痢迄今，虽减犹未全止。近日便时，肛门充热，小溲不爽，又感暑热之邪。据述昔日最畏寒凉，所服之药温补俱多，细诊脉象，右关脉见牢革，此积热之据。经曰胃中寒则出黄如糜，此其是也。内因外因二者，俱兼论症论方。宜寒热并用，脾肾同培。

冬术一钱 姜炭五分 防风一钱五分 山药一两 芡实一两 地榆炭二钱 马料豆一两 神曲一两 扁豆一两 鲜藕节一个

杨左 赤白滞下，脉至浮迟而滑，痛在少

腹，复暑秋风，兼有寒积，注于下焦，气血因而不和。

防风一钱 通草一钱 神曲二钱 楂肉炒，二钱
生熟砂仁各一钱 木香四两 吴茱萸二分 赤白芍各一钱
生熟甘草一钱 黄芩八分 生熟延胡二钱 肉桂二分
当归二钱 生谷芽炒，二钱 荷叶二钱

某 久痢伤阴，六脉细软无力，舌红腹胀。温燥分利，伤阴劫液，在所难用；苦寒土衰者，亦非所宜。

藿衣四钱 白芍炒，三钱 五味四分 车前子三钱
茯苓四钱 红曲三钱 砂仁壳四分 木瓜一钱
赤豆 蜃壳二枚 藕一两

庄左 自便血之后，气血伤而不复。今色脉无神，无非虚象。大补元煎，以培气血。

党参炒，三钱 熟地六钱 杜仲三钱 怀药炒，三钱
萸肉三钱 当归土炒，三钱 杞子三钱 冬术炒，三钱
谷芽二钱

庄左 症久而滞下赤白，咳嗽汗多而诸恙

不减，上中下三焦已伤，而内恋之邪究未尽楚。用宜补中益气加减，疏托并行。

升麻三分 柴胡三分 党参三钱 绵芪三钱
当归三钱 炙草六分 陈皮一钱 冬术三钱 桔梗
一钱 半夏一钱 白芍一钱 神曲炒，一钱 五味七
粒 生姜一片 大枣

蒋左 久痢脾肾两伤，面目虚浮，须防腹满。用拟胃关煎，脾肾并调。

熟地八钱 怀药一两五钱 冬术四钱 炙草一
钱 姜皮一钱 五味子炒，一钱 白芍炒，三钱 土
艾一钱 党参四钱 谷芽三钱 乌梅炭一个 石榴
子皮炒，三钱

许右 久痢后重未除，面无华色，脉至数而左关更甚，小水赤热。气血虽虚，营分伏邪未彻。气血不可不培，寒热并用法。

怀药炒，五钱 生炙草一钱 白芍炒，一钱 柴
胡三分 黄芩一钱 川连三分 肉桂三分 当归三
钱 稽豆皮三钱 苡米四钱 神曲一钱 木瓜三钱
木香三分 生熟芽六钱

某 脉至右关浮弦而大，久痢时而纯红，时而便稀。肝脾失藏失运。

熟地八钱 冬术四钱 白芍二钱 炙草二钱
山药一两 杜仲四钱 芡实四钱 牡蛎六钱 泡姜五分 赤石脂三钱 艾一钱

潘童 睾丸肿大，下痢赤白，皆因饮食失节，寒湿注于肺肾。

莱菔子五分 楂炭一钱 神曲炒，一钱 砂仁炒，六分 当归一钱 乌药五分 苏梗一钱五分 川楝子一钱 赤苓一钱五分 延胡五分 木香三分 荔枝核二粒

周左 久痢色红，痢止而腹满，满而痛。今见便溏，口渴舌底红赤，脉来无力。此脾气滞而肾阴亦损。

鲜冬瓜皮五钱 大腹皮三钱 陈皮一钱五分 黑栀六钱 砂仁壳五 藜皮三钱 荷叶一丈 乌药磨冲，五分

薛左 休息痢而兼大疟，又有淋浊。脾肾交损。

党参三钱 熟地六钱 砂仁五分 白术二钱
当归二钱 炮姜炭五分 建莲三钱 荷蒂一个

薛右 丹溪曰：产后百脉空虚，虽有他疾，亦宜大补气血为主。今胎前疟痢，几及两旬，而胎下又三日矣，脉至虚数无力，热仍不退，痢仍不减。其为重险之急症，宜气血兼培，少佐疏泄之品。

洋参三钱 生地八钱 扁豆三钱 赤白芍各一钱
丹皮一钱 丹参三钱 生炙草六分 怀药三钱
谷芽三钱 生熟砂仁一钱

范 久痢，脉至右寸关大而无情，更兼歇止，气血两亏。急宜培固脾肾，即有他恙，无暇理及。

茅术炭一钱 熟地炭五钱 当归炭一钱 五味子五分 扁豆五分 怀药炒，五钱 甘草炭三分
白芍炒，一钱五分 杜仲三钱 罌粟壳盐水炒，一个
桔梗 红曲炭二钱 乌梅炭二个 谷芽炒，三钱

盛左 脉至细微欲绝，神形颓困已甚，更兼

下泄无度，谷食少纳。阴阳两伤，脾胃败坏极矣。

怀药八钱 萸肉二钱 党参三钱 炙草六分
白芍炒，二钱 炮姜三分 五味五分 牡蛎煨，三钱
建莲三钱 赤石脂三钱 熟地五钱

吴左 久痢纳减，六脉皆虚。用拟胃关煎，脾肾双补。

熟地八钱 冬术四钱 吴茱萸三分 干姜八分
白芍三钱 怀药一两 煨肉果一钱 神曲炒，一钱
炙草四分 党参三钱 谷芽炒，三钱 建莲三钱
石榴皮一钱

杜 久痢，脾肾两伤。

胃关煎，加五味、白芍、建莲、石榴皮、艾。

沈右 木克土位，脘痛呕恶，腹胀痛，痢红积。

吴萸三分 川连三分 炮姜五分 白芍一钱
神曲一钱五分 扁豆三钱 炙草三分 木香三分
陈皮一钱 丹参三钱 香附一钱 竹茹一钱 楂炭
一钱

宋左 血痢有年，六脉细弱，胸腹不宽，腰疼足软，肝脾肾三脏^①俱伤，用拟黑归脾主治。

黑归脾汤，加荷叶蒂、白芍炒、怀药。

邵 痢延一载，元阳大伤，清阳不升，肠脂日迫。拟用补中益气加减。症势恐棘，调非易之。

有芪元米炒，六钱 党参炒，三钱 冬术三钱
 当归土炒，一钱五分 炙草八分 怀药炒，三钱 炮姜
 六分 谷芽三钱 升麻醋炒，三分 柴胡醋炒，三分
 白芍桂枝炒，一钱 木香三分 荷叶炒，一钱 苡米一钱

又 桔梗一钱 白芍炒，一钱 怀药炒，六钱
 炙草一钱 木香五分 炮姜一钱 苡米一两 官桂
 六分 地榆一钱 牡蛎六钱

又 山药一两 建莲四两 元米炒焦，一升
 上药，磨为细末，另用。

生熟砂仁一钱 吴萸三分 荷叶炒，一钱 黄
 糖三钱

共煎三四滚，调药一两，日服多次。

① 肝脾肾三脏：原本作“肝脾肾三藏”，据文意改。

陆 下痢后重，腹痛，上兼失血。此阴阳两络俱伤，暑积交阻，气机不宣。宜为通利。

滑石三钱 乌药七分 元胡炒，三钱 川贝炒，一钱五分 神曲炒，三钱 苡米三钱 楂炭三钱 木香四分 当归二钱 红花四分 桃仁一钱五分 牛膝一钱

又 延胡炒，二钱 神曲炒，二钱 苡米三钱 楂炭炒，二钱 木香三分 阿胶一钱 川连三分 荷叶炒，三钱

杜右 久痢，舌赤阴伤。宜与胃关煎加减。

熟地炭四钱 冬术二钱 山药炒，三钱 扁豆炒，三钱 神曲五分 甘草炭六分 白芍一钱 银花炒，一钱 木香三分 荷叶炒，一钱

胡 赤痢，脉沉细。

焦茅术一钱 当归三钱 炮姜五分 白芍炒，一钱 炙草五分 荷叶二钱

徐 湿痢。

茅术炒，一钱 当归二钱 泽泻一钱 赤苓三钱 焦曲一钱 炮姜六分 乌药七分

孙 血痢。

升麻三分 党参三钱 当归一钱五分 炙草五分
冬术炒,三钱 白芍一钱五分 神曲炒,一钱五分
炮姜六分 地榆炭一钱

戴 咳嗽已久,滞下未痊。此当先为调治,痢愈再商治咳。

神曲一钱五分 桔梗一钱 炙草四分 白芍一钱五分
当归二钱 煨木香四分

项左 暑湿伤于气分,致成白痢,两月未已。今脉至软弱,舌白滑,肠胃湿浊未清,动则肛门易坠。脾胃之真气已见不摄不固,兹拟温六丸先理其湿,继用换肠散以固其气。

六一散一两,淡干姜二钱,切片泡三次,晒干为末,共研细末,每服三钱,清晨米汤下,只可服五朝。怀药一斤,生熟砂仁一两,研为细末,和匀,每日清晨以用两许。黄糖三钱,调陈仓米汤,送服十五朝。

煎方 洋参二钱 茯苓二钱 冬术 炙草四分
绵芪蜜炙,三钱 当归一钱五分 白芍桂枝汤炒,一钱五分
骨脂泡三次,炒焦,五分 防风五分 木香

四分 荷叶炒,一钱

秦左 瘧症转痢,脉至数而无力。液涸于上,阴虚于下。

洋参三钱 麦冬一钱 生地六钱 白芍一钱五分
丹皮一钱 乌梅一 大红石榴子三钱

唐左 初痢。

神曲一钱 麦芽炒,三钱 楂肉炒,二钱 枳壳炒,八分 槟榔一钱 砂仁五分 木香三分 防风一钱 葛根一钱 桔梗一钱 银花一钱 荆芥一钱 鲜荷叶一钱 鲜藿香二钱

刘左 先泻后痢,自脾伤肾,今见纯红而腹痛后重,当调其气,理其血。

桔梗一钱 当归二钱 红曲炒,一钱 楂肉炒,二钱 生熟砂仁六分 桃仁去皮,一钱 炙草四分 麦芽炒,三钱 木香四分 荆芥炒,一钱 赤芍炒,一钱

惠左 先泻后痢,今见纯红,数月来,后重腹痛不除,脾肾两伤。拟胃关煎加减。

熟地炙，三钱 荆芥一钱 白芍炒，一钱 木香三分 荷叶炒，一钱

周左 泻痢伤胃，不思纳谷，脉至右三部沉迟细弱。宜补土温中为主。

炮姜一钱 炙草一钱 煨肉果一钱 白芍桂枝炒，一钱 煨木香四分

许右 久痢后重，以调理脾肾为主。

熟地五钱 当归一钱 白芍一钱 扁豆三钱 怀药四钱 炙草六分 炮姜炭六分 砂仁一分 建莲炒，三钱

又 大有芪三钱 党参炒，三钱 冬术炒，三钱 怀药八钱 炙草六分 白芍一钱 桔梗五分 神曲四分 牡蛎煨，三钱 石榴皮三钱

宋左 久痢转泄，以补脾肾为主。

熟地炙，六钱 怀药炒，一钱五分 山萸一钱五分 芡实炒，五钱 炙草四分 党参炒，三钱 冬术炒，三钱 姜炭六分 白芍一钱五分 五味炒，五分 升麻炒，四分 焦谷芽五钱 建莲三钱 煨姜二 煨木香三分

丁左 久痢而形脉俱脱,更兼腹胀。

冬术炒,三钱 党参五钱 怀药八钱 炙草二分
白芍炒,三钱 姜炭六分 蕲艾炭五分 扁豆炒,三钱
肉果一钱 焦谷芽三钱 乌梅炭一枚
石榴皮炭一钱

程左 症而转痢,由浅入深,舌苔白厚,口渴喜饮。此湿热内闭,宜开宜泄。

桔梗一钱 赤苓三钱 滑石三钱 扁豆八钱
广皮一钱五分 通草八分 莱菔子二钱 焦谷芽三钱
福曲三钱 金银花三钱 广木香五分 生熟砂仁一钱
柴胡四分 鲜藕节二 竹茹一钱

蒋右 发热下痢,内外受邪,症非轻浅。

柴胡四分 防风一钱 荆芥一钱 当归二钱
白芍炒,一钱五分 炙草五分 扁豆炒,五钱 神曲炒,一钱五分
川连吴萸汤炒,四分 生熟砂仁一钱
金银花炒,二钱 木香四分 黄柏炒,一钱

强右 湿积交滞中下二焦,气机为之不宣,胎气因而上逆,胸腹于是胀闷,作痛一月来,无时得安。今又加痢,色白肛门重坠,此虽是湿积

之去路，第恐胎元从此而动，不可不虑及也。

老苏梗二钱 广皮八分 枳壳八分 生熟砂仁一钱 香附炒，一钱 冬术炒，一钱五分 广木香汁三七 黄芩一钱

胡 白痢，舌白滑。

生茅术 猪苓 赤苓 泽泻 神曲炒 乌药 木香

脘 痛

某右 肝胃不和，为脘痛胀满，为呕吐，得暖则适。治以温通理气。

香附一钱 茯苓二钱 生熟砂仁八分 良姜五分 半夏一钱 延胡生炒，一钱

又 香附一钱 蔻仁三粒 生熟砂仁四钱 茯苓一钱五分 丹参一钱 半夏一钱 姜一

郑左 气郁兼寒，脘痛为之不已。

苏梗二钱 厚朴八分 陈皮一钱 延胡生炒，一钱 乌药一钱 楂炭二钱 广木香磨，四分

茵左 寒热停于中脘而作痛。

草果炒,五分 延胡生炒,二钱 制半夏一钱
制香附一钱 良姜五分 茅术炭七分 陈皮一钱
木香

又 脘痛稍平,近见呕吐清涎,脉迟软。前方加重温通之品。

干姜四分 党参三钱 广藿梗一钱 蔻仁三粒
半夏一钱 贡丁香三分 香附一钱 良姜四分 木
香四分

许右 舌白脘痛,时常发热恶寒。先为温
理中焦,续商调补营卫。

蔻仁 半夏 茯苓 香附 陈皮 砂仁
姜 枣

周左 举重破气,伤力伤中,以致劳动则脘
痛频发,气逆而暖,中无柱矣。

四君子汤,加半夏、杜仲、大冬。

赵左 脘痛作酸,木乘于胃。

焦茅术一钱 砂仁炒,一钱 蔻仁五粒 半夏
一钱五分 茯苓二钱 大麦仁炒,三钱 陈皮一钱五

分 枳实八分 炙草三分

陈左 湿郁木侮,土衰脘痛。

焦茅术一钱 肉桂四分 良姜五分 防风一钱
当归三钱 白芍一钱 炙草五分 山栀六分 半夏
一钱五分 蔻仁三粒

此方,痛时服三四剂。

又 白蔻仁五粒 贡丁香五分 半夏一钱
赤苓三钱 陈皮三钱 炙草四分 生姜一片

马右 脉至左寸关较数而大,胸脘左肋下
作痛,此肝阳亢逆。

黄连三分 山栀八分 肉桂八分 白芍一钱
洋参二钱 青皮盐水炒,一钱 大生地五钱 乌梅一
枚 大枣二

王左 脉至迟弦,见于左关心口作痛。木
郁则气不舒,母既不能疏泄,而子气亦因而不
宣。

肉桂三分 远志七分 益智仁八分 石菖蒲
八分 白茯苓三钱 青皮五分 川金七分 柏子仁
一钱 降香一钱

此方，三剂心口即不作痛，病已半载而速效者如此。

又诊 陈皮一钱 半夏一钱 茯苓二钱 砂仁炒，八分 柏子仁一钱 远志七分 芝麻三钱

某 酸寒腥腻之物，入口即吐，出无余，中脘作痛，自觉痞满，按之中空，色脉两亏。此系胃肠衰而不受，脾土弱而不运，恐成单腹胀之忧。且与温培。

干姜八分 砂仁六分 陈皮一钱 半夏一钱 炙草三分 茯苓二钱 焦谷芽

某 肝阳亢逆，左金合戊巳^①，清之平之。
黄连三分 吴萸三分 白芍三钱 甘草三分

范左 以巅顶发疮而论，似宜清解疏散，但面无华色，脉至细弱，按之无根，且素有脘痛之恙。由来已久，气血亏，中阳亦弱，理宜培本，气血旺而疮自愈，切不可见症治症。

川芎一钱 当归二钱 白芍炒，一钱 大生地

① 巳：疑为“己”之误。

四钱 荆芥一钱 象贝一钱五分 香附一钱五分 延胡一钱五分 黄芩五钱 生首乌五钱 泽泻一钱

马右 肝肾不寒,和脘中痛而纳减。

焦茅术一钱 白芍一钱五分 当归三钱 防风一钱 良姜四分 肉桂五分 炙草三分

又 党参三钱 炒茅术一钱 茯苓一钱五分 炙草五分 炮姜六分 当归二钱 白芍一钱 杏仁七粒 乌梅一个 大枣二

钱右 脉至左部细弱,右三部较左滑大,脘痛彻背,得吐痰水则止,胃家积饮停痰。至于夜不能寐,亦属胃不和之据。

生熟砂仁六分 焦茅术一钱 制半夏一钱 陈皮一钱 枳壳炒,六分 神曲炒,一钱 谷芽三钱 竹茹四分 降香五分 姜二

徐右 心跳不宁,面无华色,胸脘疼痛,脉至细弱。究宜心营与胃气兼补。

丹参三钱 当归二钱 冬术三钱 母丁香二粒 薏仁二粒 桂圆肉五个 没药五分

张左 脉至迟滑，腕痛攻撑，有时作呕，纳谷不旺。此系脾阳不振，胃有积饮停痰，拟温胃饮主之为是。

生熟砂仁五分 冬术三钱 陈皮一钱 草炭四分 干姜四分 茯苓一钱 半夏一钱 焦谷芽一钱 木香煨，三分

曹右 气窒胸痹，痛连背肋，得食则安者，痛久则胃虚也。治以和胃通络。

半夏一钱 细苏梗一钱 大麦仁炒，一钱 橘络三分 蔻仁二粒 玫瑰花五分 玉兰花五分 母丁香一粒 蝉壳 散服六剂

接 冬术炒，三钱 肉桂三分 新会皮一钱 川连三分 香附磨冲，一钱

许右 脉至沉迟为寒无疑，投温通一法大痛稍减而不能止。近日方中为扶正之品，最为确当。今即仿炙用姜桂理中为治。

党参三钱 姜炭六分 冬术炒，三钱 炙草五分 官桂五分

又 蛭螺壳，炭灰上煨，研末。痛时以一二钱置舌上，开水送下。

又 冬术炒,三钱 茯苓三钱 桂枝一钱 煨姜一钱 炙草五分 痛时服之

又 远志一钱 枣仁二钱 黄芪酒炒,一钱五分 杞子一钱 茯苓神二钱 当归酒炒,一钱 党参三钱 冬术炒,二钱 桂圆五个 木香冲,三分 此方痛止服

陈右 腕痛。

丹参三钱 香附一钱 川芎一钱 当归三钱 杏仁二钱 砂仁八分 姜一

又 良姜五分 干姜四分 甜杏仁一钱五分

章右 胃腕当心而痛,得含则安,作虚寒治。

冬术炒,三钱 官桂去皮,八分 新会皮一钱 煨姜一片

蒋右 胃腕痛。

延胡二钱 草果六分 没药去油,五分 香附一钱 半夏一钱 焦麦芽二钱 木香四分

朱左 湿停胃腕,由乎中阳不运。

茅术炒，一钱 厚朴姜汁炒，一钱 陈皮一钱五分
草炭三分 枳壳六分 半夏一钱

王右 六脉沉细，中脘疼痛，止发无时。此
中阳不足，当培脾土，兼以温之。

冬术三钱 谷芽三钱 当归一钱五分 陈皮一
钱 生熟砂仁四分 远志七分 枸杞子二钱 柏
子仁一钱 神曲炒，三钱 建莲炒，一钱 生姜一小片

葛 酒湿伤中，胸脘卡痛卡胀。

中朴姜水炒，三钱 陈皮一两 煨草果四钱
半夏姜汁炒，六钱

上药，为细末。每日清晨。开水调服一二
钱。

刘右 寒气交凝。

香附二钱 良姜炒，五分

姜左 脘痛吐酸，脉至右弱左弦。此肝木
肆横，胃土受克。

党参三钱 冬术炒，三钱 茯苓一钱五分 炙
草四分 广皮一钱五分 吴萸三分 生姜二片

姜右 肝阳挟痰，上阻于咽。

泡吴萸三分 川连三分 半夏一钱 香附一钱
姜一 竹茹八分

张左 脘痛连胁，脉至左关见弦。此系肝胃不和。

制半夏一钱 陈皮一钱 生熟砂仁一钱 广
玉金一分 泡吴萸七粒 生姜一片

马左 湿停中脘，胃脘当心而痛。

川朴姜汁炒，一两 茅术米泔水炒，一两 广皮
炒，一两五钱 蔻仁研，一两

上药，为末。每日，冲服二三钱。

张 脘痛连于少腹，脉至迟滞，乃寒与气凝滞于肝胃之间，不通，则痛斯作矣，温之通之。

乌药一钱 苏梗三钱 焦麦芽三钱 桂枝四分
广木香四分 吴萸三分 砂仁炒，三分 生姜二

管左 胸痹脘痛，由肺气窒塞，胃气不降。

菱仁一钱五分 焦枳壳八分 小朴四分 广皮
一钱 木香三分 生熟砂仁五分 大麦仁一钱五分

制半夏一钱 生姜一片

管右 胃脘当心而痛，温之通之。

香附一钱五分 生熟元胡二钱 良姜炒，六分
木香三分 玉兰花五朵

邵左 脘痛当心，脉至左弦而右寸大。用左金以泄肝阳。

吴萸淡，三分 川连三分 神曲炒，一钱 黑栀一钱 木香四分 姜一片

吴左 脘痛脉迟，痛止则恶心，得食稍安。此胃虚而有寒也，痛支左胁，肝木乘虚木侮故耳。

党参炒，三钱 枳实炒，五分 吴萸十粒 干姜四分

又 原方，加白芍炒、川连、附子。

杨左 木乘土，胃脘痛不适。胃喜降，木喜疏，宗此立方。

大麦仁三钱 防风一钱 苏梗二钱 乌药一钱 生熟砂仁六分 枳实汁冲，三七 粟梗二钱

王左 胃脘当心痛彻于背,连于腰。半由寒湿,半由劳伤。

淡干姜炒,三分 良姜炒,五分 白蔻仁五分
丁香四分 厚杜仲姜汁炒,三钱 生熟元胡一钱
木香三分

佟左 脘痛经年,时而便溏,得食则安,脉至左弦右弱。此木侮土衰,脾虚则求助食也,议与桂苓术甘汤^①。

甜冬术炒,三钱 炙草五分 茯苓一钱五分
桂枝木四分

癖 块

钱右 瘀凝气滞,少腹结癖。

桃仁泥一钱五分 生熟延胡一钱 川楝子二钱
细青皮一钱 丹参三钱 香附一钱 当归三钱 楂
炭二钱 刘寄奴二钱 韭菜根四钱 两豆尖一钱

接方 四物,加丹参、香附、楂炭、川楝子、

① 桂苓术甘汤:原本作“桂苓术甘汤”,据上下文改。

元胡、炙鳖甲、玫瑰花。

杨左 久疰伤脾，纳减便溏，有时见血，左肋结癖。兹因土衰，夹积夹痰而成。

鸡金 山药 砂仁 车前 焦谷芽 水红花子 党参 冬术 茯苓 炙草 杜仲 陈皮 白芍 神曲 肉果

某 脐左结癖，以至疏失职，二便不爽。

川楝子三钱 生熟延胡一钱五分 丹皮炒，一钱五分 南沙参四钱 钩尖五钱 茯苓三钱 石决明一具 黑山栀一钱五分 木瓜一钱 橘叶五张

钱右 年及五旬，气血不亏而亏，即有癥瘕癖痞，不可以古来攻消之方治之，先贤曰补正则块自除，此言非谬也，宗之。

党参三钱 冬术一钱五分 陈皮一钱 延胡一钱 白芍炒，一钱 当归三钱 熟地四钱 白蒺藜一钱五分 川楝子一钱五分 砂仁炒，四分 焦元楂四分

谈右 脾气不运，夹积夹痰，而中脘结痞，

气逆攻撑。

制半夏一钱五分 小朴五分 苏梗二钱 香附
一钱五分 茯苓二钱 砂仁六分

某 以一人之腹，而兼痞癥癖三块，攻撑为患，其何以堪？平素饮食不节，以至痰凝气滞而成。

砂仁六分 鸡内金一钱 水红花子三钱 京
三棱一钱 蓬莪术一钱五分 神曲炒，一钱 生鳖
甲四钱 焦茅一钱 当归三钱 楂肉炒，二钱

许左 症后结癖，今胸腹满胀，纳食减少，大便溏，脉细弱而甚于右。须防癖散成臆。

枳壳五分 泽泻一钱 姜皮三分 茅术炒，一
钱 茯苓皮三钱 神曲炒，一钱 砂仁一钱 大腹
皮一钱五分 陈皮一钱五分 白芍一钱 苏梗二钱

吴右 脾胃两亏，食物不运，腹中结块不一，呕泄兼作无时。

炒神曲一钱 炒山楂一钱五分 赤苓二钱 车
前子一钱五分 泽泻一钱 白术三钱 炒扁豆三钱
木香三分

某 脐之左半，乃肝经部位，结块板硬，起伏作痛。日数必以五，五为土数，发则攻冲，中脘不适，脉至弦数，甚于右关。显系肝阳犯胃。

广郁金一钱 半夏一钱 大麦仁五钱 乌梅一枚 白芍二钱 炙草四分 防风一钱 黄芩一钱 山栀一钱 木瓜一钱 蒺藜一钱 陈皮一钱 吴茱萸一粒

陈 右肋之下，中脘之傍，期门部位，此因太阴脾土所居之地，厥阴肝经循循之处。癥结块大如婴，按之板硬而痛，脾不健运，寒积痰凝，非温不化。但势猛体弱，攻坚之品，未敢擅投。

莱菔子一钱 瓦楞子三钱 当归二钱 炙甲片一钱 郁金一钱五分 神曲炒，一钱 砂仁六分 姜一

又 射干三分 雄黄五分 生矾五分 肉桂五分 南星五分 水红花子五分

共研细，膏药上贴之。

过右 面黄脉弱纳少，右肋下结块。此系脾不健运，夹积夹痰所致。体质薄弱，不宜纯用攻消，第补气分，亦无益。法分健脾为主，佐以

扶正兼消，而不猛烈者，久投自效。

冬术炒，四钱 党参炒，三钱 当归炒，二钱 神曲炒，一钱 楂肉炒，一钱 砂仁炒，八分 加水红花子五钱

吴左 癖大如盘，良由疟后失调，饮食不节，痰积交滞而成。大便见溏，脾土衰矣。脉至右无力，体虚不任攻消，用拟香砂枳术合外台茯苓饮。

川楝子一钱五分 党参五钱 茯苓一钱五分 鸡内金一钱 木香三分 茅术一钱 白术炒，一钱 白芥子一钱 半夏一钱 莱菔子一钱 砂仁一钱 枳实五分 神曲炒，一钱

王右 癖结腹左。

白术四两 神曲炒，三两 杜仲盐水炒，三两 砂仁炒，三两 莪术炒，一两五钱 鸡内金炙，二两 当归酒炒，三两 青皮炒，二两 炙鳖甲

上，为细末，水泛为丸。每日服三四钱，早晚用谷芽汤下。

李左 少腹之右结块，大如覆碗，拒按而

痛,小溲维艰而短赤,脉至无力而数,由来月余,诸药罔效。经阴之络,环于阴器。又肝主疏泄,无阴则无阳以化,溲之不利,块之凝滞,良由厥阴瘀滞交凝,肝阳郁而不泄。但久病体虚,徒攻无益而有损。商消补兼施一法,气血充满,则块自消也。

洋参二钱 当归三钱 生地四钱 生炒延胡三钱
川楝子三钱 乌药一钱 刘寄奴三钱 甲片一钱
血珀一钱 泽泻一钱 木香五分 两头尖十粒
韭菜根三钱

将药煎好,送肾气丸。

施右 女子腹中有块,有四:在胸腹肋下者谓痞癖,多因夹食夹痰夹气而成矣;定而不移者谓之癥,多因瘀凝寒滞而结;聚散无常者谓之瘕,多因木郁挟气火所致。今诊得右关尺弦数,少腹左右有筋似块,痛牵连内侧中,行散则无形,而百骸俱痛,盖由产后营亏,客寒乘虚而入于肝络,久而化火,举发不常,痛无定在,即所谓瘕也,亦七疝之属是也,总不外乎厥阴肝经之恙。用拟通则不痛之法,痛时服之,以治其标;养血活血,舒筋宣络之法,不痛时服之,以治其

本。

香附炒，一两 细辛二钱 沉香三钱 木香三钱
松香三钱 玉金三钱 荆芥三钱

上药研细末，临痛时将炒陈粟梗三钱、杉木梢一两，煎汤服一二钱。橘叶一钱煎汤，服末药一二钱。当归龙荟丸五六钱，痛时亦用陈粟梗汤送下。

煎方 川楝子二钱 当归三钱 牛膝一钱五分
木瓜一钱 丹参三钱 延胡二钱 南沙参四钱 香附一钱五分
赤芍五分 白芍五分 木香四分 生熟砂仁二钱 荔枝核炙，四

唐左 聚散无常者，瘕也。坚硬不移者，癥也。良由寒冷痰积，四者结成，踞于中焦，日渐长大。阴阳论，脾气不升，胃气不降，上为呕吐，下为闭结，失治于初，致成棘手，当阴凝涸闭，非阳和不宣，即以其法加减。但症已深重，无欲速之法，调理不善，变端及多。

党参四钱 生於术三钱 楂炭二钱 莱菔子一钱五分
砂仁炒，八分 枳实炒，四分 肉桂四分 川连三分
干姜三分 淡苡蓉三分 水红花子二钱

吴 体实脉实者,无论癥癖,俱可攻消。体虚脉虚者,总宜培补,气虚为先,昔贤曰补正则块自消也。今六脉细涩,细为血少,涩主精伤。脾主肌肉,神形消瘦,脾虚可知。腹虽有块,切勿攻之,用拟培补气血,佐以健运脾土一法,耐心服之。

黄芪三钱 当归一钱 熟地五钱 冬术一钱五分
 山药三钱 神曲炒,一钱 白芍炒,一钱 丹皮炒,一钱
 楂炭二钱 生洋参二钱 川楝子 延胡生炒,一钱
 水红花子四钱

许右 寒凝痰积,中脘结块,不时作痛。宜与温开。

肉桂四分 川茅术一钱 半夏一钱 良姜八分
 赤苓二钱 香附一钱 丁香三分 薏仁三粒 当归五钱

夏右 少腹结块,日渐肿大,定而不移,谓之癥,乃从产后瘀凝不行所致。但体气不足,难以纯用攻消,理脾养营之中,兼流动之品,缓缓图治可也。

赤芍一钱 桃仁泥二钱 牛膝一钱 黑栀三分

肉桂三分 党参三钱 冬术炒,五钱 当归四钱
 刺蒺藜三钱 乌药七分 甲片一片 延胡二钱
 红花三分

华左 少腹结块,攻痛无定,上逆犯胃则
 呕,脉至沉迟而滞。先理气机。

煨木香三分 沉香冲,三分 煨姜一钱 茯苓
 二钱 陈皮盐水炒,一钱

秦左 脾阳不运,夹积夹痰,瘕结左胁,块
 大如盘,六脉沉细而迟。急宜培补脾阳,以消阴
 翳,否则难免瘕散成臆。

炮姜六分 肉桂五分 白术炒,四钱 枳实炒,
 五分 神曲炒,一钱 楂肉炒,一钱五分 党参六钱
 砂仁炒,八分 鸡内金一钱 水红花子四钱

又 焦白术一钱五分 神曲炒,一钱 莱菔子
 六分 车前子一钱 砂仁八分 荆芥八分 荷叶一
 钱

某 瘕撑作痛,痛甚则厥,久热不已,脉至
 弦弱,遍体生疮。此为木郁侮土,肝肾阴亏。症
 属绵延,不易奏效。

石决明四钱 生地四钱 北沙参四钱 川楝子炒,三钱 延胡一钱五分 当归三钱 丹皮炒,一钱 炙桑皮一钱 石菖蒲五分 生首乌八钱 青蒿梗一钱

秦左 癖成于气积交凝,体实者可攻,体虚者宜健运为主。经曰,补正则块自除。

鸡内金一个 当归炒,一钱 生姜一 焦冬术三钱 砂仁六分 焦枳壳五分 焦神曲一钱 焦谷芽二钱 水红花子四钱

诸左 疔止复发,癖亦渐消而未尽。此宜扶正培土为主,兼以疏解攻坚。

柴胡三分 砂仁炒,六分 草果六分 炙甲片一片 党参三钱 冬术四钱 炙草六分 半夏一钱 当归三钱 焦神曲一钱 水红花子四钱 生姜一大枣二

某 经曰:身寒汗多,阴气胜也;厚衣不能温,髓空而寒在骨也。然不冻慄者,一水不胜二火也。在胁下有形如覆杯,名曰肥气,肝之积也。积之结成,由脾气不运,肾阴不旺,寒凝食

滞，气阻血闭也。脐之左，脐之上，筑筑然能振跳，动气发也。动之微，止在腹；动之甚，则冲胸膈，犯及上焦，咽喉为之吞吐不适，或恼怒，或如狂。事下则平，止发均不由己。无非肝肾真阴失守，阳气失藏，龙雷之火，时上时下也。喜食姜附者，脏寒可知也。喜食甜物者，土虚欲得甘以助之。合方，阳宜固，阴宜守，土宜培，木宜平。消坚攻积不宜太过，恐伤正气，昔贤有云养正则块自除，此不消之消，所以消也。

熟附一钱 绵芪一两 肉桂五分 白芍三钱
 当归三钱 五味四分 煅牡蛎八钱 熟地一两 党
 参六钱 茯苓二钱 神曲炒，一钱五分 冬术炒，四钱
 茅术炒，四钱 炙草五分 羚羊四分 焦元楂二钱

痿 症

某 小腹垂垂，溲不利，便亦难，清浊之气，不得升降，以至机关不利，两足痿弱，先为开通膀胱，以观其效否。

滑石三钱 赤苓三钱 猪苓三钱 泽泻一钱
 陈皮一钱五分 乌药二钱 川牛膝二钱 冬葵子二

钱 川斛四钱

马 足膝不能伸，左关尺濡弱。此气血两亏，筋失所养。拟温补舒中。

独活一钱 党参三钱 冬术三钱 炙草六分
川芎七分 当归三钱 熟地一两 苡米六钱 秦艽
二钱 续断三钱 木瓜一钱 牛膝三钱 虎胫骨三
钱 肉桂三分 制附子六分

某 六脉沉细，腿膝无力，而成痿症。此非肺热叶焦，亦非阳明火症。系下元不足，气血两亏，兼之劳动大过。用大防风汤治之。

防风二钱 黄芪六钱 党参五钱 山药四钱
狗脊四钱 熟地一两 杞子三钱 杜仲一两 炙草
五分 冬术三钱 牛膝二钱 续断三钱 熟附子一
钱

毕童 大筋软短为拘，良由血不营，气不足。

苡米四钱 杜仲四钱 牛膝三钱 续断三钱
秦艽三钱 熟地八钱 木瓜一钱 锁阳二钱 虎
胫骨四钱 当归三钱 红花三分 银花藤八钱 桑

枝五钱 笋缠丝绵筋四钱

某 骨属肾,筋属肝。膝肿甚于内侧,脉见弦数,左足曲而难伸。脉症合参,显系肝肾阴亏,风温乘虚下注,郁久化火为患。法当扶正育阴为主,佐以驱风活络清火一法。况频频梦遗,助火劫阴之品,均宜慎用。

生地一两 丹皮一钱五分 羚羊三钱 木瓜一钱
没药一钱 当归五钱 秦艽三钱 防风一钱
洋参四钱 麦冬一钱 独活六分 川斛六钱 苡米一两
芡实一两 山药三钱 银花三钱 桑节五钱

某左 经曰:掌得血而能握,足得血而能步履。又曰:湿热不攘,大筋软短,小筋舒长,软短为拘,舒长为痿。凡有邪者,无不肿痛。今左手不用,而肩脱不肿不红不痛,此血不营于筋络,气不达于肢节,理当气血兼培,以血肉有情之品,投之自愈。

黄芪六钱 当归三钱 白芍一钱 熟地六钱
冬术三钱 虎骨四钱 龟版炙,三钱 鹿筋牡蛎粉炒,
三钱 桂枝三分 党参四钱 桑枝五钱 马料豆三钱
红枣三个

杨左 诸节属肝，屈不能伸，病在筋也。脉见左关弦数，据述初起，二便不通，盖肝主疏泄，因忧郁气滞伤肝，湿热之邪，乘虚下注，以至右足步履艰难，痛无已时。法当疏肝养之体，兼清湿热治之。

柴胡三分 当归三钱 木瓜一钱五分 丹皮一钱五分 黑栀一钱 茅术一钱 防风一钱 秦艽一钱 苡米一两 牛膝二钱 没药六分 银花藤五钱 川斛五钱 清晨服虎潜丸三钱开水送下。

汪左 经曰：掌得血而能握，足得血而能履。又云：气虚则麻，血虚则痛。今诊得脉象，左三部细弱，右寸无力，右关带滑，此气血之亏，不言可知，所用地黄饮子方法加减，极为稳当。目下煎剂，宜先理脾胃为要。

冬术五钱 杜仲一两 芡实四钱 谷芽五钱 建莲三钱 山药三钱 扁豆炒，三钱 茯苓二钱 半夏二钱 陈皮一钱 黄芪元米炒，六钱 杞子三钱 当归土炒，一钱五分

某左 右足步履，屈伸不能如意，亦是气血不充之故。

洋参二钱 冬术五钱 杞子三钱 远志一钱
 当归三钱 丹参三钱 杜仲六钱 马料豆三钱 红
 枣三个 桂元肉三个

王左 两足痿软，不时收引，脉细弱无力。此系欲后受寒，邪归入肝肾。治当温补，但时令不宜过于辛热。

虎骨炙，四钱 鹿筋麸炒，三钱 笋鞭四钱 杜
 仲姜汁炒，一两 当归酒炒，五钱 川断三钱 木瓜一
 钱五分 绵芪一两 冬术六钱 丹参三钱 怀膝酒
 炒，一钱

金匱肾气丸三钱^①，每日清晨用木瓜汤送下。

某 寒湿乘虚入于太阳，并^②腿胀痛，屈伸不便，曾经患瘡，恐又复发。

泽泻一钱 羌活一钱 赤苓三钱 苡米一两
 宣木瓜一钱五分 川断三钱 绵芪三钱 牛膝三钱
 杜仲四钱 黄芩一钱 当归三钱 陈皮

① 金匱：原本作“金贵”，据文意改。

② 并：原本如此，该字何义？查无出处。

痰 饮

王左 停痰积饮，居于中宫，寤不安寝，得吐则适，得泄则安。法宜和胃理气豁痰。

半夏 广皮 茯苓 枳实炒 川斛 洋参
竹茹 秫米

某右 痰去过多，阴津有伤，口渴溲短，舌光无苔。法宜温养肺胃之阴。不可再理小便，以伤其液。初学者于此等处，机要小心。

北沙参三钱 麦冬二钱 玉竹三钱 扁豆三钱
橘红一钱 茯苓二钱 川贝 枇杷叶二钱

任左 脉来右关滑大，时常吐酸，胸闷不适，饥时腹中漉漉，如有水声。此痰饮积于中宫，良由脾阳失运。先以小半夏，加茯苓以彻饮，续商通阳可也。

制半夏姜汁炒，三钱 生姜一钱 茯苓五钱
枳壳四分

吴右 痰之为病，变怪多端，郁症有六，飞尸有十二，此症近似，郁症中之痰气，飞尸中之伏运。

桃干一个 旧席草二钱 制半夏一钱 川贝一钱 桔梗八分 僵蚕炒，一钱 桑枝三钱 忍冬藤三钱 紫降香一钱 红花三分

又 痰根已去其半，经曰衰其大半而止。今且平调，如日渐轻，可以不必再用攻逐，否则停十日半月再用药可也。经云五补一宣，十补一宣，乃治此症之要法。

制半夏一钱 川贝一钱 橘红一钱 云苓二钱 竹沥十匕 桑枝三钱

又 红花三分 旧席草一钱 丝瓜络五钱 制半夏一钱 川贝一钱 杜仲五钱 桑皮二钱 归须身二钱

王左 湿痰阻于上中二焦。

半夏炒 陈皮 苏子炒 莱菔子炒 白芥子炒 云苓 鸡巨子

又 脉至右三部渐见和缓，左三部弦滑如前。去湿豁痰，稍兼平肝理气之品。

前方,加青皮、防风。

朱右 痰气阻于咽嗑。

海带二斤 海浮石四两 桔梗一两 白芥子
二两

上,研细末,酒糊丸。每服三钱。

许 饮停心下,痰聚脘中,腹下漉漉有声。
拟用桂苓术甘汤。

茅术炒 茯苓 半夏 桂枝 炙草 姜

头 痛

秦右 血虚头痛。

川芎一钱 白芷一钱 当归八钱

冯右 半边头痛。

川芎 白芷 当归 荆芥 蔓荆子 银花
葛根 鸡巨子

某 脉细头痛,遍于左半,细为血少。宗血

虚邪袭治之。

当归一两 防风一钱 葱头一个 陈酒半杯，
冲服

接方 川芎七分 当归三钱 白芷八分 防
风一钱 有芪六钱 柴胡三分 蔓荆子一钱五分
甘菊一钱五分 生熟草三分 赤芍一钱

陈左 脑后属三阳部位，今胀痛耳中出水，
眠目流泪，无非风火上炽，吸引湿浊上冒头面。
拟羌活汤胜湿。

羌活 柴胡 白芷 独活 川芎 甘草
藁木 黄芩 黑梔 连翘 滑石 薄荷 有芪
当归 桑枝

腹 痛

王左 据云按紧则适，有时攻及胸胁，牵连
背脊之下。今脉三五不调，指尖冰冷，若向来如
此。非寒既虫，若近日见此脉象，须防发病，慎
之慎之。

桂枝六分 炮姜五分 吴萸二分 当归三钱

木香四分 熟地五钱

又 前投温通肝肾,脉来连续,指尖亦不若从前之冰冷。方亦不乎姜桂理阴。

熟地八钱 炮姜五分 肉桂四分 当归三钱
小茴香四分 乌药炒,一钱 吴萸二分 白芍酒炒,
一钱 炙草五分 煨木香四分

蒋左 肝肾两伤,寒邪乘虚深入,以至腹痛连绵不已,牵引百骸。拟用理阴加味。

淡苁蓉四钱 杞子三钱 当归三钱 熟地八钱
肉桂四分 炮姜五分 炙草五分 乌药一钱 川楝
子一钱五分 延胡炒,一钱五分

又 淡苁蓉一钱 杞子三钱 当归三钱 炙
草四分 熟地八钱 延胡一钱五分 川楝子一钱五分
熟附八分 白芍炒,一钱五分 五味七粒 牡蛎四钱
桂枝五分 磨沉香冲,十匕

秦右 痛甚于少腹之右而拒按,且见便溏。先为调气通滞。

楂炭三钱 神曲一钱 莱菔子一钱五分 乌药
一钱 槟榔一钱 青皮一钱五分 赤苓一钱 炙草
一钱 延胡二钱 麦芽二钱

胁 痛

汪左 痛甚于乳房，天府云门，此系肺胃两经，后连于背，起坐不能舒展，横连臂，与食指举动牵引作痛，脉至沉迟，稍见滑象，向有足疾，步履重着无力。细细合参，肺为主气之脏，肺气窒塞，则经之气不宣；阳明为宗筋之腑，阳明确，则宗筋纵，一身之机关不利。盖肺气窒则湿滞，湿滞则痰凝，初痛在气，久痛则入络。经曰：壮者气行则愈，怯者着而成病。今得食则安，手按则适，谓非虚乎？似宜虚中挟实，未识当否。

丝瓜子二钱 归须一钱 通草五分 叭杏一钱
五分 橘络一钱 参须三钱 苡米炒，四钱 川贝一钱
延胡一钱 玉金八分 青木香七分 新绛一钱

又 肺为主气之脏^①，脾为后天之本。右寸关软弱，其气分之亏，不待言矣，况当大气发泄之令，可不固正培土为先。自病以来，攻破之药，所服不少，既不应手，断不可久投之理。据

① 脏：原本缺，据文意补。

愚见，凡实体实证实脉，未尝不可攻破，然暂用不可久投，既投不效则非其症也。先贤云，七实三虚，行中带补；七虚三实，以补兼行。今脉症合参，虚多实少，宜培补气血为主，兼调脾胃，佐以通流，耐心安养，庶乎不失。

绵芪三钱 当归一钱五分 延胡一钱 茯苓二钱
柏子仁一钱 杜仲三钱 生熟芽二钱 桑枝酒炒，三钱
生姜一 大枣二

清晨，用独参一钱，煎汤服。

某 木郁侮土，胁痛纳减，且素有晨泄便红，次系失藏失统，脉不弦数，尽可放心。

参须一钱 扁豆四钱 山药炒，五钱 白芍炒，三钱
炙草四分 冬术一钱 乌梅一 马料豆五钱
建莲三钱 香稻秧一支

喉 症

邵 肝火熏蒸灼肺，唇舌咽喉，如焚而痛。此补肺之母，水壮则虚阳自潜。

生草 灯心 银花 桔梗 元参 泽泻

茯苓 山萸 丹皮 生地

陈 咽喉内外无处不烂,可忧者腐,不能脱凶。

薄荷 川连 川芎 牛蒡 淡芩 山梔
元参 生草 荆芥 连翘 射干 竹叶 马勃
灯心 花粉 银花 羚羊

妇 人 科

刘 经水先期,来时发热,骨节烦疼,脉来细弱,此营卫两亏。拟八珍汤加味,取其气血并补。

洋参一钱 茯苓一钱 冬术一钱 炙草四分
川芎七分 当归一钱五分 白芍一钱 生地五钱
泽兰一钱 山药三钱 杜仲三钱 丹参二钱 香附
一钱 益母草一钱 海螵蛸一钱

刘 屡次崩淋,六脉细涩,经后腹痛。纯乎虚象,用黑归脾汤。

黄芪五钱 冬术三钱 洋参二钱 茯苓一钱

枣仁二钱 远志五分 当归二钱 炙草四分 熟地五钱 白芍一钱 杞子三钱 杜仲三钱 谷芽三钱 桂圆肉五个

梅 纳少便溏,经停发热。脾气衰弱,肝肾阴亏。用八珍加减。

洋参三钱 冬术炒,二钱 茯苓二钱 炙草四分 白芍一钱 生地五钱 怀药炒,二钱 神曲炒,一钱 丹皮三钱 泽兰一钱 延胡一钱五分 谷芽生炒,一钱五分 黑栀一钱

孙 产后营卫两亏,时常内热,脾胃气机亦弱,作酸胀满呕吐。

蔻仁二粒 砂仁三粒 陈皮一钱 半夏一钱 神曲炒,一钱 谷芽炒,三钱 生姜一片

接服 八珍,加陈皮、砂仁、丹参、香附、姜、枣。

许 乳头属肝,血藏于肝,经来则乳胀而痛,血欲行而气不行,气滞则血亦滞。调其气,理其血,营卫调和,则痛自愈。

生熟香附各五分 青皮五分 当归三钱 川

芎一钱 赤白芍各一钱 生熟延胡各一钱 熟地四钱
川楝子炒,二钱 决明三钱 泽兰一钱 牡蛎三钱
玫瑰花一朵

另,用柴胡三分,蒺藜二钱,通草五分,暂服三剂。

史 经水一月两至,纳谷不贪,右关脉弱,胸脘有时作痛。此脾不统,而胃失和矣。

四物,去川芎,加杜仲、砂仁、陈皮、玫瑰花。

史 赤白交下,月事或前或后,腰痛如折。气血两亏。

四物,加杜仲、牡蛎、莲子、神曲、玫瑰花。

王 经来乳胀,营分血气不和。

炙生地四钱 川芎八分 当归二钱 白芍一钱
香附一钱 陈皮一钱五分 丹参三钱 泽兰三钱
玫瑰花二朵

穆 脉不见数滑,难以痰火论,惟左沉分涩滞。此系气滞血虚,经水来乳头作痛胀,乳头属肝,经欲行而气不宣,木喜条达,勿作痰症治。

香附 茯神 杏仁 洋参 丹参 归身
青皮 远志 玫瑰花

范 血去过多，左关尺细弱，右关尺浮大，舌碎而痛。阴亏者必火旺上炎，血虚者气无所附，宗此立方。

熟地八钱 当归二钱 白芍炒，一钱五分 黄
芪炒，三钱 阿胶二钱 元参二钱 荆芥炭一钱
藕节一个 荷叶蒂一枚

邹 赤白交下，营卫两亏。八珍加味治之。
熟地四钱 狗脊灸，三钱 续断二钱 海螵蛸
去毛，一钱 党参炒，三钱 茯苓二钱 白术炒，一钱五
分 炙草八分 当归二钱 川芎八分 白芍 煨
牡蛎四钱

周 经水先期，经后五日六日淋漓，脉至迟
细，右手更甚，气分偏亏。拟用人参养营加减。

党参三钱 茯苓一钱五分 冬术炒，二钱 炙
草六分 白芍炒，一钱 熟地六钱 杜仲三钱 乌
贼骨一钱 大枣二

某 脉来右寸浮大，大便气滞不爽，经来前后不调。先为通达。

生熟香附二钱 生熟砂仁六分 焦枳壳五分
丹参三钱 茯苓三钱 陈皮一钱

丁 先因经失调，后因受寒咳逆，数月寒热不已，力乏腰痛。气血兼培，佐以温疏。

党参三钱 当归二钱 熟地八钱 半夏一钱
杜仲四钱 陈皮炒，一钱 炙草六分 叭杏二钱
款冬花三钱 生姜一 大枣一 玫瑰花二朵

郭 经水先期，来时必先腹痛发热，脉至左手沉分大而滞数。拟调养营法，兼以泄热。

川芎八分 归身二钱 白芍一钱 生地四钱
丹参三钱 香附一钱五分 泽兰一钱五分 黑栀八分
玫瑰花二 又加柴胡四分 丹皮一钱五分 生熟
延胡二钱 生甘草三分 赤芍一钱 木香三分

吴 产后瘀凝腹痛，症非轻视。

红花二钱 桃仁三钱 赤芍一钱 当归五钱
元胡三钱 肉桂五分 怀膝三钱

冯 产后血室空虚,暑乘虚来袭,以致少腹疼痛不已,二便艰涩,脉来细数。宜宗热入血室治之。

川芎八分 赤芍一钱 当归三钱 生地四钱
通草一钱五分 黑梔八分 车前子炒,二钱 黄柏八分
泽兰二钱 刘寄奴二钱 生熟延胡三钱 六一散三钱 荷梗一尺

又 二便已能通利,腹痛亦止,脉数未能全退,除未复也。

川芎七分 白芍炒,二钱 当归三钱 生地四钱
丹皮一钱五分 黑梔八分 香附一钱 茯苓三钱
泽兰三钱 泽泻一钱 丹参三钱 益母草一钱五分

许 经来则腹痛,呕吐泻泄,乳房肿胀,显系肝脾不和。

香附 丹参 生熟砂仁 陈皮 焦谷芽
橘叶

又 川芎 当归 生地 茯苓 白术 炙草
陈皮 党参 神曲 炒丹参 香附 泽兰
木香 青皮 生炒延胡

许 经来前后作痛，此气血两亏。八珍加味为治。

八珍，加陈皮、泽兰、砂仁、谷芽。

虞 身怀六甲，遍体虚浮^①，名曰子肿。虽半由胎气，半由外邪。

白术 黄芩 地骨皮 桑白皮 茯苓 陈皮
防风 腹皮 苏梗

潘 产后操劳，脾土受伤，中阳不运，腹痛纳减。幸脉不见弦数，小心调治，尚可无妨。

冬术炒，四钱 谷芽三钱 神曲一钱 楂肉炒，一钱
川芎八分 煨木香三分 煨姜一片 砂仁生炒，三分

头不痛去川芎换丹参，腹不痛，木香、生姜不用煨

王 赤白交下，少腹作痛，肝肾有伤也。

杞子炒，三钱 白芍炒，一钱 山药三钱 煨牡蛎二钱

① 遍体：原本作“遍休”，据文意改。

王 气血两亏，六脉细涩，经水不行。可补不可攻。

熟地_{六钱} 杞子_{三钱} 丹参_{三钱} 当归_{一钱五分}
冬术_{炒，三钱} 制洋参_{一钱五分} 杜仲_{四钱} 谷芽_{炒，三钱}
远志_{八分} 玫瑰花_{八分} 月月红_{一朵}
红枣_{五分}

陆 经水先期，淋浊不止。此血分有火。

炙生地 白芍 枣仁 泽兰 炙草 稽皮
红枣

苏 经水淋漓，乃气弱不摄。

党参 黄芪 冬术_炒 茯苓 炙草 当归
杜仲 牡蛎 荷叶蒂

潘 脉来细涩，干咳无痰，经来一月淋漓，气弱不能摄血。用人参养营汤，培补肺肾。至于少腹之块，切不可攻消，经云养正则块自除矣。

洋参_{五两} 冬术_{四两} 茯苓_{三两} 炙草_{一两}
当归_{三两} 白术_{三两} 熟地_{八两} 丹参_{八两} 海螵蛸_{三两}
五味子_{一两} 玫瑰花_{二两} 远志_{一两} 陈

皮二两 神曲炒,三两 楂肉四两 枣肉为丸

煎方 杞子三钱 当归一钱五分 熟地五钱
玉竹三钱 冬花术三钱 陈皮一钱 楂肉一钱五分
谷芽炒,三钱 桃肉三个

王 经来腹痛,由气血不能宣通。

香附一斤 酒炒四两 姜汁炒四两 醋炒四两
童便炒四两 丹参一两

为末,泛丸。每日清晨服。

又 淡吴萸十四粒,黄糖二钱,作两丸,陈酒
送下。

王 气血调和,自然不痛。

香附一斤,酒炒四两,姜汁炒四两,醋炒四两,盐水炒四
两 丹参一两 当归炒,三两 乌药炒,二两 玫瑰
百朵

共研细末,水泛为丸。

范 内热本属阴亏,经迟因于气弱。

川芎 当归 生地 冬术 丹参 香附
泽兰 海螵蛸

陈 小产失血不已，阴离于下，汗出不止，阳脱于上，六脉全无。用回阳益气法。

党参一两 黄芪元米炒，一两 制附子一钱
炮姜一钱 熟地一两 当归一钱五分 冬术五钱
炙草五分

马 经停三月，脉来细数而弦，舌赤无苔，内热不已，劳怯已成之象。

银柴胡八分 炙鳖甲三钱 秦艽一钱 鲜青蒿一钱
白芍炒，一钱 神曲炒，一钱 冬术二钱
川芎八分 丹皮一钱 生地三钱 萸肉二钱 炙草三分

周 经来一月两至，赤白交下，腰腹俱痛，当气血并补。

党参 茯苓 冬术 炙草 熟地 当归
远志 杜仲 白芍 广皮 牡蛎煨

潘 经来血少，脉至左关弦数。宜养阴，经充则化育出于自然。

川芎 当归 白芍炒 熟地 丹参 香附
海螵蛸 泽泻

胡 经水愆期,来时必先发热腹痛,血色紫暗,脉来带迟。血分微有伏寒,以致气机不能宣畅。不可过于温补,酌以芳香宣络,气血和平之剂。

玫瑰花 野蔷薇花 香附 丹参 益母草
花

盛 血崩脉弱,主以归脾。

冬术 党参炒 炙芪 当归 炙草 茯神
远志炒 枣仁 炙地 桂圆肉 广木香

承 经水愆期,来时必先寒热,腹痛,便溏,脉至沉迟。此血分有伏寒,而脾气亦不健。

四物,加楂炭、白术炒、谷芽、炙草、香附、生姜、大枣;身热加柴胡。

杨 经水先期,前后俱痛,色紫而多,脉来左关带数。调经之中,稍兼泄热。

四物,加泽兰、香附、杜仲、益母草。

某 经来一月两次,内热不已,神倦力乏。

柴胡三分 白芍一钱 当归二钱 大生地四钱

女贞子一钱 旱莲草二钱 丹参一钱 洋参一钱五分
 分 杜仲二钱 川断二钱 砂仁炒,三钱

八 脉

邵左 质禀八脉亏损,脊骨高凸,右足腿肉渐渐消瘦,自觉弛长,步履无力,曾经梦遗,气血之伤,不待言矣,但舌苔白滑,补药之中,不可兼渗湿理气。

鹿角霜五钱 虎胫骨五钱 绵芪一两 当归五钱 狗脊五钱 续断三钱 芡实一两 大熟地一两 冬术五钱 木瓜一钱五分 独活一钱 杜仲一两 陈皮一钱 龟背壳四钱 猪脊筋二条

某 人身精气血为之三宝,六脉细涩如无,身体麻木,背脊凸,两足不转,筋骨机关不利。八脉俱伤,督带尤甚,精气血枯槁矣。法当大补。

熟地一两 当归五钱 川芎三分 白芍一钱 黄芪六钱 冬术三钱 茯苓三钱 炙草四分 肉桂四分 熟附四分 枸杞子三钱 肉苁蓉四钱 杜仲

三钱 鹿角霜三钱 怀膝二钱 虎胫骨四钱 狗脊
三钱 党参五钱 千年健三钱

某 督脉亏损，气血亦虚。

鹿角霜三钱 胶牡蛎粉炒，一钱五分 龟版三钱
狗脊炙，三钱 冬术三钱 杜仲五钱 牛膝二钱
杞子二钱 熟地五钱 虎胫骨三钱 熟附三分 猪
脊髓一条 羊腰子一只 盐少许

庄左 脊骨腰间不时作痛，因由督带两伤，
曾经尿血。气血两亏。

鹿角霜四钱 狗脊五钱 骨碎补六钱 熟地
八钱 党参三钱 当归三钱 杜仲四钱 自然铜三
钱 川断四钱 冬术三钱 没药五分 乳香五分
地鳖虫一个 桃肉二

某 尾闾数寸脊骨，痛难转移，且见寒热。
伤在肾督。

鹿角霜三钱 胶化，二钱 杜仲一两 杞子三
钱 冬术三钱 狗脊一两 川断三钱 砂仁六分
猪脊髓一条 桃仁一个 羊腰子一只

潘左 督脉督一身之阳脉,太阳为寒水之腑又为州都之皮,主司寒水。凡骨节,筋聚之所。筋属肝,而骨属肾。今节骨痛连腰背两腿痠疼,小水黄而赤不利,舌苔中心带黄,此是体虚湿蕴。先为分利膀胱,续投培补奇经肝肾。

茅术炒 白术炒 赤苓 猪苓 泽泻 羌活 防风 黄芪 当归 杜仲 川断 苡米炒 狗脊 山药 木瓜 白果 鹿角霜

内外兼症

许 因伤而肿,因肿而脓,泻脓耳后肿处痛仍不减,伤未和也。午后微寒发热,日暮稍退,至黄昏仍复如前,天明热渐退去。由来一月有余,此所谓不内外因而兼外因之恙。不内外因者,伤也。外因者,夏暑秋风感而似疟,日夜两至,气血俱受邪也。

柴胡 洋参 当归 鲜青蒿 红花 丹皮 延胡生炒 木香 甘草生炒 黑栀 赤白芍 川玉金 中生地 桃仁泥

某 身怀六甲，滞下已难，况可肋下患乎，重险之症。

茅术 黄芩 苏梗 枳壳 赤苓 木香
广玉金

虞 右膝痛减，即在膝加重，兼头痛发热，脉至数而左关浮弦。盖诸节属肝，风性喜于乘木，游行无定，症兼内外，无非风之彻上彻下也。

柴胡 防风 秦艽 羚羊角 连翘 木香
木瓜 丹皮 赤芍 赤苓 归尾 银花 川膝
独活

章 花后余邪未尽，毒火刑金，金伤则水涸，水涸则阴亏，阴亏则入暮发热。手太阴少商穴，出于大指之端，今之指尖腐烂出血，亦见肺热叶焦。有诸内而形诸外也，胸腹渐渐饱满，清肃之令不行，则浊气在上而生**菰**胀也。且金伤木无所制，而脾土受侮，土衰则不健运，湿积停矣，能无面色痿黄而形瘦腹胀？拟培土生金法。

洋参 茯苓 天冬 首乌 山药 神曲
冬术 炒苡米 陈皮 银花 白芍 升麻 谷
芽_{生炒} 桑枝

瘰 疔

施 稟质阴亏,阴亏者必火炽而上越,肺金受灼则为咳吐红。今虽血不见,而虚阳不潜,络脉为枯,右耳后结核累累入贯珠者。此谓虚痰,良由日受龙雷燔烁,筋无血养所致,非比痰实可攻可消而能速效。急宜凝神静养绝欲往年,乃是治此症之良图,兼以壮水育阴制阳软坚,毋求欲速,方可奏功。如不遵戒守,虽服药无益,慎之慎之。

大熟地 生决明 元参 草节 北沙参
川贝 牡蛎 怀药

又方 大合桃二十个 蝉蜕五个

将合桃对缝劈开,以蝉七个,和桃肉研碎,乃装入壳内。盐泥包裹,火内煨焦,去泥研末。用淡盐汤调送,每日一服。作二十服,另包。倘若煨过成白灰者,不用。未尽煨焦者,亦不用。

李 水不上承,火不下降,肺液被劫,咽喉不宽,颈侧两旁痰疔成串,硬而无情。此虚痰

也,不易应效。商清金壮水,盐以软坚法。

北沙参 元参 生地 海浮石 川贝 桔
梗 银花 干草节 牡蛎

疔

吴 腮疔走黄,势在十分凶险。勉方以冀
百中之一。

银花二两 甘菊一两 柴地丁五钱 蒲公英
五钱 知母一钱五分 大贝三钱 花粉三钱 甲片
二钱 角针三钱 乳香一钱 炒河车一钱

此方,三剂大效。

骨 疽

某 附骨疽大症也,消亦不易,成攻亦难速
痊,总要耐心。

柴胡 黄芩 桂枝 苍术 独活 防风
当归 甲片 角针 连翘 牛膝 全蝎 赤勺
木香

某 大势已退，但腐未脱，新未生，尚在险途，能遵戒守，医药得力，非不可愈。然人事不能善养，亦易生变，慎之慎之。

羌活 川芎 生草 银花 洋参 焦冬术
广皮 砂仁 扁豆 上芪 当归 生赤首乌
焦谷芽

某 病有轻者重者，轻者数剂可愈，非关医之能也；重者数十剂而愈，有半载经年而愈，有数年而愈，非关医之不能也。总贵识症，如初此症，附于筋骨，其发也甚缓，收攻也甚难。调养得宜，原有可愈；调理不善，每多中变。须耐心服药，寒暖饮食，事事小心，水到渠成，一定之理。如欲速，非惟无益，适足以有害也。

上芪 当归 白芍 川芎 熟地 洋参
茯苓 杜仲 冬术 炙草 丹参 杞子 怀药
广皮姜枣

某 脓虽有，尚未退透。所嫌身怀六甲，攻消之药碍胎者多，求其平稳者施之。于重大者，难以见功。刻下胎气时时上逆，可不以安胎为急务乎？在外症，势在作脓之时，当兼内托。

苏梗 黄芩 砂仁 当归 洋参 羚羊片
 甘草 花粉 银花 甘菊 元参 白术
 光绪元年春月 录

附 薛应嵩医论^①

胎产保命方

全当归一钱五分 川芎一钱五分 生黄芪八分
 白芍酒炒，一钱二分，冬用一钱 荆芥穗八分 川贝母
 去心研，一钱 蕲艾醋炒，七分 川羌活五分 枳壳麸
 炒，六分 菟丝子拣净酒泡，一钱四分 紫熟厚朴姜汁
 炒，七分 甘草五分 生姜三片

此方，专治一切产症，未产时不拘月数。或偶伤胎气，腰疼腹痛，其有血下之势，服者能安。或小产危急之际，一服即愈，再服全安。或十月正产，交骨不开，横生逆下，数日难产，或子死腹中，命在危急，服之立愈。此方系异人传授，救人危急，每用不过两剂，屡试无不神效，幸勿轻

① 薛应嵩医论：原本无，据下文补。

视。药须地道，照方炮制，秤准，惟产后禁服。

难产 当归三钱 川芎一钱五分
煎，冲黄酒，每送二丸。

警醒产后落胎打胎保命格言

世说产后，伤筋动骨，一百念日，勿可通房，信斯言也。犯者诸药无效，轻则长病，两月犯成痲，重则短命，一月犯不幸，嗟乎惜哉！产后未犯，虽症危险，犹可回生。家传丸丹，立见奇功，即经年外，可保无虞。

愚谓医治产后，落胎打胎，服补寒涩，必死无疑，戒之，慎之。此症无论寒暑，虚实冷热，腹痛泻痢，呕恶一切，不必诊脉，方无增减，顺存达亡，屡试屡验，保其家室，以终余年，信无谬矣。姑以煎方附后，诀曰：焦延炮当桃赤丹泽红川，青桂香桃肉两个五剂安，古书不轨，逸之惜乎，好事者附载薄书，攸久无疆，遍传四方，超生无量。

焦山楂四钱 延胡索打碎，一钱 炮姜炭一钱
当归身一钱五分 赤芍一钱五分 桃仁泥二钱 紫
丹参二钱 泽兰二钱 红花一钱 川芎一钱五分

细青皮一钱 安桂心七分 香附三钱 濮桃肉二个
五剂安

忌补寒涩要略

生炙熟地,黄芪,炙甘草,炒当归,人参,党参,洋参,天麦冬,阿胶,枣仁,犀角,羚羊角,生军,黄连,鲜生地,鲜石斛,金银花,花粉,连翘,夏枯草,炒丹皮,黄芩,薄荷,知母,葛根,寒水石,石膏,竹叶,芦根,五味子,煅牡蛎,乌梅,萸肉,白芍。信受奉行生者众矣。

同治七年戊辰四月既望时年八十锡山薛应嵩识^①

^① 原本书末有“妇人科……”诸文字,与前文重复。又有“邓荷元……”诸文字,非黄氏治案,且过简,均已删。